




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.567



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.507



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CMAGL 2.6.567

PROPHETIA
APOCALYPTICA
S. JOANNIS APOSTOLI

Accuratè, breviter, & clarè
EXPLANATA:

*Mundo precipitante ad exitum, prout ex multorum;
qua hic prophetata sunt, impletione colligere licebit.*

HUMILI INTERPRETE
HENRICO KIRCHER
EX SOCIETATE JESU.


OPUS

*Nequaquam solis Theologis,
Sed omni homine Christiano,
Prout S. Joannes omnibus scripsit,
Dignum lectu, curiosum,
jucundum cognitu, ac
facile intellectu.*

Catalogum rerum, quæ prophetantur, opportuniùs
dabimus in fine.

Omnia submittendo S. Catholicæ Ecclesiæ.

COLONIÆ AGRIPPINÆ,
Apud PETRUM ALSTORFF, Anno salutis 1676.
Cum Privilegio Sacrae Cæsareæ Majestatis.




REVERENDISSIMO ET ILLUSTRISSIMO
DOMINO, D.

OPICIO PALLAVICINO
ARCHIEPISCOPO EPHESINO

SS^{mi} D. N. CLEMENTIS PP. X.

PRÆLATO DOMESTICO ET ASSISTENTI,
ejusdemque ac S. Sedis Apostolicæ ad tractum Rheni,
& alias Inferioris Germaniæ Partes, cum potestate
Legati de Latere Nuntio. Domino suo
humillimâ observantiâ colendo.

REVERENDISSIME AC ILLUSTRISSIME DOMINE, D.



*U*nquam inter omnes S. Scripturæ libros, unanimiti interpretum omnium consensione, nullus reperitur eo sublimior, obscurior atque difficilior, qui ab ipso autore suo S. Ioanne Propheta, simulque Apostolo & Evangelista, Apocalypsis IESU Christi inscribitur, tum ob Symbolorum atque enigmatum involucra, quibus nucleus veritatis convestitur, tum ob mysteriorum altitudinem, in qua humanâ licet humilitate, ut inquit S. Cyrillus præfat. in Evangelium S. Ioannis, author provehitur, instar altivolantis Aquilæ:

Attamen (quod non leve est Patris luminum, luminisque de lumine in Ecclesiam orthodoxam influxus argumentum) nullo unquam præteritorum seculorum defuerunt scriptores pii atque eruditi, uti Pererius notat, & Cornelius in Prolegomenis demonstrat, qui Opus hoc immensæ difficultatis (quo nomine Apocalypsin indigitat Pannonius Abbas in præfatione) forti constantique animo aggredierentur, qui mare hoc magnum procellis & tempestatibus plenum, in quo omnis humana sapientia devoratur (ut verbis Riberæ nostri utar in proæmio) carinâ licet fragili, non infeliciter tamen navigarent.

Hos inter uti ætate postremus, ita virtutis doctrinæque opinione fortassis non infimus, emersit hoc seculo decimo septimo, qui hoc anno in lucem prodit R. P. HENRICUS KIRCHERUS Societatis JESU

D E D I C A T I O.

Theologus, & hujus Novesienſis Collegii Inquilinus, perſpicacis vir inge-
nii, fide memoria, limati judicii, indefeſſi ſtudii ac laboris, quibus non tan-
tum ſex linguarum præter maternam, nimirum, Latina, Græca, Hebraica,
Italica, Hiſpanica, Gallicaque promptam expeditamque peritiâ, ſed va-
riam quoque multarum ſcientiarum cognitionem ſibi comparavit. Qui-
bus inſtructus cum multos in provinciâ labores præclare exantlaſſet, ſu-
periorum voluntate in Septentrionem proſectus, in diverſis ſtationibus, ac
demum in ipſa Dania Metropoli, omnes viri Apoſtolici partes, inter gra-
viſſimas difficultates explevit, utque cæcas illas gentes ad verâ fidei revo-
caret lucem, librum, cui Stella ſeptentrionalis nomen imponere placuit,
magno multorum bono gaudioque emiſit.

Præter hunc hoc nobis præſens Opus, à ſe perfectum limatumque par-
tis ante mortem ſeptimanis, tamquam propediem parentis ſui ſollicitudi-
ne orbandum factum commendavit, in quo **PROPHETIAM APO-
CALYPTICAM** accuratè, breviter, ac clarè explanare inſtituit.

Quod utrum conſecutus ſit, Tuo potiſſimum ſapientiſſimo judicio Reve-
rendiſſime & Illuſtriſſime Domine relinquendum putavit, cujus Illu-
ſtriſſimo nomine libri hujus frontem inſigniri unicè deſideravit, relicto
nobis vice ultimarum tabularum brevi ſchediaſmate, quo proſitetur
ſe incredibili illa humanitate ac benevolentia tuâ, quâ ex miſſione Da-
nica ante triennium reducem, cum ſupra dicto libro, excipere dignata fue-
rat Celfitudo tua, captum, hoc Opus paulò magis arduum, ad ejuſdem pe-
des deponere decreviſſe, eâ ſpe fretum, quòd à Gentilitie & ſacræ etiam
dignitatis Tuae radiis, non parùm lucis, per omnes Nuntiaturæ Tuae Pro-
vincias eſſet accepturum.

Quam poſtremam viri ſapientis voluntatem intervertere nec debui-
mus, nec volumus nos ejus executores, quibus jam pridem erat in votis,
extare ad poſteros exiguum ſaltem aliquod monumentum demiſſiſſimæ
obſervantiæ noſtræ erga Reverendiſſimam & Illuſtriſſ. Celfitud. Tuam,
que ſexcentas optimæ erga Provinciâ univerſam, & noſtrum quoque
Collegium & verè paternæ voluntatis ſignificationes jam pridem dare
dignata eſt.

Nec poterat aptius cadere, quàm ut hoc ſeſe Opus enim in finem offerret.
quidem magis conſentaneum Reverendiſſ. ac Illuſt. Domine, quàm
ejus libri, qui ſeptem Aſiæ Angelis, id eſt ſeptem Eccleſiarum, interque
eas Epheſinæ, Prælatiſ, ab ipſo authore olim inſcribens eſt, ut patet ex cap. 1.

v. 4.

D E D I C A T I O.

v. 4. Apocal. explanacionem ei humillimâ veneratione dedicare, quem S. Timothei primi Ecclesiæ Ephesinæ Angeli, dignissimum successorem merito agnoscimus & veneramur: in cuius moribus priscam: vrèque Angelicam SS. Prasulum innocentiam atque integritatē expressam suspicimus & admiramur: in cuius Celsissimo munere Angelorum officia bono nostro Germani experimur, quos, dum Ephesios tuos per Barbarorum tyrannidem non potes, purgas, illuminas, perficis, non verbis tantum, sapientissimisque, utpote ab oraculo Romano acceptis consiliis, sed, quod ad imitationem efficacius est, opere ipso, dum Christi, pro quo legatione fungeris, non personam tantum exhibes, verum etiam figuram formamque exprimis?

2. Cor. 5.

Ast jam ad hoc laudum tuarum compendium Reverendissime & Illustriss. Domine erubescit modestia tua. nihil ergo ultra adjicimus; sed nostro & defuncti recenter Authoris nomine precamur humillimè Reverendiss. ac Illustrissimam Celsitud. Tuam, ut hunc orbatum nuperrimè parente suo partum, matris, id est, Collegii hujus nostri manibus humillimè oblatum, atque ad pedes Celsitud. Tuae depositum, ne repellas, sed eum in tutelam, defensionemque tuam suscipere digneris. Patere Reverendissime & Illustriss. Domine radiantem nominis tui Illustrissimi Clypeum in lucem primum egredienti pratendi, ut majori splendore egressus plurium ad se lectorum oculos animosque convertat. Suscipe denique Rever. & Illustriss. Domine hoc levidense observantia erga tuam Celsitud. nostra, gratique animi anathema, quod ad illum sapientie justitieque tue thronum, in quo tanquam divina voluntatis interpres & Nuntius resides, si pateris, L. M. suspendimus: Provinciamque hanc nostram, atque Collegium perge ut facis hætenus, tuo favore tueri, ardore ad Apostolicos in septentrione labores accendere, sapientiâ dirigere, nos vicissim manemus, si aptos judicas,

REVM & ILLUSTRISSIMÆ CELSITUDINIS TUÆ

Obsequentissimum Collegium Novesienſe
Societatis JESU.

PRIVI-

PRIVILEGIUM CÆSAREUM
ET FACULTAS R. P. PROVINCIALIS
Societatis JESU ad Rhenum inferiorem.

Cum Sacræ Cæsareæ Majestatis decreto, omnibus & singulis Typographis & Bibliopolis, ac aliis quacunque librariam negotiationem exercentibus seriò prohibeatur, ne quisquam ullos libros à Societatis Jesu Patribus hæcenus editos, vel impofterum edendos, intra Sacri Romani Imperii, Regnorum & Dominiorum suæ Cæsareæ Majestatis Hæreditariorum fines, simili vel alio characteris genere, aut formâ, siue in toto, siue in parte recudere, vel aliò recudendos mittere, aut alibi etiam impressos adducere, vendere & distrahere, clam seu palam citra consensum, & testimonium supradictorum Patrum audeat, vel præsumat: potestate ad id mihi factâ à R. P. Nostro P. JOANNE PAULO OLIVA Societatis Jesu Præposito Generali, Ego THEODORUS BOTE ejusdem Societatis Jesu, per provinciam Rheni inferioris præpositus Provincialis, PETRO ALSTORFF Typographo & Civi Colonienfis facultatem concedo, excudendi librum, cui Titulus, PROPHETIA APOCALYPTICA S. Joannis Apostoli accuratè, breviter, & clarè explanata, à R. P. HENRICO KIRCHER Societatis nostræ Theologo conscriptum, atque à deputatis ad id patribus revisum & approbatum. In quorum fidem hoc ei Testimonium manu propriâ subscriptum, & Sigillo nostro munitum dedi. Coloniae Anno 1676. 20. die Februarii.

L.S.

Theodorus Bote mp.

PROLO-

PROLEGOMENON.

§. I.

De Utilitate explanandi Apocalypsin.

Dolen-
dum, ne,
gligi ex-
plana-
tionem.

SI fletat multum S. Joannes, ut dicitur in Capite quinto, propterea, quod Volumen Revelationum Divinarum, scriptum intus & foris, dignum sanè lectu, signatum Sigillis septem, quod Volumen est præcipuum objectum Apocalypseos, nemo posset aperire neque respicere, v. 3. & 4.

Certè dolendum, quod post tot elapsa sæcula & tot res gestas, quarum necesse est non paucas neque parvas in Apocalypsi prædictas contineri, consenscente mundo, adhuc illa jaceat sine studio singulari & curâ eam legendi atque intelligendi.

Non est
putandū
esse im-
possibi-
lem.

Non audio eos qui dicunt impossibilem explicatu: hi mihi videntur nomen evertere huic Libro inditum Revelationis: siquidem, ne impositio nominis ejusmodi & ejus inscriptio ad Ecclesias frustra sint, non est dicenda excedere caput & studium humanum, pium illud & invocato Deo ut par est ad sacras Scripturas.

Audio potius, tam in aditu Apocalypseos, quàm in exitu, monentem DEUM, ut verba Prophetiæ hujus legantur, ut audiantur, & ut custodiantur, cum appromissione Beatitudinis; cap. 1. v. 3. & cap. 22. v. 7.

Nam ex recentioribus Auctoribus qui postremi commentati sunt in Apocalypsin, quidam profectò insignes ad laudem, tam multa scripserunt & præclare in cæteras Scripturas, ut in hujus accuratam interpretationem non iis vacaverit singulariter incumbere: sed ad summum collegerunt opiniones variorum, & de iis judicium tulerunt; quibus nec ipsi met videas acquiescere, contentos deinde effundi in locos communes & concionatorios. Equidem, in SS. veterum Patrum vestigiis, explicationem brevem molior & claram: atque in exponendo servabo illam methodum quam mox afferam in §. 3. Omnia DEI, & post illum DEI paræ ac S. Joannis scriptoris, aspiciunt me Lectoris, &que adjuvantium.

Quorū-
dam in-
terpreta-
tio non
satisfa-
cit.

Quod si olim sua fuerit utilitas legendæ & expendendæ Apocalypseos juxta ea quæ citavimus verbis illius in ingressu & in fine: quantò major erit non jam dicam utilitas sed necessitas ejus intelligendæ & observandæ, ad quos post amplius sesquimillenos Christi annos censendum est pertinere multa & præcipua rerum gestarum: quæ hoc ipso quod acciderint, & verò acciderint Ecclesiis & in Asia, non est dubitandum, quin fuerint in hoc libro Prophetico præsignata. Hæc si eruantur

Utilitas
post tot
sæcula.

A

tur

tur ex Apocalypsi & inveniantur divinitus prædicta, conducent ad fines præcellentes & ad motus animorum præstantissimos: videlicet

Quinq;
utilitates
in anima
Lectoris.

1. Ad agnoscendam Providentiam Dei & Agni, decernentem aut permittentem omnes, in suo pondere numero & mensura, quæcunque infestent ærumnæ Sponsam Agni Ecclesiam: & adorandum procidendo cum Senioribus & Animalibus, inter acclamantia millia millium Angelorum.

2. Ad æmulandam constantiam majorum nostrorum, qui tanta subierunt pro Christo, & in Libro Vitæ descripti nos excitât suos posteros ad perseverandû cû eo in adversis: prout etiâ perseveraturi sunt Christiani heroës in Antichristi severissimâ persecutione.

3. Ad præmuniendum animum contra impendentem nostris sæculis tentationem, ac mala novissima, quibus tanquam aurum in fornace polientur Electi, & palea reprobæ exuretur. Quæsi minus fortè contingant nostrâ ætate, proderit meditatio Apocalypseos ad nôsmet sanctè confundēdos, quando parvæ tribulationi succumbimus.

4. Ad exultandum in Deo, per gratiarum actionem illi, ac dilectionem; tûm verò etiam per spem porro in eodem: futurum enim, ut Ecclesiam & in ea suos electos custodiat, & faciat cum tentatione proventum; eo indubitatissimo eventu, ut quantocunque amplius premetur illa palma, fortius erigatur.

5. Ad concipiendum sanctum contemptum hujus mundi, cujus consummationi certum est nos appropinquare

post tot sæcula. Utpotè positos (ut conabimur ostendere) jam sub Væ primo de tribus: quorum secundum Væ erit tantummodò annorum trium & dimidii, de Væ tertio autem constat quod sit consummatio mundi & adventus Judicis, ut habetur libri Apocalypseos cap. xi. Ex reliqua Apocalypsi videbimus nos positos sub Bestia priore, neque expectari nisi alteram Bestiam Antichristum cum suo Regno, qui faciat potestatem prioris Bestiæ & Imaginem ei addat. Ut ut est, certissimum est ex Apocalypsi, propè abesse à nostris temporibus finem sæculi & breve Antichristi regnum. quo fit, ut magis jam sit necesse dicere illud S. Justin Martyris, in dialogo cum Tryphone, de Antichristo, ejusque tempore; *ἡ ἐκ τῶν θύρας*, id est, jam proforibus assistit: & illud S. Jacobi Apostoli cap. 5. v. 9. *Ecce Judex ante januam.*

De hoc contemptu sæculi & expectatione Judicis valeat in animis nostris admonitio S. Petri, epist. 2. cap. 3. *Cum igitur hæc omnia dissolvenda sint, quales oportet vos esse in sanctis conversationibus & pietatibus, expectantes & properantes in adventum dñi Domini, per quem Cæli ardentes solventur & elementa ignis ardore tabescent!*

Age, pius Lector, priusquam pergat ad cætera, eliciat hos quinque affectus: adorationis & acclamationis: magnanimitatis & perseverantiæ: præmunitionis simul & demissionis sui: exultationis & fiduciæ in Deo super omnia dilecto ac fideli: neglectus mundi citò perituri: & expectationis Domini advenientis.

§. 2.

S. II.

De Argumento : de phrasi: & de partitione totius
Apocalypseos.

1. **A**pocalypsin, ut inter Scripturas Canonicas Novi Testamenti, rectè describeris Prophetiam Ecclesiasticam.

Prophetat de periculis Ecclesie, & de præmio Beatitudinis. *Argumentum* ejus est, tempora præ-nunciare militantis Ecclesie, id est, pericula ei præostendere, spiritualia præsertim, & persecutiones spirituales ab exordio prædicationis Evangelicæ, usque in finem mundi & statum Beatitudinis in quo triumphet. Ita de Apocalypsi sentit magnus Doctor Augustinus lib. 20. de Civ. c. 8. *per totum hoc tempus, inquit, quod Liber iste completur, à primo scilicet adventu Christi, usque in sæculi finem.* Non igitur materia Libri Apocalypseos sola, etsi est de præcipuis, illud breve tempus quod est Antichristi: sed in tota Apocalypsi continetur totus status ac tempus Ecclesie; inde à Christo usque ad Judicium, in quo transitus fiet ad statum æternitatis aut Beatæ, aut reprobæ.

Tota, inde à primis Capitibus, est Prophetia.

Quomodo autem statim ab exordio Libri omnia sint Prophetica, declarabitur postea: & consentit id quod in frontispicio legitur positum divinitus v. 1. DEDIT ILI DEUS PALAM FACERE SERVIS SUI QUÆ OPORTET FIERI CITO. Unde & S. Hieronymus meminit futurorum; lib. 1. contra Jovin. cap. 9.

scripsit Apocalypsin, ait, infinita futurorum mysteria continentem.

Quod si Joannes ab initio Ecclesie & de sua coràm ætate aliquid adducat, id ipsum eatenus est propheticum, quod intelligatur habere suos progressus & augmentum per reliqua sæcula: quo sensu dicitur cap. 1. v. 19. QUÆ SUNT ET QUÆ OPORTET FIERI POST HÆC. Quem admodum est e. c. mysterium Equorum illorum de quibus cap. 6. in quo contra Equum album, rufus & niger, tum & pallidus intelliguntur per sua intervalla invalescere, furere denuò, nec penitus desinere usque ad ultimum tempus mundi.

2. *Phrasis* seu stylus scriptionis Apocalypsicæ est Hieroglyphicus rerum futurarum; pellucens in signis idoneis, arduis, & ad vivum præsignificantibus. Cum enim omnes Prophetas maximè deceat locutio allegorica, ut dicit S. Chrysostomus hom. 10. in Matth. laudans Isaiam qui hæc ipsa, inquit, *per allegoricam significaverunt figuram, quod certè genus loquendi maximè Prophetas decet*: tum verò si talis sit allegoria, quæ per hieroglyphica rerum repræsentet eas ob oculos (subobscure quidem, quod est Prophetarum & mysteriographorum: etenim qui

Stylus altissimè Propheticus.

A 2

legit,

4
legit, intelligat) is est modus proponendi, qui & antequam res percipiatur, totum excuscat animum ad attentionem: & in percipiendo facit ex auditore spectatorem: & rem perceptam imprimis tenacius memoriae. Estque sublimissimus stylus prophetandi res arcanas, quæ duo simul præconia, & arcanum & sublime, huic descriptioni tribuit S. Dionysius Areop. l. de Eccl. Hierarch. cap. 3. dum eam vocat *arcanam & mysticam omnino Visionem dilecti Discipuli, divinamque Domini Jesu & altissimam Theologiam.*

Hæc methodus scribendi Prophetiam, postulat 1. Lectorem modestum, & ut S. Augustinus solet appellare imitem, ac donum in eo requirit Pietatis: qui assentiatur & laudet ea quæ intelligit, atque ea quæ non intelligit. multò potius quàm Socrates Philosophus, ut de illo narrat Aristoteles, factitabat in legendo libro Heracliti, cui cognomen *σκοτεινός*, id est obscurus: *laudo* (inquit) *quæ intelligo, laudo etiam quæ non intelligo.* Postulat deinde Lectorem navum ac virum desideriorum, qui adhibeat sedulam disquisitionem verborum & interpretando flagitationem divini auxilii non sanè sine suo labore ac relectione identidem eorum, quæ non statim intelliguntur. Quod nonnunquam etiam de hac nostra explicatione volumus intelligi: si quando brevis in scribendo, cui studerimus, officiet luminis claritatis, & postulat in Lectore lumen ingenii quo adjuvetur, & motum quæ comparet.

3. Partiendo Apocalypsin secundum ordinem quem Joannes servavit in scribendo; dividi debet in duas partes, quarum utralibet constet Capitibus undecim. Et quoniam S. Joannes postquam dixit se fuisse in spiritu cap. i. v. 10. identidem utitur vocabulo VIDI, non immerito distingui utraque potest in Visiones Propheticas. quarum duæ præcedunt aperturam illius divini Libri (de quo cap. 5.) declarationi divinæ Præscientiæ de temporibus Ecclesiæ. Harum prima est, in Cap. 1. illustris apparitio Christi & dictatio Epistolarum per duo sequentia Capita: altera, in Cap. 4. & 5. sessio in Throno, cum Libro qui datur Agno aperiendus. Reliquæ comitantur refectionem ipsam, ordine per septem Sigilla; quorum singulis detegitur pars Libri: juxta quem numerum Sigillorum etiam series Visionum in divino Libro rectè dicitur esse septem Visionum, quarum aliæ breviores, aliæ longiores. nam breviter quatuor primarum videri possunt supplere duæ illæ proximales quæ ad illum aperiendum videndumque disponunt & referuntur. Demum illo Dei Libro sic viso per partes, ac toto devorato, finitur Pars 1. Apocalypseos, simul cum sono Tubæ septimæ quæ est ad Judicium.

Similiter quod etiam Altera pars Apocalypseos subdividi possit in suas Visiones, dicitur, Deo favente, initio secundæ Partis.

* * *

§. III.

De methodo explicandi quam servabimus.

Explicaturus applicet eventa præterita.

Prinçipio; modus explicandi Prophetas in genere, non est alius ordinatus quam expectare eventura & applicare eventa. Ita SS. Patres ea pauca, quæ suâ arte ceperant experiri, applicaverunt: Unde non est mirum quod iidem SS. Patres non plenius exposuerint quæ tunc necdum contigerant, eaque posterionibus temporibus explicanda reliquerint. prout fitetur S. Irenæus l. 4. ad. hæres. c. 4. in illud Dan. 2. signa librum. *Omnis enim, inquit, Prophetia, priusquam habeat effectum, ænigmata & ambiguitates sunt hominibus: cum autem venerit tempus & eveniat quod prophetatum est, tunc prophetæ habent liquidam & certam expositionem.* Ergo memoria repetenda sunt ea quæ maximi momenti in Ecclesia compertum est accidisse: involuta enim sunt in Apocalypsi & pro attentog, studio evolvenda.

Habent ob oculos modum quomodo in Apocalypsi quædam explicantur.

Deinde; in hac particulari Prophetia Apocalypica exponendâ respiciendum est ad eum modum, quem tenuit Auctor Apocalypsis in illis, quæ ipsemet explicata inseruit ac nobis præiit ad erigenda, æque cætera. Sensit ac monuit hoc S. Augustinus lib. 20. de Civ. cap. 17. *In hoc quidem Libro, cuius no-*

men est Apocalypsis, obscurè multa dicuntur, ut mentem legentis exerceant: & PAUCA in eos sunt, ex quorum manifestatione indagentur cætera cum labore. Comparatè ad multa quæ obscura relinquantur, dixit manifestationem factam esse paucorum. Tale est illud Cap. 1. v. 20: septem stellas, esse 7. Angelos seu Episcopos: 7. Candelabra, septem Ecclesias & Cap. 6. v. 6. Cornua 7. & oculos Agni, esse septem spiritus Dei. Cap. 17. v. 8. 7. Capita, esse montes & Reges 7. & plura ejusmodi. Ex qua interpretatione manifestè docemur, hujus Libri non esse illud gæmum sentum, neque literalem appellandum, qui in primo cortice literæ apparet, sed eum, qui includitur in litera intus nuclei, Ecclesiasticum, & arcanum. Non proinde, exempli gratia, quatuor Equi, de quibus in Cap. 6. accipiendi sunt pro naturalibus equis: non ea, quæ de septem tubis in Cap. 8. & 9. interpretanda de naturali combustione tertie partis terrarum, & interitu tertie partis navium, de casu stellæ materialis, & obscuratio- ne Cæli, veris locustis &c. præterquam ubi de Judicio agitur extremo; in quo constat esse propriè intelligen-

A 3

dum

dum quod dicitur de Filio hominis venturo in nube, de novissima tuba Angeli, de signis & conflagratione atque everfione mundi.

Id quod etiam verum est in ipsis Epistolis, Capite 2. & 3. quia simili sunt phrasi dictata: non esse illic sumenda pro materiali significato, Lignum paradisi, Manna, Stellam matutinam, & cetera ejusmodi: ut per se patet Lectori.

Pervetus scriptor & magnæ estimationis in antiqua Ecclesia, sanctus Ephrem, lib. de pœnitentia, in redarguendo errore Millenariorum (ex Apocalypsis Capite 20. versibus 4. 5. & 6.) hoc ponit fundamentum sanæ sententiæ: *Si cuncta*, inquit, (hoc est, suppono quod cuncta) *per parabolam & anigma locutus est in Apocalypsi Joannes*. Urgentibus literam mille annorum instat: *Et ego abs te Candelabrum & Calculum candidum, & potionem tepidam repetam*. regerit *Mulierem esse Civitatem &c.* quæ cuncta symbolica. Et S. Hieronymus epist. 48. ad Marcellam de Libro Apocalypseos scribens: *Cum omnis*, inquit, *iste liber spiritualiter intelligendus sit*.

Advertat ad Prophetias veteres quæ subiudicantur.

Tertio, simul ad explicationem conducit attendere, ad quos se refert hæc Prophetia Libros aut sententias aliorum Prophetarum Veteris Testamenti; quibus utique censenda est consensire: præsertim Danielis, nec non Ezechielis; atque ipsius Christi, Matth. 24. de consummatione Mundi & dissolutione finali: quibus adde etiam

Paulum ad Thessalonicenses de Antichristo.

Quarto; non est negandum neque obliviscendum, quod unius vocis aut signi plures esse possint sensus si eruantur. ita, ut in expositione hujus maxime Libri valeat illa regula S. Augustini de Scriptura universa: quod in quolibet sensu atque interpretatione congruâ, modò ne contrarietur orthodoxæ fidei, benè accipiantur ea quæ dicuntur in Scripturis: tanquam Spiritu sancto copiosè plura simul proferente. Citabo verba S. Augustini, quia fuus hoc docet, ad finem hujus §. (a)

Quod si citra periculum utamur illa Regula in aliis Scripturis explicandis: quanto magis in Apocalypsi; quæ abditissima est omnium Scripturarum & fecundissima plurimum sensuum? de qua S. Hieronymus epist. 103. ad Paulinum: *Apocalypsis*, inquit, *Joannis tot habet Sacramenta quot verba: parum dixi &c. in verbis singulis multiplices latent intelligentia*.

Quinto; denique in iis, quæ necdum acciderunt, futuris novissimis, juvandi procul dubio sumus communiti consensu veterum Patrum, & traditione ac sensu Ecclesiæ: nihil ut asseratur quod his fuerit contrarium.

Observandum pro hoc §. nos agere de explicatione & sensu literali Apocalypseos quem profitemur velle adducere, & dicimus esse passim oportere significatum mysticum, ut in hieroglyphicis vel parabolicis. Nam sicut hoc

Si periculo est sensus multiplex.

De futuris nihil præsentatur quod repugnet consensui SS. Patrum & traditioni. Notandum nos hoc

agere de hoc omni est voci commune, ut sit
sensu li- significativa ejus quod concepit, & rei
terali. quam enantiat is cujus est vox ita scrip-
tionis per hieroglyphica vel per sym-
bola, sicut & locutionis omnis para-
bolice, hoc est peculiare; quod con-
ceptus & res quæ significantur, non
sint significatio propria ipsius vocis aut
signi, sed metaphorica. Ut quando
dicit Scriptura, Brachium Dei, sensus
literals non est id quod propriè signi-
ficat Brachium, sed id quod per Bra-
chium representatur, id est Virtus ope-
rativa. Vel, ex Apocalypsi septem
Candelabra; non est sensus literals id
quod significatur propriè per vocem
Candelabrum, sed id quod significatur
figurare, quod explicat esse Ecclesias.
Ita S. Thomas i. p. q. i. a. 10. ubi, cum
distingueret à literali tres alios sensus spi-
ritales; docet de sensu parabolico, quod
sub literali contineatur. nam per voces,
inquit (ad tertium) significatur aliquid
propriè & aliquid figurativè: nec est lite-
ralis sensus ipsa figura, sed quod est figura-
tum: & adducit exemplum de Brachio

Et posse modò commemoratum. Quod verò
literales etiam diximus, & valdè cupimus ob-
sensus servari, plures esse posse sensus ejusdem
esse plu- Scripturæ aut vocis: intelligi similiter

volimus de sensu literali: quod videli-
cet Spiritus S. qui est auctor sacre Scri-
pturæ possit plura simul per & ad lite-
ram intendisse. quæ est doctrina S.
Thomæ h. c. in Corp. quæ verò, inquit,
sensus literalis est is, quem Auctor inten-
dit. Auctor autem sacra Scriptura Deus
est, qui omnia simul suo intellectu compre-
hendit, non est inconcinnus, ut dicit Au-
gustinus, si enim secundum LITERA-
LEM sensum in una litera sacra Scriptu-
ra plures sint sensus.

Unde quod S. Hieronymus paulò
antè citatus dixit, Apocalypsin esse spi-
ritualiter intelligendam, tantundè est,
ac dixisse, quod sensus Apocalypseos &
expositio literalis debeat esse de rebus
spiritualibus. sicut & nos si quid forte
dixerimus allegoricè accipiendum in
hoc Libro, nolumus talem esse sensum
allegoricum Apocalypseos: sed alle-
goriam esse sensum ejus literalem. A-
liud est enim dicere, Scriptura illa est
de rebus spiritualibus: & aliud, ille est
spiritualis sensus illius Scripturæ, is què
S. Thomas distinguit contra literalem;
nempe allegoricus, moralis, & anago-
gicus; qui supponunt sensum literalem
& super hunc fundantur.

res si-
mul.

- (a) S. Aug. lib. xi. de Civ. cap. 19. *Divini sermonis obscuritas etiam ad hoc sit uti-*
lis, quod plures sententias veritatis parum & in lucem notitia producit: dum alius enim
sic, alius sic intelligit: sive ad id quoque perveniatur quod sensit ille qui scri-
pse: sive id quidem lateat, sed EX OCCASIONE TRACTAN-
DÆ PROFUNDÆ OBSCURITATIS alia quadam vera di-
cuntur.

Et

Et lib. 3. de doctr. Christiana cap. 27. *Quando autem ex eisdem Scripturae verbis non unum aliquid sed duo vel plura sentiuntur, etiamsi lateat quid senserit ille qui scripserit, NIHIL PERICULI EST.* (addit: dummodò sententia, quam de verbis illis exsculpis, recte si lei non refragetur) *Ille quippe Auctor, inquit, in eisdem verbis quæ intelligere volumus, & ipsam sententiam forsitan vidit: & certè Spiritus qui per eum hæc operatus est, etiam ipsam occursum Lectori vel Auditori sine dubitatione prævidit; imò ut occurreret, quia & ipsa est veritate submixta, providit. Num quid in divinis eloquiis largius & uberius potuit divinitus provideri, quam ut eadem verba pluribus intelligantur modis: &c.*



APO-

APOCALYPSEOS

PARS PRIMA.

Series seu distributio Capitum primæ Partis.

Proœ-
mium.

Capite 1. ponuntur hæc tria: Titulus & commendatio Apocalypseos: Dedicatio ejusdem ad Ecclesias Asiæ: & proœmialis illustris Visio Christi in medio Ecclesiarum.

Episto-
læ.

Secundum Caput & tertium constant 7. Epistolis: quas eodem Christo dictante Joannes excipit, inscriptas Episcopis illarum Ecclesiarum.

Visio
Throni;
& Libri
divini
obsigna-
ti.

Capite 4. & 5. describitur altera Visio, adhuc prævia Visionibus Libri divini, & præparatoria: nempe de sedente in Throno, & de Libro quem ex dextera ejus Agnus accipit.

Septem
figilla: &
totidem
Visio-
nes.

Capite 6. & sequentibus quinque, cernitur aperiri & evolvi Liber DEI: & ut erat unaquæque pars Libri clausa suo sigillo, sequuntur ordine septem in illo Visiones.

Harum septima, quæ incipit *Capite 8.* interposito aliquo silentio & incensatione, maximè est formidanda Visio 7. Angelorum cum totidem Tubis:

Quarum cantus pertingit usque ad exitum *Capitis undecimi*; in quo septima Tuba canitur, Judicii extremi.

B

Et

Finis Li-
bri divi-
ni.

Devora-
tur, ru-
minan-
dus ut
iterum
prophe-
tetur.

Et hunc esse finem Libri divini (non tantum Sigillo-
rum, ut quidam ingenio suo sibi excogitaverunt, nul-
lonixum fundamento in Apocalypsi) patet ex eo,
quod, ut erat apertus usque ad umbilicum & explica-
tus ac perspectus, datur devorandus Joanni. Mone-
tur is, ut ea, quæ viderat, secum exactius ruminata pro-
phetet iterum & inculcet sub schemate aliarum Visio-
num, de quibus in 2. parte Apocalypseos: ac nomina-
tim ea quæ ruditer viderat ad Tubam quinti & sexti
Angeli. Hi duo cecinerant duo *Væ*: quorum secun-
do, quia continetur coarctatio & angustia Ecclesiæ,
tempore Antichristi regnantis, ideo *Capite undecimo* de-
vorator Libri jubetur metiri Ecclesiam ejus temporis,
& instruitur de duobus Testibus eam defensoris & am-
plificaturis.

Finis Vi-
sionum
I. partis.

Nam ad cantum septimi Angeli, quod est *Væ* ter-
tium reproborum, & superveniet citò illi secundo, *con-*
summabitur mysterium DEI (prout jurejurando asserabatur
cap. 10. v. 7. CUM primum COEPERIT TUBA CA-
NERE septimus Angelus) & erit (inquit cap. x1. v. 18.)
TEMPUS Judicii MORTUORUM ET MERCEDIS
Sanctorum.

Hactenus series I. Partis Apocalypseos.

TRACTA-

TRACTATUS I.

IN DIMIDIUM CAPITIS I. APOCALYPSEOS.

Dividamus hoc Caput in duas partes : quarum prima est Præfatio Joannis : altera est Visio proœmialis. Prima illarum partium est ab initio Capitis ad versum usque duodecesimum.

VERBA APOCALYPSEOS.

(Capit. i. Versu i.) *Apocalypsis IESV Christi, quam dedit illi DEVS, palam facere servis suis, qua oportet fieri citò : & significavit, mittens, per Angelum suum servo suo Ioanni, (v. 2.) qui testimonium perhibuit, verbo DEI, & testimonium IESV Christi quacunque vidit. (v. 3.) Beatus qui legit & audit verba prophetia huius : & servat ea, qua in ea scripta sunt : tempus enim propè est (v. 4.) Ioannes septem Ecclesiis, qua sunt in Asia. Gratia vobis & pax ab eo, qui est, & qui erat, & qui venturus est ; & à septem spiritibus, qui in conspectu throni eius sunt ; (v. 5.) & à IESV Christo, qui est testis fidelis, primogenitus mortuorum, & princeps regum terræ : qui dilexit nos, & lavit nos à peccatis nostris, in sanguine suo, (v. 6.) & fecit nos regnum & sacerdotes Deo & Patri suo : ipsi gloria & imperium in sæcula sæculorum : Amen. (v. 7.) Ecce venit cum nubibus, & videbit eum omnis oculus, & qui eum pupugunt. Et plangent se super eum omnes tribus terræ : Etiam : Amen. (v. 8.) Ego sum a & u, principium & finis, dicit Dominus Deus, qui est, & qui erat, & qui venturus est, omnipotens. (v. 9.) Ego Ioannes frater vester, & particeps in tribulatione, & regno, & patientia in Christo IESV, fui in insula, qua appellatur Patmos, propter verbum DEI, & testimonium IESV : (v. 10.) Fui in spiritu in Dominica die, & audi vi, post me vocem magnam tamquam tubæ, (v. 11.) dicentis : Quod vides, scribe in libro : & mitte septem Ecclesiis, qua sunt in Asia, Epheso, & Smyrna, & Pergamo, & Thyatira, & Sardis, & Philadelphia, & Laodicia.*

§. I.

Præfatio Joannis.

Primi tres Versus habent Titulum: Auctorem: materiam: authoritatem: & utilitatem Libri.

- Titulus. 1. **T**itulus, linguâ originali scriptoris, est Apocalypsis: id est revelatio tecta. nam τὸ ἀποκαλύπτειν habet significationes duas; quarum primaria est revelare, altera regere: ita ut sit Revelatio sed arcanis tecta hieroglyphicis.
- Auctor. 2. **A**uctor est JESUS CHRISTUS: qui accepit eam, tanquam VERBUM quod procedit à Patre, & ab illo accipit omnia. *Interveniens*, Angelus mittitur ad Joannem, ut significet esse scribendam Apocalypsin: nam & inter scribendum aderit ministerium Angelorum suis signis res repræsentantium.
- Scriptor, qui & prædicator verbi quod audit, & rerum quas vidit, est S. Joannes, manu & linguâ totus calamus atque *instrumentum* Scribæ velociter scribentis; ejus qui Scriptor *principalis* est Spiritus sanctus, Digitus Dei.
3. **Materia**: digniora præcognitu Materia. pro servis Christi, quæ oportet fieri citò.
4. **Authoritas**, testimonium JESU CHRISTI. Autho-
ritas.
5. **Utilitas**: quod lectio & auditio conducant ad Beatitudinem: ut diximus in Prolegomeno, §. 1. Utilitas.

§. II.

Dedicatio.

Constat his tribus: **Versus 4. & seqq. usque ad duodecimum** habent Dedicationem Ecclesiis quæ sunt in Asia. Continet Dedicatio tria: salutationem: attestationem: subscriptionem.

1. **appreciatione salutis.** **S**alutatio constat appreciatione gratiæ, ut in Novo Testamento; & Pacis, quâ formulâ omnis benedictio significatur in Scriptura. Fit hæc appreciatio ab eodem illo qui & significasse dictus est (v. 1.) & mittere Apocalypsin suam: is est JESUS CHRISTUS. & fit ab illo bifariam, prout in una ejus eademque Persona considerantur duæ formæ distinctæ (sic eas appellat Apostolus Phil. 2. v. 6. & 7.) altera Dei, in qua in principio est Bifariam
ab eodẽ
JESU
Christo:
VER-

Primò,
ut in for-
ma Dei
Angelo-
rum.

VERBUM: & altera servi, quam assump-
sit in similitudinem hominum fa-
ctus. Secundum has enim Formas di-
stinguenda esse, quæ à Christo, vel de
Christo dicuntur, multis exemplis o-
stendit ex Evangelio S. Augustinus lib.
1. de TRIN. cap. 11. & 14. *Iste* (inquit
cap. 11.) *Regula intelligendum Scri-
pturam de Filio DEI, ut distinguamus
quid in eis sonet secundum formam DEI,
in qua æqualis est Patri: & quid secun-
dum formam servi, quam accepit, in qua
minor est Pater.* Hoc loquendi modo
ac regulâ distinguendi, prima pars Sa-
lutationis est secundum formam DEI:
cujus essentiale nomen QUI EST
(Exod. 3. v. 14.) ET QUI sicut in prin-
cipio ERAT, ita & is, QUI in fine
temporum VENTURUS EST;
quod postremum attributum manife-
stè probat Joannem loqui de Persona
Christi: cujus adventus magnopere
conducit ad scopum hujus Libri Apo-
calypseos, & ad potestatem pertinet,
quam habet ut Deus est. prout præ-
clarè docet S. Augustinus l. 1. cap. 13.
*Secundum id, inquit, quod Deus est,
iudicat, hoc est, ex potestate divina, non
humana. nam quod in forma hominis
apparebit, ideo est (quem sensum ha-
bet quod dicitur Joan. 5. v. 27.) ut pos-
sit & ab impiis videri: oportet enim ut
sit in iudicio conspicuus & bonis &
malis. Quapropter, ait Augustinus,
Filius hominis iudicaturus est, nec tamen
ex humana potestate, sed ex ea, quâ Filius
DEI est. Cujus adventus erit, & ipse
dixit Luc. 9. v. 26. In Majestate sua &
Parris & sanctorum Angelorum, qui
etiam ex hoc capite aptè conjunguntur*

cum adventuro ad iudicium. Nempe Quorū
(ita pergit Apocalypsis) illo salutante
conmutant vos Ecclesias Hierarchiæ
Angelorum, & quæ eas inter excellunt
SEPTEM Principes: quibus cura est
commissa & expeditio revelationum.

Hi sunt illi septem, quos Filius DEI
dignatur non inare Cornua (cap. 6.
v. 6.) & oculis Capitis sui, quod est
Divinitas: cui proinde hîc subnectun-
tur ut instrumenta. Clarissimè S. Scri-
ptura Tob. 12. v. 15. *Ego enim sum Ra-
phael Angelus, unus ex septem qui astan-
mus ante Dominum.* quod allegat S.
Cyprianus lib. 1. contra Judæos: *An-
geli septem, ait, qui assistunt & conver-
santur ante faciem DEI, sicut Raphael
Angelus in Tobia dicit.* Et prior Cy-
priano S. Clemens Alexandr. l. 6. Sto-
matum: *Septem quidem sunt, ait, quo-
rum est maxima potentia, primogeniti
Angelorum Principes.* Hi sunt Præ-
sides constituti Ecclesiarum, & admi-
nistri decretorum divinatorum, quos ad-
hibet assiduè IN CONSPECTU
THRONI sui; nam ejus faciem di-
vinam semper vident: quibus etiam
utitur, & mutui in negotio Gubernatio-
nis in omnem terram, cap. 5. v. 6. qui si-
militer cernuntur stantes in conspectu
DEI, cap. 8. v. 2. & datæ illis 7. Tubæ:
& cap. 15. v. 7. phialæ septem in illo ne-
gotio.

Altera pars Salutationis est secun- Deinde,
dum formam servi ab eadem Persona ut in for-
JESU CHRISTI assumptam: huic enim ma mi-
conveniunt omnia quæ commemo- norati
rantur. Secundum hanc est primus ab An- gelis.
apud homines TESTIS FIDELIS &
locuples, qui testimonium reddidit fidum

B 3

sub

sub Pontio Pilato, bonam confessionem 1. Tim. 6. v. 13. PRIMOGENITUS MORTUORUM, exemplar in martyrio & resurrectione: Secundum hanc habet femur, & in illo scriptum *Principatum* REGUM TERRÆ: Secundum hanc SANGUINE SUO LAVIT NOS: & ut est Sacerdos ac Mediator, suā pro nobis interpellatione FECIT NOS REGNUM, ET SACERDOTES DEO ET PATRI; id quod Petrus breviter dixit ep. 1. c. 2. v. 9. *Regale Sacerdotium*: & S. Aug. lib. 20. de Civ. cap. 10. *Omnes Sacerdotes, quoniam membra sunt unius Sacerdotis*. Quantum ad hanc Formam, est minor Angelis factus, ut cecinit Propheta, psal. 8. v. 6. & ut loquitur Apostolus (Hebr. 2. v. 9.) *modico quam Angeli minoratus*: ac procul dubio, ut loquitur ex eodem Apostolo Augustinus lib. 1. de Trin. cap. 7. *Minor est seipso supra: hoc est enim dicere, semetipsum exinanivit Formam servi accipiens* propter servos quos redimeret.

Summa totius Salutationis completur hæc tria: 1. VOBIS, inquit Joannes, redemptis GRATIA ET PAX ab illo, qui secundum Formam DEI est naturaliter major Angelis: secundum autem Formam servi, in qua vos redemit, minoratus est ab illis propter vos, quos cupit meminisse tanti beneficii & exinanitionis. 2. Inter hæc, Confalutatio à septem Spiritibus, & administratio vestri, quam stipulantur 7. Ecclesii DEI. 3. IPSI Redemptori vestro GLORIA ET IMPERIUM in vos æternum.

Salutationi subjungit *attestationem*, de Christo palam apparituro in NUBIBUS: Cujus qui diligunt adventum, dicunt ETIAM; quæ vox est firmissimè credentium, græcè *ὦ*: & AMEN; quod est insuper optantium: non sine planctu adversariorum, QUI EUM PUPUGERUNT.

Claudatur Dedicatio per prosopopœiam Christi; tanquam qui subscribit Dedicatoni aut ratam habet, principalis Auctor: v. 8. EGO SUM ET *α* Libri, VERBUM cui æternum est esse; qui sum OMNIPOTENS tā ad faciendum ea quæ prædixero, quam ad vertendum ad salutem iis qui me habent pro principio & pro fine suo.

Sequitur versu 9. & 2. sequentibus: *Locus* scriptionis: & dies: & mandatum scribendi:

Locus est PATMOS, insula una Sporadum in mari Asiatico: veluti specula, ex qua septem circumspicit Ecclesias: exitum Joannis, in quo PARTICEPS est TRIBULATIONIS, quæ infertur à Domitiano; ET REGNI cœlestis, cujus mercede, ET PATIENTIÆ Christianæ, quā sustinet unā vobiscum ut FRATER VESTER, ut prædicator Verbi DEI, & ut testis JESU. Addit, se fuisse illi *in servitium*: quod etiam repetit Apoc. 21. v. 10. id est, tota ei revelatio facta est per spirituales imagines, quæ occurrerunt oculis mentis. *Illa quippe Visio Prophetica* (ita de Apocalypsi S. Augustinus lib. 3. de Trin. cap. 6.) *non est exhibita oculis corporeis per formas corporum, sed in spiritu per figuratas imagines corporum.*

2. Attestatione adventus futuri.

3. Clausulā dedicationis velut subscriptæ manu Christi.

Datum per Joannem: Loco:

Dies

Die: Dies ecclaseos ejus fuit Dominica ; sancta. circiter annum Christi nonagesimum septimum: annis quinque & viginti post Hierosolymam excisam: quadriennio ante suum obitum: bienio autequam scriberet Evangelium.

Justu: Mandatum accipit: VOCEM MAGNAM, & POST se; quia de

rebus magnis, & velut à tergo jam imminetibus: TANQUAM TUBÆ, quæ militantium aures meritò excitet ac perstrepat: scribendi hanc Apocalypsin & mutendi septem Ecclesiis quæ sunt in Asia; quas nominatim audit enumerari.

Ad singulas 7. Ecclesias rum.

§. III.

Cur ad 7. Ecclesias: & eas quæ in Asia.

Univer-
sa erudi-
tur Ec-
clesia.

1. AD septem Ecclesias scribitur: Eò quòd harum septenario (qui numerus est absolutissimus in S. Scripturis) universa possit ac debeat accipi Ecclesia per totum orbem: ut rectè S. Chrysostomus: S. Augustinus: S. Gregorius. Et generatim loquendo, septenarius numerus multum est familiaris huic Apocalypsi, sicut & alius Scripturis ac figuris: de quo SS. Patres passim, quòd significet Universalitatem. prout S. Gregorius hom. 33. in Evang. quia enim 7. diebus omne tempus comprehenditur, rectè septenario numero Universalitas designatur. & ante eum Augustinus lib. 17. de Civ. cap. 4. agnoscens, inquit, septenarium numerum, quo est universa Ecclesia significata perfectio, propter quod & Joannes Apostolus ad 7. scribit Ecclesias: eo modo se ostendens ad unius plenitudinem scribere. In promptu est ratio: Spiritus enim Jesu Christi sic dicat quibusdam Ecclesiis, ut omnibus: Mar. 13. v. 37. quod autem vobis dico, omnibus dico.

2. Simul eo numero insinuat, Ecclesia universali sanctum assistere Spiritum septem donorum, quem necesse est requiescere super totum Christi corpus, quod est Ecclesia: ex vaticinio Isaac cap. 11. v. 2. & 3. Et quia fieri potest, ut particularis quæcunque Ecclesia alio magis quam alio abundet horum 7. charismatum, idèd hæc parænesis earum, hæc instructio, hæc revelatio dedicatur ipsis septem.

3. Jam verò quòd ex nominatim Ecclesiæ enumerantur QUÆ SUNT IN ASIA, & ad illas jubetur scribi mittique: magna prophetandi vis inest huic dedicationi: juxta id quod innuimus in prolegom. §. 2. totam ab initio Apocalypsin esse prophetiam. Prorsus, sicut Irenæus dixit lib. 4. Adv. hæc. cap. 38. NIHIL hic vacuum neque sine signo apud eum. neque enim vacat mysterio planè magno, quòd nominibus suis appellantur singillatim Asiaticæ: prepterea quòd præcipua, quæ prædicantur in Apocalypsi, sumpserint initium

Et ad-
mone-
tur as-
sistentis
Spiritus
septiformis.

Sed præ-
cipue ca-
vetur
Asia.

Ubi A-
postola-
tus Joann.

nis &
hæc scri-
ptio.

initium in Asia; & illic potissimum ge-
renda prænuntientur; & sumptura
sint finem in Asia: cujus proinde se-

ptem Ecclesiis, id est omnibus quæ
in ea sunt or dis parte, præ cæteris cave-
tur pe: Apo tolum Asiæ & dedicatur.

TRACTATUS II.

IN RELIQUA CAPITIS I.

VERBA APOCALYPSEOS.

(Versu 12.) *Et conversus sum, ut viderem vocem qua loquebatur
mecum: Et conversus vidi septem candelabra aurea: (v. 13.) & in me-
dio septem candelabrorum aureorum similem filio hominis, vestitum
podere, & præcinctum ad mamillas zona aurea: (v. 14.) caput autem
ejus & capilli erant candidi tamquam lana alba, & tamquam nix, &
& oculi ejus tamquam flamma ignis: (v. 15.) & pedes ejus similes au-
richalco, sicut in camino ardenti, & vox illius tamquam vox aquarum
multarum: (v. 16.) & habebat in dextera sua stellas septem: & de ore
ejus gladius utraque parte acutus exibat: & facies ejus sicut sol lucet in
virtute sua. (v. 17.) Et cum vidissem eum, cecidi ad pedes ejus tam-
quam mortuus. Et posuit dexteram suam super me, dicens: Noli
timere: ego sum primus, & novissimus; (v. 18.) & virus, & fui
mortuus; & ecce sum vivens in sæcula sæculorum, & habeo cla-
ves mortis, & inferni. (v. 19.) Scribe ergo quæ vidisti, & quæ
sunt, & quæ oportet fieri post hæc. (v. 20.) Sacramentum septem
stellarum, quas vidisti in dextera mea, & septem candelabra aurea:
septem stellæ, Angeli sunt septem Ecclesiarum: & candelabra septem,
septem Ecclesie sunt.*

§. I.

Visio proœmialis.

Non est putandum Apparitio-
nem hanc temerè factam esse
in tali effigie & non in qualibet
alia. Christus est qui apparet, formati

indutus & Ideam se ostendens Antisti-
tis: ut est summus *Episcopus animarum*
(1. Pet. 2. v. 25.) & *Princeps Pastorum*
(cap. 5. v. 4.)

II. IN

Insignia
Episco-
palia:
Christi,
summi
Sacer-
dotis.

1. IN MEDIO CANDELABRORUM, id est Ecclesiarum luculentum in hoc Mundo, velut in caliginoso loco cuius tenebras dissipant: & AUREORUM, quia coram Deo simul in pretio sunt & in probatione tanquam aurum. Est autem Christus medium seu centrum illarum, ex quo & Ipse regit omnes Ecclesias, & in Ipsum omnes debent collineare. Sic & Episcopus quisque in medio sit suæ Ecclesiæ, Cleri, & plebis: ut is, cui omnium sit cura, & ad quem omnium oculi.

2. SIMILIS FILIO HOMINIS. Qui cum in forma Dei esset, sponte se exinanivit (Philipp. 2. v. 6. & 7.) *formam servi* accipiens in similitudinem hominum factus, per omnia similis excepto peccato. Sic qui pascunt gregem DEI, provideant ei spontaneè secundum DEUM (1. Pet. 5. v. 2. & 3.) neque ut dominantes in Cleris, sed *forma facti gregis ex animo*: quanto excellentiores officio, tanto suâ sponte demissiores.

3. VESTITUS PODERE. quia Sacerdotio summo præditus: quod significat *ποδῆρες*, sic dicta quod sit tunica *talari* (Exod. 28. v. 33. quæ propria erat summi Sacerdotis, cum esset aliorum sacerdotum tunica brevior *usque ad crura* ut scribit S. Hieron. ad Fabiolam ep. 128. Sic Episcopum totum decet atque ornat vestis Religionis erga DEUM & cultum divinum: & ad hunc exerceendum sit accinctus promptitudine velut Zona, de qua sequitur.

4. PRÆCINCTUS AD MA-

MILLAS: alteram Misericordiæ & dulcedinis, quâ lætat ut mater, blandiendo: alteram Veritatis & disciplinæ quâ ablaetat ut pater, corrigendo. Utriusque alternatio ad educationem spectat filiorum quos sacerdos generat DEO. hoc suum pectus & viscera sui cordis accincta habet quilibet. sacerdos ZONA byssinâ: id est, promptitudinem habet sanctam ac simplicem in porrigendis uberibus: at Summi Sacerdotis, cum qua hîc se Christus ostendit, propria est AUREA, hoc est auro undique intertextâ purissimo, charitate præcellentiore. Sic erant Paulo Episcopo (parturienti, Gal. 4. v. 19. & gignenti 1. Cor. 4. v. 15.) sic cuilibet alteri Episcopo sint hæc mammillæ Christi: circa quas & ex toto suo pectore sentiat se urgeri Zonâ aureâ, illâ de qua 2. Cor. 5. v. 14. *Charitas Christi urget nos*.

5. CAPITE ET CAPILLIS CANDIDIS: id est, sapientiâ & maturitate consiliorum: quæ cum emineant in Christo, provocat suo exemplo Episcopos. Sic enim decent eos *canisensus*; & hæc *etas senectutis* eorum, *vitâ immaculata*, Sap. 4. v. 8. & 9. quorum caput sit TANQUAM LANA ALBA sine ulla tincturâ simulationis: in capillis verò maturitas cogitationum candorq; in suadendo reniteat TANQUAM NIX.

6. OCULI EJUS TANQUAM FLAMMA IGNIS: perspicaces ad pervidendum, & efficaces ad permovendum cum illuminatione & inflammatione divini amoris, quem spirat intuitu & afflat quacunque circumspicit.

C

Sis

Sic Episcopus à Christo constitutus ne circumferat oculos animales seu terrenos, sed qui obvios quosque accendunt cœlesti igne, quem præferat vel solo aspectu oculorum.

7. PEDES EJUS, affectus quibus movetur anima, firmi per constantiam, SIMILES AURICHALCO, id est æri probatissimo; quod SICUT IN CAMINO ARDENTI, in fornace passionis aut tentationis amplius resplendet. *Sic* Episcopus speciosis pedibus, quorum similitudo sit aurichalci ardentis, (quod constat instar esse gemmæ carbunculi) progrediatur & luceat in periculis, affectu animæ nunquam fracto, fortis & constans per adversa quæ occurrunt.

8. VOX ILLIUS, seu doctrina, TANQUAM VOX AQUARUM MULTARUM: quod ipsum Ezechiel cap. 43. v. 2. de gloria DEI Israël agebat, *Vox erat ei quasi vox aquarum multarum.* In voce, spectatur unitas: in aquis, confluxus gentium: in strepitu aquarum, multitudini impressus impetus timoris divini. *Sic* est vox Episcopi, prædicatio verbi DEI (*præcipuum Episcoporum munus*; ut ait Concilium Tridentinum sess. 5. cap. 2. & sess. 24. cap. 4.) in qua voce unitas doctrinæ orthodoxæ: assiduitas Auditorum confluentium: commotio animorum; *Verba*, ut ait S. Gregor. l. 19. mor. cap. 5. *terribilia de venturo Iudicio, sonantes procella.*

9. ET HABEBAT IN DEXTERA SUA Christus ipse summus

Episcopus, in illa manu quâ dirigit omnia circa suos electos, STELLAS SEPTEM, id est Angelos Ecclesiarum de quibus infra v. 20: tanquam suos Suffraganeos & Vicarios: *dexter Deus*, inquit S. August. in psal. 7. *id est favens atque propitius.* *Sic* Episcopi habeant in dextera suos illos, & Clerum & adjuutores: faveant, dirigant, adjuvent.

10. DE ORE EJUS GLADIUS UTRAQUE PARTE ACUTUS. is est *sermo* DEI Christi (ad Hebr. 4. v. 12.) *efficax & penetrabilior omni alio gladio ancipiti, & peritiosus usque ad divisionem animæ ac spiritus.* *Sic* ubi in ore Episcopali fuerit auctoritas & peritia sermonis DEI, & (sicut fuit in ore Præfulum Ecclesiæ antiquorum) is usus Scripturarum quo potens sit exhortari, exeret se instar gladii ancipitis; tùm ad tuendam fidem rectam in sua Ecclesia, tùm ad amputandos errores: insuper & effiacis, qui penetret usque ad dividendum spirituale in moribus populi, procul eo, quod est animale.

11. ET FACIES EJUS, conversatio ex qua dignoscitur & præsentia radiorum ejus, splendida SICUT SOL, qui communicat lucem stellis cæteris & mundo: *Sol* enim est Christus, qui solus *lucet* IN VIRTUTE SUA primigenia, Lux mundi, & dispellit omnem potestatem tenebrarum. *Sic* & ad imitationem Christi, esse debet facies, id est præsentia & conversatio uniuscujusque Episcopi aut Prælati: cujus lux sit in vir-

virtute sua intus, ut præluceat valeat
foris.

Arche-

Talis igitur est Christi Episcopatus:

& tale se hinc visendum sistit exemplar, typon
ac speculum suorum Episcoporum Episco-
quos habet in Ecclesiis. pale.

§. II.

Adoratio per Joannem. (v. 17. Sc.)

Adora-
tio la-
triæ.

1. **A**pparuisse Christum; vel
(quod eodem recidit) Ange-
lum, qui apparuit, gessisse personam
ipsiusmet Christi, manifestum est ex
eo quod Joannes adoraverit nec pro-
hibitus fuerit. cum aliàs quando non
uno in loco existimavit Christum si-
militer apparere, inhibitus sit ab An-
gelo, ne, quam hinc exhibuit, exhibe-
ret latrariam. Itaque sæpè in Scriptu-
ris *Angelus*, inquit Augustinus lib. 3.
de TRIN. cap. 11. *Domini dicitur*
quare? nisi quia per Angelum Do-
minus.

Verba
Christi
ad Joan-
nem.

2. Cecidit enim AD PEDES E-
JUS, & adoravit eum timore velut
exanimis. Cui Christus, IMPO-
SITA DEXTERA SUPER eum
protectionis ergò & confortationis,
absterfo timore: EGO SUM, ait, PRI-
MUS ET NOVISSIMUS; sic di-
ctus Isai. 41. 4. & cap. 44. 5. & cap.
48. 12. Ego auctor & ego consumma-
tor rerum fidei (Heb. 12. 2.) in quem
est aspiciendum cum fiducia. qui
cum sim DEUS semper VIVUS, FUI
naturâ tenus humanâ MORTUUS,

ET ECCE secundum eandem na-
turam immortali vitâ fruor æternum.
Penes quem ut liberatorem totius ge-
neris humani, sunt CLAVES id est po-
testas MORTIS, quam cohibui ne
sit animabus electis mortifera dein-
ceps, ET INFERNI quem claudio
& coëiceo.

3. Jubet proinde Joannem scribe-
re: QUÆ jam VIDISTI, ait, ET
ea QUÆ SUNT, de præsentis statu
Ecclesiarum, de quo incipiam tibi di-
ctare ac revelare: & quod est argu-
mentum totius Libri, ea QUÆ O-
PORTET FIERI POST HÆC;
id est ea quæ in posterum Ecclesia-
rum tempus infallibiliter sunt futura.
ubi vox oportet adducit necessitatem
vel absolutam, quando id quod
prædicatur est ex decreto DEI; vel
ex hypothesi, quando prædictio est
culpæ seu peccati; etiam hoc enim
infallibiliter prævidetur, sed in exer-
citio ipso liberi arbitrii huma-
ni præsupposito.

Jussio
scriben-
di.

* * *

§. III.

Explicatio quâ Christus prævit. (v. 20.)

INitium explicationis fecit Christus: qui dum exponit Sacramentum, (græcè τὸ μυστήριον) stellarum & candelaborum, suggerit modum & dat specimen explicandi cætera: ostendit enim esse Myſteria: simul indicat quod omnia hujus Libri referenda ſint ad Episcopos & Eccleſias quibus prænuntiantur eventura.

Signifi-
catio
Stellarũ.

1. SEPTEM STELLÆ, inquit, ANGELI SUNT SEPTEM ECCLESIARUM: id eſt, Episcopos. ſicut Stellæ, ſic Prælaturæ excelsæ, ſic officio & actione, ſic exemplo; ſuper omnia longè ſublunaria: cœleſti ſpecie, fulgore, & influxu præditi: digni quos ferat Chriſtus in vola manus ſuæ, quos oſtendat indice DEXTERA ſua, & efferat ac figat in Cœlo ſuo, futuros (Dan. 12. v. 3.) *quæſi ſtella in perpetuas æternitates.*

Reſpicitur enim ad locum Danielis citatum: & ad Baruch. 3. v. 34. & 35. *Stella autem dederunt lumen in cuſtodiis ſuis, & latata ſunt: vocata ſunt* (ex privato lumine, ex ſuis cuſtodiis; in lucem publicam Vocatione divinâ) *& luxerunt ei cum jucunditate qui ſecum illas Episcopos.*

Signifi-
catio
Candelaborũ.

2. CANDELABRA SEPTEM, ait, SEPTEM ECCLESIÆ SUNT. In his Candelabris reſpicitur ad figuram quæ in Tabernaculo veteris Legis præceſſerat, in quo erat *Candela-*

brum de auro mundiffimo, & in eo lucerne ſeptem (Exod. 25. v. 31. & 37.) & ad viſionem Zachariæ (cap. 4. v. 2.) *Vidi, & ecce Candelabrum aureum totum & ſeptem lucerna ſuper illud.* in quibus etiam Prophetæ verbis Scriptores Eccleſiaſtici, teſte S. Hieronymo in l. c. *Candelabrum aureum de auro puriſſimo Eccleſiam intelligunt.*

Dicuntur CANDELABRA: propter lucernam Spiritus ſancti ſeptiformis. quam Chriſtus accendens (Luc. 8. 16.) *ſupra candelabrum ponit, ut intrantes videant lumen.*

Dicuntur AUREA: tùm ob pretium doctrinæ & Sacramentorum; tùm ob probationem virtutis & ob charitatem; de qua S. Hieronymus l. c. *Eccleſia aurea eſt Charitate & doctrinâ cœleſti.*

3. Non eſt prætermittenda appellatio ANGELI quam dat Episcopo. **Nomen Angeli:** in qua reſpicitur ad Malachiam cap. 2. v. 7. *labia enim Sacerdotis* (hic per excellentiam, quod græcè dicitur *ἱερέων*, eſt Episcopus) *cuſtodient ſcientiam, & legem requirent ex ore ejus, quia Angelus Domini exercituum eſt.* Cuſtodient, inquit S. Hieron. ſcientiam ut loquantur in ſuo tempore dentque conſervis cibaria in tempore ſuo.

Ac primùm Angelicæ eſt dignitatis quod eſt Præfectura Eccleſiæ: nam & de illis dignitatibus ſcribens S. Clemens Ale-
andr.

Functi-
onis:

Vitæ:

Hierar-
chiæ.

xandr. (lib. 6. Strom.) *per gentes*, ait, & *crevitates sunt distributa Angelorum præsfectura*. Deinde Angelicæ est functionis custodire scientiam legis & annuntiare in Ecclesiis, quod est esse & pro Christo (2. Cor. 5. v. 20.) *Legatione fungi*. Unde S. Hieron. in Malach. 2. *Angelus autem, id est nuntius, Sacerdos DEI verissimè dicitur, quia DEI & hominum sequester est, eiusque ad populum nuntiat voluntatem*. S. Ambr. lib. de initiandis cap. 2. *Sacerdos est Angelus qui Regnum Christi & vitam æternam annuntiat*. Jam illud quàm Angelicæ est vitæ: se Episcopum profiteri: esse Angelum aliorum in terris (Matth. 18. v. 10.) simul & videre faciem Patris per obtutum in divina! Meritò S. Chrysostomus lib. 3. de sacerdotio: *aspicitur Sacerdotis dignitatem: agitur in terra, sed officium cœlestibus negotiis continetur*. Accedit hoc proprium esse Angelorum superiorum, quod tradit S. Dion. Areop. de cœl. Hier. cap. 4.

atque ex illo Patres ac Doctores: ut illuminent non tantum homines sed & inferiores Angelos: sic Episcoporum est proprium, ut non solum cæteris de plebe, sed etiam sacerdotibus & Clero impertiant luminis augmentum. Denique, ut ex hoc loco Apocalypseos constat, Ordinem Episcoporum habet Christus pro sua Hierarchia Angelica, & nomen iis imponit Angelorum!

Refert inter Episcopos ut sint Angeli boni, quibus cordi & curæ sit præesse & custodire Ecclesias. Pudet Christum Angeli prævaricatoris, dominatoris in Clero, dissipatoris in Ecclesia, & scandali sub nomine & conditione Angelica. De huiusmodi additur statim, post id quod citavimus, in Malachia, v. 8. *Vos autem (vos Sacerdotes, v. 1.) recessistis de via & scandalizastis plurimos de lege: propter quod (inquit v. 9.) & Ego dedi vos contemptibiles, &c.*

TRACTATUS III.

IN CAPUT II. ET III. GENERATIM.

Caput 1. & 2. sunt Epistolæ septem dictatæ à Christo ad Episcopos. Distinguamus analysin earum in Tractatus breves quatuor: quorum primus sit de illis generarim seu communiter.

§. I.

Analysis Epistolarum in genere.

E Pistolis his omnibus hoc est commune, quod constent partibus tribus: exordio; quod est titulus illius qui mittit Epistolam: narratione; cuique Ecclesiæ consentaneâ: cautione; quæ postrema partim fit comminando, partim promittendo.

Partes Epistolæ.

1. *Exordium* uniuscuiusque Epistolæ fundatur in Apparitione seu Visione præcedente. ex hac enim desumitur Titulus quem dicimus esse instar exordii, & repræsentat Episcopo qualem se debeat illi suæ Ecclesiæ præbere.

Narratio est de statu præsentis suæ Ecclesiæ, quam accepit sibi commissam;

Minæ vel promissæ sunt *Peroratio* seu epilogus Epistolæ. Ubi semper illa formula promissioni annexa est: *qui vicerit*; videlicet legitime in certami-

ne contra adversa & adversaria Ecclesiarum animarumque quæ sunt vincenda.

2. Tres illæ partes epistolares habent inter se connexionem eximiam: quæ consistit in eo, ut exordium & epilogus congruant narrationi de talis Ecclesiæ statu. qui trium consensus ad exactam structuram Epistolæ pertinet.

3. Epistolæ omnes habent circa finem hoc epiphonema his iisdem verbis: **QUI** habet aurem, audiat quid Spiritus dicat Ecclesiis. per quod datur intelligi; quod scribitur Episcopo, scribi totis Ecclesiis: eò quod personam Episcopus gerat suæ Ecclesiæ, cui est præpositus (Hebr. 13. v. 17. & rationem pro ea redditurus.

Conne-
xio par-
tium in
omni E-
pistola.

Clausula
commu-
nis.

§. II.

Epistolæ diversæ pro diversitate Episcoporum.

E piscopi unâ cum suis Ecclesiis possunt septifariam se habere: quorum sicut diversa est applicatio ad gubernandam Ecclesiam, & dispositio ac status suæ Ecclesiæ diversus, ita prophetatur eorum non idem exitus. & est Revelatio de toto statu Ecclesiarum mixto reprobis: in particulari autem ostendit Aliæ Eccle-

sias grandi egere præcautione, ut dicemus §. sequente.

Episcopus ordine admonitionis primus, est qui cum labore aggreditur Episcopatum, & patientiam impendit, ac vigorem servat doctrinæ incorruptæ: sed opus & charitas prima remiserunt. quod est reprehensionem.

Secundus, cui & doctrina simul & **Cōstans**
vir-

Remis-
sio in be-
nè cœ-
ptis.

profes-
tus in
tentati-
one.

Hæreti-
corum
mixture.

Sedu-
ctionis
impuni-
tas.

Functi-
ones ex-

virtus cum tolerantia omnium perse-
cutionum sibi constant. quod est laudi.

Tertius cujus Ecclesia sic est ortho-
doxa, ut hæreticos habeat mixtos, quos
non laborat convertere. servat qui-
dem igitur ipse fidem cum suis; sed ne-
gligit adducere alios, & sedem everte-
re Satanæ, doctrinam scandalii. quod
est reprehensioni.

Quartus, ex humano respectu aut
consideratione dissimulat seductionem
in verbo, vel dissolutionem in disci-
plina. & hoc ferè per mulieres con-
tingit: de illis S. Hieronymus, quod
pleræq; Hæresiarcharum insidiæ, mu-
lierum operâ profecerint. hoc non cor-
rigere, est reprehensioni.

Quintus exterius videtur fungi of-
ficio Episcopali, & opinione hominum

satisfacit; sed functiones illius non sunt
plenæ coram Deo, quoniam carent
spiritu & vitâ: id est, quia non conjun-
git exteriori officio vigilantiam & Ze-
lum internum; unde necessariò fit ut
ipso incurio moribunda multa vergant
ad interitum. quod est reprehensioni.

Sextus, penes quem viget observa-
tio doctrinæ ac virtutis, & imprimis
zelus educendi errantes. quod est lau-
di. Huic promittit aperire ostium con-
versionis aliorum, & ipsummet serva-
re à tentatione.

Septimus, cui merus est tepor: ubi
inopia spiritus Episcopalis, & cæcitas
intelligentiæ ad docendum, ac nuditas
ab operibus. quod est reprehensioni,
adeò ut Christo vomitum cieat talis
Episcopus.

terna;
sine spi-
ritu.

Zelus
pro viri-
bus: &
præser-
vatio di-
vinitus.

Tepor.

Ex his septem Epistolis digito Dei scriptis convincitur verum esse id quod S.
Chrysostomus in Act. Apost. *paucos ex Episcopis salvari*. quo metu Pius V. san-
ctus, nostrâ propemodum ætate, cum eligeretur, expallescens ait: *Ego quam-
diu fui Religiosus, bene speravi de mea salute: factus Cardinalis coepi timere: iam
creatus Pontifex penè de ea despero*. Prò! tales Episcopi contremuerunt. Quid
ergo ii de quibus S. Cyprianus ser. de lapsis: *Episcopi plurimi, quos & hortamen-
to esse oportet ceteris & exemplo, divinâ procuracione contemptâ, procuratores re-
rum secularium fieri &c!* Quid verò ii de quibus S. Bernardus ser. 35. in Cant,
*honorati incedunt de bonis Domini, qui Domino honorem non deferunt: inde is,
qui quotidie videtur, meretricius nitor, histrionicus habuus, regius apparatus &c.
pro huiusmodi esse volunt Ecclesiarum Præpositi, Decani, Archidiaconi, Episcopi,
& Archiepiscopi!* Hæc Bernardus. Contra hos est æternum illud Væ per
Ezechielem cap. 34. v. 2. *Hæc dicit Dominus Deus; Væ pastoribus Israel, qui
pascébant semetipsos.*

S. III.

Simul paranetica sunt, & prophetica.

PRæmonitio per Epistolas datas ad & Ecclesias, continet parænesin simul
Aliam, hoc est ad ejus Episcopos & prophetiam.

I. In-

Paræne-
sis pro-
phetica.

1. Inculcat enim & cavet: Episco-
po & Ecclesiæ primæ, charitatem pri-
mam non relinquere: sin, fore ut mo-
veatur Candelabrum. (at reliquit hor-
rendè per schisma!)

Ecclesiæ secundæ, esse fidelē in carcere
& in tribulatione usque ad mortem:
dabo tibi, inquit, coronam vitæ. (non-
nulli Asiaticorum perstiterunt in fide.)

Ecclesiæ tertiæ, pœnitere & impen-
dere se convertendis hæreticis: sin, ei se
venturum citò.

Ecclesiæ quartæ, obistere seductori-
bus: præmunire cæteros, ut, id quod
habent, retineant usque in finem.

Ecclesiæ quintæ, surgere à mortuis: re-
minisci quo pacto acceperit & audierit,
ac vigilare: sin, veniam ad te, ait, tan-
quàm fur: commendat vestimenta pu-
ra, & de libro vitæ suadet nolle deleri.

Ecclesiæ sextæ, videtur reliquias præ-
dicere sinceræ Catholicæ: eorum qui
modicâ licet potentiâ, superiores eva-
dent falsis fratribus, charitatem serva-
turi & liberi à communi tentatione.
favet nomen Philadelphicæ Ecclesiæ,
quod indicat amorem atque observan-
tiam fraternam. Veruntamen præca-
vet etiam hîc: tene quod habes, ne co-
rona transferatur in alium.

Ecclesiæ septimæ teporē exprobrat &
nauseam quam movet Christo. Horta-
tur æmulari amantem, & idèò arguen-
tem miseriam; ac per pœnitentiam ape-
rire pulsanti Dēo.

Cautela
prophe-
tica.

2. Quod tam patheticè compellet
unamquamq; Ecclesiarum sigillatim:
QUI HABET aurē, audiat quid Spi-
ritus dicat Ecclesiis; quid aliud est quàm

prædictio periculi Ecclesiis, his Asiæ
præsertim? utique perseverantiam se
requirere illarum, & defectioni futu-
ræ cavere.

Demum de victoriâ finali, septies
facta repetitio verborum, Vincenti, aut
QUI VICERIT, quid est aliud quàm
luculenta prædictio; in his certamini-
bus, verè Olympicis, non defuturos
esse orbi athletas qui vincant extrema
pericula, & contra quos diabolus
quàmlibet tandem solutus, non præ-
valeat?

3. Accedit quòd Epistolæ illæ om-
nes sunt prophetice phrasibus turgidæ
passim: de motione candelabri: de li-
gno paradisi: de diebus decem: de co-
rona: de morte secunda: de Nicolaitis
qui soli nominantur, & Antipa teste fi-
deli; sub quibus intelliguntur etiam
cæteri, & latet prophetia de hæresi ar-
chis multis ac martyribus: de pugna
in gladio oris sui: de manna & calculo:
de lecto Jezabeli præparato: de virga
ferrea, & stella matutina, dandis: de
vestimentis albis, & libro vitæ: de mo-
dica virtute: de Judæis iis qui non sunt:
de alio qui accipiet coronam: de co-
lumna & nominibus inscribendis: de
evomitione, de emptione, de indu-
mento, de collyrio, de pulsu ad ostium,
de cœna mutua & sessione. Ipse nume-
rus septenarius Ecclesiarum Asiæ; &
laus vix paucarum unius atque alterius
è septem (secundæ & mediocriter sex-
tæ.) & quidem cum appendice caute-
læ ad utramque istarum: &c. quan-
tam prophetiæ Apocalypticæ
conferunt energiam!

Phrasibus
emphati-
ca.

TRACTA-

TRACTATUS IV.

ANALYSIS PRIMARUM TRIUM EPISTOLARUM.

Verba singularum præmittemus singulis deinceps §§^{is}.

VERBA APOCALYPSEOS.

(Cap. 2. Vers. 1.) *Angelo EPHESI Ecclesia scribe: Hac dicit, qui tenet septem stellas in dextera sua, qui ambulat in medio septem candelabrorum aureorum: (v. 2.) Scio opera tua, & laborem, & patientiam tuam, & quia non potes sustinere malos: & tentasti eos, qui se dicunt Apostolos esse, & non sunt: & invenisti eos mendaces: (v. 3.) & patientiam habes, & sustinuisti propter nomen meum, & non defecisti. (v. 4.) Sed habeo adversum te, quod charitatem tuam primam reliquisti. (v. 5.) Memor esto itaque unde excideris: & age penitentiam, & prima opera fac. sin autem, venio tibi, & movebo candelabrum tuum de loco suo, nisi penitentiam egeris. (v. 6.) Sed hoc habes, quia odisti facta Nicolaitarum, quæ & ego odi. (v. 7.) Qui habet aurem, audiat quid Spiritus dicat Ecclesiis: Vincenti dabo edere de ligno vitæ, quod est in Paradiso Dei mei.*

§. I.

Epistola prima.

Diximus in Tractatu præcedente, distingui Episcopos in 7. genera: & Ecclesias cum ipsis; *sicut populus, sic Sacerdos*, Isa. 24. 2. porro tribus partibus constare singulas Epistolas, iisque aptis inter se.

Para-
phrasis
Epistolæ
primæ.

1. **A**D Episcopum, qui cum sua Ecclesia est de primo genere, scribitur hoc *Exordium*. STELLAS IN DEXTERA SUA, QUI AMBULAT IN MEDIO 7. CANDELABRORUM AUREORUM. quasi dicat: Memento esse

Pars pri-
ma epi-
istolæ.

D

te

te unam è Stellis, quarum est lucere luce cœlesti, & dignè meâ dexterâ. memento Ecclesiam quoque tuam esse Candelabrum aureum, meo sanctum Tabernaculo: ipsum verò me præsentem in medio Candelabrorum.

Pars secunda.

2. *Narratio.* Esto, habeas OPERA ET LABOREM, aversionem à pseudoapostolis quos rectè explorasti, ET PATIENTIAM quâ SUSTINUISTI PROPTER NOMEN MEUM, neque illa patientia tua defecerit: attamen, quia CHARITAS prior, quâ cœperas, remisit, idcirco annuntio tibi necessarium esse, ut recuperes lucem primam qua luxisti ut stella, & charitatem qua arxisti. POENITENTIAM AGÈ ET PRIMA OPERA. sin pergis decrefcere in cha-

ritate, ecce ambulo, inquam, inter candelabra, sum in motu is qui possum movere CANDELABRUM TUUM DE LOCO SUO: id est, auferam & transferam Ecclesiam istam in locum & ad gentem facientem (Matt. 21. v. 43.) fructus ejus. Hoc igitur HABEO ADVERSUM TE: ceterum ea quæ geruntur ab hæreticis, rectè mecum ODISTI & iis te opponis.

3. *Epilogus.* comminationem præmissam temperat promissione: quòd si VICERIS labem inconstantiae, per primum vigorem charitatis, atque in eo perliteris: præmium tuum erit EDERE DE LIGNO VITÆ in paradiso: id est, immortalitas semper vegeta in Beatitudine.

Pars tertia.

Væ Stellæ quæ remittit de sua luce; Episcopo, cum sua Ecclesia, qui excidit de prima charitate & operibus. Mirum! Episcopo tam laudabili v. 2. ab operibus, & labore, & patientiâ; ac v. 3. de zelo doctrinæ propter nomen Christi: tamen comminatur Deus de movendo propter eum toto candelabro! S. Nazianz. Episcopus in Apologet. *Vitium Antistitis: non quàm optimum esse.* M. Joannes d' Avila: *Tot tantæque sunt Pastorum obligationes, ut qui vel tertiam earum partem re ipsa impleret, sanctus ab hominibus haberetur: cum tamen eo solo contentus gehennam non esset evasurus!*

VERBA APOCALYPSEOS.

(Versu 8.) Et Angelo SMYRNÆ Ecclesiæ scribe: Hæc dicit primus, & novissimus; qui fuit mortuus, & vivit: (v. 9.) Scio tribulationem tuam, & pauperitatem tuam, sed dives es: & blasphemaris ab his, qui se dicunt Iudeos esse, & non sunt, sed sunt synagoga satanæ. (v. 10.) Nil horum timeas qua passurus es. Ecce missurus est diabolus aliquos ex vobis in carcerem, ut tentemini: & habebitis tribulationem diebus decem. Esto fidelis usque ad mortem, & dabo tibi coronam vitæ. (v. 11.) Qui habet aurem, audiat quid Spiritus dicat Ecclesiis: Qui vicerit, non ledetur à morte secunda.

§. II.

diebus illis Antipas testis meus fidelis, qui occisus est apud vos, ubi satanas habitat. (v. 14.) Sed habeo adversus te pauca: quia habes illic tenentes doctrinam Balaam, qui docebat Balac mittere scandalum coram filiis Israel, edere, & fornicari: (v. 15.) ita habes & tu tenentes doctrinam Nicolaitarum. (v. 16.) Similiter poenitentiam age: si quo minus veniam tibi cito, & pugnabo cum illis in gladio oris mei. (v. 17.) Qui habet aurem, audiat quid Spiritus dicat Ecclesiis: Vincenti dabo manna absconditum, & dabo illi calculum candidum: & in calculo nomen novum scriptum, quod nemo scit, nisi qui accipit.

§. III.

Epistola tertia.

Para-
phrasis
Epistolæ
tertiæ.
Pars prima.

1. **A**D Episcopum qui est in tertio genere: *Exordium*. HÆC DICIT QUI HABET RHOMPHÆAM UTRAQUE PARTE ACUTAM. Quasi dicat: ex utraque parte percutit sermo meus, gladius spiritus: & eum qui non aufert scandala cum debeat ex officio; & eos qui præbent.

Pars secunda.

2. *Narratio*. Tu qui HABITAS UBI simul est SEDES, seu cathedra id est doctrina, SATANÆ, ne sufficiat tibi quodd TENEAS NOMEN MEUM ET NON NEGAVERIS FIDEM MEAM. requiritur insuper auctoritas & fortitudo pugnandi gladio prædicationis: sicut fuit ante te nuper Episcopo & martyri Antipæ (ad prædicandum iis ipsis à quibus trahebatur ad vincula: injecto deinde in bovem æneum. in Martyrolog. Rom. xi. April.) Quamobrem annuntio tibi ut extirpes doctrinam hæreticam Nicolaitarum, illam quam tribuunt Diacono Nico-

lao uni è meis septem Act. 6. v. 5. quæ defendit usum promiscuum uxorum & esum idolothytorum interim vetitum Act. 15. 29. Hoc enim est ipsissimum illud SCANDALUM quo pervertit Rex Balac Israëlitas, ex DOCTRINA & consilio BALAAM Num. 24. v. 14. & cap. 25. v. 1. per illicitum filiarum Moab ad libidinem & idolothyta. Sed sicut tunc filii Israël redierunt ad poenitentiam & ad fletum, cap. 25. v. 6. SIMILITER & tu qui fuisti socius scandali, cuius reus es, non sublatus, esto socius POENITENTIÆ AGENDÆ, certus quodd ADVERSUS TE hoc HABEAM & à te repetere velim rationes illius.

3. *Epilogus*, præmittit comminationem: SI MINUS, & TIBI VENIAM CITO ad te convincendum & condemnandum; & ILLOS vel expugnabit GLADIUS ORIS MEI sermo divinus, vel damnabit, addit promissionem: si vicis hæreticos simili

Pars tertia.

mili gladio, habebis pro labore prædicationis MANNA ABSCONDITUM, de quo psalmus 30. v. 20. quàm magna multitudo dulcedinis tuæ Domine quam abscondisti! saporem ac delicias cœlestes (etiam in compensationem cibi ac voluptatis quam iustuleris è medio Nicolaitarum) & CALCULUM DABO CANDI-

DUM, id est tesseram felicem & suffragium album judiciale, cum *inscriptione nominis novi*, ut filius DEI nominetis & sis, pignus æternæ hereditatis: cujus, sicut dulcedinem mannæ, ita pretium calculi ac nominis NEMO neque gustat neque SCIT NISI QUI ACCIPIT.

Væ Episcopo ab erroribus hæreseon non sublati. alii errant & peccant, inquit: at tu Episcopo pœnitentiam age: sin, veniam tibi; quia Episcopus es loci illius: tibi veniam, & adversus te, citò.

TRACTATUS V.

ANALYSIS TRIUM SEQUENTIUM EPISTOLARUM.

VERBA APOCALYPSEOS.

(Capitis secundi Versu 18.) *Et Angelo THYATIRÆ Ecclesiæ, scribe: Hæc dicit Filius Dei, qui habet oculos tamquam flammam ignis, & pedes ejus similes aurichalco: (v. 19.) Novi opera tua, & fidem, & charitatem tuam, & ministerium, & patientiam tuam, & opera tua, novissima plura prioribus. (v. 20.) Sed habeo adversus te pauca: quia, permittitis mulierem Iezabel, quæ se dicit propheten, docere, & seducere servos meos, fornicari, & manducare de idolothyris. (v. 21.) Et dedi illi tempus ut pœnitentiam ageret: & non vult pœnitere à fornicatione sua. (v. 22.) Ecce mittam eam in lectum: & qui mœchantur cum ea, in tribulatione maxima erunt, nisi pœnitentiam ab operibus suis egerint, (v. 23.) & filios ejus interficiam in morte, & scient omnes Ecclesiæ, quia ego sum scrutans renes & corda: & dabo unicuique vestrum secundum opera sua. Vobis autem dico, (v. 24.) & ceteris qui Thyatiræ estis: Quicumque non habent doctrinam hanc, & qui non cognoverunt altitudines satanæ, quemadmodum dicunt, non mittam super vos aliud pondus: (v. 25.) tamen id, quod habetis, tenete donec veniam.*

D 3

(v. 26)

, (v. 26.) *Et qui vicerit, & custodierit usque in finem opera mea, dabo illi potestatem super Gentes, (v. 27.) & reget eas in virga ferrea, & tamquam vas figuli confringentur, (v. 28.) sicut & ego accepi à Patre meo: & dabo illi stellam matutinam, (v. 29.) Qui habet aurem, audiat quid, Spiritus dicat Ecclesiis.*

S. I.

Epistola quarta.

Para-
phrasis
Epistolæ
quartæ.
Pars pri-
ma.

Pars se-
cunda.

1. **A**D eum qui est in quarto genere Episcoporum cum sua Ecclesia: *Exordium.* HÆC DICIT FILIUS DEI, QUI HABET OCULOS TANQUAM FLAMMAM IGNIS, ET PÉDES EJUS SIMILES AURICHALCO. quasi dicat: is cui Pater est Deus, cujus oculi ardent amore Patris sui & animarum, ac pedibus tenus refert aurichalcum probatum.

2. *Narratio.* equidem NOVI quidquid est in te consentaneum filiis DEI, FIDEM, CHARITATEM, MINISTERIUM, PATIENTIAM, OPERA quæ addis PLURA PRIORIBUS: novi è contrario & ADVERSUS TE expostulo, quòd permittas mulierem, velut alteram Jezabel 3. Regum 19. & 21. & 4. Reg. 9. nam sicut illa sectatrix fuit ac patrona Baal, ita ista apud vos est hæreseos Nicolaitarum, & cum sit potens, seducit alios; aliquo jam tempore quod ei ad POENITENTIAM dederam incorrecta. Annuntio tibi, quòd illam quidem impudicam cum suis amasiis MITTAM in aliud genus LECTI mortalis (simile strato in quod missa

fuit illa Jezabel, de quo 3. Reg. 21. v. 23. *Canes comedent Jezabel in agro:*) ac de illa & FILIIS EJUS statuam exemplum omnibus Ecclesiis (simile illi 4. Reg. 19. v. 37. ita ut prætereuntes dicant, *Hæcne est illa Jezabel?*) nisi si ad pœnitentiam fuerint adducti. Prout verò diverforum sunt RENES ET CORDA quæ SCRUTOR; ita diversa erit unicuique à mè retributio operum. Sunt enim in vestra Ecclesia qui non sunt participes hujus DOCTRINÆ, noluntque nôsse illas scilicet ALTITUDINES, græcè βάσις id est profunda mysteria, quæ admodum isti appellant, sed revera occulta SATANÆ. Et his quidem sufficiat observandum, quod acceperunt ab Apostolis meis Act. 15. 28. & 29. de quorum consilio sicut visum est nihil ultra imponere tunc oneris, ita nec modò MITTAM SUPER VOS ALIUD PONDUS. Veruntamen caveo, ut ID QUOD habent teneant usque ad meum adventum.

3. *Epilogus.* expostulationi præmissæ & cautioni, addit promissio: QUI VICERIT respectum humanum aut rationes mundanas ex quibus

Pars ter-
tia.

quibus hæc permittuntur, DABO
ILLI POTESTATEM, in fine mun-
di hujus, consimilem ei cui cum dice-
retur psalmo secundo, Filius meus es
tu, addita est potestas judiciaria; dabo
tibi GENTES regendas in scepro

ferreo, per quod CONFRINGE-
TUR omnis vis fragilis mundana: ET
DABO ILLI STELLAM MATU-
TINAM; quod est mihi assimilari qui
sum (Apoc. 22. 16.) stella matutina, &
confieri Filium Dei.

Tanta ratio reddenda incumbit statui Episcopali: ut quamvis ipse satagat com-
mendari à fide, charitate, ministerio, patientiâ, & plura prioribus cumulet
opera; & illorum pars magna similiter faciat qui sunt de ipsius Ecclesia: ad-
huc propter alios possit habere adversantem DEUM, & reus fiat illorum quæ
cum sit Episcopus, permittit aut dissimulat!

VERBA APOCALYPSEOS.

(Caput 3. V. 1.) Et Angelo Ecclesie SARDIS scribe: Hæc dicit
qui habet septem Spiritus Dei, & septem stellis: Scio opera tua, quia no-
men habes quod vivas, & mortuus es. (v. 2.) Eslo vigilans, & confir-
ma cetera, quæ moritura erant. Non enim invenio opera tua plena coram
Deo meo. (v. 3.) In mente ergo habe qualiter acceperis, & audieris, &
serva, & pœnitentiam age. Si ergo non vigilareris, Veniam ad te tam-
quam fur, & nescies qua hora veniam ad te. (v. 4.) Sed habes pauca
nomina in Sardis, qui non inquinaverunt vestimenta sua: & ambula-
bunt mecum in albis, quia digni sunt. (v. 5.) Qui vicerit, sic vestietur
vestimentis albis, & non delebo nomen ejus de Libro vite, & confite-
bor nomen ejus coram Patre meo, & coram Angelis ejus. (v. 6.) Qui
habet aurem, audiat quid Spiritus dicat Ecclesiis.

J. II.

Epistola quinta.

Para-
phrasis
Epistolæ
quintæ.
Pars pri-
ma.

1. **A**D Episcopum quinti generis :
Exordium. HÆC DICIT
QUI HABET SEPTEM SPIRI-
TUS DEI ET SEPTEM STEL-
LAS. quasi dicat: velim te excitatum,
cum Anglicorum exemplo Spiritu-

um, qui nomen geris Angeli & offi-
cium Præsidis Ecclesiarum: tum alio-
rum consortio fervido Episcoporum
sanctorum, qui lucebant aut lucent
etiamnum.

2. Narratio. In somno enim es

Pars se-
cunda.

mor-

mortis, tu qui solo *vivis nomine* Pastoris. Annuntio tibi, ut exurgas à fide tua & ab Ordinatione Pastoralis mortuis, ad eò ut, VIGIL ipse ac securus vitæ, CONFIRMES eos qui tuâ ERANT incuriâ MORITURI: quod infirmum fuit consolidando, ut habet *Ezechiel* ad Pastores cap. 34. v. 4. Enimverò Episcopum dici te pateris, qui non laboras eminere virtute altiore ut Pastor, formâ gregatiorum & mediocritate vulgaris vitæ contentus. (contrâ quàm *S. Gregorius* parte 2. curæ Pastoralis cap. 1. *Tantum debet actiōnem populi actio transcendere Præfulus, quantum distare solet à grege vita pastoris!*) Ubi sunt, OPERA TUA Pastoralia? NON ENIM INVENIO illa PLENA CORAM DEO, in cujus oculis es officio tuo velut mortuus. Exurge sis, & IN MENTEM revoca qualem obligationem ACCEPERIS in impositione manuum, & quid AUDIERIS illic tibi commendari; hoc SERVA, ET POENITENTIAM AGE de præterito,

Ni ADVIGIL AVERIS ut ministerium tuum impleas 2. Tim. 4. 5. veniam ad te Judex horâ inexpectatâ, SICUT FUR supervenit patrifamilias. PAUCA tamen HABES NOMINA innoxiorum etiam tu in tuo catalogo (Pastoris est enim habere descriptas & nôsse nominatim oves, Joann. 10. v. 3.) QUI NON INQUINAVÉRUNT VESTIMENTA interioris hominis, quos manet vestitus gloriæ.

3. *Epilogus*. Addit comminationi Pars ter-præcedenti promissionem. si *viceris* tia. somnolentiam tuam, *vestiêris* (ut illi tui pauci, QUIA DIGNI SUNT) VESTIMENTIS ALBIS lucentibus, & NON DELEBO NOMEN tuum quod est notatum in LIBRO VITÆ: & CONFITEBOR illud egomet, non ut habeas nomen apud homines tantum, prout hucusque habuisti v. 1. sed CORAM PATRE MEO ET CORAM 7. Spiritibus DEI cæterisque ANGELIS EJUS.

Væ Episcopo oblivioso quid sit sui officii accepti: *Ezech. l. c. quod agrotum, non sanastis; quod confractum est, non alligastis; & quod abjectum est, non reduxistis; & quod perierat, non quesivistis*, &c. Prælato non vigili, sed mortuo, sed cadaveri Præfulus, sed malo odori domus DEI: coram Deo & Angelis ejus non Pastori, sed idolo inanime Pastoris, pro quo adoratur à populo & cujus nomen gerit. *Zach. 11. v. 17. O Pastor & Idolum!*

VERBA APOCALYPSEOS.

(Versu 7.) *Et Angelo PHILADELPHIÆ Ecclesiæ scribe: Hac, dicit Sanctus & Verus, qui habet clavem David: qui aperit, & nemo claudit: claudit, & nemo aperit: (v. 8.) Scio opera tua. Ecce dedi coram*

16

, te ostium apertum, quod nemo potest claudere: quia modicam habes virtutem, & servasti verbum meum, & non negasti nomen meum. (v.9.) Ecce dabo de synagoga satana, qui dicunt se Iudaeos esse, & non sunt, sed mentiuntur: Ecce faciam illos ut veniant, & adorent ante pedes tuos: & scient quia ego dilexi te. (v.10.) quoniam servasti verbum patientiae meae, & ego servabo te ab hora tentationis, qua ventura est in orbem universum tentare habitantes in terra. (v.11.) Ecce venio cito: tene quod habes, ut nemo accipiat coronam tuam. (v.12.) Qui vicerit, faciam illum columnam in templo Dei mei, & foras non egredietur amplius: & scribam super eum nomen Dei mei, & nomen civitatis Dei mei novae Ierusalem, quae descendit de caelo à Deo meo, & nomen meum novum. (v.13.) Qui habet aurem, audiat quid Spiritus dicat Ecclesiis.

S. III.

Epistola sexta.

Para-
phrasis
Epistolae
sextae.
Pars prima.

1. **A**D Episcopum sexti generis: *Exordium.* HÆC DICIT SANCTUS ET VERUS, QUI HABET CLAVEM DAVID; QUI APERIT, ET NEMO CLAUDIT; CLAUDIT, ET NEMO APERIT. quasi dicat: Ego ille per essentiam Sanctus & Verus: à quo omnino est conversio ad sanctitatem & veritatem: cuius est clavis scientiae atque introitus ad Ecclesiam quae est domus David, de qua & de clave ejus *Isaias cap. 22. v. 22. dabo, inquit, clavem domus David super humerum ejus; & aperiet, & non erit qui claudat; & claudet, & non erit qui aperiat.*

Pars secunda.

2. *Narratio.* SCIO OPERA TUA, scientiam non qualicunque sed approbationis. ECCÈ aditum DEDI CORAM TE APERTUM (O-

STIUM ad aggregandos multos per Evangelium in Ecclesiam; *Act. 14. v. 26. 1. Cor. 16. v. 9. & 2. Cor. 2. v. 12.*) quem NEMO tibi poterit praecludere. quia non confidis in tua potentia, qui MODICAS HABES vires (græcè *δύναμις*, sed in providentia mea, cuius SERVASTI VERBUM ET NOMEN confessus es viriliter. Ma- tuâ illâ fiduciâ: nam ecce cum auxilio meo convertes obstinatissimos quosque; qui circum te sunt: falsi enim *sunt Iudaei* hoc est falsi Confessores & ex SYNAGOGA SATANÆ. agedum, hostu pertrahe ad Ecclesiam: hæc si quidem veris constat Judæis in abscondito & in spiritu non litera, *Rom. 2. v. 29.* FACTAM UT ANTE PEDES TUOS accidant supplices precabundi Baptisma; quo initiati ADO-

E RENT

RENT me non sine præconio tui quod
DILEXERIM TE. Præterea QUO-
NIAM SERVASTI VERBUM
PATIENTIÆ MEÆ in modico
(numerus quippe gregis tui & poten-
tiæ præ cæteris Aliæ Ecclesiis est exi-
guus,) ego SERVABO TE vicissim
in magno, ut non prævaleat tibi defe-
ctio aliorum & HORA TENTA-
TIONIS super-VENTURA ha-
bita oribus universi orbis. Veruntamen
tu quoque id QUOD HABES TE-
NE usque ad meum adventum : ut
CORONAM etiam TUAM NE-
MO alius præcipiat.

3. Epilogus. Cautioni annectitur Parster-
promissio. QUI VICERIT profligando errores, servaverit ipse verbum
& adduxerit multos per ostium Eccle-
siæ ad veritatem, FACIAM ILLUM
COLUMNAM IN TEMPLO æ-
terno immobilem è loco Beatitudinis,
& celebrem : cui INSCRIBAM hos
titulos ipsimet gloriosos; confors no-
minis DEI; civis NOVÆ JERUSA-
LEM, ejus QUÆ origine suæ ædifi-
cationis DESCENDIT DE COE-
LO A DEO MEO; imitator &
hares nominis mei novi, quod est Jesu
Sancti & Veri Salvatoris animarum.

Benè huic Episcopo Sancto & Vero, qui plenus fiduciâ & zelo animarum servat
verbum ac propagat; servabit illum Deus suus, & aperiet ei ostium conver-
sionis multorum: eritque inter columnas Ecclesiæ nominatissimas. ita tamen
si etiam ipse teneat constantè quod habet, ut nemo accipiat coronam ejus.

TRACTATUS VI.

IN EPISTOLAM VII. ET IN COLLECTANEA HO-
RUM DUORUM CAPITUM.

VERBA APOCALYPSEOS.

(Versu 14.) Et Angelo LAODICIAE Ecclesiæ scribe: Hæc dicit:
, Amen, testis fidelis, & verus, qui est principium creaturæ Dei. (v. 15.)
, Scio opera tua, quia neque frigidus es, neque calidus: utinam frigidus
, esses, aut calidus: (v. 16.) sed quia tepidus es, & nec frigidus, nec calidus,
, incipiam te evomere ex ore meo. (v. 17.) quia dicis: Quod dives sum,
, & locupletatus, & nullius ego: & nescis quia tu es miser, & miserabilis,
, & pauper, & cæcus, & nudus. (v. 18.) Suadeo tibi emere à me aurum
, ignitum probatum, ut locuples fias, & vestimentis albis, induaris, &
, non appareat confusio nuditatis tuæ, & collyrio inunge oculos tuos, ut vi-
deas.

, deas (v. 19.) Ego quos amo arguo, & castigo. Æmulare ergo, & pœnitentiam age. (v. 20.) Ecce sto ad ostium, & pulso: si quis audierit vocem meam, & aperuerit mihi januam, intrabo ad illum, & cœnabo cum illo, & ipse mecum. (v. 21.) Qui vicerit, dabo ei sedere mecum in throno meo: sicut & ego vici, & sedicum Patre meo in throno ejus. (v. 22.) Qui habet aurem, audiat quid Spiritus dicat Ecclesiis.

S. I.

Epistola septima.

Paraphrasis
Epistolæ
septimæ.

Pars prima.

Pars secunda.

1. **A**D Episcopum qui est de postremo genere Episcoporum: *Exordium.* HÆC DICIT AMEN, TESTIS FIDELIS ET VERUS, QUI EST PRINCIPIMUM CREATURÆ DEI. quasi dicat: Hæc dicit Amen, id est is, qui est Veritas, & contestis ipsemet veritatis fidelissimus usque ad mortem, auctor renovationis spiritualis & principium omnis novæ creaturæ quæ sit inter electas DEI.

2. *Narratio.* Annuntio tibi OPERA TUA & teporem, cum sis adscritus inter Spiritu ferventes (Rom. 12. v. 11.) cui optabilius esset frigere prorsus, id est sentire quod esses manifestè impius; fortassis enim per antipetistasin accenderetur in te scintilla reliqua fidei, & gratiâ meâ excitaberis ad calorem: jam verò sicut aqua tepida creat ori humano, sic tu mihi nauscam, vomitum, & hortorem. Jamque in statu es desperatiore: nam, ut per servum meum S. Gregorium scribam olim parte tertia curæ Pastoral. cap. 1. admonit. 35. sicut ante teporem frigui subspe est

(qui adhuc, ait Gregorius, in peccatis est, conversionis fiduciam non amisit: ita post frigus tepor in desperatione. Quo in statu, quid palpas te quasi aliter LOCUPLETATUM & felicem. nescius triplicis miseræ tuæ (S. Greg. 34. mor. cap. 3.) PAUPER enim es qui non comparas tibi veras divitias, quod est divitem fieri in bonis operibus, 1. Tim. 6. v. 18. ET CÆCUS, quia nec istud quidē agnoscis: ET turpiter NUDUS atq; expositus confusioni pro die Judicii & æternitate, quia non habes vestem nuptialem, nedum Episcopalem, tu qui intrasti ut discumbas inter Episcopos! MISER tibi met, com-MISERABILIS autem mihi! SUADEO adversus paupertatem tuam, ut emas A ME AURUM Sapientiæ & initium ejus Timorem Domini qui sit probatissimus tanquam IGNI. age, absque argento tuo & absq; ulla commutatione digna Isai. 55. v. 1. sed tamen eme; pretio quod tibi assigno meritum meorum (neque enim pretium, ait S. Ambr. l. de Joseph Patriarcha, quasi-
vit a nobis, qui pro nobis pretium sanguinis,

E 2

nis,

nis *(sui solvit.)* deinde adversus nuditatem tuam auctor sum tibi ut recuperes & **INDUARIS VESTIMENTIS ALBIS**, stolâ gratiæ, & charitate quæ operit multitudinem peccatorum 1. Pet. 4. v. 8. Denique in remedium cæcitatistux, ut assuescas inungere te **COLLYRIO** meditationis novissimorum tuorum, quod est medicamentum contra lippitudinem; quia punget eductis lachrymis & purificabit **OCULOS** mentis, quibus **VIDEAS** periculum in quo versaris & evadas. Porro sicut **EGO** ferveo amore tui & zelo salutis ex quo te **ARGUO**, ET paternè (græcè, *πατρικῶς*) tanquàm filium **CASTIGO**: ita **ÆMULARE** tu quoque & vicissim responde meo amoris: **POENITENTIAM AGE**, incipe: imposterum autem, quod mo-

net* Apostolus meus 1. Theff. 5. v. 15. Spiritum noli extinguere, quod fit dum intepefcis. *Ecce enim per has inspirationes PULSO ad cor; & offero me, intraturum, ad te per amicitiam meam, hospitem tuum: invitoque tanquàm ad epulas sic ad fervorem, ad alacritatem, & lætitiâ intimam; cœnaturum unâ mecum SI obedieris & APERUERIS, ut es liberi arbitrii, JANUAM cordis parati.*

3. *Epilogus.* Præter minas evomendi, quas initio annuntiaverat, & spem gratiæ, promittit adhuc: *qui vicerit* temporem & acediam, faciam eum requiescere à laboribus suis & *considerare ME-CUM IN THRONO MEO*, sicut me *Pater*, post sudorem & partam *victoriam*, *sedere secum sicut* & quiescere.

Væ tepido qui non est Amen, id est, verus ac fidelis Ecclesiasticus, aut Præsul: qui cùm ingesserit se in Clerum, contentus locupletatione reddituum Ecclesiasticorum, inidoneus officio aut Prælaturæ demandatæ, velut nautea est in navi Clericorum, & Christo vomitus. De his S. Gregor. Nazianz. apologet. 1. *Aliorum me pudeat: illius ut dici solet manibus, profanisque animis, in sanctissimâ mysteria sese inferunt, ac, priusquàm digni sunt qui ad sacra propius accedant, sacrarium ipsum affectant: pietate miseri, dignitatis splendore infelices.* Hæc & plura Nazianzenus. Ex verbis Christi optabile fuit, talem miserum remansisse in numero Laicorum! immò & in horum serie inter frigidos! quibus remissius futurum est multò coram Iudice.

S. II.

Finalis admonitio in singulis Epistolis: qui habet aurem, audiat &c.

Sub finem singularum Epistolarum graphicè additur sententia,

tia, quâ tria significantur : 1. de auditu : 2. de Spiritu dicen-
te : 3. de Ecclesiis.

Audiat : **P**rimum est de audiendo. **QUI HABET** (inquit) **AUREM**, **AUDIAT**. Rom. 10. v. 17. vox est Apostoli, *Fides ex auditu* : ergo cui fides est Christiana, illi datum fuit organum auditus, quod est *auris* audiendi, Matth. 13. v. 9. refert, ut anima illo utatur organo quod habet à Deo & audiat.

Quid Spiritus dicat : Alterum est de **SPIRITU**. Ostenditur quas Christus dictavit semel Epistolæ Joanni, à Spiritu sancto dicendas ac diffundendas esse longè latèq; esse illas plenas Spiritu Christi : & ad conservandum augendumque Spiritum dirigi.

Ecclesiis. Tertium est quod adjungitur : dici **ECCLESIIIS**. quo dicto significatur, statum Ecclesiæ cujusque connexum esse cum statu sui Episcopi. Ille Caput est Corporis, quod par est regi à capite, atque accipere ab illo influxum & operationes spirituum. Sponsus est desponsatæ sibi à Deo, quæ illi adheret. Pastor est à quo grex, qui divinitus ei creditus est, ducitur. Caput, non sine corpore : Sponsus non est sine sponsa ; Pastor non sine grege. Laus unius est decus alterius : Virum illius est dedecus corporis, sponsæ, gregis.

Tum quia Ecclesia est in Episcopo : Ut igitur conseatur Ecclesiis scriptis- se, ad hoc duxit sufficere nominatos ab se fuisse Episcopos. *Ecclesia* (ita S. Cyprianus lib. de unit. Eccl.) *est in Episcopo*. Confidit Deus fore ut corpus suum alat, sponsam regat, gregem pascat. Confidit fore ut consideret

utique quid nominis gerat, & quid loci occupet. ideo dictus est *Episcopus*, ait S. Aug. in psal. 126. *quia super-intendit, quia desuper videt : quomodo enim vinitori altior sit locus ad custodiendam vineam, sic & Episcopus altior locus factus est*. Confidit fore ut qui est Doctor Ecclesiæ, imbuat eam doctrinâ sibi dictatâ : fore ut qui est Stella, illuminet eam ac vegetet : fore ut is qui est Angelus ei assignatus, præcedat populum Israël, ita ut seipsum præbeat *exemplum bonorum operum*, Tit. 2. v. 7. & præcipiat aliis *ut irreprehensibiles sint*, 1. Tim. 5. v. 7.

Alio præterea ex capite oritur protestatio, dici Ecclesiis : & hæc provocantur ad audiendum Spiritum Dei : quia videlicet penes Ecclesias electio sit Episcoporum idoneorum. Magnus profectò & propheticus clamor cautionis inest verbis illis tantâ cum emphasi prolatis, toties repetitis, & ad Ecclesias singulas prænominatas ! quarum aures est necesse velut tonitruo feriri ad illud fulmen à filio tonitruu septies editum : *qui habet aurem audiat quid Spiritus dicat Ecclesiis*. Jam enim tot sæculis quicumque audit & attendit quid his acciderit Ecclesiis vitio ac schismate Præsulum suorum, tinniunt ambæ aures ejus : tinnitu merito majore in auribus nostratum quàm fuerit summi Sacerdotis veteris 1. Reg. 3. v. 11.

Tonet hoc in auribus Ecclesiarum, & Cleri ; his enim dicitur : hos esse reos, & horum fieri incutiâ si quis eligatur

Tum quia penes Ecclesiam est præficere Episcopos.

E 3 aut

aut præficiatur haud idoneus Episcopus, is qui suæ ruinæ totam suam involvat Ecclesiam. Gemit super his Episcopis simul & Ecclesiis Arch episcopus Cardinalis Bellarminus, nostrâ memoriâ, lib. de gemitu col. cap. 5: *Origo enim malorum est, inquit, quod Episcopi aliqui (semper enim excipio, inquit, bonos, qui nunquam in Ecclesia universali defuncti) non speculantur, vel speculantur quidem, sed agros & vineas & hortos, vel quomodo possint reditus Ecclesiasticos majores facere, vel domum suam ornare egregiâ suppellectile, vel propinquos augere divitiis, vel ascendere ipsi ad gradus altiores. quid igitur mirum est, si Ecclesia eorum tota sylvescunt! Tanti hæc res fuit ponderis & curæ universo Concilio Tridentino, ut admonuerit Clerum; unâque de omnibus & sin-*

gulis qui ad promotionem præficiendorum operam suam præstant, pronuntiaverit leff. 24. de ref. cap. 1: *mortaliter peccare; nisi quos DIGNIORES & Ecclesiæ MAGIS utiles ipsi iudicaverint, non quidem precibus, vel humano affectu, aut ambientium suggestionibus, sed eorum exigentibus meritis, præfici diligenter curaverint. & in fine capitis: nihil magis Ecclesiæ DEI necessarium, quàm ut BEATISSIMUS ROMANUS PONTIFEX bonos maxime atque idoneos Pastores singulis Ecclesiis præficiat: idque eò magis, quod OVIVM Christi SANGUINEM, QUÆ ex malo negligentium & sui officii immemorum Pastorum regimine PERIBUNT, Dominus noster JESUS CHRISTUS DE MANIBUS EJUS sit requiriturus!*

§. III.

Colliguntur fragmenta Epistolica.

Coacervemus simul: primò vitia quæ reprehenduntur. secundò, minas. tertio, promissâ quæ prophetantur.

Vitia.

1. **V**itio est primam Charitatem reliquisse: retinere eos qui palam foveant hæreses: permittere seductionem in doctrina vel moribus: obdormisse quasi mortuum; nec inveniri opera plena: etiamsi perfectus sit, non tenere quod habet: esse tepidum.

Minæ.

2. Mala auguria pravæ administrationi per Episcopos:

Cap. 2. V. 4. habeo adversum te &c. memor esto itaque unde excideris.

V. 5. veniam tibi & movebo Candelabrum tuum de loco suo.

V. 16. pœnitentiam age; si quod minus, venio tibi citò & pugnabo &c.

V. 20. habeo adversus te quia permittis.

Cap. 3: V. 3. si ergo non vigilaveris, veniam ad te tanquàm fur.

V. 16. incipiam te evomere ex ore meo.

V. 17.

Promissio.

V. 17. es miser & miserabilis, & pauper, & cæcus, & nudus. suo deo &c.

3. Promissa administrationi prælati Episcopi :

Si proficit in Charitate prima, vel eam cū recuperat per pœnitentiam : si fidelis usque ad mortem in tentatione : si extirpat hæreses : & antevertit seductionem : si custodit illud Apostoli, Tu verò vigila, opus fac Evangelistæ, ministerium tuum imple, 2. Tim. 4. v. 5. si Zelum habet observationis verbi & conversionis animarum : si est fervidus, si bonus æmulator, si pulsantis DEI vocem audit & cor totum aperit :

Manet illum merces hujus & alterius vitæ : cujus utriusque tanta est dulcedo, tantum decus & majestas, atque ubertas tanta, ut unico nomine vel conceptu humano non possit exprimi. ideo conglobantur multa :

Cap. 2. V. 7. dicitur lignum vitæ :

V. 10. Corona vitæ : *corona*, ei qui legitime certaverit : *vita* autem, non corruptibilis sed immarcescibilis gloriæ.

V. 11. immunitas à morte secunda.

V. 17. manna absconditum : calculus candidus : nomen novum.

V. 26. & 27. potestas super gentes.

V. 28. Stella matutina.

Cap. 3. V. 3. vestiri albis, & de Libro vitæ indelebilem esse.

V. 12. cœnari Columnam in Templo æterno.

V. 20. cœnare cum Christo :

V. 21. in throno assidere Christi, omnium Episcopi.

Haftenus de Epistolis : quarum scopus fuit cavere Præsulibus & Ecclesiæ DEI : abstrahere à vitiis, excitare ad profectum, metum & spem injicere futurorum ; maxime viciniore nunc adventu Domini & fine mundi. Ad eundem finem tota dirigitur Apocalypsis sequens. excitat enim atque incitat Sessio DEI & confessio Seniorum in throno, Agnus occisus, multiformis majestas, applausus sanctorum animalium, Angelorum, & Beatorum : gloria palmatorum Martyrum, cantantium Virginum, & damnatio reproborum &c. Huc spectatur per mulierem quæ habet sub se Lunam, & per insidias draconis devoraturi : per Bestias & persecutiones futuras, ac militiam usque in finem cum triumpho : per interitum Babylonis, pseudopropheta & draconis : per Jerusalem cœlestem, nova omnia, ducatum Agni ad vitæ fontes aquarum & fluvii ac ligni vitæ gustum perpetuum.

Finis Epistolæ.

TRACTA-

TRACTATUS VII.

IN CAPUT IV.

Duo Capita, quartum & quintum, habent inter se connexionem: quia est Visio sedentis in Throno, & Libri quem Agnus accipit ex ejus dextera. Retineamus divisionem Capitum: & prosequamur per Tractatus duos connexos.

VERBA APOCALYPSEOS.

(Cap. 4. Versu 1.) *Post hæc vidi: & ecce ostium apertum in celo: & vox prima, quam audiui, tanquam tubæ loquentis mecum, dicens: Ascende huc, & ostendam tibi, quæ oportet fieri post hæc. (v. 2.) Et statim fui in spiritu: & ecce sedes posita erat in celo, & supra sedem sedens. (v. 3.) & qui sedebat, similis erat aspectui lapidis jaspidis & sardinis: & iris erat in circuitu sedis, similis visioni smaragdinae. (v. 4.) Et in circuitu sedis sedilia viginti quatuor: & super thronos viginti quatuor seniores sedentes, circumamicti vestimentis albis, & in capitibus eorum corona aurea. (v. 5.) Et de throno procedebant fulgura, & voces, & tonitrua: & septem lampades ardentes ante thronum, qui sunt septem spiritus Dei. (v. 6.) Et in conspectu sedis tanquam mare vitreum simile crystallo: & in medio sedis, & in circuitu sedis, quatuor animalia plena oculis, ante & retro. (v. 7.) Et animal primum simile leoni, & secundum animal simile vitulo, & tertium animal habens faciem quasi hominis, & quartum animal simile aquila volanti. (v. 8.) Et quatuor animalia, singula eorum, habebant alas senas: & in circuitu, & intus plena sunt oculis: & requiem non habebant, die ac nocte, dicentia: Sanctus, Sanctus, Sanctus, Dominus Deus Omnipotens, qui erat, & qui est, & qui venturus est. (v. 9.) Et cum darent illa animalia gloriam, & honorem, & benedictionem sedenti super thronum viventi in sæcula sæculorum. (v. 10.) procidebant viginti quatuor seniores ante sedentem in throno, & adorabant viventem in sæcula sæculorum, & mittebant coronas suas ante thronum dicentes: (v. 11.) Dignus es Dominus Deus noster accipere gloriam, & honorem, & virtutem: quia tu creasti omnia, & propter voluntatem tuam erant, & creata sunt.*

S. I.

S. I.

De Throno & quæ ad illum pertinent.

Ostium
in Cælo.

Videt OSTIUM APERTUM IN COELO : per quod significatur adaperitio cœlestium mysteriorum : simul & gratia quæ offertur, ac præparatio ad cœlum patulum. Consentit cum eo quod figuratum fuit Ezech. cap. I. v. I. *aperti sunt cœli, & vidi visiones Dei* : At Joannes ad cœlos insuper apertum videt ostiū, quod est ingressus in eosdem.

Vox tan-
quàm
tubæ.

1. Illuc intuitus, VOCEM audit PRIMAM, hoc est, eandem aut similem illi priori de qua cap. I. v. 10. **TANQUAM TUBÆ** ad se : **ASCENDE HUC, SPIRITU** tenus, **ET OSTENDAM TIBI QUÆ** in posterum & certissimè sunt eventura. Protinus in hac nova ecclasi videt in Cælo aperto hieroglyphicon Divinæ Providentiæ ad salvandum genus humanum in Ecclesia per Evangelium; atque ad disponendum de rebus futuris.

Sedens
in thro-
no.

SEDES POSITA IN COELO significat quietem gubernationis, & altissima consilia. **QUI sedet, SIMILIS** est colore partim *jaspidi* qui subviridis, partim *SARDIO* qui ruber aut accensus : quod represententur Misericordia & Justitia, seu præmium ac pœna, quibus Divina Providentia gubernat universum mundum, & suos electos promovet ac perducit. **IN**

Circum-
datus
Iride.

CIRCULTU SEDIS. habet *Iridem*:

quæ symbolum est propitiationis, pacis, ac fœderis cum hominibus. In quâ Iride, ut est diversicolor, & uno tantum apparet in hemisphærio nostro (nam in altero non est propitiatio sed niger examinis,) eminet præ cæteris color amabilis *visu* (græcè *ὁράσει*) sicut est *Smaragdus* suâ viriditate: qui color Gratiæ cæteris omnibus est amœnior & blandior: omnis autem *aspectus* tanquàm relucendum gemmarum, attributorum Dei.

2. Assident SENIORES Eccle- Seniores, 24.
siæ quos Deus secum participes fecit suæ gloriæ & consiliorum. in quo nomine inest dignitas, quasi dicat, Senatores Dei: multò illis 24. potiores, qui dicebantur (1. Paral. 24. v. 5.) *Principes* Dei, & habebant locum eminentiorem in Sanctuario. Hos enim dignatur adhibere Assessores in gubernatione suæ Ecclesiæ: procures duodecim veteris Testamenti, juxta numerum 12. Tribuum: & procures totidem Novi, juxta numerum Apostolorum. in *sedilibus*; cum participatione potestatis judiciariæ futuræ: in **VESTIMENTIS ALBIS**; in Beatitudine & splendore: *coronatos auro*, pro victoriis, quibus se probaverunt in hac vita exemplum facti cæterorum.

Quo numero intelligitur confessus omnium præcipuorum Antistitum aut Doctorum Ecclesiæ qui fulgeat inter

F

Bea-

Beatos. Nam duodenarius (ut SS. Patres exactè & valdè meditabundi supputant) est numerus perfectus, puta, ductus per ternarium sacrosanctum in quatuor partes mundi: similiter & numerus 24. qui est duplus. Hi sunt Consilarii DEI, & conscii secretorum ejus. Simul hîc exhibentur pro exemplari Consiliorum in terris Ecclesiasticorum aliorumve:

In quibus adhibendis utique *Senium* significat prudentiam: *vestis alba* sinceritatem seu candorem: *corona*, ut sit quisque illorum genio regis & incorrupto ad pronuntiandum ac procurandum ea quæ faciunt ad rectum regimen.

Fulgura, voces, & tonitrua. 3. Quod DE THRONO exeant FULGURA, VOCES, ET TONITRUA: fuit figuratum. Exod. 19. v. 16. & significat promulgationem Legis Evangelicæ: fulgorem enim ejus: voces prædicationis & annuntiationem Regni cælorum: non sine tonitruo minarum adversus transgressores: quæ omnia procedunt de Throno Legislatoris. Ac fulgor quidem primum omnium videtur oculis, qui tantus est Legis Novæ, quantum fulgur quod paret *ab Oriente in Occidentem*: Tum voces *in omnem terram* audiuntur: denique Tonitrua *confringentia cedros*, simulac Deus *Majestatis intonuit*.

7. Lampades. ANTE eundem THRONUM SEPTEM LAMPADES, figuratæ per 7. Lucernas Candelabri veteris coram Deo. Hæ significantur, inquit, SEPTEM SPIRITUS DEI: ardentes zelo pro prædicatione Evangelii:

cooperaturi ad illuminandum & inflammandum mundum: iidem qui & Præsides Ecclesiarum cap. 1. v. 4. ad quas scribebatur.

Cominus IN CONSPECTU Throni TANQUAM MARE: *congregatio aquarum* Gen. 1. v. 10. id est populorum & gentium & linguarum Apoc. 17. v. 15. Natura fluxum ut aquæ: fragile sicut vitrum; conflatum à Deo per inspirationem, unanimitate doctrinæ quam suscipere cœperunt populi & linguæ ex omni natione quæ sub Cælo est; consistens sub Imperio DEI: induratum cœlitus eâ fortitudine quæ crystallus, ac peraquè pellucidum. Mare vitreum: Simile crystallo. causa lucis est collustratio hinc Lampadum ardentium quarum illuminatur propinquitatem; illinc Animalium (de quibus in §. sequente) calor & Evangelii splendor quo circumfulget; atque omnium præcipuè copia divinorum radiorum qui de Throno citra intermissionem incidunt in hoc mare; qui etiam faciunt illud conspicuum ac visum pervium cœlestibus. Dicitur is qui sedet in Throno habere illud in perpetuo suo conspectu & providentia. Per quod Mare signatur hieroglyphicè Ecclesia DEI, quæ instar maris diffusâ totum ambit orbem terrarum: prout ipsa est in hoc tempore fluido & labili mortalium quo dilabimur omnes quasi aquæ in terram, 2. Reg. 14. v. 14.

Observat S. Augustinus lib. 20. de Civ. cap. 16. non esse hoc loco dictum *proprie Mare, sed tanquam Mare*. Ergo tanquam mare: quia simillimum huic sæculo, & ejusdem cum illo naturæ & ortus

ortus ac speciei externæ. Tanquàm mare: quia Gentium (*aquæ enim populi sunt & gentes* Apoc. l.c.) divinitus congregatarum sub Cælo; suâ naturâ fluentium & refluentium. Mare, ubi sicut urinatores & piscatores hominum, ita pisces homines: Mare, in quo adhuc rete trahitur Evangelicum: Mare, in quo boni interim & mali pisces: Mare, in quo gazæ in profundo, pretiosâ virtutum in abdito recondita: Mare, quod putrefacta cadavera & inutilem algam respuere nititur in arenas: Mare, in quo negotiatio margaritarum pretiosarum, conchæ & corallia quæ progenerat.

Tanquã vitreum. VITREUM duas ob causas, quas modò innuebamus: primùm quia elementum per se molle, tenerum, & labile, & omne quod in eo Natura produxit caducum est ac vile; quidquid Gratia supra naturam non gignit atque elaborat: hæc est Sol divinus & hic influxus à Throno qui in illo Mari exercet vim suam. Deinde Vitreum: quia concretum aquarum cum æquis, uni-

formitate & consistentia doctrinæ; conflatum (sicut vitrum) calore, artificio, ac Spiritu Dei incubante super aquas.

SIMILE CRYSTALLO tribus de causis, quas item indicavimus: tum quia contra procellas & ventos, qui nunquam non incumbunt, roboratur & indurefcit: tum quia in pretio est Deo, quemadmodum crystallus in numero est gemmarum (Plin. lib. 57. nat. hist. cap. 2.) tum præsertim quia perspicuum eidem, & dilucida omnia, sedenti in Throno & aspicienti consideranti; suam Ecclesiam in hoc mundo circumdantem terras, atque illuminanti eam: sicut elementum maris, quando fulget Solis radiis, refert speciem Chrysolithi generis: cui etiam ipsi color est maris, & nomen apud gemmarios *Lapis maris*.

Simile mari aliquid obtulit se Prophetæ Ezechieli videndum in curru DEI, Cap. i. v. 16. *aspectus, inquit, quas Visio maris.*

Tanquã crystallinum.

J. II.

De Animalibus.

Restant animalia: in quorum descriptione occurrunt novem potissimùm consideranda.

Anima-
lia quid. 1. **A**NIMALIA sunt Hieroglyphica quæ repræsentant 4. Evangelia, sive, ut S. Irenæus loquitur, *quadri forme Evangelium*. qui est communis sensus Ecclesiæ, & Tradição Pa-

trum de his animalibus. Nec refert, neque incongruum est, quòd Joannes in hac prophetia suummet Evangelium ab se (biennio post) scribendum videat & connumeret.

F 2

1. Dispos

Locus-
animaliū
in Visio-
ne.

Cur ap-
pellen-
tur ani-
malia.

2. Dispositio eorum IN MEDIO
SEDIS ET IN CIRCUITU SE-
DIS. id est, in medio spatio quod est
ē regione Throni, & circa illum il-
liusque latera: inter Thronum & mare
vitreum.

3. Dicuntur animalia, id est anima-
ta tota & in motu. sic enim visa sunt
eadem Ezechiel cap. i. in cuius versum
11. & 12. S. Hieronymus: *Inter se sibi
sunt, ait, Evangelia, harentque mutuo, &
in toto orbe volitantia huc illucque discur-
runt: nec habent finem volatus, nec ali-
quando superantur & recedunt, sed sem-
per ad ulteriora procedunt.* De quibus
idem S. Hieronymus in proœmio Com-
mentarii in Matthæum: *Hæc igitur 4.
Evangelia, multo antè prædicta, Ezechie-
lis quoque Volun. en. probat; in quo prima
Visio ita contextitur: Et in medio simili-
tudo 4. Animalium &c.* Et in Ezech.
Cap. i. pleniusque, ait, in *Apocalysi Jo-
annis horum Animantium species ac nomi-
na referuntur ad 4. Evangelia.* Vidit
ea Ezechiel in forma Cherubinorum,
quo etiam nomine appellat Cap. 10. v.
20. *Intellexi, ait, quia Cherubim essent:*
ob scientiam omnium sublimissimam.
Unde S. Hieron. ep. ad Paulinum:
*Matthæus, Marcus, Lucas & Joannes
quadriga Domini & verum Cherubim,
quod interpretatur Scientia multitudo &c.*
Hoc discrimine inter Ezechielem &
Joannem: quod ille ut ex vetere Te-
stamento velut à longè ea prævideat
& confusa, perindeque ac si unicuique
sint quatuor facies (tamen etiam Eze-
chiel primaria facies singulorum ap-
pareat humana) Joannes autem ut

propius inspecta distinguat, ita ut sit
cuique Animalis sua.

Hæc sunt illa Animalia quæ Cap. 6.
Joannem evocant, & ei ostendunt 4.
Equos: quorum quartus ostenditur ab
Aquila, id est ab Evangelio quod Joan-
nes erat adiuncturus.

4. Omnino QUATUOR recen-
sentur Animalia. de quo numero S. quater-
Irenæus lib. 3. adv. hæres. cap. 11. *Neque
autem plura numero quàm hæc sint, neq;
rursus pauciora caput esse Evangelia. con-
gruere enim, ut sicut 4. regiones mun-
di sunt per quas Ecclesia, & 4. princi-
pales (inquit) spiritus seu venti illarum
regioarum, ita 4. sint columnæ ejus, &
4. sint spiritus vitæ, Evangelia quibus
illæ regiones vivificentur. Etenim, ait,
cum omnia composita & apta Deus fe-
cerit, oportebat & speciem Evangelii nu-
mero & proportionem tenus, bene com-
positam & bene compaginatam esse.* Et S.
Hieronymus proœmio in Matth. *Qui-
bus cunctis perspicue ostenditur, quatuor
tantum debere Evangelia suscipi.*

5. PLENA dicuntur OCULIS. Plena o-
culis: cui simile est illud Ezechielis. Cap. 1. v.
18. *totum corpus oculis plenum in circui-
tu.* vel, ut LXX. verterunt: *& dorsa
plena oculis.* quem in locum S. Hiero-
nymus interpretes: *Totumque corpus &
dorsa erant plena luminis in circui-
tu: ut nullum membrorum aspiceris quod o-
culos luminis non haberet: qualemque de-
scribunt fabula poetarum Argum fuisse
centoculum sive multorum oculorum.* Et
paulò post: *Totum autem corpus & dor-
sa plena oculis approbabit, qui viderit ni-
hil esse in Evangelis quod non luceat, &
splen-*

*splendore suo mundum illuminet: ut etiam
quæ parva putantur & vilia, Spiritus san-
cti fulgeant maiestate.*

Antè &
retrò.

Nam quod Apocalypsis dicit ocu-
lata esse ANTE ET RETRO: hanc
addit significationem, quòd Evange-
liorum perspicax sit acies & intuitus in
ea quæ prædicta aut gesta fuerunt in
vetere Testamento, quod est retrò ac
tempus figuratum: & in Novum Te-
stamentum, quod est antrosum ac
tempus quo figuræ implentur.

Dissimi-
litudi-
faciei.

6. Erant formæ Cherubinæ quæ re-
ferret hominem: voce humana arti-
cularâ, ut patet infra Cap. 6. dissimi-
lia tamen inter se facie teous; & in
ipforum trium aspectu seu facie aliquid
ab humana diversum. Nam primum
animal imitabatur vultum *Leonis*: se-
cundum *Vituli*: tertium non nisi ho-
minis: quartum *Aquile*. Breviter: ap-
parere visâ sunt illa 4. Animalia velut
Cherubim in humana forma & voce,
trium ex illis alio nonnihil & commu-
tato vultu in leoninum, vitulinum, a-
quilinum.

Facies,
quid.

Obrâ est expositio SS. Patrum, qui
hanc diversitatem in hunc facillimum
sentum acceperunt: *Facies* illa, est no-
titia sanctorum quatuor Evangelio-
rum; id est, initium & frons Evange-
lii ex qua unumquodque discernitur:
nam in cætero corpore Evangelico est
in re ipsâ consensus omnium. Evan-
gelium igitur Marci incipit à voce Jo-
annis præcursoris in deserto, ceu rugi-
tu Leonis: Evangelium Lucæ à Vitulo,
id est vetere sacerdotio Zachariæ: E-
vangelium Matthæi ab humana gene-
ratione Christi: Evangelium Joannis

à divinitate VERBI quòd ut Aquila se
librat ad volandum, fixo obtutu in ejus
contemplationem. *Facies*, inquit S.
Hieronymus (in Ezech. cap. i. vers. 10.)
principia dicti Evangeliorum.

7. In hac dissimilitudine primi aspe-
ctus commune omnium est Anima-
lium significatum, unus & idem Chri-
stus qui representatur: is qui & homo
& leo & vitulus & aquila. Ita S. Am-
brosius suo ævo plerosque existimare;
sic enim scribit præmio in S. Lucam;
*plerique tamen hinc putant ipsum Domi-
num nostrum in quatuor Evangelii libris,
quatuor formis animalium figurari, quòd
idem homo, idem leo, idem vitulus, idem
aquila: homo, quia natus ex MARIA
est; leo, quia fortior; vitulus, quia hostia;
aquila, quia resurrectio est.* Vel, ex S.
Hieronymo brevius: qui in Incarna-
tione homo, in passione vitulus, in re-
surrectione leo, in ascensione aquila.
Juvat his Patribus antiquiorem adde-
re S. Irenæum lib. 3. cap. xi. *Omnium,*
inquit, *artifex VERBUM, qui sedet super
Cherubim & continet omnia, declaratus
hominibus dedit nobis quadriforme E-
vangelium quod in uno Spiritu contine-
tur.* Citat psalmum 79. v. 2. *David, in-
quit Irenæus, postulans ejus adventum
aut, qui sedes super Cherubim, appære.*
*Etenim Cherubim quadriformia, & for-
ma ipsorum. Imagines sunt dispositionis
Filii DEI. Primum enim Animal simile
Leoni, efficabile ejus & principale & Re-
gale significans: secundum verò simile
Vitulo, sacrificalem & sacerdotalem ordi-
nationem significans: tertium verò habens
faciem quasi humanam, eum qui est se-
cundum Hominem adventum, ut mani-*
fè

Mutua
unitas;
ejusdem
signifi-
cati.

festè describens: quartum verò simile Aquila voluans, Spiritus in Ecclesiam ad-
voluans gratiam manifestans. Et E-
vangelia his consonantia: in quibus infi-
det Dominus Jesus &c. Denique idem
Irenæus exat: Qualis igitur, ait, dispo-
suo Filii DEI, talis & Animalium for-
ma: & qualis Animalium forma, talis
& character Evangelii.

Currus
Evange-
licus.

Sensus Patrum est, quòd hæc inter
se connexa pennatæque Animalia de-
clarent Oeconomiam & dispositionem
æternam VERBI incarnati: cujus in-
fertur cognitio per 4. mundi partes,
velut sedente Ipso super Cherubim, id
est quatuor Evangelii provehentibus
famam ejus & characterem quadru-
plicem unde dignoscitur: videlicet,
quòd verus Homo, quòd Doctor salu-
tis, quòd Sacerdos, quòd æternus Fi-
lius DEI. hanc quaternam de eo noti-
tiam præferunt primâ facie, seu intuitu
sui ostentant illa Animalia: Homo
incarnationem, Leo doctrinam, Vitu-
lus immolationem, Aquila divinitatem
ascendentis & provocantis ad Cælum:
quæ sunt 4. Stemmata Redemptoris.
& in omnibus 4. Evangelii est manus
hominis, quia est opus liberationis
humanæ. De illa quadruplici facie &
de hoc opere Sedulius presbyter (anno
Christi 430.)

Arma
Christi
natalitia:
effigies
4. Ani-
malium,
cum ma-
nu ho-
minis.

Hoc Matthæus agens hominem ge-
neraliter implet:

Marcus ut alta fremit vox per de-
serta leonis:

Jura sacerdotii Lucas tenet ore ju-
venci:

More volans aquila VERBO tenet
astra Joannes.

8. Singulorum Animalium sex ala Alæ se-
sunt: sicut illæ summorum Angelorum næ.

Isa. 6. v. 2. quarum duabus, ut addit
Isaias, obtegebant faciem, duabus pe-
des, & duabus exprimebant volatum.
quâ ceremoniâ profitentur quàm sint
intellectu incomprehensibilia mysteria
quæ in his Evangelii: quàm affectus,
velut pedum, impar erga illa: & quòd
cordi sit executio volandi atque Evan-
gelio implendi orbem terrarum. S.
Irenæus l.c. monstratam nobis esse do-
cet volatilem & pennatam Imaginem
Evangelii.

9. ET IN CIRCUITU ET Extra a-
INTUS PLENA SUNT OCUL- las & sub
LIS. sicut enim v. 6. antè & retrò, alis ocu-
lis. sic v. 8. extrinsecus in circuitu ala-
rum, & intra seu sub alis. Nimi-
rum Evangelium Christi quadruplex
totus est oculus & lumen hominibus:
& ut S. Hieron. ep. supra citata ad
Paulinum: *Matthæus, Marcus, Lu-
cas, & Joannes* (id est Evangelia eo-
rum) *per totum corpus oculati sunt.*
Subdit Hieronymus: *terga pennata*
& ubique voluantia tenent se mutuo:
sibi que perplexi sunt, & quasi rota in ro-
ta volvuntur: & pergunt quocunque
eos flatus Spiritus sancti
perduxerit.

S. III.

S. III.

De acclamatione Animalium & Seniorum: cum brevi repetitione ordinis in Visione.

Trifagion Animalium,

1. **V**Ox Animalium eadem est quæ Seraphinorum apud Isaiam cap. 6. Canunt sine requie, **DIE AC NOCTE, SANCTUS, SANCTUS, SANCTUS**; tribus Personis uni *Omnipotenti*: **QUI ERAT, inquit, ab æterno, ET QUI EST immutabiliter, ET QUI VENTURUS EST** in ea Persona quæ operante totâ **TRINITATE** induta est naturâ humanâ; in qua Persona simul est ventura tota & necessariò **TRINITAS** per circum-insessionem conjunctissima. Rectè Animalia monent *venturum*: quia Evangelia præparant hominum genus ad expectationem adventus illius & Judicii.

2. Dum illa Animalia trifagion suum canunt sedenti in Throno, & ut sunt tota animata Spiritu vitæ illius, reddunt **GLORIAM, HONOREM ET BENEDICTIONEM VIVENTI IN SÆCULA æterna**: protinus etiam **SENIORES** cum illis *prociidunt* præ reverentiâ; *adorant* ex Zelo; & **CORONAS** ei suas assignant cum sub *missione* & gratitudine.

Confessio Seniorum.

Atque hæc est vox procidentium: **DIGNUS ES DOMINE DEUS NOSTER ACCIPERE GLORIAM, ET HONOREM, ET VIRTUTEM** (quod est Trifagion Seniorum & depressio sui in triplex ni-

hilum suipforum; naturæ, gratiæ, beatitudinis:) **QUIA TU CREAMISTI OMNIA: ET PROPTER VOLUNTATEM TUAM ERANT: ET CREATA SUNT.** Id est: Tibi, inquit, omnia reddimus accepta: Creatori enim; ideas divinæ mentis Tux, effectrices rerum omnium, & per decretum *voluntatis Tux*: ibi in ideis illis tuis sempiternis atque in illo tuo decreto *erant* ab æterno: jamque in tempore *creata sunt*, ex nihilo suimet Te auctore, ad quem solum est referendum omne esse earum naturale & supra naturam.

3. Addamus Anacephaleos in hujus Capitis; & ordinem totius Visionis; qui sic habet.

Sessio DEI in Throno:

Ordo Virorū.

Circa eum sedilia, seu throni minores juxta positi, super quæ Seniores 24.

De Throno sicut in Sinai Vox Majestatis, Nova Lex Christianorum, & Evangelica.

Ante Thronum 7. Lampades, hieroglyphicæ septem Spirituum Præsidum, ardentium charitate DEI & mundi inferioris de quo agitur illuminando per Ecclesias.

E regione in conspectu Sedis Mare vitreum.

Circum in medio, inter Sedem & Mare

Mare vitreum, spatium pro Animalibus quæ nullum faciunt finem deprædicandi : sicut nec Seniores ferendi accepta Deo sua ipsorum merita, ex suo nihilo in quod procidunt & ex quo dicunt esse omnia.

Procidamus & nos coram Throno, qui hæc legimus, & prostrati dicamus Trisagium cum Animalium tum Seniorum : prostrati in triplex nihilum nostrum, nihilum naturæ, nihilum gratiæ, nihilum beatitudinis.

TRACTATUS VIII.

IN CAPUT V.

Continuatur Visio Capitis præcedentis.

VERBA APOCALYPSEOS.

(Cap. 5. Vers. 1.) *Et vidi in dextera sedentis supra thronum, librum scriptum intus & foris, signatum sigillis septem. (v. 2.) Et vidi Angelum fortem, prædicantem voce magna : Quis est dignus aperire librum, & solvere signacula ejus? (v. 3.) Et nemo poterat, neque in cælo, neque in terra, neque subtus terram, aperire librum, neque respicere illum : (v. 4.) Et ego flebam multum, quoniam nemo dignus inventus est aperire librum, nec videre eum. (v. 5.) Et unus de senioribus dixit mihi : ne fleveris : ecce vicit Leo de tribu Iuda, radix David, aperire librum, & solvere septem signacula ejus. (v. 6.) Et vidi : & ecce in medio throni, & quatuor animalium, & in medio seniorum, agnum stantem tanquam occisum, habentem cornua septem, & oculos septem : qui sunt septem spiritus Dei, missi in omnem terram ; (v. 7.) Et venit, & accepit de dextera sedentis in throno librum. (v. 8.) Et cum aperisset librum, quatuor animalia, & viginti quatuor seniores ceciderunt coram agno, habentes singuli citharas, & phialas aureas plenas odoramentorum, quæ sunt orationes sanctorum : (v. 9.) & cantabant canticum novum, dicentes : Dignus es Domine accipere librum, & aperire signacula ejus : quoniam occisus es, & redemisti nos Deo in sanguine tuo, ex omni tribu, & lingua, & populo, & natione : (v. 10.) Et fecisti nos Deo nostro regnum, & sacerdotes : & regnabimus super terram. (v. 11.)*

(v. 11.) Et vidi, & audiui vocem Angelorum multorum in circuitu throni, & animalium & seniorum: & erat numerus eorum millia millium, (v. 12.) dicentium voce magna: Dignus est Agnus, qui occisus est, accipere virtutem, & divinitatem, & sapientiam, & fortitudinem, & honorem, & gloriam, & benedictionem. (v. 13.) Et omnem creaturam, quæ in calyce, & super terram & sub terra, & quæ sunt in mari, & quæ in eo, omnes audiui dicentes: Sedenti in throno, & Agno, benedictio, & honor, & gloria, & potestas in sæcula sæculorum. (v. 14.) & quatuor animalia dicebant: Amen. Et viginti quatuor seniores ceciderunt in facies suas: & adoraverunt viventem in sæcula sæculorum.

§. I.

De Libro clauso.

Videt IN manu DEXTERA, quod est felix omen (Et facit gratia, ait Augustinus in psal. 17.) SEDENTIS in Throno, LIBRUM: SCRIPTUM INTUS ET FORIS: quod idem dicebatur de Libro quem vidit Ezechiel cap. 2. v. 9. epistolographum, id est plenum characteribus non solum intus sed & à tergo: an præcorum more convolutus fuerit ut ille Ezechielis, an aliter, nihil refert: SIGNATUM SIGILLIS SEPTEM, id est universè in omnibus Libri partibus arcanum. *Eru vobis, inquit Isaias cap. 29. v. 11. Visio omnium sunt verba Libri signati.*

Is Liber, in manu Dei, sunt mysteria Apocalypsis quæ in Dei præscientia & providentia sunt descripta: verbo, Diphthera futurorum; scripta *Partes intus* pro electis, *foris* de reprobis. Et *ejus ob-* sunt Libro partes septem: *signatæ,* quæque sigillo soluto inspicitur & le-

gitur sua mysteriorum Libri pars. (nam alia contineri sub Sigillis septem usque ad Caput undecimum Apocalypsis, & ab illo capite incipere Librum, putum est commentum.) Prius, ut quæque sigilla aperiuntur, ita pars Diphtheræ foris & intus scriptæ patet: erat enim in 7. partibus distinctis sigillatus Liber, ut nulla ejus pars legi posset non aperto ejus partis sigillo.

Ubi, ut pro captu literæ & imaginatione adjuvandâ illud obiter monemus, non est concipiendum quasi 7. Sigilla simul & semel exterius obfignent totum Librum, prout proclive est concipere tanquàm in nostrate moderno libro: sed fuit Liber in unaquaque sui parte seu tomo scriptus undique, & clausa unaquæque pars suo sigillo: quo proinde artificiosè sublato, id quod nemo poterat alius quàm Agnus, apparebat scriptura intus & foris, patebatque legenti.

Præco
Ange-
lus.

2. Sequitur vox præconis, *Angeli fortis*: quo nomine ostendit se querere fortem ad aperiendum; & fortitudinem illam consistere in promeritis: **QUIS** enim, ait, **EST DIGNUS APERIRE LIBRUM ET SOLVERE SIGNACULA EJUS?** quem **NEMO** poterat **NEQUE cælestium, NEQUE terrestrium, neque infernorum** APERIRE, nedum ad ea quæ scripta erant **RESPICERE**.

3. Donec **MULTUM** idcirco *stetit* Joanni **UNUS DE SENIORIBUS: NE FLEVERIS, ECCE VICIT LEO DE TRIBU JUDA, RADIX DAVID, APERIRE** eum. *Vicit*, ut potens meritorum & *dignus*: ortus est *de tribu Juda*, cujus insigne leo, Gen. 49. 9. *Carnus leonis Iuda-accubusit* **Leo: radix David**, id est, stirpis Davidicæ; ita ut ipse radix, portet stirpem, familiam Davidis.

Aper-
tus Li-
brum
Leo.

§. II.

De Agno qui aperit.

Qui &
Agnus.

1. **DE** Leone audierat: & ecce videt **AGNUM: STANTEM, IN MEDIO THRONI ET ANIMALIUM ET SENIORUM**, de quo S. Augustinus ser. 50. de verb. Domini: *idem Agnus & Leo*. & S. Bernardus ser. 1. de Pasch. *Ut & Agnus maneat, & Leo sit*. In medio est Throni, ipse proximus Throno medius inter Thronum & Seniores & Animalia, utpote Mediator Dei & hominum assertus in Evangeliiis. Dicitur **TANQUAM OCCISUS**; quia talis fuit, & tanquam victus ab interfectionibus: at nunc surrexisse dicitur, *vixisse*, ac stare ad representandam suam passionem ac meritum mortis. de quo S. Augustinus in quæstionibus Novi Testamenti q. 88. *stat ante Thronum Dei, quasi Advocatus interpellans*. In illum intendebant Seniores, & Animalia, velut cingentia tam Agnum quam Thronum è quatuor lateribus.

Poterat mirari navus Lector, in Capite præcedente omissam esse visionem Agni: & querere de illo, num ad apparitionem pertineat illius Capitatis. Responsio promittitur ex situ Agni qui describitur in hoc Capite 5. v. 6. *stetisse in medio Throni & 4. Animalium & in medio Seniorum*. Dicitur in medio Throni & 4. Animalium: quia ipsa Animalia Capite præcedenti v. 6. erant *in medio Sedis*. Dicitur & in medio Seniorum: quia de iisdem Animalibus & de sedilibus Seniorum dicebatur, utraque esse *in circuitu Sedis*. Propterea igitur aderat Agnus in Visione Capitatis præcedentis: contegebatur autem complexu Animalium & pantium, & objectu alarum quarum senæ singulis.

2. Cernitur habere Agnus **CORNUA SEPTEM ET OCULOS SEPTEM**: quæ utraque *sunt*, inquit, **SEPTEM SPIRITUS DEI, MISSI IN**

Agni
cornua
& oculi.

IN OMNEM TERRAM. Dicuntur *Cornua* ambientia Caput Agni, quæ est ejus Divinitas, de qua participant excellentiam roboris quo se impendant ad ministerium Capitis pro Corpore ejus imbecillo in terris. Dicuntur & *Oculi*: propter vigilantiam congruam tanto Capiti, quam exhibent pro eodem Corpore ejus quod est Ecclesia (Col. 1. v. 24.) quam non desinunt illuminare. Itaque & Cornua & Oculi: eò quòd robustissimi sint ad tutandam Ecclesiam Agni contra incursum malignorum Spirituum: atque ita vigiles Spiritus ut videantur esse meri Oculi.

Missi, ait, in omnem terram: quod etiam dixit Zacharias cap. 4. v. 10. *Septem*, inquit, *istæ Oculi sunt, Domini, qui discurrunt in universam terram.* Utique Spiritus sunt, potentissimi ceterorum;

& Spiritus Agni, quos sic habet tantumquam Cornua & Oculos suos missiles, quibus utitur ad propugnandum & advigilandum Corpori Capitis sui. Non est ergo mirum quòd Agnus habeat Cornua & Oculos qui sunt missiles in omnem terram, quandoquidem Corpus suum illud, cui tuendo sunt & Cornua & Oculi, habet diffusum in

OMNEM TERRAM.

3. VENIT Agnus, ET DE manu DEXTERA SEDENTIS ACCEPIT LIBRUM, cepitque aperire. Quòd ex *dextera* accipiat, significat felicem eventum & victoriosum: pro eo ac dicebatur; Vicit Leo; pro se & tribu Juda & familia sua Davidis; pro merito suæ mortis in qua omnis ejus fortitudo eminebat & victoria & potestas Mysteriorum aperiendorum.

Aperit Librum,

S. III.

De applausu qui editur.

Adoratio.

1. Simulatque Agnus aperit Librum, 4. ANIMALIA representantia Evangelium quadriforme procedunt coram eo: & cum illis SENIORES VIGINTI QUATUOR, qui suis *citharis* edunt symphoniam, in qua pro ratione sui cujusque meriti ac virtutum suus est chordarum sonus singulis, qui communem efficit concentum. Ea citharizatio Seniorum significat concordiam mutuam in Dei laude, cum summa suavitatem & beato suo gaudio; quod præ-

libabat Psalter (ps. 42. v. 4.) *Constituebor tibi in cithara.*

Habent autem & PHIALAS, PLENAS ODORAMENTORUM, phialarum. *que sunt,* inquit, ORATIONES SANCTORUM; figuratæ per Thymiama veteris Legis (Exod. 30. v. 34.) id est, supplicationes justorum in militante adhuc Ecclesia, quæ ascendunt ad Thronum è mari vitreo: has Beati isti intercipiunt & offerunt, odorem, Deo: offerunt autem in phialis AUREIS, hoc est, inclusas pretiosis suis

Odores phialarum.

Canticum novum.

suis Beatorum meritis ac precibus.

2. CANTICUM quod citharis suis canunt *Agno*, est NOVUM: utpote super Redemptione per Incarnationem & mortem Agni quæ nova: & ipsi Cantores novi. de qua novitate cantici S. Augustinus in psal. 149. *Vetus homo, vetus canticum; novus homo, novum canticum: Vetus Testamentum, vetus canticum* (æstimantium terrena beneficia;) *Novum Testamentum, novum canticum* (æstimantium æterna.) Et Rupertus Abbas in Apocalypsin lib.

4. *Novum*, inquit, *cantabant Canticum: nam & cantores omnes ipsi novi sunt, omnes veterem hominem deposuerunt, & nova in Christo creatura sunt. Tota nimirum Cantici materia nova erat: quia noviter Agnus occisus &c.* Hujus novæ laudis canitur meritum, dum dicitur: DIGNUS ES, DOMINE, ACCIPERE LIBRUM QUONIAM OCCISUS ES ET REDEMISTI NOS DEO &c. Ad dunt in Cantico: ET FECISTI NOS DEO NOSTRO REGNUM ET SACERDOTES: quod S. Petrus dicit (1. Pet. 2. v. 9.) ut rerulimus cap. 1. v. 6. Regale sacerdotium. *Regnum* quidem, quia quicumq; comparatur simul cum Agno, conregnabimus & cum eo: adjunguntque, SUPER TERRAM, hic enim incipit Regnum cæleste; neque tamen aunt Reges fore terræ, sed superiores omni terreno. *Sacerdotes* autem; quia veri omnes Christiani monentur quotidie offerre spirituales hostias, ac nominatum corpora sua *hostiam sanctam* (Rom. 12. v. 1.) exemplo summi Regis &

Sacerdotis à quo sumus consecrati.

Observandum quòd hic plausus Seniorum fiat coram Throno, & inde reflectatur usque in Mare vitreum: ut unde acceperant ascensum odoramentorum, eò vicissim remittant exemplum reddendi laudem Agno, & ostendant modum; qui est, continere ore, pulsare manu, litare thymiamate. Idèò autem CORAM AGNO hæc omnia: quia omnes orationes Sanctorum suum odorem, quo placeat Deo, & meritum acceperunt ab illo & acceptæ ei referuntur atque offeruntur. Et omnes Angeli, de quibus jam sequitur, omnisque creatura dant honorem, sicut in fine Capitis præcedentis Creatori nominatim, sic in hoc Capite Redemptori generis humani.

3. Et enim IN CIRCUITU Vox Angelorum. THRONI ET ANIMALIUM ET SENIORUM, cernere fuit MULTORUM millia ANGELORUM: quorum omnium una est vox extolentium merita eadem Agni. nempe ei, QUI OCCISUS est, attribuentium VIRTUTEM, græcè *ἀρετήν*; id est potentiam; ET DIVINITATEM, græcè *θεότητα*, id est divinitas, puta Deitatis inhabitantis in eo corporaliter; ET SAPIENTIAM, ET FORTITUDINEM, ET HONOREM; ET GLORIAM; ET BENEDICTIONEM. de quibus septem præconiis dicunt: DIGNUS est, hoc est, meruit ACCIPERE ab universo mundo dilatationem cultus, & famam potentie ac divinitatis.

Denique CREATURA omnino Plausus OMNIS

creatu-
rarum
omniū.

OMNIS audita est exultare suo modo, ac dare laudem SEDENTI IN THRONO ET AGNO: utpote ad hunc finem condita, ut serviat Beatitudini hominis redempti. immò & ipsa secundum se simul omnis reformanda in melius, Adventu ejus qui expectatur: juxta Apostolum Rom. 8. v. 21. *quia & ipsa creatura liberabitur à servitute corruptionis in libertatem glorie filiorum DEI.* Proinde hic omnis creatura communis est velut clamor hor-

tantis: ut dicatur laus (hæc est enim vis nominis, BENEDICTIO,) exhibeat HONOR, suspiciatur GLORIA, ET agnoscat POTESTAS, cui subdi par sit æternum, *Sedentis in Throno & Agno.*

Quod Jubilum omnis creatura, gratulationem, & vota confirmant quatuor Animalia, assertionem AMEN, id est, verè juxta sancta 4. Evangelia: & Seniores concludunt adorationem.

Liceat hic mihi convenire Lectorem Revelationum, quas aperit Agnus beneficio suæ mortis. ad quem Librum videndum antequam admittare, Lector Christiane, procide cum Animalibus & Senioribus: dic una cum his Canticum novum: contribue de Thymiamate pro phialis eorum & odore bono Christi: lauda inter Angelorum millia: tripudia cum omni creatura, quæ *subiecta est Agno, in spe*, exultabundâ dum nostram reparationem appellat pariter suam: & exili ad encomia illius.

TRACTATUS IX.

IN CAPUT VI.

Pervenimus ad Diphtheram inspiciendam: cujus quinque prima sigilla & pars sexti referantur in hoc Capite.

VERBA APOCALYPSEOS.

(Cap. 6. Versu 1.) *Et vidi quod aperuisset Agnus unum de septem sigillis, & audivi unum de quatuor animalibus, dicens tanquam vocem tonitruus: Veni, & vide. (v. 2.) Et vidi: & ecce equus albus, & qui sedebat super illum habebat arcum, & data est ei corona, & exivit vincens ut vinceret. (v. 3.) Et cum aperuisset sigillum secundum, audivi secundum animal, dicens: veni & vide. (v. 4.) Et exivit alius equus*

G 3

rufus:

, rufus: & qui sedebat super illum, datum est ei ut sumeret pacem de terra, & ut invicem se interficiant, & datus est ei gladius magnus. (v. 5.)
 , Et cum aperuisset sigillum tertium, audiui tertium animal, dicens: Veni, & vide. Et ecce equus niger: & qui sedebat super illum, habebat stateram in manu sua. (v. 6.) Et audiui tanquam vocem in medio quatuor animalium dicentium: Bilibris tritici denario & tres bilibres hordei denario, & vinum & oleum ne leseris. (v. 7.) Et cum aperuisset sigillum quartum, audiui vocem quarti animalis dicentis: Veni, & vide. (v. 8.) Et ecce equus pallidus: & qui sedebat super eum, nomen illi Mors, & infernus sequebatur eum, & data est illi potestas super quatuor partes terræ, interficere gladio, fame, & morte, & bestiis terræ. (v. 9.) Et cum aperuisset sigillum quintum, vidi subtus altare animas interfectorum, propter verbum Dei, & propter testimonium, quod habebant, (v. 10.) & clamabant voce magna, dicentes: usquequo Domine (Sanctus, & Verus) non iudicas, & non vindicas sanguinem nostrum, de iis, qui habitant in terra? (v. 11.) Et data sunt illis singule stolæ albae: & dictum est illis ut requiescerent adhuc tempus modicum, donec compleantur conservi eorum, & fratres eorum, qui interficiendi sunt sicut & illi. (v. 12.) Et vidi cum aperuisset sigillum sextum: & ecce terræ motus magnus factus est, & sol factus est niger tanquam sacculus cilicinus: & luna tota facta est sicut sanguis: (v. 13.) Et stellæ de cælo ceciderunt super terram, sicut ficus emittit grossos suos, cum à vento magno movetur, (v. 14.) & cælum recessit sicut liber involutus: & omnis mons, & insula de locis suis mota sunt: (v. 15.) Et Reges terræ, & Principes, & tribuni, & divites, & fortes, & omnis servus, & liber, absconderunt se in speluncis, & in petris montium: (v. 16.) Et dicunt montibus, & petris: Cadite super nos, & abscondite nos à facie sedentis super thronum, & ab ira Agni: (v. 17.) quoniam venit dies magnus ira ipsorum: & quis poterit stare?

§. I.

Equi quatuor.

Dum aperiuntur ordine quatuor prima Sigilla & hæ Libri partes inspiciendæ, ostenduntur Joanni eodem ordine 4. Equi: ad quorum singulos videndos hortantur singula ex 4. Animalibus.

Sigillum 1.
primum.
Canitur
bellicū.

ET est VOX primi Animalis TANQUAM sonus TONITRUI; VENI ET VI-
DE. sicut enim tonitruum est vice clasfici: sic EQUUS symbolum est bel-
li, martiale animal; usque eò, ut & apud veteres Ethnicos sacer fuerit Marti: & sancta vetus Scriptura, ad quam hoc loco respicitur, apud *Zachariam* cap. 6. v. 2. bellum Regnorum repræsentans produxerit *Equos rufos, nigros, albos, & varios.*

Albus:

Ceterum hic quatuor invicem succedunt: quorum primus cernitur ALBUS; quod est præsagium victoriæ, salutis, & felicitatis. sic enim pro signo triumphi præcessit Machabæos de cælo missus *Eques albus* 2. *Machab.* 11. v. 8. & Poëta (l. 3. *Æn.*) ex equis albis omen sumpsit fausti belli. Immo de hoc Equo Apocalypico S. Ambrosius (in psalm. 40.) asserit, præcessisse figuram illius in secundo Machab. cap. 3. ubi Heliodoro priores calces fuerunt elisæ. *Hic uaque Equus, ait, in figura & ante est demonstratus tempore Machabæorum: super quem sedebat Dux ille militiæ cælestis &c.*

Significat hic Equus noster Religio-
nem Christianam illiusque Doctores Chri-
sti Apostolos & successores: de quibus militans,
dicere licet illud *Zach.* 10. v. 3. *posui eos trium-*
(Dominus) quasi Equum gloriæ suæ in phatura.
bello. Insector ipse est Christus & re-
ctor: cui *Equus* & exercitus equorum
albus, ut expressè dicitur *Apoc.* 19. v. 11.
& 14. & nomen ejus ibidem VERBUM
DEI, v. 13. *Arcus* ei suus est Prædica-
tio; ex quo emittuntur quot verba tot
sagittæ acutæ: *verba*, inquit S. Aug. in
psal. 44. v. 6. *cor transfigentia, amorem*
excitantia. & in psalmum 119. v. 4. *sā-*
gitta potentis acuta verba DEI sunt: ecce
iaciuntur & transfigunt corda; sed, cum
transfixa fuerint corda sagittis verbi
DEI, amor excitatur; non interitus com-
paratur. salutare enim iis quos sternit,
sicut Saulum, & sibi subdit in bello suo
sacro: in quo integri populi sub eo ca-
dunt; *exente, ut obequiter totū mun-*
dum & identidem vincendo, vincat
contrarias potestates ac persecutiones
quæ insequuntur hunc Equitem. cui
DATA EST, inquit, CORONA:
quia subiecturus sibi est orbem & tri-
umphaturus de hostibus.

Sessoris
arcus.

Et coro-
na.

Nam

Nam in apertura Sigillorum trium sequentium tres apparent Equi, id est, exercitus triplex persecutorum: qui ad hoc inhiant toti & procurunt, ut prædicationem Christi struant & animas perdant (has præcipue, persequendo.

Merito primum Animal, quod Leonino est vultu, contemplandum esse monuit hunc Equitem, felicem & prævaliturum; de quo & dictum est, *Leo de tribu Juda.*

Sigillum secundum.
Equis rufus, Synagoga.

Aufer-
tur pax.

Gladius
magnus.

Sigillum tertium.
Equis

2. ANIMAL SECUNDUM vocat ad intuendum eum qui erit **EQUUS RUFUS**. Hec est Synagoga Judæorum, populus rufus sanguine Prophetarum & Christi: super quem *omnis sanguis iustus a sanguine Abel iusti*, Matth. 23. v. 35. tinctus sanguine Filii Dei undique *super se & super filios* Matth. 27. v. 25. Huic Equiti, Judæorum Principibus & Pontificibus, **DATUM EST**, id est permissum, **UT** auferat **PACEM DE TERRA** sua cui nomen à possessione fuit & visione pacis: **ET UT INVICEM SE INTERFICIANT**, Judæi Judæos tribules suos conversos ad Christianismum. **ET DATUS EST EI GLADIUS MAGNUS**: *persecutio magna*, Act. 8. v. 1. gladius dividens à Messia, & interficiens animas & corpora. qui sævit & tunc, & deinceps: compressusque in vaginam, educetur iterum ac sæviet tempore Antichristi qui ex Judæis.

Ostenditur hic Equus ab Animali quod gerit frontem Vituli, veteris sacrificii Judaici.

3. TERTIUM ANIMAL, humanâ effigie, ostendit eum qui prodit **EQUUS NIGER**. Is est Hæreseon,

quæ ab humano sunt ingenio & illusionem proprii iudicii. hic niger est, hunc tu (Orthodoxe) Romane caverò. *niger. Hæreses.*

Fertur intentio persequentium hæreticorum, ad invehendam atram famem *sinceri verbi* (Amos 8. v. 11.) & nutrimenti pro vita animarum. Eques hypocrita, quilibet Hæresiarcha, **STATERAM** jactat, simulatam expositionem Scripturæ divinæ tanquam bilancem.

Statera.

Sed enim resistit quadriga Evangelica: quam obrem **IN MEDIO 4. ANIMALIUM**, id est Evangeliorum, vox toto orbe diffusa (quæ concordia significat Conciliorum & doctrinæ contra hæreticos) inhæret, atque obtinet, ne pereat semen verum & salubre frugum: ita quidem, ut **TRITICI**, quod est frumentum Novæ Legis, integra **BILIBRIS** (græcè *χάλυξ*; mensura quæ sufficit panis quotidiano) haberi possit **DENARIO**: ac pro rata, ut solet triticum esse triplo & melius & pretiosius, **TRES chænenices**, **HORDEI**, quod est annona Prophetarum & veteris Legis, eodem **uno** prostent **DENARIO** avitæ fidei. **VINUM** quoque **ET OLEUM**, id est, vera Sacramenta ne *ledantur* aut cessent in Ecclesia Catholica. portæ inferi, (hæ sunt hæreses S. Gregorio) nigrae invidia, quantavis moliantur inducere caritatem alimoniarum, & esto alicubi inducant, non prævalebunt quia ea suppeditet toto orbe terrarum.

Vox de medio Animalium.

4. QUARTI ANIMALIS, a quibus facie, vocem consequitur **EQUUS PALLIDUS**. Is est Ethnicimus Imperatorum orbis, quorum *semper*

Sigillum quartum.
Equis pallidus,

Impera-
tores
Ethnici.
Mors.

Infer-
nus.

potestas.

semper hieroglyphicum Aquila: para-
torum ad delendam Religionem Chri-
stianam. Sessor præfert nomen mor-
tis: quoniam eam intentant & profi-
tentur inferendam hi Tyranni: & quia
MORS animæ primariò quæritur,
idedò illam *sequitur* INFERNIUS.
Huic Equiti DATA EST POTE-
STAS SUPER 4. PARTES TER-
RÆ, in quas dominabantur latè Cæ-
sares Romani antiquitus: ad *interfici-*
endum GLADIO, FAME, ET
MORTE, ET BESTIIS TER-
RÆ. Neque enim illis Imperatoribus
quievit gladius: & enecti sunt fame in
carcere: & cruciati morte longâ: & ni-
hil communius quàm ut Christianus
ad bestias. Idque tot sæculis quot du-
ravit ethnicismus Imperatorum, nec
non quasi ethnicismus quorundam
subinde Tyrannorum Apostatarum
vel Arianorum.

Obser-
vanda
de his
Equis.

1. Rela-
tio Ani-
malium
ad E-
quos.

In descriptione horum Equorum
dignum est observatu: 1. Quàm acu-
tè in Apocalypsi à singulis Animalibus
ostenduntur singuli Equi! Primum
Animal Leo, intendit in Christum.
secundum Vitulus, in sacrificia vetera.
tertium Homo, in humanum dogma
propriâ interpretatione, & humanâ vo-
luntate assertum 2. Pet. 1. v. 20. & 21.
quartum Aquila in Imperatores. Per
ostensionem significatur relatio aliqua
ostendentis ad rem ostensam: id est,
vel sympathia; ut in primo Animal,

leonis ad leonem Christum: vel anti-
pathia; ut in cæteris, Vituli sancti ad
Vitulum jam profanum & sacrificia, Ho-
minis ad homines, Aquilæ ad aquilam.

2. Quàm arcanè Apocalypsis hos 2. Trium
tres Equites postremos vestivit & oc- Equitū
culuit schemate trium Flagellorum *Schema*,
Dei, quibus probat & castigat suos e-
lectos! dicitur enim, datus fuisse gla-
dius, data potestas. De his flagellis sæpè
Scriptura: 2. Reg. 24. v. 13. Jer. 14. v. 12.
Ezech. 6. v. 11.

3. Quàm deinde ordine accurato 3. Ordo
recensentur ex diphthera: eodem quo
cæperunt persequi nomen Christi ac
fidem! primus enim statim à prædica-
tione Apostolorum Equus rufus: tum
illo adhuc sæviente accessit Equus ni-
ger; initio ducto à Simone Mago &
assælis ejus atque imitatoribus variis
Hæresiarchis, prius etiam quàm se mo-
veret furor Gentilium Imperatorum.

4. Quàm etiam propheticè subdice- 4. Tacita
tur interitus illorum Equorum! neque prophe-
tia.
enim dicitur Equos hos tres fuisse abo-
litos, etsi ad tempus inhibita sit eorum
vis aut sopita persecutio: sed quamdiu
Eques albus exit vincendo, tamdiu isti
Equi tres Judaismus & Hæresis & In-
fidelitas durant: donec hæc omnia si-
mul monstra convenient ac transfor-
mentur in unam & eandem Bestiam sub
Antichristo; & sit de illis victoria finalis
penes exercitum album Apoc. 19. v. 17.
& seqq.

Age, Lector, acclamemus exeunti ut vincens vincat. Sessori coronato, Equiti albo:
Regi: dicamus illud psalmi 44. v. 5. *Intende, prosperè procede, & regna*: gratule-
lemur arcu quo configit *corda inimicorum Regis*: apprecemur sagittis; *Sagitta*
salutis Domini, salutis æternæ; figurata 4. Reg. 13. v. 17.

H

§. II.

J. II.

Clamor SS. Martyrum.

Vidimus 4. Sigilla, & invicem consecutos Equos: brevitate Visionis proportionatâ velocitati proficientium Equorum.

Sigillum
quintū.

Animæ
sub Al-
tari.

Sigillo quinto referato videt Joannes ANIMAS Martyrum modò INTERFECTORUM à persecutori- bus Equi albi. Narrat 1. visas esse SUBTUS ALTARE. quia sunt totidem hostiæ immolatæ: & quia membra sunt Corporis Christi quod in altari immolatur. quam causam allêgat S. Aug. ser. 11. de Sanctis: *Rectè sub altari iustorum anima requiescunt, quia super altare Corpus Domini offertur.* & subdit quòd propter consortium mortis Domini cum morte Martyrum: *Convenienter igitur, inquit, & quasi pro consortio ibi Martyribus sepultura decreta est, ubi mors Domini quotidie celebratur.* Et S. Ambrosius ep. 54. ad Marcellinam, distinctius exprimit cur etiam sub Altari: *succedunt, ait, victima triumphales in locum ubi Christus hostia est: sed ille super Altare qui pro omnibus passus est; est sub Altari qui illius redempti sunt passione.* Nimirum hic mos fuit Christianis, condi corpora Martyrum sub altari: unde passim altaria, cryptæ, ac deinceps templa nominata sunt, *Martyria, & Memoria Martyrum* prout videre est in S. Aug. post ceteros Patres.

Ex illo igitur more apud Christianos recepto rectè dicuntur commo-

rari sub altari eatenus ipsæ animæ, & quodammodo celebrare sepulturam corporum suorum, quatenus eorum unionem naturaliter & essentialiter, nec sine incessabili amore (dicitur enim ibi esse anima ubi amat) atque expectatione appetunt.

2. Audiat sunt *inclamare* genus vindictæ à sancto & vero Iudice: præcipue ac primò illam sibi salutarem ac piè debitam, ut reddantur sibi corpora sua interfecta & sanguis effusus restituantur. de hac petitione vindictæ, seu liberationis, S. Greg. lib. 2. mor. cap. 4. *quid est animas vindictæ petitionem dicere, nisi diem extremum iudicii & resurrectionem extinctorum corporum desiderare?* quod autem dicitur in Apocalypsi CLAMABANT VOCE MAGNA, idem S. Doctor exponit, & addit acceptam esse voluntati divinæ: *Magnus quippe clamor, ait, magnum est desiderium; etiam de Ipso accipiunt ut ab Ipso petant quodcumque facere velle noverunt.*

Nec hoc solum tamen orant: sed inclamant simul everti persecutionem interim regnantem, quod est delitui Regnum peccati, converti illi omnes persecutores, & pacem reddidit Ecclesiæ. de quo genere sanctæ vindictæ inter

Clamor.

inter sermones S. Aug. de temp. serm. 51. *quæritur quomodo huic præcepto, quo nobis iubetur orare pro persequentibus & calumniantibus vos, illud non est contrarium quod in Apocalypsi legitur, Martyres orare Deum ut vindicentur? & respondetur: ipsa est sincera & plena iustitia. Misericordia, vindicta Martyrum, ne evertatur Regnum peccati, quare regnantes tanta perpessi sunt.*

In hunc, inquam, duplicem sensum clamant v. 10. USQUEQUO, DOMINE, qui SANCTUS es ET VERUS, id est, qui sanctè permittis & verè fideliterque retribuis, NON JUDICAS ET NON VINDICAS? quorum alterum est cognitionis causa, alterum executionis sententiæ pro qua clamant.

Respon-
sum.

3. Pro responso iustæ sunt illæ animæ, tempore adhuc modico, acquiescere stolis albis singulis, id est Beatitudini

(talís erat stola candida in qua Angelus, Mar. 16. v. 5.) solius animæ, DONEC compleatur numerus futurorum porro Martyrum: quando in communi resurrectione recipient stolam alteram gloriæ æternæ corporum suorum. De stolis his S. Aug. ser. 11. de Sanctis: *optabant vestro diem extremum iudicii, & resurrectionem suorum corporum præstolantur. habent ergo ante resurrectionem singuli stolas albas, quia in sola anima adhuc æternis Beatitudinibus perfruantur &c.* De responso autem (quid sit quod illis cœlitus detur respondendo) audiant, S. Gregorius lib. 2. mor. cap. 4. *respondere ergo eis est, ut collectionem fratrum expectare debeant; eorum mentibus libenter expectandi moras infundere, ut cum carnis resurrectionem appetunt, etiam ex colligendorum fratrum augmento gratulentur.*

S. III.

Trepidatio persecutorum.

Sigilli
sexus pars.

1. **P**Rotinus ubi apertum est Sigillum sextum, post ostensam requiem Beatarum animarum, sequitur & prophetatur persecutorum reproborum trepidatio, illis ventura in hora mortis ipsorum pessima (psal. 33. v. 22.) in qua obscurabitur omne gaudium impiorum: & in generali iudicio; quod describitur TERRÆ MOTU, mutatione SOLIS ac LUNÆ, & lapsu STELLARUM, immaturo casu id est inexpectato SICUT GROSSO-

RUM in turbine decussorum, RECESSU temporis & motus primi mobilis, complicatione COELI SICUT LIBRI (cujus cum sit finis, pliacatur & involvitur) atque emotione MONTIUM ET INSULARUM. Similia prædixit Isaias cap. 34. v. 4. *complicabuntur, inquit, sicut liber cœli, & omnis milita eorum (quæ sunt stellæ) defluet, sicut defluit folium de vinea & de ficu.*

2. Tum verò ecce omnis persecutor
H 2 & re-

Dies ul-
tionis.

& reprobis; seu qui iusserunt, ut RE-
GES ET PRINCIPES ET TRI-
BUNI; seu qui procurârunt & exti-
mulaverunt ad persecutionem, ut DI-
VITES ET FORTES; seu qui
executi eam sunt, OMNIS SER-
VUS ET LIBER; quærent se ab-
scondere IN SPELUNCIS *petrarum*
(quod prædixit & figuravit *Isaias* cap.
2.v.19.) AB IRA AGNI qui est is
quem fuerunt persecuti: & dicent illud
Osee 10.v.8. *montibus operite nos, & col-
libus, cadite super nos.* quod & repetiit
Christus *Luc.* 23.v.30. quæ omnia par-
tim in figura præcesserunt in excidio
Israëuitarum, partim ac manifestè præ-
dicuntur de trepidatione quæ futura
est impiis in hora iudicii: cum particu-
laris, in quo unicuique reprobo suus
Sol & mundus verissimè describuntur
occidere & usus ei omnis ac motus a-
strorum interire; tùm universalis con-
secuturi & conformis iudicio particu-
lari singulorum. Rectè S. Chrysostomus
hom. 10. in *Matth.* *generalem illum
mundi finem, uniuscuiusque nostrum vi-
ta finis imitatur.* Et S. Hieronymus in
caput 2. Joëlis: *Diem autem Domini,
diem intellige iudicii: sive diem exitus
uniuscuiusque de corpore: Quod enim in
die iudicii futurum est omnibus, hoc in
singulis die moris impletur.*

Conver- 3. Vidisti, Lector, egregiam con-
sio hujus nexionem in his duobus Sigillis, qui-
bus ostensa sunt Joanni, hinc copiosus,

Martyrum sanguis & clamor: illinc cū quin-
to. subsequens obitus ac damnatio hor-
renda eorum qui hunc sanguinem fu-
derunt. Et sicut animæ piæ defuncto-
rum, ut primùm decesserint, expe-
ctant cum spe & multa consolatione
(in §. præcedente) Beatam in iudicio
universali resurrectionem etiam cor-
porum: sic animæ reproborum à pri-
mo momento exitus ex corpore con-
cutiuntur (in hoc §.) horrore terribili
iudicii universalis & condemnationis
quam se vident manere etiam corpore
tenus.

Cætèrùm ea quæ hucusque visi-
sunt in Diphthera, cadere jam cœ-
perant in ætatem S. Joannis: quo su-
perstite ex parte fiebant. propheta-
tantur autem (prout admonuimus in
Prolegomeno) ut generalia omnium
ætatum reliquarum: talis enim est
persecutio sive à Judæis, sive ab Hæ-
reticis, sive ab Infidelibus: quæ nun-
quam penitus cessabit adversus Chri-
sti fideles usque ad ultima tempo-
ra: minore aut ampliore clade ani-
marum; Deo moderante omnia ad
salutem electorum. Perinde ut so-
lent esse bella, fames, & lues omni-

Propheta-
tata; et si
cœpta.

bus communia ætatibus fla-
gra Dei, strages
corporum,

* * *

TRACTA-

TRACTATUS X.

IN CAPUT VII.

Offensus fuit clamor animarum sanctarum: & differri Iudicium generale impiorum persecutorum. adhuc enim prorogatur tempus persecutionum, & continuantur pericula, quorum non statim finis: sed augetur magna turba prædestinatorum Martyrum & conservorum. de quibus proinde sequitur in Cap. septimo.

VERBA APOCALYPSEOS.

(Cap. 7. Vers. 1.) *Post hæc vidi quatuor Angelos stantes super quatuor angulos terræ, tenentes quatuor Ventos terræ, ne flarent super terram, neque super mare, neque in ullam arborem. (v. 2.) Et vidi alterum Angelum ascendentem ab ortu solis, habentem signum Dei vivi: & clamavit voce magna quatuor Angelis, quibus datum est nocere terræ, & mari, (v. 3.) dicens: Nolite nocere terræ, & mari, neque arboribus, quoad usque signemus servos Dei nostri in frontibus eorum. (v. 4.) Et audiui numerum signatorum, centum quadraginta quatuor millia signati, ex omni tribu filiorum Israel. (v. 5.) Ex tribu Iuda duodecim millia signati: Ex tribu Ruben duodecim millia signati: Ex tribu Gad duodecim millia signati: (v. 6.) Ex tribu Aser duodecim millia signati: Ex tribu Nephtali duodecim millia signati: Ex tribu Manasse duodecim millia signati: (v. 7.) Ex tribu Simeon duodecim millia signati: Ex tribu Levi duodecim millia signati: Ex tribu Issachar duodecim millia signati: (v. 8.) Ex tribu Zabulon duodecim millia signati: Ex tribu Ioseph duodecim millia signati: Ex tribu Benjamin duodecim millia signati. (v. 9.) Post hæc vidi turbam magnam, quam dinumerare nemo poterat, ex omnibus gentibus, & tribubus, & populis, & linguis: stantes ante thronum, & in conspectu Agni, amicti stolis albis, & palmæ in manibus eorum: (v. 10.) Et clamabant voce magna dicentes: Salus Deo nostro, qui sedet super thronum, & Agno. (v. 11.) Et omnes*

H. 3.

Angel.

, Angeli stabant in circuitu throni, & seniorum, & quatuor animalium:
 , & ceciderunt in conspectu throni in facies suas, & adoraverunt Deum,
 , (v. 12.) dicentes, Amen. Benedictio, & claritas, & sapientia, & gra-
 , tiarum actio, honor, & virtus, & fortitudo Deo nostro, in sæcula, sæcu-
 , lorum, Amen. (v. 13.) Et respondit unus de senioribus & dixit mihi: Hi,
 , qui amicti sunt stolis albis, qui sunt? & unde venerunt? (v. 14.) Et dixi
 , illi: Domine mi, tu scis: & dixit mihi: Hi sunt, qui venerunt de tri-
 , bulatione magna, & laverunt stolas suas, & dealbaverunt eas in san-
 , guine agni: (v. 15.) ideo sunt ante thronum Dei, & serviunt ei die ac
 , nocte in templo ejus: & qui sedet in throno, habitabit super illos.
 , (v. 16.) Non esurient, neque subicient amplius, nec cadet super illos sol,
 , neque ullus aestus: (v. 17.) Quoniam Agnus, qui in medio throni est,
 , reget illos, & deducet eos ad vitæ fontes aquarum, & absterget Deus
 , omnem lachrymam ab oculis eorum.

§. I.

Quatuor Angeli tenent Ventos.

Sigilli
 sexti
 Pars al-
 tera.

Tempe-
 stas à 4.
 Ventus:

1. **V**ersamur in ea parte Libri
 quæ claudabatur Sigillo sex-
 to. Major hîc quàm exactis
 retrò annis numerus Christianorum
 preparatur ad Martyrium, vel ad con-
 fessionem non multum impari mar-
 tyrio. Toto enim orbe terrarum im-
 minet motus, & laxandi erunt VEN-
 TI ac permittendi furere ex 4. AN-
 GULIS TERRÆ, ac procella exci-
 randa omnium hucusque atrocissima
 inter gentiles, sub Imperatoribus simul
 binis Diocletiano & Maximiano: quæ
 persecutio digna profecto fuit nomi-
 natum innui in Apocalypsi & describi
 per impetum 4. Ventorum undique ir-
 ruentium ut flando sternant. quando
 hi duo præcipui hostes Christianorum,
 immani per orbem conspiratione; to-

tos vi & astu se impenderunt ad exscin-
 dendam Religionem Christianam, &
 ad Christianos terrâ marique extin-
 guendos. Nihil propemodum, aut
 parum admodum, singulæ persecutio-
 nes præcedentes ad hanc furiosissi-
 mam: numeratos fuisse in singulos
 menses decies & septies millenos Mar-
 tyres, ut narrat Eusebius de solo Dio-
 cletiano! non remisisse sed crevisse ra-
 biem persequendi, decennio toto Im-
 perii, per Occidentem atque Orien-
 tem.

2. Sed non prius hæc tam atrox
 tempestas, & flatus ventorum, quàm
 signaculum peculiare & præmunitio
 electorum Martyrum & Confesso-
 rum. nam eum in finem coercere
 (quod græcè habetur, *κραῦντας*) ac
 DE-

DETINENT hos ventos ANGELI QUATUOR : laxaturi : nō sisterentur à potiore ANGELO, misso AB ORIENTE (qui ORIENS est Christus: Zach. 3. v. 8. Luc. 1. v. 78.) à quo Angelo SIGNUM exhibetur DEI VIVI.

Non laxandis
antè
quàm signentur
servi
DEI:

Hic iniecit moram illis 4. Angelis, quoadusque præcautum fuerit de cœlo servis DEI prædestinatis, qui signabuntur, nolint proinde promiscuè nocere: & verò nolle optant, ut Angeli salutares, libenter enim detinent ac deferunt flatum id est irruptionem ac turbam venturum cum *nocumento* TERRÆ, MARIS, ET ARBORUM.

Nominantur hæc tria: quia dispersa erat multitudo innumera seniorum DEI in locis mediterraneis; in maritimis, in arboreis & sylvis, quas incolebat anachoretarum maxima copia, seminatis Martyrum & Confessorum, prout mentio est in Conciliis & in Actis illorum temporum. Cùm igitur his omnibus ex locis extrahendi essent & abripiendi cumulatim servi DEI, & ad apostasiam cogendi omni genere artificiorum ac suppliciorum: congruum erat, ut fidelis Deus, qui salvos illos velleret, præsignaret eos, armaret, firmaretque adversus persecutionem omnium nominatissimam & periculosissimam.

Et moderato-
ribus 4.
Angelis.

3. Providentia DEI est, quòd ille motus & laxatio ventorum ac procella commissa sit moderanda 4. Angelis Præsidibus 4. cardinum orbis ac proinde primariorum ventorum. hoc enim significant verba, QUIBUS DA-

TUM EST NOCERE: illà videlicet conditione, lege, & fine qui intenditur divinitus. insinuat namque his verbis conditio sub qua datum est, & quo limite ac fine datum: & quid eos faciat expectare detinendo ventos; nempe ut signentur contra tempestatem & roborentur electi: ac demum quo fine postea permittere debeant & cuiusmodi nocumentum terræ & maris, ut jam jam dicemus. Nam & S. Hieronymus in Dan. c. 7. quatuor *Angelus intellexit potestates quibus principalia Regna commissa inquit sunt*: & ad hoc significandum adduxit locum Deut. 12. v. 8. (ex 70.) *juxta illud, quod in Deuteronomio legimus: quando dividebat Altissimus gentes, quando separabat filios Adam, constituit terminos populorum juxta numerum Angelorum DEI.*

Ad hos Angelos is qui ascendit missus ab ortu Solis: NOLITE, inquit, v. 3. & c. QUOADUSQUE SIGNEMUS. quæ est invitatio illorum quatuor ut unà juvent prius in signandis electis per suos omnes angulos terræ. sic enim habet Arabicus textus: *quoadusque signetis*. nempe istà restrictione datum vobis est nocere, eaque cautione atque exitu permittere laxationem tempestatis, ut benè sit Signatis, & magno animarum bono quæ præmuniuntur ad certamen. hac signatione facta concitetur sanè orbis in Christianos terrâ marique: Christianorum sanguine fundendo simul læviatur adhuc, simul extinguatur idololatriæ vis: profeminetur illo semine fides Christi per 4. partes orbis, & incontinencia
repro-

reproborum probentur propagenturque electi. proveniat ex his motibus bonum ingens, ô Angeli Signatores & administri simul Justitiæ & consiliorum DEI; quod est Christianæ Religionis dilatio & profectus, Cœli ac Beatitudinis amplificatio & splendor, ac Beatæ multitudinis accumulatio.

Hæc enim verè contigerunt, seminatiusque est & propagatus Christianismus persecutione.

Donec deferbuit illa persecutio, in quatuor jam partibus disseminatâ fidesecutâque est pax, quod est Silentium de quo infra initio Capitis sequentis.

I. II.

Signati.

Signatura.

1. **F**igura fuit hujus Consignationis illa apud *Ezechielem* cap. 9. v. 4. facta in frontibus virorum per signum Thau salutare, quod formam habebat Crucis in antiquis literis Hebraicis. Immo & illa multò antè in *Exodo* cap. 12. v. 22. quâ in postibus Hebræorum exiturientium ex *Ægypto* signatum fuit illud idem signum: juxta S. Hieron. qui sic scribit in *Isai.* 66. *Ponet in eis signum* (v. 12.) *quod in Ezechiele, principio sub Thau litera Hebraica interpretatione monstratur: quo signo qui fuerit impressus, manus percutientis effugiet. Hoc & postes domorum in Ægypto signabantur, quando pereuntes Ægypto solus Israël mansit illesus.* Addit de Achaz, noluisse illum accipere hoc signum *Isa.* 7. v. 12. Prophetam hoc precari, *fac me-*

cum signum in bonum, *psal.* 85. v. 17. & *ps.* 59. v. 6. denique hoc nobis Dominum in frontibus nostris posuisse, ut liberè, inquit, diceremus, *signatum est super nos lumen vultus tui Domine.* Hæc Hieronymus.

Hoc signum generosæ libertatis impressum electis fertur in fronte, quæ sedes esse solet verecundiæ: & significat *καὶ ὁμολογίαν* & confessionem apertam non erubescens Evangelium, & in illo crucifixum: quæ cum sit supernaturalis, affertur de cœlo, ab eo cui nomen est Oriens ex alto; gratiâ illius, & operâ præsentium Angelorum roborante nos in fide & dilectione Christi quæ fortior est morte atque omnibus tormentis.

Imprimat fortius nostræ fronti, ô Lector, sanctus DEI Angelus Orientalis hoc signum! & constanter meminerimus nos consignatos, ut servos Christi: 2. *Cor.* 1. v. 21. *qui signavit nos.* *Eph.* 1. v. 13. & cap. 4. v. 30. *signati estis.*

2. Hac occasione præmonstrantur Joanni & recensentur eadem operâ

omnium simul persecutionum Signati: quorum duæ sunt turmæ. Prima est

Turma
12. Tribuum
recensita-
rum.

est eorum qui ex Circumcisione con-
versi sunt ad Christum: quorum cata-
logus recensitorum, ex singulis Tribu-
bus DUODECIM MILLIA: qui uterque tam duodenarius quam mille-
narius cum sit numerus plenus in Scri-
pturis, idè ducto duodenario milliū,
seu multiplicato, in duodecim Tribus,
prodit summa connumerorum ple-
nissima, CENTUM QUADRA-
GINTA QUATUOR MILLIA:
quo numero exprimitur series Judæo-
rum tribulium Christi secundum car-
nem. fuitque ab horum numeratione
incipiendum, quia *salus ex Judæis est.*

Turma
Gentiū
Signata-
rum.

Altera turma est ex Gentibus: utiq;
etiam Signatorum. nam commune est
utrisque signari: sicut vicissim stolæ,
palinæ, canticum communia sunt illis
qui ex Judæis.

Discrimen est in numero. quod ii,
qui ex ISRAEL secundum originem
simul carnis, sint numerabiles: cæteri,
qui secundum solam promissionem,
sint sicut stellæ Cæli, de quibus dicitur
Gen. 13. v. 5. *numera stellas si potes*, quod
de *promissa posteritate cælesti* exponit S.
Aug. lib. 16. de civ. cap. 23. Hæc TUR-
BA dicitur innumerabilis homini:
QUAM DINUMERARE, inquit,
homo NEMO POTERAT (nam
DEO non solum illi sed & capilli eorum
numerati sunt.) Ait collectam esse
EX OMNIBUS GENTIBUS, &
gentium TRIBUBUS (distributione
gentium à filiis Noë Gen. 10. v. 32.) ET
tribuum POPULIS, ET populorum
LINGUIS. Meminit hujus loci S.
Cyprianus in lib. de exhort. Mart. cap.
11. *Numerari non possunt Martyres Chri-*

*stiani, restante Apocalypsi & dicente: Post
hec vidi urbem magnam &c. Conclu-
dit aureâ exhortatione ad omnes nos:
Quod si rarius ostenditur & probatur
Christianorum Martyrum populus, ne-
mo difficile vel arduum putet esse Marty-
rem fieri, quando videat Martyrum po-
pulum non posse numerari.*

3. Dignum est ponderatione, quod
in prima Turma, in recensitione duo-
decimi Tribuum signatarum siletur de
Tribu Dan, & ejus loco reponitur Tri-
bus LEVI. non alio notiore mysterio
quàm, ut isto suo silentio Apocalyp-
tico det indicium occultum nascituri Anti-
christi ex patre de tribu Dan: juxta va-
ticinium Jacob Gen. 49. v. 17. *Fiat Dan
coluber in via, cerastes in semita, mor-
dens ungulas equi: ut cadat assessor ejus
retro.* quod esto dixerit Jacob ad lite-
ram de Samsone, cui convenit meta-
phora serpentis & reguli obsidentis
vias populantium equitum, prout in
Traditionibus Hebraicis in Gen. expo-
nit S. Hieronymus, spirituali tamen
eoque præcipuo in sensu prædictum
esse de Antichristo sentiunt SS. Patres.
Enimverò Patriarcham Jacobum re-
spexisse ad utrumque, ad Samsone &
ad Antichristum eodem oraculo, nil
est novum in Prophetis: cæpisse au-
tem à Samsone, & præviso ex eadem
tribu Antichristo transisse atque aver-
tisse se cum protestatione Christi (quæ
expectabo, inquit v. 18.) non hinc citu-
ri. Sic Jacobum introducit Hierony-
mus loquentem in hæc VERBA, l. c.
*Videns ergo tam fortem Nazareum
unum &c. putavi, o Deus, ipsum esse
Christum Filium unum: verum aliter*
michi

Cur o-
missa sit
Tribus
Dan.

mibi Salvator mundi & mei generis præstolandus est. Absolutissime S. Ambrosius lib. de benedict. Patriarcharum cap. 6. postquam prælocutus esset de Samfone: non hunc, inquit, Prophetia significat, sed Antichristum, qui futurus est in tribu Dan. & in psal. 40. sed alter hic significatur futurus, Antichristus ille qui sedebit in Templo tanquam sit Deus &c. ubi de illo explicat Scripturam citatam Gen. 49. v. 17. S. Augustinus lib. 6. in Heptateuchum quæst. 22. (Jacob) talia dixit de isto Dan, ut de ipsa tribu existimetur exurrecturus Antichristus. S. Greg. lib. 31. mor. cap. 10. Antichristi adventus asseritur: & quia Judea erroris sui laqueis capta pro Christo Antichristum expectat; bene Jacob (avertens se,) Salutare tuum expectabo Domine, id est, non sicut infideles Antichristum. explicat etiam ipse locum Genes. de Antichristo: & inter cetera; Ungulas quippe equi mordero, est extrema sæculi feriendo contingere.

Sanè hanc prætermissionem Tribus Dan, inter Signatos hoc loco Apocalypseos, factam esse in detestationem Antichristi gignendi ex Tribu Dan, docent magno consensu SS. Patres. S. Hieron. lib. 1. cont. Jovin. S. Ambros. S. Augustin. & S. Gregor.

modò citati. quibus omnibus antiquior S. Irenæus lib. 5. adv. hæres. cap. 30. cum Antichristum dixisset oriturum ex Tribu Dan: *Et propter hoc, inquit, non annumeratur Tribus hæc in Apocalypsicum his quæ salvantur.*

Propter eandem causam Tribui filiorum Dan, etsi majori natu quàm Nephthali, neque minori numero quàm ceteræ, tamen (ut habetur Josue 19. v. 40.) egressa est fors septima, ultimo videlicet loco: ut de qua Jacob infausta præviderat.

Neque tamen hinc, ex hoc silentio S. Joannis sequitur, neminem signandum salvandumve de Tribu Dan. sed neque Tribum hanc eo maxime nomine adhæsuram Antichristo quòd hinc originem sit habiturus; siquidem dicimus inferius in Tract. 24. fore ut apud Judæos dissimulet Antichristus hanc suam Tribum & procreationem ex incerto patre Danita: cum eum paritura sit mulier meretrix de Tribu Juda, adeoque gesturus sit se progenitum de femore Judæ, inde enim expectant legitimum Messiam & sceptrum, Gen. 49. v. 10.

Omnino congruè clandestina nati-
vitas indicata silentio est: insuper & infanda.

S. III.

Habitus & præmium Signatorum.

Signa-
torum
situs:

1. **P**RÆVIDENTUR STARE ANTE
THRONUM: cujus & loci &
situs energiam dat S. Augustinus ser. 11.

de Sanctis: *Stant enim modò ante Thro-
num DEI, coronati, qui quondam ante
thronum Judicum terrenorum jacebant
panis*

*pœnis astricti. ET IN CONSPÉ-
CTU AGNI: de quo conspectu idem
S. Doctor ibidem; Stant in conspectu
Agni, nullâ ratione illic à contemplanda
eius gloria separandi, à cuius hic amore
nec per supplicia poterant separari.*

Ami-
ctus:

AMICTI STOLIS ALBIS. *Per
stolas albas, ait S. Aug. debemus intelli-
gere mercedem Baptismi, premium Mar-
tyrii, mercedem eternorum & gaudium
celestis patriæ. ET PALMÆ IN
MANIBUS EORUM. Et has & il-
las explicat breviter idem S. Aug. Pal-
mas in manibus habent, quia premia in
operibus. Et de palmis S. Ambrosi. ser.
98. de temp. per palmam dextera Mar-
tyris honoratur: premium enim quoddam
est palma Martyri: quæ confitenti lingue
dulcem fructum tribuit, & victrici dex-
tera gloriosum præstat ornatum. Et pla-
nè palma Martyribus suis ad cibum,
umbrosâ ad requiem, honorabilis ad tri-
umphum: semper vivens, semper vestita
foliis, semper parata victoriæ. Atque ideo
non marcescit palma, quia Martyrum vi-
ctoria non marcescit.*

Clamor:

ET CLAMABANT VOCE
MAGNA; SALUS DEO NO-
STRO QUI SEDET SUPER
THRONUM ET AGNO. Etiam
hunc clamorem, & quid sit clamor
salutis DEO, exponit S. Aug. l. c. *Ma-
gnâ voce salutem DEO decantant, qui
magnâ gratiarum actione recolunt, non,
sua, se virtute, sed ipso auxiliante tribu-
lationum impugnantium superasse certa-
mina.*

Doxolo-
gia An-
gelica;

2. HIC OMNES ANGELI, IN &
cum toto CIRCUITU THRONI,
qui est SENIORUM ET QUA-

TUOR ANIMALIUM, procide-
runt & adoraverunt; cum hac clau-
sula, AMEN: & cum formula se-
quente quæ continet 7. elogia erga
DEUM.

1. BENEDICTIO: (græcè *ἡ εὐ-
λογία*) quâ de DEO benè omnia dicantur.
Ipsi attribuitur omnis perfectio
illimitata: & Ipse dicatur esse in se &
ad intra, quæ phrasis est Scholarum
Theologicarum, *omne bonum*: sibi met
omnia & *αὐτάρχης* quantumlibet be-
nè de eo dixeris, minùs dixeris quàm
est: Eccli. 43. v. 29. *multa dicemus &
deficiemus &c.*

2. CLARITAS: illi unde omne
lumen est ad Extra & esse creatura-
rum: sine quo meræ tenebræ & non
essè.

3. SAPIENTIA: ei qui est idea &
artifex omnium rerum: quoniam in
sapientia sua fecit illas (psal. 103. v. 24.)
eâque disponuntur omnia & ordi-
nantur.

4. GRATIARUM ACTIO o-
mnium largitori beneficiorum.

5. HONOR tanquàm supremo
dominatori omnium, & fini univer-
sorum ad quem & propter cuius ho-
norem cuncta sint dirigenda. 1. Tum.
1. v. 17. *soli DEO honor.*

6. VIRTUS (græcè *ἡ δύναμις*) quia
Ipse est de quo Apostolus 2. Cor. 3. v. 5.
omnis sufficientia nostra ex DEO est,
omne polle, & omnes vires nostræ ad
operandum, naturaliter, super-natura-
liter, sine quo aut cuius gratia & au-
xilium possumus nihil, Joan. 15. v. 5.

7. FORTITUDO (græcè *ἡ
ἰσχύς*) id est robur ad perseverandum

Formu-
la illius,

I 2

& per-

& perfringendum omnia aduersa per quæ pertingitur.

Ita, ut sit Ipse sibi omnia : Ipse Lux aliis : omnia in Ipso : ab Ipso : ad & propter Ipsum : cum Ipso & per Ipsum.

Claudunt formulam : Cuncta hæc pertinere & attribui debere DEO tam NOSTRO : & IN SÆCULA infinita, de quibus scriptum est psal. 83. v. 5. in sæcula SÆCULORUM laudabunt te. AMEN.

Hi Signati unde venerint.

3. UNUS DE SENIORIBUS vellicat Joannem super his Signatis : QUI SUNT ET UNDE VENERUNT ? ac desideranti audire, ipse respondet : venisse DE TRIBULATIONE MAGNA (græcè, illâ magnâ,) persecutione animæ & tormentis corporis : lavisse STOLAS SUAS & dealbasse IN SANGUINE AGNI. quod duplicem habet sensum : primò de illo sanguine Agni, qui pro ipsis prior fusus fuit; in hoc enim & in meritis illius lotæ sunt stolæ eorum ; atque idèò dealbatæ, quia in sanguine Agni novelli, sanguine lacteo, ait S. Bernardus ser. 1. de Paschate. Alter sensus est, de proprio suo sanguine quem effuderunt. sanguis enim, eorum fusus ex corporibus, ita sanguis est Agni, sicut corpora eorum membra Agni, & Agnus de semet queritur, Act. 9. v. 4. *Saule, Saule, quid me persequeris?* in hoc ergo suo sanguine laverunt stolæ, & reddiderunt eas albas ac lucidas : contra quàm tortoribus visi sunt deformari sanguine, Martyres. quem postremum sensum suggestit S. Augustinus l. c. *Stolæ quippe, inquit, Martyres*

in sanguine Agni laverunt, dum membra sua quæ oculis insipientium visa sunt pœnarum squalore fœdari, sic potius fuso pro Christo sanguine ab omnibus mundatæ vere contagiis, in super & beatâ immortalis luce digna reddidère.

Hæc ille Senior, undenam isti venerint : quò autem pervenerint, addit : IDEO, ait, SUNT ANTE THRONUM DEI : ET IN TEMPLO EJUS sancto atque augusto SERVIUNT EI, quod est regnare : DIE AC NOCTE, id est perpetuò, prout S. Augustinus in hunc locum : *Dies quippe, ait, & nox non vicissitudinem temporis, propriè : sed perpetuitatem, tropicè, significat : nox enim non erit illi sed dies una (dies perpetua, illa una psal. 83. v. 11.) melior in atriis Christi super millia.* Pergit, fore domesticos DEI, qui HABITABIT SUPER ILLOS, tutos enim sub illo : fore, (quod iisdem verbis dixit Isaias cap. 49. v. 10.) ut NON ESURIANT NEQUE SITIENT, sine adustione SOLIS aut ÆSTU sint, id est, immunes ab omnibus incommodis vitæ mortalis. QUONIAM REGET ILLOS AGNUS, (græcè ποιμαίνω in loco pascuæ) ac DEDUCET AD VITÆ FONTES AQUARUM : addit Isaias, *ad fontes aquarum potabunt eos* : fontes, de quibus ipse Agnus Joan. 4. v. 14. *quòd saliant in vitam æternam.* In illa igitur vitâ fore, ut ABSTERGAT DEUS æternum OMNEM LACHRYMARUM AB OCULIS : quæ est consolatio ac Beatitudo quam promittit Agnus Matth. 5. v. 5.

Ecce

CAPUT VIII.

69

Marty-
rum de-
nomina,
Ecce tibi fructus persecutionum: ad
Cælum deductæ amplissimæ colo-
niæ: in terris verò propagatio fidei per
totum mundum, dum sanguis Marty-
rum, qui seminatus est, fuit (ut supra
diximus cum Patribus) ubique semen
Christianorum. Neque tamen soli
Martyres sunt inter Signatos, tamen si
eminent inter illos; de quibus dictum

fuit cap. 6. v. 11. quod interficiendi e-
rant: sed & Confessores atque omnes
id temporis piè defuncti: etiam he-
nim participes sunt tribulationis, &
stolarum albarum, quas lavisse in san-
guine Agni est communicasse tùm
meritis illius, tùm persecutioni & pas-
sionibus ejusdem.

tio sit a
potiore;

Qua tanta in turba Signatorum, & cum illa, in circuitu Throni etiam nos:
Signati prosteramur, & proni accinamus illam formulam Beatorum, cum
suis 7. elogis Deo & Agno: Benedictio, & claritas & sapientia &c:

TRACTATUS XI.

IN CAPUT VIII.

Diximus, in resecratione sex Sigillorum, ostensa esse ea quo-
rum pleraque initio & aliquâ parte sui cœperant tunc con-
tingere, mundo atque experienciâ teste: atque ejusmodi, ut
fint generalia omnium temporum. ob quas duas causas
satis fuit has partes Diphtheræ percurri videndo & enarrari
solis duobus Capitibus. Deinceps autem Visio & scriptio
prolixior eorum, quæ & particularia magis, & inceptura
eo tempore quod est inter ætatem S. Joannis & reliquum
finem mundi: de quibus in apertura septimi Sigilli, per 4.
Capita sequentia.

VERBA APOCALYPSEOS.

(Cap. 8. Versu 1.) *Et cum aperuisset sigillum septimum, factum est
silentium in cælo, quasi media hora. (v. 2.) Et vidi septem Angelos stan-
tes in conspectu Dei: & data sunt illis septem tubæ. (v. 3.) Et alius An-
gelus venit, & stetit ante altare habens thuribulum aureum; & data
sunt illi incensa multa, ut daret de orationibus Sanctorum omnium su-
per.*

I 3

per.

, per altare aureum quod est ante thronum Dei. (v. 4.) Et ascendit fumus
 , incensorum de orationibus Sanctorum de manu Angeli coram Deo.
 , (v. 5.) Et accepit Angelus thuribulum, & implevit illud de igne alta-
 , ris, & misit in terram, & facta sunt tonitrua, & voces, & fulgura, &
 , terra motus magnus. (v. 6.) Et septem Angeli, qui habebant septem
 , tubas, præparaverunt se, ut tuba canerent. (v. 7.) Et primus Angelus
 , tuba cecinit, & facta est grando, & ignis, mista in sanguine, & missum
 , est in terram, & tertia pars terræ combusta est, & tertia pars arborum
 , concremata est, & omne fœnum viride combustum est. (v. 8.) Et secun-
 , dus Angelus tuba cecinit; & tanquam mons magnus igne ardens mis-
 , sus est in mare, & facta est tertia pars maris sanguis. (v. 9.) & mor-
 , tua est tertia pars creatura eorum quæ habebant animas in mari, & ter-
 , tia pars navium interiit. (v. 10.) Et tertius Angelus tuba cecinit: &
 , cecidit de cælo stella magna ardens tanquam facula; & cecidit in ter-
 , tiam partem fluminum, & in fontes aquarum. (v. 11.) Et nomen stel-
 , lae dicitur absinthium; & facta est tertia pars aquarum in absinthium:
 , & multi hominum mortui sunt de aquis, quia amara facta sunt. (v. 12.)
 , Et quartus Angelus tuba cecinit: & percussa est tertia pars solis, & tertia
 , pars lune, & tertia pars stellarum, ita ut obscuraretur tertia pars eorum,
 , & diei non luceret pars tertia, & noctis similiter. (v. 13.) Et vidi, &
 , audiui vocem unius aquilæ volantis per medium cæli, dicentis voce mag-
 , na: *Væ, Væ, Væ* habitantibus in terra, de cæteris vocibus trium An-
 , gelorum, qui erant tuba canituri.

§. I.

Silentium: & quæ in illo.

*Septimū
Sigillum.*

APERTO septimo Sigillo FA-
 CTUM EST SILEN-
 TIUM & quies à perfec-
 tione illa continuata & horrida tot
 consequenter Imperatorum ethnico-
 rum: simul & ab idololatria, quæ visa
 est suffocari vel extingui per sanguinem
 Martyrum. Dicitur hoc Silentium

IN COELO factum esse, atque à
 DEO cæli profectum. præterquam
 quod etiam Cælum Ecclesia militans
 illo sibi facto gratulata est, magnâ &
 beatâ cum exultatione suorum San-
 ctorum in terris de repressa supersti-
 tione idolorum, & fortiter expugnato
 Satana, opulantibus Angelis sanctis;
 prout

In Cæ-
lo.

prout de hoc Silentio canit Ecclesia in publicis precibus: *Factum est silentium in Cælo, dum Draco committeret bellum, & Michael (Præses Ecclesiæ, ac dominator idololatriæ) pugnaret cum eo & fecit victoriam.*

Mediâ
horâ,

Factum est autem, QUASI MEDIA HORA. græcè *ἡμέρα* est tempus: unde S. August. ep. 80. ad Hefychium de S. Joanne in Apoc. *convenientius ille Apostolus creditur horam posuisse pro tempore.* Dicitur autem media: quia intervallo temporis medio inter persecutiones ethnicas præcedentes, & inter nova alia pericula, quæ impendent Ecclesiæ: quorum præcipua per sex primas Tubas denuntiabuntur, præmonentibus Angelis ut caveantur. In græco textu est *ἡμέρα*, id est dimidia hora: neque enim diu; nec integrè quies omnis, sed mediâ ex parte.

Incen-
satio mul-
ta.

2. Interea in hoc Silentio, & Ecclesiâ pacata, THURIBULUM ET INCENSA MULTA, in templis Christianorum publicè constructis toto terrarum orbe: ORATIONES SANCTORUM: vigor & flos divini cultus id temporis in omnibus Ecclesiis (nec minus eximius in Asiaticis:) ætas aurea in qua plerique maximi Doctores Ecclesiæ ac plurimi simul, effloruerunt: & plena omnia hymnis ac laudibus eucharisticis pro repressione diaboli, tranquillitate, incremento ac dilatatione Religionis Christianæ. Offert eas preces ANGELUS DEI SUPER ALTARE, ex thuribulo aureo: ascendente FUMO odorifero & pretioso CORAM DEO.

Præpa-

Dum interim hâc obortâ quiete so-

liciti statim Ecclesiæ ANGELI, illi vigiles Præsides SEPTEM, stantes in conspectu DEI (cap. 1. v. 4. & cap. 5. v. 6.) PRÆPARAVERUNT SE ad denuntianda alia gravissima pericula secutura in Ecclesiis cum cæteris, tum præsertim Asiaticis ad quas sermo & cautio valdè particularis in Apocalypsi.

Præparatio illorum sita est in eo: primum ut excitent terrestres Angelos Ecclesiarum, Episcopos, ad proclamandum ea quæ sunt prædicta in Evangelio & præcavendum: Athanasios, Hilarios, Basilios, Nazianzenos, Epiphianos, Hieronymos, Chrysostomos, & ex aliis deinceps alios. deinde, ut his adjutores suscitentur Fundatores Ordinum, vitæ cælibis Angelicæ, & prædicationis Evangelicæ: qui circa illa tempora cæperunt ex instituto S. Basilii, Hieronymi & in posterum sequentium. qui Ordines velut Tuba insonuerunt per universam Ecclesiam, successione mutuâ, & numero septenatio id est universo, usque in diem mundi extremum: & multum profuerunt præmuniendæ Ecclesiæ servandæque in his turbis. De hujusmodi significatione horum 7. Tubarum S. Hieronymus suggerit breviter his verbis (commentario in Joëlem cap. 2.) *In Apocalypsi quæque Joannis legimus 7. Angelos accepisse Tubas singulas; quibus per ordinem canentibus facta sunt quæ Scriptura describit. Præcipitur ergo nunc Sacerdotibus & Magistris, ut exalient quasi Tuba vocem suam ut canant Tubâ in Sion, id est in Ecclesia qua interpretatur specula atque sublimitas.* Talis hîc est

ratio tur-
barum.

Quid si-
gnificet
ea præ-
paratio.

Et præ-
nuntia-
tio quo
finis

est præparatio Tubarum; & semper
is est finis cur Deus prænuntiet im-
pendentia mala, ut evitentur: etiam
quando talia dicitur per se subsive An-
gelos immittitur aut permissurus, ut
rectè S. Chrysostomus hom. 61. in
Matth. *hæc minatus est, ne hæc accedant.*
& hom. 10. *plagam minatur; non ut eam*
in nos inducat, sed ut nos ad se potius ad-
ducat. & alibi: *quare quæ facturus es*
mala prædicis? ut non faciam quæ præ-
dico. Et S. Hieron. *Deus neminem pu-*
nire desiderans, quod facturus est commi-
natur. & patet Jonæ 3. v. 10. *misertus*
est Deus super malitiam quam locu-

tus erat ut faceret eis, & Non fecit.

3. Postremò, post multa incensa
memorable illud accidit, ut ex suo
Thuribulo, DE IGNE ALTARIS
miserit Angelus IN TERRAM!
significans, ex ipso Altari & iis ipsis
qui ei deserviunt Ecclesiasticis oritura
mala: unde existant TONITRUA
everfura pacem Ecclesiasticam: VO-
CES & lites Episcoporum: FUL-
GURA, excommunicationes contra
invicem: ET TERRÆ magnus
MOTUS, id est, mutatio Ecclesia-
rum tremenda; ut jam videbimus,

Ignis de
Altarii.

Et omi-
na.

S. II.

Tubæ 4. primæ.

7. Tubæ;

IN numero 7. Tubarum respicitur
ad SEPTEM TUBAS, *quarum*
usus in Jubileo, qui est annus remissio-
nis pro electis: & ad 7. *buccinas*, cum
quarum *clangore circumitur* Jericho
civitas & populus reproborum: Jos. 6.
v. 4. Ad singulas Tubas prædicuntur
mala: & quidem semper auctiora vel
incurabiliora usque ad ultimum *Væ*,
quod est Tubæ septimæ.

De his malis Apocalypticis, præno-
tavimus in Prolegomeno §. 2. & 3. non
esse grandinem, locustas, tenebras &
cæteras plagas vel hujus Capitis vel
Capitis 16. intelligendas literaliter. ne-
quaquam ista est phrasis Apocalypseos,
neque hæc mens scribentis mysteria
Ecclesiastica ad Ecclesias Asiæ. Per

plagas IRÆ DEI debent præcipuè
intelligi plagæ Ecclesiasticæ: tales quæ
referantur ad culpam; quod est obje-
ctum iræ divinæ: & universè per ten-
tationem, quæ prædicatur, tam timen-
dam & ultimam debet intelligi perse-
cutio potissimum ea quæ fit animabus,
& seductio: juxta illud Christi, non ad-
modum aut minus timendum esse
(Luc. 12. v. 4.) *ab his qui occidunt corpus,*
atque adeò plus timendus est Antichri-
stus suâ imposturâ & prodigiis, ac po-
testate quæ Draconis est propria, sedu-
cendi animas: fingendo se Messiam &
adversando extollendoque se super
omnem Deitatem. nam iis, quas etiam
exercebit, atrocissimis pœnis, quibus
coget corpora tanquam Tyrannus

VIO.

violentus & Cornu Bestiale; isto, inquam, genere persecutionis etiam primis sæculis, nondum tunc soluto Dia-

bolo, & quidem crudelissimè sævitum fuit.

Quorum est
proclama-
re.

His positis sicut non potest vocari in dubium salvâ fide Catholicâ, quin hic liber sit Apocalypsis, id est, prophetia futurorum, & eorum maxime quæ de confinis Asiæ, & quæ pertinent ad illas Ecclesias: ita nulla est admittenda dubitatio, quin prædixerit hæreses & schismata. Hæreses primariæ illæ duæ sunt: Ariana; & ea quæ biceps à Nestorio & Eutychete. harum enim duarum ceteræ surculi, & cum iis connexæ & hæ duæ pestilentissimè propagatæ. Schisma verò etiam crevit, adultum usque hodie: & illa duo genera hæreseon nondum extincta usque ad nostra tempora. De his futuris, tantum abest, ut existimandum sit Apocalypsin tacuisse ut etiam Tubis duxerit proclamanda: sed phrasi hieroglyphicâ sibi solenni; quam juvante Deo explicemus.

1. Tuba præcatur turbas Ariarum.

1. *Ad primam Tubam* prædicuntur turba Ariarum in Ecclesia: quorum integra & frequentia Concilia (intellige, Conciliabula.) Ibi FACTA EST GRANDIO, quæ significat obstinationem: ET IGNIS, id est Zelus emulationis quasi pro Deo: MISTA SANGUINE, id est peccato blasphemiarum: malum MISSUM IN TERRAM, permissum cælitus.

Hieroglyphicum: combustio mediterranea.

Describitur, per simile grandinis & incendii terrestris & sanguinis: quorum iste est pro contaminanda terra & inficienda contagio; grando pro sternendis arboribus; ignis pro omni viridi depascendo. CONCREMATA est enim inter grandinem & sanguinem zelo illo ac dogmatis eorum TERTIA PARS TERRÆ, ubi civitates & populi: TERTIA PARS ARBORUM, ubi Cænobitæ & Anachoretæ; etiam ipsi facti partes Ariarum: FOENUM autem VIRIDE OMNE (græcè *πᾶς χόρος*)

χλῆρος, id est, omne germen virens) quod protulerant Ecclesiæ paulò antè in fertili statu, COMBUSTUM EST.

Duravit hoc malum non modò sæculis totis; nec non, cum persecutione per Imperatores aliquos Arianos & ejectione Episcoporum orthodoxorum; neque sine varia etiam dæceptione, vastitate, incendiis terrarum usque in Italiam & extremum Occidentem, per Reges Arianos Gothos, seu Ostrogotos seu Visigothos, est per Vandalos æquè Arianos ad meridiem: verum etiam usque ad hodiernam nostram (dum hæc in Apocalypsin scribimus) tempora cernitur in suis scintillis. Atque inde ab initio traxit post se alias Hæreses affines: quarum Macedoniana, Eunomiana, & similes blasphemæ contra Sanctissimam TRINITATEM: Dux & incentivum etiam sequentium dissensionum; de quibus jam jam ad Tubam secundam.

Malum diuturnum & crudele.

Veruntamen excitati ad TUBAM

Profuit cantus Oecum. Tubæ.

K

Oecumenici Nicæni aliorumq; Conciliorum laboraverunt in extinguendo incendio Doctores atque Episcopi orthodoxi : & salvârunt duas partes Ecclesiæ, tertiâ parte amissâ.

Secunda Tuba præcinitur in-ter se Nestorian. & Eutych.

Hieroglyphicum: ardor montis in maribus.

2. *Ad secundam Tubam*, turbæ in Ecclesia novæ : uno eodémque tempore, Nestorianorum simul & Eutychianorum : quorum Auctores doctrinâ conspicui & sublimes auctoritate, alter Patriarcha, alter Abbas infulatus, uterque Constantinopolitanus, veluti MONS MAGNUS, EXARSERUNT contra invicem, & præcipientes *Missi* turbaverunt MARE Totum Constantinopoleos : ita ut TERTIA PARS illius MARIS FACTA sit SANGUIS duarum sceleratissimarum hæresum inter se pugnantium : & TERTIA PARS eâ peste MORTUA sit ANIMARUM, quæ IN MARI atque in insulis Archipelagi : & oris cæteris longè latèque : ET interierit TERTIA PARS NAVIUM & negotiationis transmarinæ ; illius tam celebris navigationis & commercii per Formatas seu Communicatorias ut appellabant, cum Ecclesia matrice orthodoxa. Huc spectat illud S. Augustini in Psal. 142. *Tales montes, iam sæpè diximus vobis, significant magnas quasdam animas sed malas. Non fecerunt hæreses, nisi magni homines, sed quantum MAGNI tantum mali MONTES.*

Malum permanentis præom-

Describitur hoc naufragium Ecclesiarum & insularum Asiæ, per simile tempestatis matutina. Duravit diutissimè, & durat etiamnum (dum hæc scribimus, inquam) apud Asiaticos, uti

adhuc tertia pars eorum qui nomen Christi utcumque retinent, sunt alii Nestoriani, alii Eutychiani : utriusque impiissimè relictæ Majestatis in Christo seu unius personæ, seu duarum naturarum.

Contra quos, ad sonum TUBÆ in Conciliis Ephesino & Chalcedonensi, insurrexerunt Patres ac præcones orthodoxi, & servaverunt etiam ibi duas partes Ecclesiarum tunc ab interitu. Neque aliæ Hæreses similes in Asia visæ tam primariæ & noxiæ, quàm illa Arii ; & hæc Nestorii cum Eutychete, cujus postremi, soboles Monothelitæ.

3. *Ad Tertiam Tubam* latè serpens malum & valdè perniciosum Orientalibus, incepit à lapsu DE COELO, quod est Ecclesia, STELLÆ MAGNÆ, Sedis Patriarchalis Constantinopolitanæ, in schisma præsuperbia Photii schismatici, appetentis sibi primatum, ac dejecti de Cælo per Universale Concilium. Quod schisma invidiosè ARDENS, TANQUAM FACULA parva, incidit in FONTES AQUARUM, id est in cæteros Patriarchatus & primarios Episcopos, qui etiam ipsi pro Photio celebrârunt sua Concilia : ET IN FLUMINUM, Prædicatorum qui ex illis fontibus suum fluxum recipiunt, PARTEM TERTIAM. Nomen Schismatici ABSYNTHIUM : quod vitiauit aquam dulcem uniformis gustus & unionis inter Ecclesias. Adeo ut TERTIA PARS AQUARUM versa sit in amaritudinem ac malignitatem : ET HOMINUM MULTI, qui

Profuit cantus Tubæ.

Tertia Tuba præfigit imminens Schisma Ecclesiarum.

Hieroglyphicum : Vitiati fontes à lapsu Stellæ, qui

qui inde potabantur, MORTUI SINT fide sua Schismatici sine operibus & nexu charitatis.

Describitur hæc noxa per corruptionem fontium ex ruina Stellæ. Respicitur etiam ad simile fontium & porus aquarum amarissimi, Exod. 15. v. 23 *Nec poterant bibere aquas de Mara eò quòd essent amara.*

Profuit
cantus
Tubæ.

Quando etiam tunc sonuerunt TUBÆ, & hominum cæteris aquam dulcem propinârunt Doctores tenaces Catholicæ unitatis. Sed ex partibus fontium & fluminum non fuit exhaustum malum, quin perduraret sapor amaritudinis.

Quarta
Tuba
denun-
tiat de-
fectio-
nem
horren-
dam.

4. Donec *Ad quartam Tubam* non solum corrupta schismate, quod ab hinc duobus ferè cæperat sæculis, jam deinum apertissimo & communi; verum etiam prolapsione interim in errores, jamque in pertinacem defensionem falsorum dogmatum, ut sollet diuturnum schisma degenerare in hæresin, (Blasphemiam de Spiritu Sancto &c. saltem in modo loquendi sentiendique vulgari) iusto Dei iudicio PERCUSSA EST caligine atque *obscurata* defecit TERTIA PARS SOLIS qui est Fides seu Doctrina vera Christiana: ET TERTIA PARS LUNÆ, quæ est Ecclesia legitima: ET TERTIA PARS STELLARUM qui sunt Episcopi, *Multi* (ait S. Augustinus de stellis in Ep. 80. ad Hesychium) *qui gratiâ fulgere videbantur* & cæteris præfulgere,

Hieroglyphi-
con: de-
fectio
Solis &
siderum.

quomodo enim non multi, cum unâ cum Patriarcha Constantinopolitano desciverint etiam alii Patriarchatus fundati ab Apostolis, Alexandrinus, & Antiochenus, & qui accesserat Hierosolymitanus: ita ut defectio facta sit lucis seu Veritatis penè omnium Asiaticarum Ecclesiarum, quæ tertia pars fuit, neque ignobilis quidem pars Ecclesiæ universalis: adeò ut NON LUCERET illa PARS TERTIA DIEI, id est Solis; ET NOCTIS id est Lunæ Stellarumque SIMILITER, habitantibus in umbra mortis. *Ecclesia enim est* (inquit l. 1. S. Augustinus) *Sol & Luna & stella, cui dictum est* (Cant. 6. v. 9.) *Speciosa ut Luna, electa ut Sol: quæ non apparuit* (Vox est S. Augustini) in illa sui parte, id est in particularibus illis Ecclesiis.

In his Tubis servatus est ordo Hieroglyphicorum mundi materialis. Nam post combustos mediterraneos, merfos maritimos, fluviatiles insectos; quæ sunt tres Tubæ præcedentes, hæc quarta calamitas describitur per similitudinem defectionis in sole, stellis, & luce aëris. Durat magna ex parte usque in præsens: inter dehortationes & sonitum continuum TUBÆ, qui in reliqua Ecclesia conservavit lumen, & aliquando in illis aliquid restituit tunc quando cecinit Tuba

Profuit
cantus
Tubæ.

Concilii Floren-
tini.

* *

J. III.

Clamor Aquila : Væ.

Aquila: **I.** **C**Langit VOCE MAGNA, Symbolum Imperii, AQUILA Constantinopolitana, Romani Orientalis Imperii Regia, inde à Constantino Magno celeberrimi sacris Christianis & Doctoribus. Pavet, malè ominabunda super impendente omnimoda ruina Religionis & dominationis Christianæ in Oriente! Syriaca versio addit: Aquilam habuisse *in medio cauda sanguinem*: Omen finis exitialis propter peccata, quæ significantur sanguine in Scripturis.

Vox ejus **2.** *Volat* vox ejus, id est fama ejus, volantis: **PER MEDIUM COELI**; quacumque patet Ecclesia DEI, Orientem inter & Occidentem: malè metuentibus, illi Imperio & Christianæ Imperiali Sedi, omnibus populis ad illam famam. Injiciebant hunc metum & augebant hunc clangorem aquilinum progressus ingentes circumquaque Saracenorum infidelium, auctore ab hinc aliquot sæculis Mahomete Arabe, cujus posterigrassabantur in Oriente, & imminabant Imperio & Christianitati tremendum in modum.

Piget meminisse interpretum quorundam, exponentium Aquilam esse vel Prophetam qui per mediam terram

percurrens proclamet sequentes plagas: vel etiam Angelum aquilæ formæ assumptæ pervolantem undique. Quid hoc postremum literale aliud est quam desperare & deferere interpretationem literæ Apocalypseos?

3. Superest & incumbit triplex Væ *Væ, Væ* triste *HABITANTIBUS IN TERRA*, præcipuè Asiaticis: quod incutietur ad cantum trium reliquorum Tubarum; de quibus in Capitulis tribus sequentibus. Advertit S. Ambrosius, super hunc locum Apoc. l. ex lib. 2. de Abraham cap. 7. non illud *Væ* dici hominibus omnibus; distinguunt enim inter *INHABITATORES* terræ, id est homines *terrena conversationis*, & inter accolæ qui sunt homines *in terris positi quorum conversatio in cælis est*. Ergo, inquit non *habitantes*, sed *accolæ sumus terre hujus*: accola enim *temporalis diversæ spei gerit*: *habitor autem omnem spei atque usum suæ illius substantiæ levare videtur ubi habitandum putaverit*. Quem Ambrosius accolam, S. Petrus advenam nominavit & peregrinum qui se abstinent à carnalibus desideriis. 1. Pet. 2. v. 11.

Habitantibus in terra.

Satagat pius Lector eximere se hujusmodi Væ quod dicunt habitatoribus terræ; & illud sibi applicet sancti Ambrosii quod iunxit post citata verba: *Inque quæ est terra a cælo, habitator Cælestis, qui autem habitator terre possessor est mortis.*

Et

Et illud Ruperti Abbatis in Apocalypsin hic: quibus vel qualibus vā? habitantibus, inquit, in terra: id est, eis quos omninō ne sursum afficiant detrahāt terra, detinet affecto terrena.

TRACTATUS XII.

IN CAPITIS IX.

TUBAM QUINTAM.

Ventum est ad quintam Tubam, quæ annuntiat illud quod est *Primum Tæ* de tribus: nam postea secundum vā ad cantum Tubæ sextæ. In quibus duobus vā inferitur non soli vastitas illi Aquilæ, sed Asiæ & mundo universo: atque omnium maxima pericula Christianis inhabitatoribus orbis terrarum.

Tuba sexta præmiatur abo-
litionem
Imperii
Christia-
ni, Con-
stantino-
poli.

VERBA APOCALYPSEOS.

(Cap. 9. Vers. 1.) Et quintus Angelus Tuba cecinit: & vidi stellam, de cælo cecidisse in terram, & data est ei clavis putei abyssi. (v. 2.) Et aperuit puteum abyssi: & ascendit fumus putei, sicut fumus fornacis magnæ: & obscuratus est sol & aer de fumo putei: (v. 3.) Et de fumo putei exierunt locustæ in terram, & data est illis potestas, sicut habent potestatem scorpiones terra: (v. 4.) Et præceptum est illis ne laderent fœcun-
dam, neque omne viride, neque omnem arborem: Nisi tantum homi-
nes, qui non habent signum Dei in frontibus suis: (v. 5.) Et datum est illis ne occiderent eos, sed ut cruciarent mensibus quinque: & cruciatus eorum, ut cruciatus scorpionum percutit hominem. (v. 6.) Et in diebus illis quærent homines mortem, & non invenient eam: Et desiderabunt mori, & fugiet mors ab eis. (v. 7.) Et similitudines locustarum similes equis parati in prælium: & super capita earum tanquam coronæ similes auro: Et facies earum tanquam facies hominum. (v. 8.) Et habebant capillos sicut capillos mulierum: & dentes earum, sicut dentes leonum, erant: (v. 9.) Et habebant hoc verbum: Mortemini. Et dicit illarum

, earum sicut vox curruum equorum multorum currentium in bellum:
, (v. 10.) Et habebant caudas similes scorpionum, & aculei erant in caudis
, earum: Et potestas earum nocere hominibus mensibus quinque; & ha-
, bebant super se. (v. 11.) Regem Angelum abyssi, cui nomen hebraicè
, Abaddon, græcè autem Apollyon, latinè habens nomen Exterminans.
, (v. 12.) Væ unum abiit, & ecce veniunt adhuc duo væ post hæc.

§. I.

Putei reseratio & fumus.

Stella.

i. **S**Tella quæ DE COELO ceciderat in Tuba tertia, videt esse
datam clavem PUTEI ABYS-

SI: Qui si aperiatur, egredietur fumus
SICUT FORNACIS MAGNÆ
qui obscuritatem densiorem minatur
soli & aëri. STELLA est Patriarcha-
tus Constantino-politanus cum sua
urbe, quæ, ut vidimus Cap. præce-
dente v. 10. inciderat in schisma, &

Puteus
abyssi.

pro eo quod fuerat in Cælo collocata,
jacebat collapsa in imum terræ, con-
termina puteo abyssi. Erat secta Sa-
racena *puteus abyssi*, quem foderat A-
rabs impostor, receptaculum profun-
dum in quo collectæ superstitiones ac
blasphemix progeneratæ ex inferno.
Coaluerat (horrendum dictum!) & in-
rumuerat propemodum octo sæculis,
sed tanquam puteus opertus: qui non-
dum inundaverat Ecclesias quas Joan-
nes nominavit. Quamobrem in Apo-
calypsi alia ferè commemoratio illius
necdum fuit opus: præterquàm ea quæ
præcessit per medium Cæli (Cap.
præced. v. 13.) vociferationis, & im-
pendentis Væ atque horroris diu ac
sæpius à Saracenis incusli & appropin-

Adhuc
apertus,
ne ebul-
liret.

quantis. Adhuc FUMUS ejus, qui
doctrinam illam significat infernalem,
coërcitus intra illam suam nationem
Saracenorum & Sectam interim atti-
nebatur ne ascenderet aut superfun-
deretur Imperio & culmini Christia-
norum.

2. Donec hunc puteum sibi APE-
RUIT Constantinopolis schismatica
& contumax in oblocutione adversus
originem ac personam Spiritus sancti.
Nam hujus Divinitate vindice DA-
TA EST EI CLAVIS, id est facul-
tas aperiendi permixta: postquàm
Schisma sex sæculorum & errores
sponte assumpti præparaverant illam
potestatem & illum aditum execran-
dum ex profundo superstitionum.

Apertu-
ra putei.

Diximus *fumum* significare doctri-
nam sectæ Saracenæ: is quasi ex
FORNACE MAGNA sic ex in-
ferno eum afflante fuerat progenitus:
& in illo puteo, in illa sua Secta, con-
clusus interea tenebatur.

3. Nam ipse ille quidem puteus in-
tra se fumabat jam per sæcula complu-
ra: & in illo agmen locustarum, quod
natum erat in profundo abyssi, pasce-
batur

Fumus
putei.

batur illo suo fumo doctrinæ superstitiosæ. Dudum hic fumus ejus infernalis, impatiens coarctationis & angustii spatii concutiebatur terram, erupturiens usque ad & subter Constantinopolim: sed hac adhuc inaccessâ reprimebatur intra statutos terminos, longâ dissimulatione DEI circa illam tantam urbem, & coëctitione putei, hoc est, Sedæ ex abyssu collectæ. Quoad sub-

lato repagulo, aperiens obstitatissimo Schismate tot jam sæculorum inveterato unâ cum pertinacia in temerariis dogmatis, diffusus est fumus atque intromissus in sedem olim Regiam Imperiis & Religionis Christianæ: cuius omnem reliquam sustulit lucem; & offudit tenebras Soli & aëri illi tantas, ut impediverit accessum & spem omnium illustrationis supernæ.

Obscu-
ratio.

§. II.

*Locustæ ex fumo.*Locu-
stæ.

1. Simul cum illo suo FUMO repleverant LOCUSTÆ putei urbem ac ditionem atque Imperium Constantinopolitanum, permixtæ & emissæ ad potiundum illo & ad Religionem conculcandam: additâ illis POTESTATE simili SCORPIONUM. Quæ, & omnia quæ hic narrantur, manifestè cadunt in irruptionem Turcarum Constantinopolim: quando eâ potitus est Mahometes ejus nominis Imperator primus, everfor Orientalis Imperii anno Christiano 1453. Et, quod est vix primum, transit urbs & orbis Ecclesiæ Orientalis ad Turcas.

Hi sunt enim posteri & successores Saracenorum; progenies & indoles Tartarorum ex quibus prodierunt. Plinius lib. 6. nat. hist. cap. 7. meminit *Turcarum* jam tum circa Mæotidem paludem. Multitudine sunt sicut locustæ; virulenti sicut scorpiones.

2. His locustis non est negotium

devorandi FOENUM TERRÆ & quod in illa VIRIDE & quidquid pomorum in *arboribus*; prout refertur de locustis in Ægypto, quæ fuerunt figura vel umbra harum, Gen. 10. v. 15. Quasi dicat S. Joannes: non esse de genere locustarum brutarum; sed esse homines, quod apertè (v. 7.) subjicit ex FACIE dignoscendum. Quapropter in hunc versum quartum Apocalypseos, rectè ait Rupertus Abbas Comment. lib. 5. *Perspicue ostendit quia non per proprietatem sed per similitudinem Locustas de fumo illo exisse dicit: dum, quod locustæ est facere, hoc illis interdictum esse scribit: locustarum namque est ledere fixum terra, & omne viride, omnemque arborem, quemadmodum inter plagas Ægypti scriptum est. Ipsi autem, ne quid aliud, sed tantum homines laderent: quia videlicet & ipsi homines erant qui hic Locustæ dicti sunt. Homines igitur cum sint, PRÆCEPTUM EST ILLIS TANTUM HOMI-*

Potestas
data:

Limitata
præcep-
to;

Tripli-
citer.

HOMINES cruciare, eosque schismaticos quorum superficiem terræ operuerunt; nam hi sunt QUI NON HABENT SIGNUM DEI quod habere deberent à Spiritu sancto legitimè coram DEO & Ecclesia IN FRONTIBUS SUIS. Immo neque hæ locustæ ad interficienda corpora schismaticorum incolarum sunt propriè destinatæ, sed ad *cruciandum*, id est affligendum captivitate & servitute ejuscemodi præ qua mors sit *optabilior*, ut dicitur v. 6.

Atque hoc est primum, quod *præcepto*, id est providentiâ divinâ, hic dicitur caveri. Accedit illud quoque alterum (nam uno eodémque verbo Apocalypseos dicuntur simul plura) quod itidem cautum fuit divino eodem consilio & decreto, ne illis etiam in tectis absumerent *omne germen* Christianismi, neque *omnem virorem* pietatis erga Christum ac venerationis, neque ut inter *arbores*, officerent habitationi eremicorum aut cœnobitarum. Etenim notorium est de Turcis, quod patiantur fidem & cultum Christi, dummodò semel illas terras sibi subjecerint gladio & habeant subjugatas: Tolerant enim in Græcia, in Natolia seu Asia minore, in Syria, ipsis Hierosolymis templa: monasteria: quatuor Patriarchatus veteres qualescunque peregrinationes undique visitantium loca sancta & sepulchrum Christi: adeo ut non solum permittant sed etiam committant custodiæ Christianorum habere illis hospitia sua & asceteria religiosa. Habet Constantinopolis Galatam seu Peram oppi-

dum, solo disjunctum Sinu, latitudinis triginta passuum: in quo plei que incolæ Christiani, ac præcipue mercatores. Habet urbs Græcum Patriarcham, cui Monasterii sui ædes nobilis: Græcis cæteris ædes sacræ, etsi obscuriores, septuaginta censentur ab iis qui videntur. Armenorum septem: Francorum decem circiter. Quem numerum aliis examinandum relinquimus. Quid quod perniciosissimâ simulatione suæ doctrinæ, ac velut incrustatione suæ Scripturæ (hanc enim Arabicum nomen sonat Alcoranus,) nec damnent quidem ita Christianos, quin concedant posse salvari: quos sicubi cogant abnegare Christum, id neque est illis generale; neque per se intentum (câ violentiâ), id est, non propter abnegationem ipsam, sed ut securè utantur iis in bello, quos Renegatos vocant & omnes applicant ad arma. Denique illud etiam est tertium eorum quæ caventur præcepto, id est, dispositione divinâ: ut cum servitus & jugum illorum sit intolerabile in schismate his, qui, non signati, destituuntur gratiâ & DEI auxilio supernaturali, veris quidem servis DEI & signatis electis cedant omnia in bonum & ad salutem. Quod spectavit cantus TUBÆ.

3. Tempus CRUCIATUS definitur MENSIBUS QUINQUE: neque enim temerè in hoc loco nominantur menses. Rupertus quidem Abbas in Apoc. lib. 5. comment. *Quare autem mensium potius quam annorum nomine vel numero illa servitutis tempora* (Loquitur de Israëlitarum mutatione servitutis) *Designantur: videlicet,*

Profuit
cantus
Tubæ.

Cruciat-
tus men-
sibus
quin-
que.

delicet, quia in mensibus secundum Lunam, quos solos Hebraei, de quibus sermo est, noverunt vel computant, mutabilitas crementi vel decrementi est; quae & stultorum mutabilitatem significat, dicente Scriptura, Stultus ut Luna mutatur. Et infra: Potestas eorum nocere hominibus, mensibus quinque: id est servitutibus subicere per vices quinque. Ita ille.

Cruciatum mensibus quinque. Sed enim multò aliud Mysterium & evidenter aperitur in his mensibus: Et quidem duplici ex capite & sensu. Primò: constat eos Lunati circuitu effici: Et Lunationes esse Turcarum proprias, qui habent Lunam pro insigni, pro tutela, pro ornamento; & incrementa ejus ac decrementa pro superstitioso augurio: urbes ipsae signantur Lunà in mappis geographicis, & datur intelligi eas esse in ditione Turcarum. Lunationes autem quinque significant totidem mutationes (Eccl. 27. v. 12. *Ut Lunam mutatur*) quae acciderint in Imperio Turcarum inde à prima regni hujus origine: & est numerus Lunationum quinariis, id est

imperfectus in serie numerorum, utpote dimidiis denarii qui est numerus perfectus. Computet peritus revolutionum Turcicarum mutationes quae intervenerunt usque ad nostra tempora: & divinet quid restet ab accompletionem quinaris; speretque prope abesse caelum illius Jericho. Secundò: meritò Schismatici subiecti sunt Lunae Mohometicae: quia elegerunt mutari per schismata: & patiuntur vices stultitiae sui ipsorum. In quos cadit illa expositio Ruperti in hunc locum (quam ille applicat variae servituti Iudaëitarum:) *Quod ergo dictum est; sed ut cruciarentur mensibus quinque; idem est ac si diceretur: sed ut quinquies in stultitiam mutati in servitutem redigerentur per vices quinque.* Videtur Apocalypsis hoc numero inundationis Locustarum respexisse ad inundationem quasi diluvii Asiatici: nam illa in Genesi obtinuit terram diebus centum quinquaginta, qui sunt menses quinque; cap. 7. v. 24.

§. III.

Descriptio Locustarum.

Jam quod ad Locustas attinet, hæ aptissimè referunt Turcas.

Locusta, i. **E**st locustæ materialis apud Italos animal infestum. nomen Cavaleta, quod sonat parvum Equum: eò quòd speciem gerat equi cataphracti, animal lorica- tum. Habet pinnas pro aculeis: va-

stat agros ac devorat: inquietum & vagum: agmen earum impudens quod omnia percurrit saltu ac volatu: sordidum quod omnia inquinat quantumvis munda aut regia. Ipse cum sint vi-

L

les

Impe-
rium
Turca-
rum.

les & exiguæ, totas provincias depascuntur & abliguriunt.

2. Sequitur in Apocalypsi descriptio Turcici Imperii ad vivum. SIMILES, inquit, EQUIS PARATIS IN PRÆLIUM: ob audaciam armorum & professionem atque ardorem belli in quo ponunt omnia.

SUPER CAPITA EARUM TANQUAM CORONÆ SIMILES AÛRO. Habent verò, habent capita coronata velut auro: coronam in Syria ubi Damascus sedes est Regni: in Palæstina, ubi Hierosolymæ: in Africa, Tuneti: in Thracia, Constantinopoli: in Asia minore, Trapezuntii quæ est civitas Cappadociæ: ut omittam Reges & Principes tributarios in Bulgaria, Servia, &c.

FACIES EARUM TANQUAM FACIES HOMINUM. Quò manifestissimè ostendat non esse alios quàm homines: immò & præ se ferre ac servare certas leges humanitatis ac politię, cum erga externos, tum inter se præsertim.

HABEBANT CAPILLOS SICUT MULIERUM: Agathias lib. 1. scribit fuisse *intonfos, sordidos, implexos, squalidos*. Hodieque alunt circum aut crinem pendulum ex occipite; mulierum autem appellatione notatur eorum polygamia & mulierositas.

DENTES EARUM SICUT DENTES LEONUM. Ea est fertitas in comminuendo quod ceperint; retinendoque mordicus, tanquàm dentibus: Barbara & arrogans in rapiendo & subjugando, tanquàm Leonum.

Est & dentium leonis, naturalem af-

ferre putorem; infami mancipatu detinere. HABEBANT LORICAS SICUT LORICAS FERREAS. Pectus ac præcordia indurata, bellicosâ, ferrea.

VOX ALARUM EARUM SICUT VOX CURRUUM EQUORUM MULTORUM CURRENTIUM IN BELLUM. Quis nescit eos pollere multitudine quâ se effundunt in bellum: ac maximè equitatu valere, ac velut alatorum currum sono perstreperere atque horrendâ cum vociferatione additâ procurrere in aciem?

HABEBANT CAUDAS SIMILES SCORPIONUM, ET ACULEI ERANT IN CAUDIS EARUM: Vulnerant etiam animas, & aculeum infigunt apostasiam: non velut à fronte & apertè, ita ut velint extorres omnes Christianos; sed fraudulenter; implicando velut caudâ quâ alliciunt, aut pertrahendo captivitate quâ feriunt & premunt. Rupertus Abbas Com. lib. 5. *Scorpius*, inquit, *prius capite blanditur; & post caudâ feriens mortifera venena diffundit.* POTESTAS EARUM NOCERE HOMINIBUS: Violenta; & insidiosa; genio ac formâ compositâ (pro ut hîc describitur) non ex solis locustis, sed commixta ex homine, leone, scorpio, & equo: præparatione belli ut equorum armatorum; facie, ut hominum; dentibus, ut leonum: caudis & aculeo tenus, scorpionum: multitudine, inquietudine, vexatione, ac vastatione locustarum. MENSIBUS QUINQUE: Circulo Lunati; de quo diximus §. præcedente. || 3. ET

Rexlo-
culta-
rum,

Cur ei
nomen
Hebra-
icè &
Græcè.

ET HABEBANT SUPER SE
REGEM &c. Cùm locustæ mate-
riales *Regem non habeant*, ut dicitur
Prov. 30. 27. At hæc habent, quia ho-
mines sunt. *Regi* NOMEN est *Ex-
terminator*; talem enim se proficitur
gladio & sectâ: videlicet, Regnorum
Christianorum everforem per vim &
apertum Martem; Religionis autem
etiam per insidias caudæ & aculeum
captivitatis, morte durioris. Hoc no-
men posuit Latinus interpres: nam in
autographo Joannis non est nisi no-
men Hebræum A BADDON &

Græcum APOLLYON: quæ duo
nomina in his duobus idiomatis sola
ponuntur expressâ in Apocalypsi; prop-
terea quod in his maximè linguis dua-
bus & terris processerit exterminatio.
Quam exercendo meritò appellatur
ANGELUS ABYSSI: tam is qui ca-
dit sub aspectum & præest puteo aby-
ssi, ac sceptrum tenet sectæ; quàm is à
quo ille regitur & qui præsidet super-
stitioni, Angelus inferni.

Angelus
abyssi.

Hactenus primum Væ, & Exter-
minationis Orientalis viva repræsen-
tatio.

Aperi, Lector, viscera misericordiæ Christianæ: & compatere terris celeberrimis, olim populo illustri à doctrina & fide, seminario SS. Patrum & Docto-
rum: obruto nunc ignorantia & cæcitate partim adhuc manifestarum hære-
seon veterum à Conciliis & antecessoribus illiusmet populi damnatarum,
quas commemoravimus ex Apocalypsi ad Tubam primam & secundam; par-
tim Schismatis Ecclesiastici, ac defectionis in chaos errorum, ad Tubam ter-
tiam & quartam: Jamque ad Tubam quintam vastitate, proculcatione ac
jugo intolerando Turcarum & superstitione, quibus succubuit. Sit exem-
plo cæteris Ecclesiis particularibus, ut ne deferant unitatem ejus Ecclesiæ
in qua semper Apostolica cathedra viguit principatus (Aug. Ep. 162. ad Elotium:) &
ut exhorreant occasionem schismatis, lernam tantorum malorum.
Comedat nos zelus Domus DEI, parietum ejus (heu parietinarum!) Ori-
entalium: commoveat splendor sublatus Orientis & salus populorum ac re-
ductio à schismate quod fuit illis fons exitii.

TRACTATUS XIII.

IN RELIQUA CAPITIS IX.

Tuba
sexta:
nuntia
Imperii
Anti-
christia-
ni.

Incipit cantus *sextæ Tuba*, & *Va secundum*.

VERBA APOCALYPSEOS.

(Cap. 9. Vers. 13.) *Et sextus Angelus Tubâ cecinit; & audiui vo-*
cem unam ex quatuor cornibus altaris aurei, quod est ante oculos Dei.
(v. 14.) *Dicentem sexto Angelo, qui habebat tubam, Solve quatuor*
Angelos, qui alligati sunt in flumine magno Euphrate. (v. 15.) Et soluti
sunt quatuor Angeli, qui parati erant in horam, & diem, & mensem,
& annum ut occiderent tertiam partem hominum. (v. 16.) Et numerus
equestris exercitus vicies millies dena millia. Et audiui numerum eorum.
(v. 17.) *Et ita vidi equos in visione: & qui sedebant super eos, habe-*
bant loricas igneas & hyacinthinas & sulphureas, & capita equorum
erant tanquam capita leonum: & de ore eorum procedit ignis, & fu-
mus, & sulphur. (v. 18.) Et ab his tribus plagis occisa est tertia pars ho-
minum, de igne, & de fumo, & sulphure, quæ procedebant de ore ipso-
rum. (v. 19.) Potestas enim equorum in ore eorum est, & in caudis eo-
rum, nam cauda eorum similes serpentibus habentes capita: & in his
nocent; (v. 20.) Et ceteri homines qui non sunt occisi in his plagis, ne-
que pœnitentiam egerunt de operibus manuum suarum, ut non adorarent
dæmonia, & simulacra aurea, & argentea, & area, & lapidea, &
lignea, quæ neque videre possunt neque audire, neque ambulare. (v. 21.)
Et non egerunt pœnitentiam ab homicidiis suis, neque à veneficiis suis,
neque à fornicatione sua, neque à furtis suis.

§. I.

Dæmones ad Euphraten.

1. **M**Onitu *sextæ TUBÆ* pro- manis persecutio imminens Anti-
mulgatur & cavetur im- christiana. Ea prædicatur hoc modo:
Jace-

Vox ex
altari au-
reo.

Jacebat ab locustis profanatum diu
ANTE OCULOS DEI *altare au-
reum*, vacuum cultu legitimo, & suo
incenso quod Capite octavo v. 3.
ostendebantur esse orationes sancto-
rum: quoniam illarum loco audir-
etur ex altari contempto VOX mina-
rum & annuntians poenas DEI viden-
tis. UNA est eadem vox EX QUA-
TUOR CORNIBUS ALTARIS:
quæ versus quatuor partes terræ se dif-
fundit ut audiat per eam totam.

Angeli
alligati:
qui?

2. Ea vox est ad Angelum tubici-
nem sextum: SOLVE, inquit,
QUATUOR ANGELOS QUI
ALLIGATI SUNT IN FLUMI-
NE MAGNO EUPHRATE.
Ligantur non nisi mali Angeli: quo-
rum hi 4. Archidæmones, præfides im-
pietatis ac nominati, Apostasie Ju-
daicæ stabilendæ: alligati fuerunt vi
fortioris armati, quando Christus mo-
riens illis iniecit vincula, id est restrin-
xit potentiam nocendi: juxta illud Col.
2. v. 15. *Exstolians principatus & pote-
states traduxit illos confidenter palam
triumphans illos.* Horum Principum

Cur in
Euphra-
te?

& harum Potestatum (earum quæ
præfunt in primis pseudo-Judaismo)
carcer ab eo tempore fuit designatus
vastum flumen Euphratis, quod per-
luit Babylonem; quæ est habitatio
præcipua perfidorum, ut nunc sunt
inter Infideles, Judæorum. Eadem
est locus natalis Antichristi, ut infra
dicemus, atque in omnibus Scripturis
& apud omnes SS. Patres typus est ac
sedes Regni Diaboli & manifestè im-
piorum: intra quos limites continetur
eorum voluntas evagandi. At ubi so-

luti fuerint, vix toti mundo quantum-
vis ploratum, quoniam seductio erit
tanta & tam potens, *ut in errorem in-
ducantur, si fieri potest, etiam electi*,
Matth. 24. v. 24. Quod autem sol-
ventur, id fit iuxta DEI vindictam ad
implendam mensuram supplicii Ju-
dæorum: DEO permittente ut recipi-
ant Antichristum, qui noluerant Chri-
stum: qui est sensus Apostoli 2. Thess.
2. ubi cum diceret v. 9. Adventum
Antichristi esse *secundum operationem
Satanæ &c.* In omni seductione: red-
dit causam v. 10. in poenam gentis Ju-
daicæ: *Eò quod, inquit, Charitatem
veritatis (Christum) non receperunt,
ideo mittet illis DEUS operationem
erroris (Antichristum): neque enim
tam operator quam operatio ipsa)
ut credant mendacio.* Quæ erit iis ulti-
ma poenarum; seu obstinatis ad dam-
nationem; seu convertendis, ad res-
piscenciam. Nam in hac etiam ira sua
(Psal. 76. v. 10.) *Non continebit miseri-
cordias suas*, ut videbimus suo loco;
atque in Caput 20. Apocalypsis v. 7.
&c. Ubi plura de alligatione Draco-
nis & solutione.

Cur sol-
vend?

3. Mirum in modum hi quatuor Qua-
tuor: tuor:
TUOR, quia in tot se dividunt partes
mundi, quarum nulla erit immunis:
PARATI, inquit, IN HORAM Expe-
ET DIEM ET MENSEM ET ctabun-
ANNUM; qui modus loquendi sig-
nificat illorum desiderium impatien-
tissimum, quæ numerant primum ho-
ras, dein dies, tum menses atque an-
nos futuræ solutionis & licentiæ.
Stant præparati toti & anhelant ad

L 3

con-

conceptum facinus exequendum, quod est *occidere* animâ tenus omnes Christi fideles ejus temporis: & revera

TERTIAM PARTEM occident

Tertiam animarum: ut, sicut tertia pars stellarum cesserat Draconi Deum oppugnantem in Cælo; sic, operâ Draconis, Antichristo tunc pugnantem pars cedat tertia militantium Deo in Ecclesia. Intendunt & velleat omnes prorsus ad unum necare occisione æternâ: cadit

enim in unumquemque ex illis quatuor valentissimis dæmonum illud Job. 40. v. 18. *Habet fiduciam quod infinat Iordanis in os ejus.* Quod si necem animæ desperaverint procurare ullis imposturis, machinabuntur illam per necem corporum & persecutionem tantam, ut vel sic tertiam partem integram mortalium eliminant & vel Cælo vel ex oculis hominum auferant.

§. II.

Equitatus.

Soluti adducunt Equitatum,

1. **E**T ecce *Equitatus*, qui à solutis Archidæmonibus eum in finem cogitur, propugnatorum Antichristi Regis ac Messia; VICIES MILLIES DENA MILLIA (græcè, duæ myriades myriadum, est enim myrias decem millia) id est ducenti milliones. Nemini videatur incredibilis hic numerus: quando Nicolaus Trigautius testis locuples soli regno Chinæ attribuit ducentos quinquaginta milliones animarum; libro de expeditione Sinenfi. Multò igitur plures Antichristianæ erunt copiae, ut erit amplitudo Regni ejus maxima: & ab eo conscriptæ per totum orbem diffundentur ad seducendum ac pertrahendum.

Quorum temporum prophetiam uberiorem reservavit S. Joannes secundæ parti Apocalypseo, ut suo loco proprio: ita tamen ut hîc eam attingat obiter ob sextam Tubam.

2. Hi sunt Equites rufi contra album: impulsore ac direttore Diabolo: turmæ Judæorum per totum mundum disperforum, & quotquot illis se adjungunt cum Antichristo Rege Judæorum facturi. Ex his erunt, Rabbinorum multitudo, prætoriarum cohortes in exercitu Gog & Magog. (de quo Cap. 20. v. 7.) ducibus dæmonibus, buccinatores ac Prædicatores Antichristi per totum mundum. Admonet enim S. Augustinus lib. 26. de civ. cap. 15. (Cujus verba citabimus Apoc. 20. Gog & Magog non esse gentem in aliqua certa parte mundi, sed in omnibus gentibus; perinde ut Ecclesia & fideles Christi non ad unum congregandi sunt locum, sed erunt diffusi per omnes gentes. Nihil autem tam dispersum in mundo quam Judæi, psal. 58. 12. nihil tam expectandum ejus quem nos vocamus Antichristum: nihil tam effu-

Equitatus quis.

sum ad eum recipiendum & prædicandum.

Et de numero quidem EQUETRIS EXERCITUS Joannes testatur se illum *audisse*: apparuisse autem IN VISIONE Infessores Equorum & Rectores munitos *loricis igneis & hyacinthinis & sulphureis*. Ignitæ erunt, propter zelum quo ardebunt toto pectore contra Christianos, oppressores suos tot sæculis: hyacinthinæ, propter speciem & colorem cælestem, prætextu divinæ legis restituendæ: sulphuræ, propter promptitudinem accendendi doctrinam infernalem de pseudomessia. His loricis armantur & proteguntur à Diabolis jam solutis.

Equi, Synagogæ Judæorum, visi sunt *capitibus* TANQUAM LEONUM, præferociâ & arrogantia quâ insultabunt Christianis. Ac DE ORE Equorum tria hæc, IGNIS ET FUMUS ET SULPHUR: primum quidem, quia pro se ipsismet hincient ad Principis mundi promissâ terrenâ, *omne id quod est in mundo*, concupiscentias tres, carnis, honorum, ac divitiarum, quorum abundantiam Doctores Judæi expectari jubent cum adventu sui Messie & vi promissionis in Lege repositâ in totum orbem. Deinde, quia contra Christianos spirabunt quidquid habet infernus minarum;

conciitati ab afflatu ejusdem Principis mundi: videlicet ignem, fumum, & sulphur, quo sint sævituri in eos qui restiteant suo Regi aut Messie. Atque AB HIS TRIBUS PLAGIS, ex ore equorum, inquit Joannes, OCCISA EST TERTIA PARS HOMINUM: Per pollicitationes terrenas, & suppliciorum interminationem. Quæ vis *oris* ac POSTESTAS nocendi etiam adjuvabitur à CAUDIS eorundem Equorum: erunt enim Antichristi sectatoribus & ministris venenatissimæ SIMILES SERPENTIBUS; qui erit dolus eorum ad pelliciendum: & in *caudis* CAPITA, blandiloqua prædicando suadendoque, adspirantium occultè virus diabolicum.

Certè cum per hunc Equitatum Magnus Doctor Gregorius intellexerit sui temporis Prædicatores sectarum hæreticarum: multò magis hujus omnium perniciosissimæ & novissimæ sectæ de novo Messia. Et ori quidem ille persuasionem, caudis verò temporalem quam post se trahunt potentiam tribuit: *Hic igitur*, inquit, *Equis*, id est *nequissimis prædicatoribus*, *in ore & caudâ potestas est*: quia ipsi quidem *perversa, suadendo, prædicant, sed temporalibus potestatibus fulsi per ea quæ retrò sunt se exaltant*.

Caudæ
similes
serpentibus.

Habentes
capi-
ta.

§. III.

Obstinatio Impiorum.

Seductio. 1. Istorum, ut diximus, partim arte
Iac deceptione persuasi, partim vi

& coactione compulsi, tertia illa pars
fidelium à Christo abstracti sunt.

2. Nam

Idolo-
latría.

2. Nam CÆTERI vel sicubi erunt adhuc idololatráe usque ad illud sæculum : vel cultores illius magni *Simulachri*, quod instar obtinet omnium aliorum; id est, falsi Messíæ: vel denique homines profanæ vitæ, quorum Deus *aurum, argentum, æs, lapides & ligna* pretiosa; quæ cupiditas & avaritiâ etiâ ipsa est ac nominatur *dolorum servitus*, Eph. 5. v. 5. & Eph. 3. v. 5. Sponte sequuntur Diaboli partes.

3. Hi tantum abest ut resipuerint ad agendam pœnitentiam, ut obstinationes sint effecti cum in suo quisque genere idololatráe: tùm in aliis vitis quæ

inundabunt terram; *homicidia, veneficia, luxuria, furta*, & omne genus iniustitiæ, quorum patratores computantur cum idololatrís.

Scelera.

Quod attulimus de cultu magni Idoli qui sit Antichristus, præsentit & recensuit hanc idololatriam S. Irenæus lib. 5. cap. 25. ubi de Antichristo sic ait : *Idola quidem seponens ad suadendum quòd ipse sit DEUS, se autem extollens UNUM IDOLUM, habens, in semetipso reliquorum idolorum varium errorem : ut hi qui per multas abominaciones adorant Diabolum, per hoc unum Idolum serviant ipsi.*

TRACTATUS XIV.

IN CAPUT X.

Immoramur iis, quæ pertinent ad TUBAM SEXTAM.
Et est Summa Capitis, hujus & sequentis finem imponere
Diphtheræ ac Tempori.

VERBA APOCALYPSEOS.

(Cap. 10. Versu 1.) *Et vidi alium Angelum fortem descendentem de cælo amictum nube, & iris in capite ejus, Et facies ejus erat ut sol, & pedes ejus tanquàm columnæ ignis. (v. 2.) Et habebat in manu sua libellum apertum : Et posuit pedem suum dextrum super mare, sinistrum autem super terram. (v. 3.) Et clamavit voce magna; quemadmodum cum leo rugit : Et cum clamasset, locuta sunt septem tonitrua voces suas. (v. 4.) Et cum locuta fuissent septem tonitrua voces suas, ego scripturus eram : & audiui vocem de cælo dicentem mihi : Signa quæ locuta sunt septem tonitrua, & noli ea scribere, (v. 5.) Et Angelus, quem vidi stan-*
tem

tem super mare, & super terram, levavit manum suam ad cælum. (v. 6.)
 Et iuravit per viventem in sæcula sæculorum, qui creavit cælum, & ea
 quæ in eo sunt, & terram, & ea quæ in ea sunt, & mare, & ea quæ in eo
 sunt: Quia tempus non erit amplius: (v. 7.) sed in diebus vocis septimi
 Angeli, cum cæperit tuba canere, consummabitur mysterium Dei, sicut
 evangelizavit per servos suos Prophetas. (v. 8.) Et audiui vocem de
 cælo iterum loquentem mecum & dicentem: Vade & accipe librum
 apertum de manu Angeli stantis super mare, & super terram. (v. 9.)
 Et alii ad Angelum, dicentes ei, ut daret mihi librum. Et dixit mihi: Ac-
 cipe librum & devora illum, & faciet amaricari ventrem tuum, sed in
 ore tuo erit dulce tanquam mel. (v. 10.) Et accepi librum de manu An-
 geli, & devoravi illum: & erat in ore meo tanquam mel dulce: & cum
 devorasssem eum, amaricatus est venter meus: (v. 11.) Et dixit mihi:
 Oportet te iterum prophetare gentibus, & populis, & linguis, & regi-
 bus multis.

§. I.

Apparitio Angeli.

Fortis :
 descen-
 dens, in
 nube.

1. **J**Am ex Libro Diphtheræ osten-
 sæ solus restat umbilicus: & tem-
 pus mundi ante iudicium breve.
 Ad hoc significandum apparet
 Angelus fortis, tali in habitu in quo re-
 præsentat imminentem Judicem:
 FORTEM enim ad ulciscendum se
 de inimicis suis: DESCENDEN-
 TEM DE COELO, sic enim ve-
 nit quemadmodum visus ascendere,
 Act. 1. v. 11. AMICTUM NUBE,
 quia in illa venit Luc. 21. v. 27.

Iris ca-
 pitis.

2. IRIS IN CAPITIS EJUS:

quia memor pacti quod inivit, & pro-
 missi quod fecit servis suis quos venit
 muneraturus. FACIES EJUS UT
 SOL: transfiguratus enim & clarifica-
 tus, ac Judex nunc qui fuerat olim de-
 spectus ac judicatus.

3. Sicut autem in capite Iris proe-
 lectis: ita PEDES sunt TAN-
 QUAM COLUMNÆ IGNIS
 ad conculcandos & ad exu-
 rendos reprobos.

Pedes,
 colum-
 næ ignis.

M

§. II.

§. II.

Libellus in manu.

Libellus. 1. **D**icitur Angelus, qui illum re-
præsentat, ostendisse IN MA-
NU SUA LIBELLUM APER-
TUM; eundem illum, quem antea
promulgaverat clausum, cap. 5. v. 2;
sciscitatus quisnam mereretur aperire.
Ubi illud observatu dignum, quod
cum in toto illo quinto capite dicatur
Liber, hic jam dicatur *Libellus*: immò
in græco textu originali, βιβλαρίδιον
id est Libellulus, quo nomine Joannes
utitur toto hoc jam in capite, versibus
2. 8. 9. & 10. quater appellans Libel-
lulum. Causa est, quod ejus Libri qui
antea scriptus intus & foris, cum pri-
mum aperiretur, erat copiosior, brevis
admodum adhuc restet lectio.

2. Ea est reliquum illud ex diph-
thera aperta, quod ultimò pertinet ad
sexam Tubam; videlicet, status rerum
proximè & sub tempus Antichristi:
deproperante mundo ad exitum &
exitum. sanè libellulus, id est materia
brevissimi temporis, extrema pars
Diphtheræ: quàm difficilis postea di-
gestionis, tam devoratu antea fa-
cilis.

3. Latinus quidem interpres post-
quam appellâset Libellum, deinceps
utitur nomine LIBRI: quoniam u-
tique ita est Libellulus mole, ut virtute
rerum quæ continentur ac pondere sit
instar Libri.

Materia
libelli.

Et libel-
lus & li-
ber.

§. III.

Reliqua de Angelo & Libro.

Pedes
super
mare &
terram.

1. **S**equitur in Apocalypsi de illo
forti Angelo: POSUIT PE-
DEM SUUM DEXTRUM SU-
PER MARE, SINISTRUM AU-
TEM SUPER TERRAM: U-
trumque ignitum. Quo significatur,
quod per adventum Domini, ut lo-
quitur S. Petrus ep. 2. cap. 3. v. 12.
elementa ignis ardore tabescent, & ha-
bitatio mortalium, terra & mare, ex-
uretur. Et quia mare in Evangelio

solet accipi pro sæculo iniquo, terræ
autem bona est promissio quædam, &
possessio sancta (ut Matth. 5. v. 4.)
Idè potest dici quod mare pede igneo
prius & fortius prematur; ut manti-
morum fiat combustio, terra verò ut
excoquatur igni.

Eo igitur situ dum præmonstraret
futurum Judicium, CLAMAVIT
VOCE MAGNA, QUEMAD-
MODUM CUM LEO RUGIT:
illius

Clamat.

illius prænuntius magnæ vocis de qua prophetatum est Amos 3. v. 8. *Leo rugiet, quis non timebit?*

7. Tonitrua:

2. Simulac Angelus clamasset, LOCUTA SUNT SEPTEM TONITRUA VOCES SUAS. Præsignificatur his tonitruis sententia Tonantis in extremo illo tribunali contra impios: & audiuntur septena; tùm quia universale iudicium est, quod significat septenarius; tùm quia universus Ordo impiorum sic ferietur, ut sit contra unumquodque genus vitiosorum suum proprium tonitru Judicis, pro diversitate septem scelerum capitulum.

Obfig-
nata.

Sed has voces SCRIPTURUS Joannes inhiabitur imperio *vocis* alius DE COELO, *σπαργισαν*; id est obfigna, QUÆ LOCUTA SUNT SEPTEM TONITRUA, ET NOLI EA SCRIBERE: secretum est enim quidquid in illa die pro iudicio revelabitur, & tunc pro tonitruo audietur ab omnibus.

Juramē-
tum de
Tuba se-
ptima.

His gestis, eodem suo manens Angelus in situ pedum super mare & terram, *levat* MANUM (quod simul est comminantis:) ac *jurat* PER VENTEM IN SÆCULA, Creatorem Cœli, terræ, maris & omnium *quæ in eis sunt*, condita in usus humanos: ut primum COEPERIT audiri TUBA SEPTIMI ANGELI, TEMPUS NON fore AMPLIUS; neque enim Cœlo motum, neque hominibus spatium operandi suam salutem: sed incipiente, inquit, illo sono tubæ CONSUMMABITUR

MYSTERIUM regni DEI; toto eo quod prædictum fuit in *Evangelio* & in *Prophetis* impleto. Respicitur ad Caput 12. Danielis, v. 7. ubi *vir inductus lineis* similiter jurat *per viventem in æternum*; quia in tempus & tempora & dimidium temporis; & addit, *complebuntur universa hæc*.

3. Audierat S. Joannes vocem è Cœlo de signandis tonitruis nec scribendis. Audit ITERUM ex eodem COELO VOCEM, quæ jubente *vadu* & accipit DE MANU ANGELI *Librum*, qui modò dicebatur libellus, APERTUM: atque eo exhortante *devorat*. ad eum modum quo Prophetæ Ezechieli porrectus est liber comedendus, simili effectus. Visus est IN S. Joannis, sicut & in S. Ezechielis, ORE Liber dulcis TANQUAM MEL, at in ventre deprehensus est *amarus*: quia omnis per seipsa cognitio futurorum, Deo præsertim revelante, dulcis & sapida est, quamvis adversorum: at res cognita & ruminata creat amaritudinem ruminanti.

Denique citò devorabatur ut libellus: at ruminatus in ventre non fecus erit ac Liber; in materia integra ITERUM prophetandi, simul & eructatu amarissima: nec jam tantummodò de Asia, neque ad illam potissimum solam, sed de omnibus GENTIBUS & ad illas; ad *populos* omnium *linguarum*, & ad *Reges* quorum toto orbe res agetur.

TRACTATUS XV.

IN CAPUT XI.

Materia iterum prophetandi (quod fuerat iussus) congesta perstringitur summam, pertinens ad Tubam sextam, & finiens in Tuba septima.

VERBA APOCALYPSEOS.

(Cap. 11. Vers. 1.) Et datus est mihi calamus similis virgæ & dictum est mihi: surge & metire templum Dei, & altare, & adorantes in eo. (v. 2.) atrium autem, quod est foris templum, ejice foras, & ne metiaris illud: quoniam datum est gentibus, & Civitatem sanctam calcabunt mensibus quadraginta duobus: (v. 3.) & dabo duobus testibus meis, & prophetabunt diebus mille ducentis sexaginta, amicti saccis. (v. 4.) Hi sunt duæ Olive, & duo candelabra, in conspectu Domini terræ stantes. (v. 5.) Et si quis voluerit eos nocere, ignis exiet de ore eorum, & devorabit inimicos eorum: & si quis voluerit eos ledere, sic oportet eum occidi. (v. 6.) Hi habent potestatem claudendi cælum, ne pluat diebus prophetis ipsorum: & potestatem habent super aquas convertendi eas in sanguinem, & percutere terram omni plaga quotiescunque voluerint. (v. 7.) Et cum finierint testimonium suum, bestia quæ ascendit de abyssu, faciet adversus eos bellum, & vincet eos, & occidet eos. (v. 8.) Et corpora eorum jacebunt in plateis Civitatis magnæ, quæ vocatur spiritualiter Sodoma, & Ægyptus, ubi & dominus eorum crucifixus est. (v. 9.) Et videbunt de tribubus, & populis, & linguis, & gentibus corpora eorum per tres dies & dimidium: & corpora eorum non sinent poni in monumentis. (v. 10.) Et inhabitantes terram gaudebunt super illos, & jucundabuntur: & munera mittent invicem, quoniam hi duo Prophetæ cruciaverunt eos, qui habitabant super terram. (v. 11.) Et post dies tres & dimidium, spiritus vitæ à Deo intravit in eos: Et steterunt super pedes suos, & timor magnus cecidit super eos, qui viderunt eos. (v. 12.) Et audierunt vocem magnam de cælo, dicentem eis: Ascendite huc.

, huc. Et ascenderunt in calum in nube, & viderunt eos inimici eorum.
 , (v. 13.) Et in illa hora factus est terra motus magnus, & decima pars
 , Civitatis cecidit: & occisa sunt in terra motu nomina hominum septem
 , millia: & reliqui in timorem sunt missi, & dederunt gloriam Deo cæli.
 , (v. 14.) *Va secundum abiit: & ecce Va tertium veniet cito.* (v. 15.) Et
 , septimus Angelus tuba cecinit: & facta sunt voces magna in calo di-
 , centes: factum est Regnum hujus mundi, Domini nostri & Christi ejus,
 , & regnabit in secula seculorum; Amen. (v. 16.) Et viginti quatuor
 , seniores, qui in conspectu Dei sedent in sedibus suis, ceciderunt in facies
 , suas, & adoraverunt Deum dicentes: (v. 17.) Gratias agimus tibi Do-
 , mine Deus Omnipotens, quies, & qui cras, & qui venturus es: quia ac-
 , cepisti virtutem tuam magnam, & regnasti. (v. 18.) Et irata sunt
 , Gentes, & advenit ira tua, & tempus mortuorum judicari, & redde-
 , re mercedem servis tuis Prophetis, & sanctis, & timentibus nomen
 , tuum pusillis & magnis, & exterminandi eos qui corruerunt terram.
 , (v. 19.) & apertum est templum Dei in cælo, & visa est arca testamenti
 , ejus in templo ejus, & facta sunt fulgura, & voces, & terra motus, &
 , grando magna.

S. I.

Templi angustia, & calcatio sanctæ Civitatis.

Cala-
mus:

1. **D**atur Joanni CALAMUS
 seu arundo mensoria: hanc
 definit Ezechiel cap. 40. v. 5.
 sex cubitorum & palmi: ad quem lo-
 cum Ezechielis respicitur, in quo An-
 gelus metitur calamo ædificium Tem-
 pli, ubi S. Hieronymus: *calamus men-
 sura in manu ejus, designat gratiam Pro-
 phetalem.* Dicitur S. Joanni: SURGE
 à ruminatione Libri, ET METIRE
 TEMPLUM DEI, ET ALTARE,
 ET ADORANTES IN EO. Di-
 mensio hæc indicat in novissimo tem-
 porum fore Templum Dei angustum

Metien-
do Tem-
plo.

quod facile sit illimet metiri: id est, Ex-
 ercitiū Religionis, publicum præ-
 fertim, arctius: cultum altaris curtum
 & sine consueta maiestate: veros etiam
 adoratores paucos: Clerum & popu-
 lum Dei in probatione constantiæ &
 in angustia. Nam ATRIUM Gen-
 tium, illud vastum, jubetur non metiri,
 sed eicere foras: id est, amplitudinem
 impiorum; qui aut circum Ecclesiam
 degunt, at extra illam; aut vitam co-
 ram Deo profanam agunt & instar
Gentium. Merito dicitur calamus, is
 qui datus est, SIMILIS esse VIRGÆ:

Similis
virgæ,
quæ

M 3

quæ significat primò Justitiam vſitan-
tis in vīga (ps. 88. v. 33.) ſecundò re-
ſtitutionem Dei (ps. 44. v. 7.) virgam
directionis, qua omnia metitur: tertio
providentiam, qua omnia moderatur;
eſt enim etiam virga ſceptrum in Scri-
pturis (ps. 109. v. 2. Eſth. 5. v. 2. &c.

Calcatio
civitatis.

2. Audit *calcatum* iri SANCTAM
CIVITATEM, Eccleſiam Dei, per
Antichriſtianos, MENSIBUS QUA-
DRAGINTA DUOBUS : quod
eſt ſpatium trium annorum & dimidii:
ut habet communis SS. Patrum tradi-
tio, fundata in conſenſu Danielis cum

Anni 3½.

Apocalypſi. Nam & in prophetia Da-
nelis cap. 7. v. 25. ſic legitur; *uſque ad*
tempus & tempora & dimidium tempo-
ris: & Apocalypſis conſtanter triplici
diverſo calculo eundem exprimit ac-
curatè numerum: bis quidem *men-*
ſium, qui ſunt 42. (hoc cap. 11. v. 3. &
Cap. 13. v. 5.) bis item *dierum*, qui ſunt
1260. (hic v. 4. & Cap. 12. v. 6.) ita, ut
cuique menſi aſſignentur dies 30. ex
more tam Hebræorum & Chaldæo-
rum quàm Græcorum. ſemel verò
temporum (cap. 12. v. 14.) id eſt anno-
rum, ipſiſmet verbis Danielis. In
hanc interpretationem de regno An-
tichriſti conſpirant omnes SS. Docto-
res: ut meritò credatur ab ipſis Apo-
ſtolis eſſe derivata. Ita enim vetuſtiſ-
ſimus S. Irenæus lib. 5. cap. 25. *Sanctos*
Altiffimi conteret, & cogitabũ demutare
tempora & legem: & dabitur in manu
eius uſque ad tempus temporum & dimi-
diũ tempus, hoc eſt, triennium & ſex
menſes in quibus veniens regnabit ſuper
terrã. & cap. 30. *cũ vãſta verũ An-*
ti-chriſtus hũc omniã hoc mundo, reg-

gnans annis tribus & menſibus ſex, &
ſederũ in Templo Hieroſolymũ: tunc ve-
niet Dominus de Cœlis in nubibus. ita
ille. Et S. Hieronymus, is qui teſte S.
Auguſtino omnes perẽ ſcriptores le-
gerat, in caput Danielis ſeptimum, v.
25. *Et tradetur, ait, in manu eius uſque*
ad tempus & tempora & dimidium tem-
poris. tempus annum ſignificat: tempora
juxta Hebræi ſermonis proprietatem,
nam & ipſi dualem numerum habent,
duos annos præfigurant. dimidium autem
temporis ſex menſes. Et S. Auguſtinus
lib. 20. de Civ. cap. 8. *tribus annis &*
menſibus ſex legitur totis ſuis ſuorumque
viribus ſeviturus. Et cap. 23. *tempus*
quippe & tempora & dimidium tempo-
ris, annum eſſe, & duos & dimidium;
ac per hoc tres annos & ſemiſſem; etiam
numero dierum poſterius poſito diluceſcit:
aliquando in Scripturis & numero men-
ſium declaratur. addit: ſic ergo dicta ſunt
tempora, tanquàm dicerentur duo tem-
pora. Hæc Auguſtinus.

Numeratur enim hũc Antichriſti
non ætas omnis & quies ſubdola, ſed
illud tempus quo is aſcendet ad ſum-
mum potentia, oſtentabitque ſe Chri-
ſtum, ac perſecutionem inſtituet om-
nino omnium quotquot fuerunt aper-
tiſſimam ac pernicioſiſſimam anima-
bus ſeducendiſ. ferè ſicut Chriſti Do-
mini (quem æmulatur Diabolus in o-
mnibus) prædicatio & doctrina ſo-
lemnis, quã ſe geſſit pro Meſſia, dura-
vit annis tribus & dimidio.

3. Quod autem initium hoc nume-
rationis in Apocalypſi fiat a *menſibus*
priuſquàm per dies & tempora: nec
id quidem putamus carere myſticio, de
quo

Com-
putus
menſium.

quo diximus Tractatu 12. §. 2. tùm quia tempus hoc Antichristi concurret connecteturque cum Luna Mahometana: tùm quia ipsummet erit obnoxium variis mutationibus, pro vario ingenio & identidem novis technis ac machinationibus Antichristi; qui mutabit sùsque deque res omnes in mundo: *putabu*, ait Daniel cap. 7. v. 25.

quòd possit mutare tempora & leges. quæ mutationes erunt & atrocitate & numero longè superiores quàm illæ proximè præcedentes in Imperio Turcico sibi interea relicto (id est, nondum possessò per Antichristum:) tametsi breviate & multò inferiores duratione, quàm Imperium Turcarum.

§. II.

Duo Testes.

Testes:

AUdit præterea in illa tam extraordinaria tentatione *daturum* esse fidelem DEUM ut adsint extraordinarii duo Testes, restituri prophetiâ suâ & prædicatione. Vocantur TESTES per antonomasiam: quoniam hi ducent agmen eorum qui dicent testimonium pro vero Christo, voce primùm, dein sanguine.

Duo:

Congruum erit, esse omnino DUOS: ob tres causas. primò quia juxta legem Judæorum, ad quos sic extraordinem mittuntur; *in ore duorum aut trium testimonium stabit omne verbum*, Deut. 19. v. 15. quod etiam citat Christus Joan. 8. v. 17. *in lege vestra scriptum est quia duorum hominum testimonium verum est*. Deinde, duo ad eisdem Judæos, qui recipiunt utramque Legem: naturæ, cujus meminit Moyses in tota Genesi; & scriptam, ab eodem Moysè & à Prophetis: & utrobique legunt de illis duobus raptis à DEO. Tertio, duo ad omnes gentes: ut accedente duplici hoc testimonio ad te-

stimonium Evangelii, ex omni sit statu hominum, ante, in, & post legem, attestatio evidens de Cælo trium, quod est omnium, de stirpe humana.

Veniunt AMICTI SACCIS; ut *Amicti saccis.* hortatores ad pœnitentiam & ad luctum. is enim passim agi describitur à Scriptura, in saccis: 2. Reg. 3. v. 31. à Davide super funere Abneris; *Accingimini saccis & plangite.* 2. Esd. 9. v. 1. de filiis Israël; *in jejuniis & in saccis.* Esther. 4. v. 1. de Mardochæo; *indutus est sacco.* Isa. 37. v. 1. de Ezechia; *obvolutus est sacco.* Baruch. 4. v. 20, *indui autem me sacco.* Daniel cap. 9. v. 3. de semet; *in jejuniis, sacco, & cinere.* Jonæ 3. v. 5. de Ninivitis; *vestiti sunt saccis.* & v. 6. de Rege; *indutus est sacco.* &c. Quantò magis illà tempestate luctus Ecclesiæ, & prædicatione pœnitentiæ universalis?

In horum duorum Testium tam Calculi prædicatione præfertur calculus dierum: propterea quia nullo non die continuata erit, & cum expectatione

tionem quotidianâ & præparationem sui
suorumque in dies ad subeundum
martyrium.

Duæ o-
livæ &
candela-
bra.

HI SUNT DUÆ OLIVÆ. fru-
ctiferi pacis æternæ (ut est oliva sym-
bolum pacis) quam nuntiant futuram
post persecutionem exantlatam: ET
DUO CANDELABRA Ecclesiæ
in sustinenda luce veræ doctrinæ. Ara-
bica versio sic habet v. 5. *Hi sunt duæ
radices olivarum.* Septuaginta inter-
pretes: *rami olearum.* Zacharias pro-
pheta cap. 4. v. 11. *duæ olivæ:* & v. 14.
isti sunt duo filii olei; sic dicti sunt à pin-
guedine spiritus & gratiæ. vel ut ex A-
quila interprete addit S. Hieronymus,
filii splendoris & claritatis: quia prælu-
cebunt Judæis luce doctrinæ & ex-
empli.

Stant:

IN CONSPECTU inquit Apo-
calypsis, DOMINI TER RÆ
STANTES: quod Zacharias l. c. di-
xit: *qui assistunt Dominatori universæ
terræ.* Dicuntur antequam appareant,
stare, in magna expectatione suæ Le-
gationis in universam terram, & altâ
interim contemplatione in conspectu
Domini terræ: neque enim adhuc in
conspectu Beatifico Domini Cæli: si-
quidem ita rapuit utrumque à terra
dominator Deus, ut ad eam remittan-
tur in fine sæculi.

In con-
spectu
Domini
natoris
terræ.

Thau-
maturgi
ambo.

Quinam
illi?

Erunt & patratores miraculorum,
cum POTESTATE cæliùs acce-
ptâ: oppositi potentia Antichristi &
signis ac prodigiis illius. Atque alter
quidem illorum quinquam sit, apertè in-
sinuatur: dum sit mentio (v. 5.) IGNIS
exeuntis EX ORE id est ad verbum
illius, prout dicitur Eccli. 48. v. 1.

verbum ipsius quasi facula ardebat; &
devorantis ad versarios; 4. Reg. 1. v. 10.
& 12. itémque oclusi Cæli NE
PLUAT, 3. Reg. 17. v. 1. quæ est de-
scriptio Eliæ. de illo enim expressè
Scriptura, Malach. 4. v. 5. & 6. *Ecce*
ego mittam vobis Eliam prophetam, an-
tequam veniat dies Domini magnus &
horribilis: Et convertet cor patrum ad
filios, & cor filiorum ad patres eorum. Et
Eccli. 48. v. 9. *qui receptus est in turbine*
ignis, in currum equorum igneorum: qui
scriptus est in iudiciis temporum lenire ira-
cundiam Domini, conciliare cor patris ad
filium, & restituere tribus Jacob. Fui-
sèque eam apud Judæos traditionem
ostendit interrogatio, ex Joanne, Le-
gatorum; illa Hierosolymis, Joan. 1.
postquam confessus esset se non esse
Christum: v. 21. *Elias est tu?* Cui etiam
assentitur Christus Matth. 17. v. 11.
Elias quidem venturus est, & restituet
omnia: præcursor Adventus mei secun-
di, sicut Joannes Baptista est primi.

Ex S.
Scriptu-
ra.

De altero communior est sensus
Ecclesiæ & omnino retinendus: fore
Enochum. quoniam æquè translatus
est ac Elias: sicut enim scribitur Gen. 5.
v. 24. *Ambulavitque cum DEO & non*
apparuit: quia tulit eum DEUS. Nam
quod Moyse fuerit data potestas de
qua hîc fit mentio, CONVERTEN-
DI AQUAS IN SANGUINEM,
& percutiendi PLAGA pro libitu;
non pugnat quin similis potestas dan-
da sit Enocho & Eliæ: ac sufficit ipsum
Moysem dedisse testimonium Enocho
quod transulerit illum Deus (l. c.) de
Moyse autem expressum esse in Scri-
ptura quod obierit diem suum; Deut.

34. v. 5.

34. v. 5. & in ep. S. Judæ: v. 8. Adeo ut nulla restet iusta suspicio de Moysæ. Multo minus de Joanne Evangelista valet conjectura ex verbis Christi Joan. 21. v. 22. quia eo ipso in loco v. 23. refutatur, dicente Evangelista, non fuisse eum Christi sensum: & aliunde constat eum obisse Ephesi. Denique Sacra Scriptura clarissime affert canonici translationis Enoch, Eccli. 44. v. 16. *Henoch placuit Deo, inquit, & translatus est in paradysum, ut dei gentibus poenitentiam.*

Ex Patribus.

Accedunt Patres antiqui: Tertullianus lib. de anima, cap. 28. *translatus est Enoch & Elias, nec mors eorum reperta est, dilata scilicet: ceterum morituri reservantur ut Antichristum sanguine suo extinguant.* & lib. de resurr. carnis (ante finem libri:) *Enoch & Elias de orbe translati, & hoc ipso iam eternitatis candidati.* Auctor Tractatus de montibus Sina & Sion (inter opera S. Cypriani:) *Henoch translatus est ad confundendum & revincendum Antichristum.* S. Ambrosius in 1. Cor. 4. v. 9. *passuri sunt Enoch & Elias, qui ultimo tempore futuri sunt Apostoli: mitti enim habent ante Christum, ad præparandum populum Dei & muniendas omnes Ecclesias ad resistendum Antichristo.* S. Hieronymus ep. 148. ad Marcellam: *de Henoch autem & Elia quos venturos Apocalypsis refert & esse morituros.* S. Aug. lib. 9. de Gen. ad lit. cap. 6. *creduntur reduci ad hanc vitam, & quodiamdiu dilatum est, morituri.* S. Greg. lib. 9. mor. cap. 3. *Hic est quod duo illi predicatorum eximii dilata morte subtrahi sunt, ut ad præ-*

dications usum in fine revocentur. Claudat agmen S. Doctor Angelicus 3. p. q. 49. a. 5. ad 2. *Elias sublevatus est in Cælum ætherium, non autem in Cælum empyreum qui est locus Sanctorum: & similiter etiam Enoch raptus est in paradysum terrestrem: ubi cum Elia simul creditur vivere usque ad adventum Antichristi.*

3. Sequitur in revelatione facta Joanni: fore ut Bestia hos duos, à quibus fuerit sermone ac miraculis convicta, bello id est latrocinio corporum vincat, post expletum prædicationis ipsorum tempus, & occidat Hierosolymis. Ipsa est enim civitas UBI DOMINUS CRUCIFIXUS EST: quæ vocatur SPIRITUALITER SODOMA ob clamorem impietatis, ET ÆGYPTUS ob persecutionem verorum Israëlitarum id est Christianorum: sedes Regia pseudo-Christi, in qua magnificentissime instaurata, & in Templo Dei, illo (per ampliatiorem; ut loquimur) quod fuit Dei, omnium celebratissimo, residebit ostendens se tanquam sit Deus 2. Thess. 2. v. 4. In cujus civitatis plateis jacebunt corpora utriusque insepulta, tanquam sepulchro sint indigni, abjecta feris: tripudiantibus impiis & invicem gratulantibus quod liberati sint eorum invisâ prædicatione, minis, & miris quæ contemnent ut præstigias.

Hic est interfector duorum Testium & pseudo-Christus Rex, à quo procalcabitur sancta Civitas Ecclesia, ut dixerat v. 3. cujus Imperii sub nomine Bestiæ prima fit hic & obiter mentio.

N

non

Occidetur à Bestia.

non nisi hoc brevissimo verbo; BESTIA, inquit, QUÆ ASCENDIT DE ABYSSO. Sed huic nomini ac Visioni Bestiæ, hujusque descriptioni reservatur locus cap. 13. v. 11. & seqq.

Redivi-
via ascen-
dent.

Ad Extremum prophetatur fore, ut post TRES ET DIMIDIUM DIES hi duo testes & Archimartyres ab illata nece suscitentur divinitus v. 11. SPIRITUS VITÆ, inquit, id est anima vivificans, INTRAVIT IN EOS. simul erigent sese in PEDES, & stabunt in magna sua constantia Sap. 5. v. 1. cum timore cernentium. Protinus, evocati voce DE COELO, ascendent IN NUBE, palam oculis adversariorum: calumniantem Antichristo hanc vocem & ascensum ut præstigiosum. IN ILLA HORA, id est circa idem tempus (quod significat græcum ὥρα,) molietur Antichristus suum ascensum solemnem, de quo infra Tract. 24. & deicietur inter fulmina. Fient hæc cum TERRÆMOTU magno, concussione animarum inprimis, quo motu cadet DECIMA PARS CIVITATIS id est collectionis ac reip. Antichristianæ & labefactabitur Regnum Antichristi. Succumbent in illo insperato tremore salubriter OCCISA (ut dicetur Cap. 20.) gladio spiritus atque igne de Cælo SEPTEM MILLIA NOMINA HOMINUM: hoc est, nominatissimi quique & illustres ex affectis Antichristi, primoribus Judæorum ac, sicut Saulus olim, in centonibus persecutio-

Terræ-
motus.

nis. Unā cum commotione universæ terra rationalis, & mutatione reliquorum ad TIMOREM DEI ac reverentia à falso suo Messia ad Christum: juxta illud Scripturarum vaticinium, & ut exclamans cum admiratione Apostolus appellat, mysterium, Rom. 11. v. 26. & seqq. ut sic omnis Israel salvus fieret! & addit hoc vaticinium esse de Judæis Isaiam cap. 59. v. 20. eis qui redierunt ab iniquitate in Jacob. Simile quid accidit repentinum in terræmotu in morte Christi: quando omnis turba eorum qui simul aderant ad spectaculum istud, percutientes pectora sua revertentur Luc. 23. v. 48.

Valuerunt ad hanc conversionem prodigiosam triennalis prædicatio duorum testium, & post illam in omnium oculis ascensus gloriosus: atque è contrario ille tragicus Antichristi quo illis insultaturus efferetur à demonibus. illic ut pervenerit usque ad summam montis inclyti, Dan. 11. v. 45. iussu Christi destituetur omni auxilio, & fulmine percussus, à terra dehiscente absorbebitur: unā deletis affectis us qui pertinaces interibunt in sua infidelitate. Tunc enim plenissimè verum erit quod hic v. 13. dicitur, RELIQUI IN TIMOREM SUNT MISSI, ET DEDERUNT GLORIAM DEO COELI: quod intenderat Angelus tubicem sextus.

At de his tam breviter dictis, ac velut devoratis, fusiis & clatius in secunda Parte Apocalypsis sequente.

Profuit
Cantus
Tubæ.

§. III.

§. III.

Tuba septima quod est Væ tertium.

1. **A**Tque hic est finis Væ secundi; quod erat de Regno Antichristi & per illum seductione: de quo Joannes, VÆ, inquit, SECUNDUM ABIIT: & quod superest, subjungit; VÆ TERTIUM VENIET CITO, quod erit cantus TUBÆ SEPTIMI ANGELI ad Judicium.

Væ citò. Dum dicit venturum citò: insinuat superfore, post conversionem Judæorum & mortem Antichristi, spatium adhuc temporis DEO soli cognitum: nam de die illo & hora nemo scit, neque Angeli Cælorum, Matth. 24. v. 36. Quo etiam tempore intermedio ante illam ultimam Tubam; dilatato ædificio Ecclesiæ & amplificato ac stabilito simul utroque pariete, Judæorum iterum & Gentium, sensim refuigescet fervor pietatis atque irrepet dissolutio morum & impietas: usque eò, ut quod prædixit Dominus in Evangelio l. c. v. 38. & 39. futuri sint sicut in diebus Noë comedentes & bibentes, nubentes & nuptui tradentes &c. na erit, inquit, & adventus Filii hominis. & Luc. 17. v. 28. sicut factum est in diebus Lot: edebant & bibabant, emebant & vendebant, plantabant & edificabant &c. secundum hac erit quā die Filius hominis revelabitur, quæ erit ingens oblivio salutis operandæ: quam oblivionei tribuit Christus inopiæ fidei Luc. 18. v. 8. Filius hominis veniens, putas, inveniet

fidem in terra? neque enim eam quam quærit (quæ per charitatem operetur Gal. 5. v. 6.) & sine qua nihil est omne quod invenit. ET ECCE, id est ex improvviso, inquit Apocalypsis, Væ tertium: *repentina dies illa, tanquā lanians*; Luc. 21. v. 34. & 35.

2. Etenim hoc jam tertium Væ sine ulla dubitatione fore diem ultimum mundi & horam Judicii extremi, juratus asseveravit Angelus fortis Cap. præcedente v. 6. & 7. *tempus, ait, non erit amplius, sed in diebus vocis septimi Angeli*, CUM COEPERIT tubā canere, consummabitur &c. De quo Tubæ cantu Apostolus 1. Thess. 4. v. 15. *in voce Archangeli & in Tuba DEI descendet de Cælo Judex*; & 1. Cor. 15. v. 52. *in novissima Tuba; canet enim tubā & mortui resurgent.*

ET FACTÆ SUNT, inquit, VOCES MAGNÆ IN COELO: de quibus Matth. 24. v. 31. *mittet Angelos suos cum tuba & voce magna, & congregabunt electos ejus à quatuor ventis.* Inter has voces magnas ista quam audivit Joannes de Cælo: FACTUM EST REGNUM HUIUS MUNDI, DOMINI NOSTRI ET CHRISTI EJUS; id est, actum est de Regno Principis mundi ET REGNABIT Christus IN SÆCULA SÆCULORUM: quod est votum & applausus Cæli resonantis; AMEN.

Tuba ad
Judiciū.

Voces in
Cælo.

N 2

Et

Et adoratio 24. SENIORUM, cum gratiarum actione erga Omnipotentem, qui est & qui erat & qui venturus est, quod accepta virtute sua magna regnet. Et quia inquit, sicut antea IRATÆ SUNT GENTES juxta psal. 2. v. 1. quare fremuerunt gentes? ita nunc ADVENIT è contratio IRA TUA & ultio, ET TEMPUS MORTUORUM resurrectionis ac iudicii, ad reddendam MERCEDEM SERVIS TUIS & ad exterminandos velut diluvio universali EOS QUI CORRUPERUNT TERRAM. Respicitur enim eâ phrasi ad Gen. cap. 6. v. 11. corrupta est terra coram Deo & repleta est iniquitate.

Facies
Judicis :

3. Simul his vocibus terrentur aures impiorum : simul oculi deliniuntur eorum ad quos dicitur Luc. 21. v. 28. respicite & levate capita vestra.

Magna & beata tranquillitas electorum in illa trepidatione Universi! APERTUM EST enim, inquit, IN COELO quasi TEMPLUM DEI : & in eo VISA EST sacrosancta Humanitas Christi quasi ARCA TESTAMENTI ejus, propitiationi & fœderi suis electis : Inter FULGURA quibus conflagraturus jam jam est orbis ; & VOCES quarum exitiales illæ ululantium ad montes & colles præ timore Judicis ; & emotionem terræ ; & grandinem quâ comminuentur omnia terrena. Enimverò horrendus erit MOTUS reproborum & TERRÆ illis dehiscens : eritque sententia quæ illos dejiciet ad inferos & conteret,

Placida
electis :

Horren-
da re-
probis.

GRANDO MAGNA :
qui est finis mundi &


FINIS PRIMÆ PARTIS APOCALYPSEOS.



II. PARS APOCALYPSEOS.




UXOR EJUS PRÆPARAVIT SE. Apoc. 19. 14.



APOCALYPSEOS

PARS SECUNDA.

Accuratè, breviter, & clarè
EXPLANATA.



APOCALYPSEOS

PARS SECUNDA.

Prophetatur iterum.

DUO iustus erat S. Joannes: Apocalypseos cap. 10. in fine: primum, v. 9. *devorare* Libellum, & in ventre memoriae suae ruminare quae in eo scripta supererant; nimirum de Antichristo & de novissimis temporibus illi proximis. Alterum, v. 11. *devorata eructare* ac palam mundo *prophetare*. Et addita fuit particula, *iterum*; qua significabatur, in hac secunda parte Apocalypseos iterare oportere illa quae ex praecedentibus egent repetitione: tum de Antichristo ipso: tum quia perduraverint usque ad Antichristum, & ut constet in quo statu ille inventurus sit Ecclesiam: tum ut enucleatius inculcentur & distinctius praesignentur. Quod cum alio fiat modo, & variatis quibusdam additisve circumstantiis, & per alia nova hieroglyphica praedoceantur bis eadem in tanti momenti mate-

ria; suam affert copiosam utilitatem, eamque triplicem. Primo, valet ad maiorem confirmationem & persuasione rei. solenne est enim S. Scripturae in rebus magnis & arcanis eandem rem praefigurari aut prophetari per plura & diversa emblemata. Exempli causa, in Visione gemina quae oblata est Pharaoni septem boum, & septem spicarum, Gen. 41. quam cum edidisset Joseph Patriarcha, subjungit v. 32. *quod autem vidisti secundo ad eandem rem pertinens somnium, firmitatis indicium est, eò quod fiat sermo DEI & velocius impleatur.*

Utilitas prophetiae iteratae:

Secundo, quoniam in eadem re occurrunt plures proprietates vel adjuncta observanda; ita ut una similitudo seu imago proposita non exhauriat totam rei veritatem; valet plurimum, ad expressius atque explicatius representandum, plures afferri huiusmodi comparationes.

A 3 quod

quod maximè locum habet in Apocalypsi in qua eadem proponuntur cum additis aliis circumstantiis.

Hujus
præfer-
tim.

Tertiò, id quod proprium est Apocalypsi: ut ea, quæ dudum & in genere prædixerat, applicet novissimis temporibus, quasi novam prophetiam de omnium ultimis & gravissimis periculis.

Vidit hoc S. Augustinus lib. 20. de Civ. cap. 17. cum enim dixisset, esse multa in Apocalypsi quæ mentem legentis exerceant, addit: *Maximè, quia sic EADEM multis modis REPETIT, ut alia atque alia dicere videatur, cum ALITER atque aliter HÆC IPSA dicere vestigetur.*

Supereft (quod proœmii loco dixerim navo Lectori) ut nos etiam excitemur ad iterum iterumque versanda & revolvenda quæ sequuntur: quamvis cognitu grata devoranti, at amara ruminanti ac digerenti. Locum habeat in hac præcipuè relectione Apocalypseos id quod in genere monuit auditores suos S. Augustinus in psal. 141. *admonemus charitatem vestram, ut ea quæ audiendo, tanquam ventre, memoriâ conditis, rursus revolvendo & cogitando quodammodo ruminetis.* Etenim ex mente S. Scripturæ, quam citavit, breviter dictum esse: *Sapiens ruminat, stultus non ruminat. neque enim propter aliud in Lege munda ea dicta sunt animalia quæ ruminant, immunda quæ non ruminant.*

Series

Series seu distributio Capitum II^{da} Partis.

Visiones
septem,
hujus se-
cundæ
Partis.

Sicut divisimus primam partem Apocalypseos in suas Visiones, eò quòd S. Joannes ingeminet ubique vocem illam, *Vidi*: sic hanc secundam partem, eandem ob rationem, dividamus in septem Visiones primarias: quarum sex hujus sunt mundi aut temporis; suntq; ejusmodi ut suam singulæ materiam exhauriant integrè: id quod sedulò est observandum; & in quo posita est hujus 2^{da} Partis, ordinatissima est enim, dispositio & artificium. nempe in eo quòd in unaqua; Visionum, præterquàm quòd I. & II. invicè succedant & connectantur, absolvitur ista materia pervidendo usq; ad finem qui est dies Judicii. quibus accedit VII. Visio Beatitudinis post Judiciũ in æternitate.

Quòd si quis maluerit plures pauciorè sive hujus Partis numerare Visiones, dividat prout libuerit: dummodò ne incipiat aliter quàm à Cap. 12. nam cum Tuba septimã finiri *Imara* Partem & illius Visiones demonstratissimũ est.

Materia
Visionũ.
Primæ,
antipa-
thia inter
Mulierẽ
& Dra-
conem.
Secundæ
item in-
ter duas
Bestias
& servos
DEI.

Ergo I. Visio de Ecclesia est militante; per hieroglyphicon Mulieris: & de persecutione Draconis.

Hanc Visionẽ excipit II. de suscitatione duarum Bestiarum contra Ecclesiam & contra patientiam Sanctorum ejus. Hæ duæ Visiones coherant inter se, & continuantur videndo usq; ad tempus Judicii. absolvuntur Capitibus tribus; 12. 13. & 14. quorum in primo, de Muliere & Dracone; in altero, de Bestiis; in tertio, de patientia Electorum.

III. est Visio de 7. Angelis habentibus 7. plagas iræ DEI, quã effundunt ex suis phialis: quarum septima est dies novissimus Judicii. Capitibus 15. & 16.

IV.

4. Mulier infidens Bestiæ.

IV. Visio est de Babylone Civitate, quæ infidet Bestiæ: & de damnatione ac Væ novissimo ejus Civitatis: per hieroglyphicon Mulieris meretricis. Capitibus 17. & 18.

5. Sponsus victor.

V. Visio est de præparatione Sponsæ nuptæ: & de ultima victoria Sponsi contra Bestiam & exercitus congregatos: quando Bestia & Pseudopropheta mittuntur in stagnum ignis. Capite 19.

6. Draconis cum exercitu suo clades.

VI. Visio integra de Dracone. quod abhinc mille annos ligatus: quod solitus seducat gentes & congreget Gog ac Magog per quatuor oras terræ. Exercitus, qui obsidet Civitatem dilectam, devoratur igne de Cælo: & Diabolus in illud idem mittitur stagnum in quo Bestia & Pseudopropheta æternum. Atq; hic est omnium pugnarum finis, dies Judicii. Capite 20.

7. Jerusalem Beata, Sponsa Agni.

Coronidis loco additur VII. Visio de Ecclesia triumphante: in schemate Jerusalem Civitatis Beatæ, Sponsæ seu Uxoris Agni. Capitibus 21. & 22.

Capite 22. v. 12. Epilogus qui est prosopopœia JESU. & v. 18. contestatio S. Joannis: imploratio adventus Christi; & gratiæ ejus.

Concinnitas ordinis in Apocalypsi.

In hac distributione Apocalypseos nullum ὁσιον πρότερον, seu nullæ inveniuntur hystero-logiæ, quas affinxerunt huic Libro: sed est ordo accuratus & admirabiliter concinna dispositio; digna Christo qui est auctor, Angelis qui administri Visionum, pondere ipso rerum quæ visæ, Joanne cui ostensæ, Ecclesiis ad quas scriptæ. Nam in prima quidem Parte servatur ordo rerum gerendarum: in hac secunda ordo Visionum, quarum unaquæque suam tractet absolvatque materiam.

Et hætenus series secundæ Partis Apocalypseos.

TRACTA;

TRACTATUS XVI.

IN PARTEM PRIMAM CAPITIS XII.

Assignemus duos Tractatus huic Capiti: & dividamus illud in duas Partes. quarum prima de Muliere parturiente: de Dracone: de raptu filii & praelio connexo. Sequenti Capitis parte & Tractatu de alis quæ dantur mulieri: de volatu à facie serpentis: de flumine post mulierem, & de nova ira Draconis meditatâ.

VERBA APOCALYPSEOS.

(Cap. 12. Versu 1.) *Et signum magnum apparuit in cælo: mulier a-*
micta sole, & luna sub pedibus ejus, & in capite corona stellarum duo-
decim: (v. 2.) Et in utero habens, clamabat parturiens, & cruciaba-
tur, ut pariat. (v. 3.) Et visum est aliud signum in cælo: & ecce draco
magnus rufus, habens capita septem, & cornua decem, & in capitibus
ejus diademata septem: (v. 4.) & cauda ejus trahebat tertiam par-
tem stellarum cæli, & misit eas in terram: & draco stetit ante mulie-
rem, quæ erat paritura, ut cum peperisset, filium ejus devoraret. (v. 5.)
Et peperit filium masculum, qui recturus erat omnes Gentes in virga
ferrea: & raptus est filius ejus ad Deum, & ad thronum ejus? (v. 6.)
Et mulier fugit in solitudinem, ubi habebat locum paratum à Deo, ut ibi
pascant eam diebus mille ducentis sexaginta. (v. 7.) Et factum est præ-
lium magnum in Cælo: Michaël & Angeli ejus præliabantur cum dra-
cone, & draco pugnat, & Angeli ejus. (v. 8.) Et non valuerunt, ne-
que locus inventus est eorum amplius in cælo. (v. 9.) Et projectus est
draco ille magnus, serpens antiquus, qui vocatur diabolus, & satanas,
qui seducit universum orbem: & projectus est in terram, & Angeli e-
jus cum illo missi sunt. (v. 10.) Et audiui vocem magnam in cælo di-
centem: Nunc facta est salus, & virtus, & regnum Dei nostri, & pote-
stas Christi ejus, quia projectus est accusator fratrum nostrorum, qui
accusabat illos ante conspectum Dei nostri die ac nocte. (v. 11.) Et ipsi

Pars II,

B

viscerunt

, vicerunt eum propter sanguinem agni, & propter Verbum Testimoniū
sui, & non dilexerunt animas suas usque ad mortem. (v. 12.) Propte-
rea letamini Cœli, & qui habitatis in eis. Vt terra, & Mari, quia de-
scendit Diabolus ad vos, habens iram magnam, sciens quod modicum
tempus habet. (v. 13.) Et postquam vidit draco, quod projectus esset in
terram, persecutus est mulierem, quæ peperit masculum.

S. I.

Mulier parturiens.

Signum
magnum:

SIGNUM MAGNUM; id est
magnæ significationis hiero-
glyphicon: à quo hæc secunda
Pars Apocalypseos incipit idcirco; quia
sicut in prima Parte omnia dirigeban-
tur ad sponsum Agnum, sic omnia hu-
jus II^æ Partis ad Mulierem Sponsam
Agni: à qua exorditur & in quam de-
finit scriptio hujus Partis.

Exordiū
& Sco-
pus Par-
tis II^æ.

Mulier:

Hæc MULIER est Ecclesia: præ-
videtur IN COELO, quia illæ præ-
destinatur ut sit uxor Agni: AMICTA
SOLE justitiæ de quo Malachiæ 4.
v. 2. calcet Lunam (symbolum incon-
stantiæ & mutabilitatis) cum omnibus
sublunaribus rebus; puta, divitiis, de-
litiis, honore terrenis: CAPITE &
fronte CORONAM præsert DUO-
DECIM Apostolorum, qui sunt luci-
dissimi ac primæ magnitudinis astro-
rum, id est Episcoporum, ut expressè
explicantur Stellæ Apoc. 1. v. 20. ac
velut Zodiacus in firmamento Eccle-
siastico.

Parturit:

Ipsa fecunda à Spiritu S. & PAR-
TURIENS, per Evangelium, prolem
Christianam electam. illam prolem

ad quam Apostolus Gal. 4. v. 26. quæ
sursum est Jerusalem libera est, quæ est
mater nostra: illam prolem de qua ibid.
v. 19. quos iterum parturio, donec for-
metur Christus in vobis: illam de qua
S. Augustinus in psal. 142. (de hac lo-
quens Muliere Apocalypica quam
appellat Civitatem DEI, & de partu
ejus) postquam se fundasset in doctrina
Apostoli de membris Christi & Ca-
pite tanquam de uno, ex epist. ad Gal.
3. v. 16. sic concludit: si & nos semen
Abrahæ, ergo & nos Christus: quomodo
unum corpus (sumus) multa membra,
ita (sumus) & Christus; ex 1. Cor. 12.
v. 12. Et, quotquot in Christo baptizati
estis, Christum induistis, Gal. 3. v. 27.
Et in psalmum 122. ex eodem Apo-
stolo, ibid. cap. 4. v. 7. FILIUS sumus,
quia sic MULTI sumus, ut in illo U-
NUS sumus.

Hanc sobolem dum parurit, CHRI- Clamat:
stum in membris suis novis CLA- præ cru-
MAT in CRUCIATU & persecu- ciatu.
tione, orando ut feliciter pariat. Parit
enim, ait S. Aug. (in psal. 126.) Eccle-
sia filios conjugis Christi, & si parit, par-
turit.

Christū
in suis
mem-
bris.

unt. Et in Tomo 7. S. Augustini Au-
dit hominatum in Apocalypsin hom.
9. *semper enim in cruciatibus parit Ec-
clesia Christum per membra: semper &
Draco querit devorare nascentem.* de
quo jam sequitur.

Signum
aliud
Draco:

In Cælo.

2. Ex adverso Mulieris, & sub ea,
VISUM EST ALIUD SIGNUM,
incaute significationis meteoron, IN
COELO ætius, Draco. Nam quod
Cælum ætius, id est, regio æris, re-
vera habetur à demonibus, senten-
tia est Patrum: de qua S. Hieronymus
in epistolam ad Ephes. cap. 6. v. 12. *Hec
autem omnium, ait, Doctorum opinio est
quod aer iste qui Cælum & terram me-
dius dividens inane appellatur, plenus sit
contrarius fortitudinibus.* Et fundatur à
Patribus in Apostolo, Ephes. 2. v. 2. *est
nobis colluctatio contra spiritualia nequi-
tia in caelestibus;* id est, ut S. Hierony-
mus l. c. exponit, *in eo qui supra nos est
aër, unde & aves qua volant per æ-
rem volucres cæli dicuntur esse: nam &
in aëre, de demonibus, quod in aëre
isto vagantur, Apostolus ait.* Hæc Hie-
ron. Cai. consentit S. Augustinus lib.
11. de Civ. cap. 13. ubi dividit inter duas
Angelicas societates: *illam, inquit, in
Cælis habitantem; istam inde dejectam,
in hac infimo aëre Cælo tumultuantem.*
Et lib. 3. de Trin. cap. 7.

Devora-
tus.

3. Draco igitur iste se opposuit
Mulieri, & STETIT ANTE eam,
UT DEVORARET Christianis-
mum nascentem & in sua velut infan-
tia tenerum adhuc, atque opinione
Draconis imbellem. Sed divina pro-
tectione secus accidit: editus est enim
in lucem partus Mulieris, primitivæ Mar-

tyrum & Confessorum; ille MASCU-
LUS, idoneus ad hereditatem adven-
dam Regni æterni: & robustus inde
ab utero, id est à primordiis Ecclesie,
ad subjugandum inimicos Christi; cum
appromissione regendi OMNES cæ-
teras GENTES, IN VIRGA FER-
REA qua comminuat omnem poten-
tiam contrariam: quod sicut prædi-
ctum est ad Christum, qui est Caput,
psalmo 2. v. 9. *reges eas in virga ferrea,*
sic & ad Sanctos cohæredes ac mem-
bra Christi pertinet, ex ejusdem pro-
missione quam assevit Apoc. 2. v. 26.
& 27. quem in finem RAPTUS
EST per medias persecutiones AD
DEUM ET AD THRONUM
EJUS.

Potest dici, quod hæc Visio æqui-
valeat 4. simul Sigillis primis Capitis
sexti, ubi Eques albus & contra eum
persecutiones certantur, ante & inter
quas procedit Eques, VERBUM Agnus,
ut vincat. Equivalere autem, id est
rem eandem indicari, manifestum est
extro: quod Draco movet persecu-
tionem; & qui est Jesus efficitur, ex-
presse subijciatur, mentio Martyrum
hic v. 11. perinde ut in Parte prima cap.
6. v. 7. in Sigillo quinto, & cap. 7. in
Sigillo sexto.

Dracmus Mulierem esse Ecclesiam:
cujus quia præcipuum est membrum
& excellentissimum Beatissima Virgo
MARIA, idè apud SS. Patres (inter
quos S. Aug. lib. 4. de Symbolo, cap. 1.
& S. Bern. fusè in serm. de Apoc.) en-
comia hæc attribuuntur DEIPARÆ.
ad quam etiam respexisse censendus est
S. Joannes: eò maxime, quod hujus
B 2 partus

Masculum.

partus fuerit quem primariò cupivit Draco devorare, & de qua Gen. 3. v. 15. *inimicitias ponam inter te & mulierem*. Optimè convenit inter Mulierem hanc & illam. Nam quod in exordio mundi de Virgine DEIPARÆ fuit prædictum & de Semine illius, *Ipsa*

conteret caput tuum: hoc idem in exordio Romanæ Ecclesiæ oraculum fuit Apostoli scribentis ad Rom. 16. v. 20. *DEUS autem pacis conterat Satanam sub pedibus vestris velociter*. Amen.

S. II.

Effigies Draconis.

Draco magnus:

1. Dicitur 1. DRACO: ut & in aliis Scripturis: quia cùm esset conditus à DEO *principium viarum DEI*, Job. 40. v. 14. *perfectus decore*, Ezech. 28. v. 13. &c. rebellione suâ contra Conditorum, mutatus fuit in Draconem, ipse & Angeli ejus. Appellatur cognomento MAGNUS: quia de illo, Job. 40. v. 12. *stringit caudam suam sicut cedrum*: v. 18. *absorbebit fluvium*; & non mirabitur. cap. 41. 24. *non est super terram potestas qua comparetur ei*. v. 25. *ipse est Rex super universos filios superbiae*. Hunc adumbravit is cui dicitur à DEO Ezech. 29. v. 3. *Ego ad te Pharaon Rex Ægypti, Draco magnus*.

Rufus:

2. Dicitur 2. RUFUS. hîc maximè in Apocalypsi eâ in effigie: tùm quia incepit ab Equo rufo suas persecutiones contra Ecclesiam à Judæis; ut vidimus in prima Parte: tùm quia posteaquàm ex prioribus periculis per gloriosam fugam erepta fuit protectaque à DEO, jam in hac secunda Parte Apocalypseos omnes simul persecutiones convenient in novissimam

rufam iterùm, id est Judaicam, concitatore pseudo-Messia Antichristo: non sine angustiis Mulieris per breve tempus, prout prædicitur v. 6. & 14.

Prodit cum suis solennibus *Capitibus* 7. & *Cornibus* 10. quæ sunt insignia Principatus mundi hujus. descripsit sibi enim & designavit in eo 7. Regna ethnica quibus effert se ut Capitibus; & solenne est ei habere suos decem Reges insignitè impios pro instrumentis & Cornibus. Sanè per 10. Reges in Apocalypsi Universalitatem Regum (impiorum) intelligi posse sensit Augustinus lib. 20. de Civ. cap. 23. ubi loquitur de Antichristo: *quid enim, inquit, si numero isto denario Universalitas Regum significata est, post quos ille venturus est?*

3. Dicitur 3. ille idem Draco, qui Et pro caudâ suâ & persuasione secum olim symmate in ruinam traxit TERTIAM PARTEM STELLARUM COELI; sunt Stellæ cæli. Angelos (Job. 4. v. 18. & cap. 25. v. 5.) illic deciduos, multò antè quàm staret contra hanc Mulierem. Accessit à capite ea narratio: simul & perstringitur

tur prophetia hostilitatis quam machinatur; cuius hæc est summa. Sicut in Cælo empyreo (ad quam pugnam egregiè respicitur, & fit comparatio) in quo conditus fuit, pugnando victus

est à S. Michaële: ita & in Cælo mystico, pugnans adversus Ecclesiam Christi vincetur, præside Ecclesiæ Dei eodem S. Michaële; cuius conflictus occasio & initium est ut sequitur.

Adver-
sario S.
Michaë-
le.

§. III.

Prælium.

Præliū:

1. **V**Indicabat sibi Satanas principatum mundi, sumptâ denominatione à potiore mundi parte, factus seductor illius per Ethnicismum eousque, & in vasor ac domitor generis humani: Cum ecce ei qui possidebat cum custodia suum atrium in pace, Luc. 11. v. 21. ingens simulas & odium oritur contra Ecclesiam Christi; illam quæ incipit parturire conversionem Ethnicorum & salutem; illam recens ædificatam Mulierem ex latere novi Adæ obdormientis; illam militante in Cælo; illam quæ præsidium suum habet in Cælo, ut hîc docemur, S. Michaëlem & Angelos ejus.

Magnū:

FACTUM EST ergo, inquit, **PRÆLIUM** utrimque **MAGNUM**: dum hinc commoventur per Diacorem persecutiones magnæ; vis asserendi animas, ac retrahendi, per intentionem corporibus tormentorum omnis generis: at illi ac ei resistitur magnâ constantiâ animi ac tolerantia corporis.

In Cælo.

Dicitur committi hoc prælium **IN COELO**: tum quod de Cælo adjuvetur Ecclesia: tum quia ipsa est Cæ-

lum mysticum, ut modò insinuavimus: tum quia prælium geritur contra Martyres qui præripiunt Cælum ingenti agmine; utpote qui simul occisi, simul in Beata immortalitate visuntur & in possessione Cæli.

2. In eo prælio **NON PRÆVALUERUNT DRACO ET ANGELI EJUS: NEQUE LOCUS INVENTUS EST EORUM AMPLIUS IN COELO**. Sicut olim in Emphyreo, sic neque in Ecclesia ille eorum locus amplius universæ seductioni Gentilium: propterea quod in Gentibus inceperit oriri Christus & efflorescere semen Ecclesiæ, tanto jam initio dato propagandi Christianismum, & agi cæpto triumpho de Satana per animas Martyrum victrices & præmissas ad Beatitudinem. Procul his animabus sanctis (v. 9.) **PROJECTUS EST DRACO, ET ANGELI EJUS CUM ILLO**, velut de sublimi possessione **IN TERRAM**: id est, ut explicant S. Aug. & alii Patres, in eos qui perstiterint terrena sapere, nec nisi terram spectare ac diligere, cum fuerit Cælum ipsis annuntiatum, atque adeo

Locus
Draco-
nis, terra.

B 3

terra

terra nominari & esse, juxta illud S. Augustini tract. 2. in ep. S. Joannis: *talis est quisque, qualis ejus dilectio est; terram diligis! terra eris.*

Locus
Marty-
rum,
Cælum.

Super hac victoria fit applausus utriusque *Cæli*, triumphantis & militantis (v. 10. & c.) voce magna gratulantium de *Regno & potestate CHRISTI*, de projici cœpto seductore communi eodemque *accusatore* atque improperatore in faciem DEO Christo sine intermissione: ac de triumpho Christianorum parto per SANGUINEM AGNI, ET per SUUM martyrium seu TESTIMONIUM, USQUE AD odium sanctum animarum suarum in hoc mundo, & ad MORTEM pro fide in DEUM perpeſſam. Magna materia plausus: quod postquam seduxisset Diabolus multis retrò sæculis universum orbem, ostensum sit posse eum vinci ab his qui nolint esse terra: moveâtque ille quidem prælia, sed debelletur à cohortibus Martyrum.

Draco-
nis ira.

3. Qui ut vidit se repulsum in terram, ac longè ab animabus raptis ad DEUM & jam cœlestibus incolis, descendere coactum: adhuc contra mortales spirat IRAM MAGNAM & VÆ, quod impendet TERRÆ ET MARI: ideò, quia sperat se posse facere damnum, & obunere saltem cæ-

teros quos inveniet faciétve habitatores in terreno & immerſos in mari hujus sæculi. *Væ terra & mari*, ait Auctor homiliarum suprà citatus, *id est qui Cælum non estis.*

Tum verò hoc maximè solatur sese ac nititur, quod etiam post vires diminutas & injecta sibi suisque vincula quibus ligatam sentit potestatem nocendi, seu tamen repositum se divinitus habere MODICUM TEMPUS libertatis amplioris ac potestatis ultimæ sibi indultæ: certus eâ saltem extrema suâ caudâ non minùs ex Ecclesia detrahare quàm è cœlo quondam partem Stellarum.

Sed dum illud interim tempus nondum advênit, nequaquam interea cessaturus ab ira, *persequitur MULIEREM* aliis viis: irritatissimus quod pepererit masculum raptum in Cælo. Veruntamen dum talia molitur Draco, Mulier curæ est DEO: à quo protegitur & fortitudo ei datur avolandi, prout jam dicitur.

* * *

TRACTA-

TRACTATUS XVII.

IN RELIQUA CAPITIS XII.

Visionem inceptam de Muliere, sanctâ & forti, prosequitur Joannes in reliquo Capite. cujus uno in versu 14. multa & involutè dicuntur, ac diligenter evolvenda sunt in proximis duobus §§. de alis Mulieris & volatu : de loco deserto ubi alitur : & de tempore decretorio certorum annorum. Ceteri quatuor Versus Capitis absolventur in §. 3.

VERBA APOCALYPSEOS.

(Capit. 12. Versus 14.) *Et data sunt mulieri alæ duæ aquilæ magnæ, ut volaret in desertum in locum suum, ubi alitur per tempus & tempora & dimidium temporis, à facie serpentis. (v. 15.) Et misit serpens ex ore suo post mulierem, aquam tanquam flumen, ut eam faceret trahi à flumine. (v. 16.) Et adjuvit terra mulierem, & aperuit terra os suum, & absorbit flumen, quod misit draco de ore suo. (v. 17.) Et iratus est draco in Mulierem, & abiit facere prælium cum reliquis de semine ejus, qui custodiunt mandata Dei, & habent testimonium Iesu Christi. (v. 18.) Et stetit super arenam maris.*

§. I.

De alis & volatu Mulieris.

Extollamus DEUM & demus gloriam ei, quia prophetavit ea quæ impleta sunt : & id quod restat expectemus implendum.

Aquila
magna.

Manifestum est in Scripturis, Aquilam significare Imperium : & alas dilationem. Ita Daniel cap. 7. in Visione quatuor Bestiarum, quæ sunt totidem Imperia mundi seu Monarchiæ, de prima quæ fuit Chaldaeorum scilicet Nabuchodonosore v. 4. *alas, inquit, habebat*

bebat ut *Aquila* : afficiebam donec evulsa sunt alæ eius. Ezech. 17. de Rege Babylonis dicitur v. 3. *Aquila grandis, magnarum alarum*. Et de Rege Ægypti, v. 7. *Aquila altera grandis, magnis alis*. Jer. 48. de vastatione Moabitarum per Regem Babylonis, v. 40. *quasi Aquila volabit & extendet alas suas ad Moab*.

2. Ecce quâ formâ prævidit S. Joannes Mulierem Ecclesiam, & in quo statu tranquillitatis in quem effugit liberata & superior facta persecutione quam & Judæi dudum & Gentes moverunt.

duæ alæ: DATÆ SUNT, inquit, MULIERI ALÆ DUE, AQUILÆ MAGNÆ. Magna Aquila & biceps est Imperium Romanum : cujus ambas alas prædicit Joannes datum iri Ecclesiæ militanti, quam Draco persequitur. Duæ alæ sunt Imperium Occidentale & Orientale : quorum alterius est sedes Vetus Roma, alterius Nova Roma seu Constantinopolis.

Data ut volaret: 3. Alæ illæ duæ datæ sunt, ad volandum : excelsa & felici volatu qui est exaltatio ac propagatio Religionis Christi-

stianæ. quæ acceptis alis, sibi datis a DEO ut esset expeditior à persecutione, provolat & penetrat ulterius IN DESERTUM, id est in nationem Gentilium de qua Isaias fuscè sub similitudine deserti, cap. 35. v. 1. & 2. *La-* In deser-
tabitur DESERTA & invia, & exulta- tum :
bit, SOLITUDO, & florebit quasi lilium :
germinans germinabit, & exultabit
tabunda & laudans gloria, inquit, Li-
bani data est ei, decus Carmeli & Saron :
ipsi (Gentiles) videbunt gloriam Do-
mini (lucem fidei Christianæ) & deco-
rem DEI nostri.

Hoc illud est desertum, & hæc Solitudo, in quam fugit Mulier id est evasit à persecutione : quando ipsa potius occupavit Gentes & amplexa est sub alis suis. Quippe adventu Mulieris effloruit illa Solitudo : & gloria, quæ fuerat Libani ac decor qui fuerat Carmeli, eò ex Judæa translata sunt cum sceptro ac Majestate Imperii Christiani.

Et dici potest, hanc evasionem æquivalere Silentio illi seu quieti, de qua in prima Parte Apocalypsis initio Capitis octavi.

S. II.

De loco in quo pascitur à facie Serpentis : & ad quæ usque tempora.

In locū 1. **D**icitur hoc desertum esse LOCUS Mulieri SUUS, in quem debuit evolare. Quoniam is ei

proprius locus, assignatus est à Prophetis, jamque preparatus per martyria & prædicationem inceptam : locus Neo-

Neophytarum Gentium, quæ fuerant omnino infideles & desertæ à fide ac desolatæ à Deo.

Ubi al-
itur.

In eo loco tam suo & vasto est futura tutior Ecclesia cum his alis: & re-
minotior, tanquam volatu sublimiore,
A FACIE SERPENTIS defecti in
terram. Ubi, quæ Dei est providen-
tia, non tantum secuta præcedentes
effugit persecutiones: sed oportet eam
ali & vegetari atque excrefcere: depa-
flâ paffim fuperalitione, & idolis de-
molitis in Oriente & Occidente: quo-
ad humanum genus totum imbutum
fit famâ Evangelii; penetratâ usque
ad Indias procul & propediem in no-
vum orbem.

Per tern-
pus &c.

2. Jam quod additur, PER TEM-
PUS ET TEMPORA ET DI-
MIDIUM TEMPORIS, hoc præ-
significat perseverantiam Mulieris usque
ad extrema tempora, de quibus præ-
potens & præ omni alio tempore fuit
commemoranda protectio futura: &
quod aletur etiam tunc, per illam usque
exodum temporum. Absit enim opi-
nio, quasi tunc primum ei data fiat
alæ, vel ut pro novissimo tantum trium
& dimidii annorum, aut eo fine ut la-
teat: immodò non potest latere Mulier
illa (civitas *supra montem*, & lucerna
non sub modio, Matth. 5. v. 14. & 15.) nec
istâ quidem morâ temporis ultimâ &
exiguâ: quando namque persecutio
futura est toto orbe, quomodo non
toto etiam orbe Mulier? & verò ale-
tur patiendo. Quamobrem nequa-
quam ille est sensus, & causa alarum
ista, & usus tam humilis ac brevis ala-
rum tantarum, utpote aquilæ magnæ,

Part. II.

& duarum celebrium: sed est sensus
quem jam dicemus.

3. Exprimuntur hoc tam fecundo
versu 14. & paucis perstringuntur hæc
tota: primò, alæ datæ duæ, Orientem
versus & Occidentem. Secundò, ad
quem locum & in quem terminum vo-
latus ejus: videlicet, quâ patet deser-
tum qui est locus Mulieris ut inibi ala-
tur & illum impleat. Tertiò, ad quod
usque tempus perseveratura sit, ac per-
recturus illam alere Deus: videlicet,
per totum illud spatium temporum,
quæ secutura sunt, usque ad novissima
& specialiter per hanc Apocalypsin pro-
phetata tria tempora & dimidium, illa
tam breviter quàm ardua: Nec solum,
uti diximus, usque ad illa; sed etiam,
uti dicit Apocalypsis, PER illa pror-
sus, & eventu optato ac victorioso ad-
versus Serpentem.

Juxta quam expositionem facile est
Lectori significationem pervidere par-
ticulæ UT in hoc loco Apocalypseos
tùm in hæc Versu 14. quo dicitur: UT
VOLARET IN DESERTUM
IN LOCUM SUUM UBI ALI-
TUR &c. tum in v. 6. sup. in quo di-
citur Mulier fugisse IN SOLITU-
DINEM UBI HABEBAT LO-
CUM PARATUM A DEO, UT
IBI PASCANT EAM &c. Nem-
pe TO UT habet plenissimum suum
significatum: nam præterquam quod
indiceret causam propter quam alatur,
significat præterea & præmonstrat e-
ventum futurum, illum memorabilem
in novissimo temporum. quasi dicat:
Continget tandem, & cum demum
exitum habebit opera & effectus ali-

C

menie

Exposi-
tio inte-
gra ver-
sus 14.

Et parti-
culæ
UT;

Cui du-
plex fi-
gnifica-
tum;

monia impertita: & passus exhibitus hic erit fructus; etiam in illa postrema persecutione (celebris & brevis trium ac dimidii annorum) perseverare Mulierem, & inveniri vegetam confortatamque spiritu ac numero fortissimo Martyrum, & prevalere. Nam quod particula *UIT* recipiat hunc sensum in Scripturis, & habeat pro sua germana interpretatione non solum causam finalem, quem simul sensum hic retinet; sed eventum futurum: nimium quantum patet in exemplis et qui vel modice versatus est in sacris paginis.

(Maldonatus in illud S. Lucae cap. 2. v. 35. *UIT* revelentur &c. *particulam*, inquit, *UIT*, non causam sed eventum & consequentiam significare, innumeris jam locis ostendimus.)

Summa sensus est, quam diximus: data sunt Mulieri alæ hunc in finem à Deo, ut expedita esset ad pervolandam nationem Gentilium, locum sibi præparatum & præostensum: Eousque &

in hunc finem alæ & officium illarum. Ibi in illo loco suo proprio, tantopere sub Judæis deserto & tam his procul, pascetur & vegetabitur toto illo spatio quo implebuntur tempora nationum & prædicatio ac salus Gentibus: quando superventura sunt illa nominatissima tempus & tempora & dimidium temporis, qui erit periodus exitus, à quo propè tunc aberit consummatio mundi. Dicamus sine omni ænigmatate: Ecclesia liberabitur à persecutione Imperatorum, & evehetur in Imperium orbis Romani per Orientem & Occidentem; qui est finis alarum. Curæ autem erit Deo, & proficiet in Gentibus tota illa duratio cui præfinitus terminus erit tempus & tempora & dimidium temporis, celebret à perfectione novissima prædicta. Sed à reversione Judæorum, & à consummatione vicinâ temporum omnium futurorum: qui est eventus Apocalypseos extremus.

§. III.

De flumine quod post illam expuitur: & de nova ira Draconis.

1. **R** Ingi Satanas interim, quod viderit avolantem Mulierem, quæ modo jam dicto effugerit vim & se dilataverit: ipse verò cogitur experiri se debilitatum projectione fictâ & serpere super terram, quod non valeat eam deprimere. Ergo frustratur spe devorandi partum ejus dudum, & illam nunc assequendi, expuit instar ceteri

(sic enim appellatur Isa. 27. v. 1.) **EX ORE SUO POST MULIEREM** Flumen **AQUAM**; populos hæreticos, & ipsum ex ore main oris Diaboli seductores Hæreticos: **DRACONIS**; **QUAM FLUMEN**, cujus rapiditate ac vi faciat retrò **TRAHI** Mulierem & mergi.

Sed enim **ADJUVIT TERRA** **MU-**

Abfor-
betur à
terra.

S. Augu-
stino flu-
men sunt
hærefes:
apud
quæ &

apud S.
Prospe-
rum ab-
forben-
tur à ter-
ra.
Conatus

MULIEREM : quia pleraque Hæ-
refes ex toto catalogo eorum quas re-
censuerunt in primis sæculis Epipha-
nius, Philastrius, Augustinus (quorum
hic enumerat 88.) fuerunt parvæ dura-
tionis; nam ut erat brevis vitæ seu hæ-
refe ita quæque seu protectores hæ-
refum, mox ut APERUIT tellus OS
SUUM sepultura illorum, ABSOR-
BUIT ET FLUMEN; adeo ut hæ-
refes ipsæ vel defecerint vel certè po-
tentia eorum exaruerint. sicut scitè S.
Augustinus in illud psalmi 57. v. 8. tan-
quam aqua decurrens : *Non sicut ter-
ream, ait, frater, quidam fluvius qui de-
cuntur torrentes, decurrit aqua, ad tem-
pus perstrept, mox cessabit: dustare non
possunt. Multæ hærefes jam emortuæ
sunt: cum perierunt in rivis suis quantum
potuerunt, decurrerunt: siccati sunt rivus,
vix eorum memoria reperitur. Tali
sepultura abioptæ Hæresi Pelagia-
næ, quæ nata fuerat ex Nestoriana,
posuit Epitaphium S. Prosper inquit:
sepulchrum,
*Intra et inferni, carceris ima subit.**

2. Dum hæc non sit ex voto mo-

litur, *irasci* Draco magis magisque in
Mulierem: & *abire* ad antiqua consi-
lia: reparare velle Imperium pristi-
num, & in eo seductionem simul &
persecutionem adversus *reliquos* DE
SEMINE EJUS: deleturus omne
semen Christianorum propediem, &
redukturus Infidelitatem amulam Pa-
ganismo veteri, ab illo diversam aut illo
etiam potiore.

3. Eâ intentione, reducendæ in
mundum Infidelitatis & Imperii
ethnici, figit pedem ad mare: unde
ascendere facit Bestiam, illam è dua-
bus in Apocalypsi priorem.

STETIT igitur, inquit, SU-
PRA ARENAM MARIS, quod super lit-
tus Pontis & Propontidis: & *tus ma-*
in illis maris faucibus tibi designavit
Sedem novam belli & Imperii, de quo
Capite sequente.

Ac proinde secunda Visio (quæ
Capitis erit 13. & 14.) velut conti-
nuatio est quædam aut connexio pri-
mæ Visionis: utpote de persecutione
Dracōnis contra semen Mulieris
quam frustra conatus fuit extinguere.

TRACTATUS XVIII.

IN PARTEM PRIMAM CAPITIS XIII.

Hoc Caput est de duabus Bestiis: quarum altera non sine
causa nominatur *prior* v. 12. De hac in prima parte Capitis,
& in hoc Tractatu. Hæc ascendit *de mari*, & est multò prior
tempore: altera posterior ascendit *de terra*, & in fine sæculo-
rum conjungit se priori. & sicut olim conveniet inter am-
bas, ita conjunguntur in unum hoc Caput apocalypsis.

C 2

VERBA

VERBA APOCALYPSEOS.

(Cap. 13. Vers. 1.) *Et vidi de mari bestiam ascendentem, habentem
 , capita septem, & cornua decem & super cornua ejus decem diademata,
 , & super capita ejus nomina blasphemia. (v. 2.) Et bestia quam vidi, si-
 , milis erat pardo, & pedes ejus sicut pedes ursi, & os ejus sicut os leonis.
 , Et dedit illi Draco virtutem suam, & potestatem magnam. (v. 3.) Et
 , vidi unum de capitibus suis quasi occisum in mortem: & plaga mortis
 , ejus curata est, & admirata est universa terra post bestiam. (v. 4.) Et
 , adoraverunt draconem, qui dedit potestatem bestie: & adoraverunt
 , bestiam, dicentes: Quis similis bestie? & quis poterit pugnare cum ea?
 , (v. 5.) Et datum est ei os loquens magna, & blasphemias: & data est ei
 , potestas facere menses quadraginta duos. (v. 6.) Et aperuit os suum in
 , blasphemias ad Deum, blasphemare nomen ejus, & tabernaculum ejus,
 , & eos qui in cælo habitant. (v. 7.) Et est datum illi bellum facere cum
 , sanctis, & vincere eos: Et data est illi potestas in omnem tribum, &
 , populum, & linguam, & gentem: (v. 8.) Et adoraverunt eam omnes,
 , qui inhabitant terram: quorum non sunt scripta nomina in libro vitæ
 , agni, qui occisus est ab origine mundi. (v. 9.) Si quis habet aurem, au-
 , diat: (v. 10.) qui in captivitatem duxerit, in captivitatem vadet: qui
 , in gladio occiderit, oportet eum gladio occidi. hic est patientia, & fides
 , Sanctorum.*

J. I.

De Bestia priore.

Impossibile est, ut S. Joannes revelationem scribens motuum
 futurorum in Ecclesia, & nominatim in Ecclesiis Asiaticis,
 non meminerit tantæ mutationis ibi factæ, mahometani
 Imperii: immò ut non graphicè illud depinxerit. fecit ve-
 rò, ut apparebit luculenter ex hoc Capite.

S. Augu-
 stinus sen-
 tentia de
 Bestia.

Magni faciamus auctorita-
 tem S. Augustini, & liben-
 ter audiamus interpreta-

tionem ejus quam affert in proposita
 materia, libro 20. de Civ. cap. 9. ubi ex
 professo agit de Apocalypsi & tractat
 de

de hoc Capite 13. Apocalypseos. *Qua sit porro, inquit, ista BESTIA, quamvis sit diligentius inquirendum; non tamen abhorret à recta fide, ut ipsa impia Civitas intelligatur & populus infidelium, contrarius populo fideli & Civitati DEI.* Addit de Imagine ejus, de qua postea videbimus, hæc verba: *IMAGO vero ejus simulatio ejus mihi videtur, in eis videlicet hominibus qui velut fidem profitentur & infideliter vivunt: fingunt enim se esse quod non sunt, vocanturque non veram effigiem sed fallaci imagine Christiani.* Ita vitium est illi tanto Doctore & interpreti cujus explicationem sic venerimus & accipimus in genere datam: ut meminerimus admonitionis quam inseruit illis verbis; quod sit diligentius inquirendum in particularia seu Bestiæ infidelis, seu Imaginis, id est, Simulationis: & addamus, ad illam ejus expositionem elucidandam, ea quæ verosimiliter fuerat additurus Augustinus si vixisset usque ad nostra sæcula; cum obierit anno Christi 433. sed ante omnia ponamus fundamentum ex S. Scriptura.

Bestia
est Im-
perium
infide-
lium:

In libris sanctis prophetis nomine Bestiæ significari constat Imperium infidele: ut videre est in ximè in Daniele; ad cujus prophetiam peculiariter respicit hic Apocalypsis: apud quem Bestiæ quatuor significant Imperia totidem ethnica usque ad Christum & Imperium Christianum. Sic enim habet Dan. 7. v. 3. *quatuor Bestiæ grandes ascendebant de mari, diversa inter se.* Auctitque interpretationem v. 17. *Haec quatuor Bestiæ magnæ 4. sunt Regna (Imperialia) quæ consurgunt de terra: &*

sunt bruta; quia sine cultu veri DEI; ideo Bestiæ. Ergo similiter & in Apocalypsi nostrâ: *VIDI, ait, DE MA- RI BESTIAM ASCENDENTEM,* id est Imperium brutum, infidele novum, exortum horribili mutatione quæ facta est Constantinopoli, sede Imperiali celeberrimâ: nempe Mahometanum: cujus Secta est omnis retrò infidelitatis colluvies & erroris Paganæ. Vidit illud ascendisse: quia ex humili emerferat & excreverat sensim in Saracenorum aliquod dominium & Regnum: at processu sæculorum in Imperium Constantinopolitanum quod est novæ Romæ sitæ ad mare: ceptum in Mahomete ejus nominis Ildo. qui primus Imperator, anno Christi 1453. Valet hic annotatio S. Hieronymi in Dan. cap. 7. *Notandum inquit, quod Regnorum feritas, atque crudelitas, Bestiarum nomine demonstratur.*

2. Vidit Bestiam habere CAPITA SEPTEM: quia de illo etiam Imperio verum est id quod S. Hieronymus Dan. 7. agnoscebat in Romano Gentili: *in uno, ait, Imperio Romanorum (ethnico) omnia simul Regna cognoscimus quæ prius fuerant separata.* Similiter dicamus: in uno Imperio Mahometano sunt omnia simul Imperia infidelium collecta. Quæ sunt numero septem: Assyrium, quod fuit primum; & adhæret sectæ jam & sceptro Mahometano: Chaldaeorum seu Babylo-niorum, quod secundum; Medorum, quod tertium; Persarum, quod attrahis ad se Medis est quartum; nam etiam illud est ejusdem sectæ, sibi jus ad

Septi-
ceps.

C 3 illud

illud vendicat idem Imperator: Græcorum, quod fuit quintum ordine: Romanorum ethnicum, quod sextum: & jam ipsum Mahometanum, quod septimum. En Imperium Gentile, in quo omnia simul Regna Imperialia, quæ prius fuerant separata

Decem
cornu.

Vidit ~~esse~~ Bestiæ CORNUA DECIM ET SUPER CORNUA EJUS DECIM DIADEMATA. Retineamus interpretationem quam S. Hieronymus vetustissimâ tradit auctoritate pollere, dum sic scribit in Caput citatum Danielis: *Dicamus quod omnes Scriptores Ecclesiastici tradiderunt, in consummatione mundi, quando Regnū destruendum est Romanorum, decem futuros Reges qui orbem Romanum inter se dividunt.* At Orientale Romanum Imperium, & in Asia, penitus est destructum: ita ut vix nomen sit super; sicut superest adhuc nomen Occidentalis Imperii quaecunque: nec dubiū, quin propius absit, quàm olim, Consummatio mundi. Neque difficile est numerare decem Reges ac diademata in quæ divisum sit jam nunc Imperium Orientis, quondam Christiani & Romani: quorum sit subjectio & supremus dominatus penes sceptrum Mahometanum. E. C. Africa, ubi Tunetum sedes Regni: Arabia: Libya, Egyptus, & pars Æthiopix: Mesopotamia: Media: Syria ubi sedes Regni Damascus: Armenia: Asia minor, ubi Imperium Trapezuntinum: Macedonia: unâ cum Thracia & vicinis regionibus Europæis: Insulæ Rhodus, Cyprus, & nuper Creta seu Candia. Sed pergat S. Hieronymus cætera, de

illa Traditione Doctorum Ecclesiasticorum, quam continuat his verbis: *Et undecimum surrecturum esse Regem parvulum, qui tres Reges de decem Regibus superaturus sit, id est Ægyptiarum Regem, & Africa (hoc est, ut alibi ait, Libya,) & Æthiopia, quibus interfecit etiam septem alii Reges victori colla submittent.* Ita S. Hieronymus testis antiquæ interpretationis. Nam quæ adjecit de undecimo Rege surrecturo, pertinent ad eam, quam etiam surrecturam subicit Apocalypsis, Bestiam secundam de qua postea.

Cornua igitur Bestiæ Mahometanæ sunt decem Regna seu vasalli Reges, cum suis diadematis illi Monarchiæ & Imperio Mahometano insertis. Dicuntur Cornua: quia his impetit, & in his robur ejus quod more S. Scripturæ dicitur cornu: & speciatim vult S. Hieronymus in Commentario in Zachariam (cap. i. v. 19.) per cornua in Scriptura significari regna. verba S. Hieron. l. c. sunt hæc: *reclissimè pro Regibus cornua posuit; hanc habente Scripturâ sanctâ consuetudinem, ut regnum semper interpretetur in cornibus: ut est illud, Et exaltavit cornu Christi sui (1. Reg. 2. v. 10.) Et in alio loco; Et erexit cornu salutis nobis in domo David pueri sui (Luc. 1. v. 69.) Et (quod est proprium hujus loci,) decem cornua in ultimo regnaturi ad eam Daniel propheta testatur (Dan. 7. v. 24.) cornua decem ipsius Regni, decem Reges erant.*

Adsit Apocalypsis: ET SUPER CAPITA EJUS NOMINA BLASPHEMIÆ; contra divinitatem Christi, & fidem divinam.

Cornuū
signifi-
catio in
Scriptu-
ra.

3. Vifa

Corpus,
pedes, os
Bestiæ.

3. Vifa est Bestia SIMILIS esse PARDUS : ET PEDES EJUS SICUT PEDES URSI, ET OS EJUS SICUT OS LEONIS. Quis neget hæc convenire Mahometano Imperio: cujus Secta est varia ut pardus: habet enim à Judæis Circumcisionem; à Christianis Baptismum, et li frequenter singulorum; à Paganis alia & diveria. Pedibus refert usum: quia sacra omnia, immodè & profana præcelsat. Præfert os leonis, effertum super omnes terras & Regna quoscunque fuerunt aut sunt. Præter illa quæ S. Hæton, Dan. 7. confidetat in Urso &

Pardo: De illo: *obduritiam*, ait, & *ferocitatem Urso comparatur*. De isto: *Pardo, Bestia velocissima & impetrix comparatur quæ princeps fertur ad sanguinem, & saltu in mortem ruit*. Ita Turcæ ex institutione suæ Sectæ ruunt in mortem quæ in bello appetitur tantumquam beatam.

ET DEDIT, inquit, ILLI DRACO VIRTUTEM SUAM, quantum interim potuit ligatus, ET POSTESTATEM MAGNAM Diabolicam: denique affuit ei tota sua stemmata seu insignia quæ vidimus in effigie Draconis Capite præcedente v. 3.

Draco-
nis insi-
gnia.

§. II.

De Capite quasi occiso: & de potestate novissima Bestiæ.

Caput
unum
quasi oc-
cisum.

1. **P**ergit Apocalypsis de illa Bestia priore: ET VIDI, ait, UNUM DE CAPITIBUS SUI QUASI OCCISUM IN MORTEM: ET PLAGA MORTIS EJUS CURATA EST. unde sequitur: ET ADMIRATA EST UNIVERSA TERRA POST BESTIAM. Septem Capita ejus recensuimus in §. præcedente: horum *unum quasi occisum*, id est Imperium ubi Roma Gentile, quod postquam crederetur penitus extinctum, revixit in Mahometano: nempe Orientale novæ Romæ; quam occuparunt Mahometani. Hujus tantum Capitis in Bestia, quæ est Imperium infidele, *plaga mortis curata* ra-

puit universam terram in admirationem quæ profecuti sunt, & in deditionem qua trahi se passi sunt *post Bestiam*, superbientem nova successione suscitationeque Romani Imperii post Christianismum redivi in infidelitate: jamque Sede conspicuâ novâ, quam olim fundasset Imperator Christianus occisor ethnicismi Romanorum imperitantis: atque in undecim secula tenuissent Imperatores Romani!

In his quæ diximus de Bestia, sumusque dicturi, semper sit ob oculos expositio quam initio hujus §. amplexi sumus ex S. Augustino. Nam hæc quidem Bestia in particulari, de qua agimus in hoc loco, est Imperium Ma-

Rivi:
vū Con-
stanti-
nopolis;

hometanum : at Bestiam generatim & hac antiquiorem audiimus à Magno Augustino esse populum infidelium : in cuius sententiam ivimus generalem ; testati nos addituros ea quæ sunt particularia & posteriora ætate S. Augustini.

Ubi Se-
des Ro-
manorū
Impera-
torum.

Ceterum Orientales eos, qui resederunt Constantinopoli fuisse cognominatos Romanos Imperatores, proditum est omnibus annalibus, & indubitatum : adeo ut anno Christi post nongentesimum octavo & sexagesimo Nicephorus Imperator Orientalis unā cum aula sua fuerit offensus inscriptione literarum & Legatione Ottonis Imperatoris Occidentalis (quod ipse narrat Legatus, Luitprandus Episcopus Cremonensis) tanquam vili: eò quod inscripsisset Otto, insuper & Papa qui addiderat epistolam quā commendabat Ottonem; Nicephoro Imperatori Græcorum: scribere enim debuisse; *Imperatori Romano*: enim verò se insigniri illo titulo, reputarique Romanos, ac præcipuè; ad quos Romā Constantinus Magnus, palam Christianorum Imperatorum primus, transtulerit insignia Imperii Romani, & omnem nobilitatem ac militiam, Constantinopolim; Romæ verò tantum fœcemplis reliquerit. Ita ille. Immo recentior Solimannus Turcarum Imperator mordicus se Romani Imperii gessit successorem: adeo, ut de illo scribatur in Chronico Turcico ad annum 1566. (per Jo. Rosinum) *sapius dicere solitum, Romæ ac totius Occidentis Imperium ad se pertinere, propterea quod ipse Imperatoris Constantiniani, qui Impe-*

rium Byzantium transtulit, successerit.

ET ADORAUERUNT, inquit Apocalypsis, DRACONEM QUI DEDIT POTESTATEM BESTIÆ, ET ADORAUERUNT BESTIAM; simul dum adoratur Bestia, adoratur Draco, qui, ut etiam dicebatur v. 2. *dedi illi virtutem suam & potestatem*: ac dum hanc exaltant, magnificant & Draconem, dicendo: QUIS SIMILIS BESTIÆ, ET QUIS POTERIT PUGNARE CUM EA!

2. ET DATUM EST EI OS LOQUENS MAGNA ET BLASPHEMIAS; ET DATA EST EI POTESTAS FACERE MENSES QUADRAGINTA DUOS &c. Dictum fuerat jam supra v. 1. quod super Capita Bestiæ sunt nomina blasphemiarum: quid sibi vult igitur quod hic dicitur esse datum ei os magniloquum & blasphemum: & connectitur cum mensibus quadraginta duobus potestas blasphemandi nomen DEI & Tabernaculum ejus Ecclesiam sanctam & Cælites: ac faciendi bellum cum sanctis eòsque vincendi: & potestas in omnem tribum, populum, linguam, & gentem: & adoraturus eam omnes, qui inhabitant terram, non inscriptos in libro Agni? Quid hoc aliud est quam prophetia novæ potestatis quæ superaddetur huic Bestiæ? continger enim illam quam esse diximus Imperium & superstitionem infidelium, & ut nunc est Mahometanorum, evchi ad majus culmen infidelitatis ac potentæ ad tempus quadraginta mensium.

Novissi-
ma po-
testas
danda
Bestiæ.

Hoc

Hoc jam eget explicatione; quam accipe: Paganismus & Secta quæ nunc est Imperii Asiatici ac Sedem suam habet Imperialem Constantinopoli, accipiet successorem Antichristum & usurpatorem uerbis ac ditionum atque Imperii quibus nunc potiuntur Mahometani, transibit tota gens ac Secta Turcarum ad Antichristum, & retinebitur coram DEO forma Bestiæ præcedentis, id est infidelis populi (prout Bestiam appellavit S. Augustinus:) veruntamen cum augmento infidelitatis novo quod persuadebunt Antichristi eloquentia & stupenda signa: quasi verò ipse sit qui ulterius evehat Imperium Asiaticum ac magnificentius reddat additione sui sceptri & Regni quod significatur per Bestiam posteriorem. ita, ut prior Bestia, Imperium illud infidele, maneat porro: & accedat conjungaturque ei Bestia posterior, quæ conciliet priori maiorem auctoritatem & testimonium præbeat illius defecti-
oni iuxta à Christo. Insuper addet adversus Christum implacabile odium & execrationes illius nominis: cum novissima & omnium retrò efficacissima persecutione Christianorum ever-
sionemque oibis Christiani. Atque hoc est quod Joannes dixit v. 7. de potestate data IN OMNEM TRIBUM ET POPULUM ET LINGUAM ET GENTEM: nempe, de consensu eorum qui se Imperio subjicient Asiatico & doctrinæ ac testimonio Antichristiano, quod accumulabit Infidelitatem Bestiæ prioris ac Majestatem atque adorationem.

Menses
42.

3: Hæc accessio & hoc culmen po-
PARA II.

testatis ad Bestiam priorem, majorisq; magniloquentiæ, & blasphemiarum novi odii ac seductionis differtur usque ad tempus continuationis cum posteriore Bestia.

Dicitur hæc EI tunc POTESTAS DATA, id est præfinita & permixta, ita ut sit circumscribenda certo spatio mensium: *facere*, inquit, quidquid suggeret fraus & tyrannis infidelis, *mensēs quadraginta duos*, ultra quos non proficiet: hoc est tribus & dimidio annis, ut retulimus supra in Caput xi. ex communi Traditione. S. Thomas Doctor Angelicus pro figura istorum 42. mensium accipit 42. mansiones Israëlitarum, de quibus Num. 33. *Sicut*, inquit, *populus Israël per 42. mansiones pervenit ad terram promissionis, & illis mansionibus multa mala prius sustinuit ab hostibus: ita Ecclesia per persecutiones, quas in istis 42. mensibus sustinebit, perveniet ad terram viventium: omnia enim in figura contigerunt illis.*

Cur autem hoc loco numeretur illud spatium temporis per menses potius quàm aliter, est inde quòd S. Joannes locutus fuerit de Imperio Mahometano: constat autem quòd Mahometani habeant in veneratione Lunam, quæ describit menses; sicut Sol describit annos: ut diximus in prima Parte Apocalypseos cap. 9. de cruciatu locustarum: quo etiam calculo Lunari uretur Antichristus Judaizans. Veruntamen, quod etiam monuimus in Caput undecimum Tract. 15. §. 1. abbreviata erit Lunatio Antichristiana 42. mensium computi communis:

D

& bre-

& brevior quàm erat quinquarius Luna-
tionum Imperii Turcici (cap. 9. v. 5.)

qui erat alterius ordinis & secretioris
computi.

§. III.

De præmonitione cautela.

Hic Apocalypsis factura tran-
situm ad alteram Bestiam, &
connexura utramque: patheticè, ut de
re gravissima, præmittit admonitio-
nem: **SI QUIS**, inquit, **HABET**
AUREM, **AUDIAT**. Præmonet
autem audienda hæc duo; *Captivita-
tem, & gladium*. Et captivitas ponitur
primo loco: quis enim nesciat Maho-
metano Imperio proprium esse, quòd
abducat in captivitatem Christianos?
finit enim eos, dummodò ut captivos,
ut tributarios, & ut sub jugum suum
missos, vivere. Gladius verò qui secun-
do loco ponitur, id est trucidatio Chri-
stianorum longè latèque, ut nemini
parcatur nisi abneganti fidem in Chri-
stum, & illa horrenda persecutio dif-
fertur in definitum tempus triennii &
anni dimidii: quo tempore in ascensu
posterioris simul Bestiæ sæviet non
jam captivitas sed gladius Imperii Asia-
tici quæsiturus ad necem per totum
orbem vel animas Christianas vel cer-
tè corpora.

De ca-
ptivitate.

De gla-
dio.

2. Et utrique quidem Bestiæ non
futurum impune, prædicit his verbis:
**QUI IN CAPTIVITATEM DU-
XERIT, IN CAPTIVITATEM**
VADET: QUI IN GLADIO
OCCIDERIT, OPORTET EUM
GLADIO OCCIDI. id est: finis
Imperii Turcici, & captivitatis quam

inferunt, erit ipsorummet abductio
sub Antichristo successore, qui ad se ra-
piet gentem illam totam, & auferet Se-
dem Constantinopoli Hierosolymam:
finis autem Imperii Antichristiani gla-
dius Domini quo & interficietur ipse
& Regnum ejus corruet.

3. Cui prædictioni additur ad Chri-
stianos etiam cautela: ut præmuniant
se se ac præparent tum ad exhibendam
patientiam, tum ad fidem constanter
confitendam: **HIC EST**, inquit, **PA-
TIENTIA, ET FIDES SANCTO-
RUM**. juxta illud Christi de patientia,
Matth. 10. v. 28. *nolite timere eos qui oc-
cidunt corpus, animam autem non possunt*
occidere: sed potius timere eum qui potest
et animam et corpus perdere in gehem-
nam. De Confessione autem fidei 1. c.
v. 32. *Omnis ergo qui confitebitur me*
coram hominibus, confitebor et ego eum
coram Patre meo qui in Cælis est: qui au-
tem negaverit me coram hominibus, ne-
gabo et ego eum coram Patre meo.

De pati-
entia &
fide.

Hanc triplicem præmonitionem is
qui habet aurem (est enim fides ex audi-
tu, Rom. 10. v. 17. ex Isai. 53. v. 1.) audiat
tempori, & præparet animam suam ad
tentationem (Eccli. 2. v. 1. Superventu-
ram orbi Christiano. quasi dicat: Cave-
te ô Christiani captivitatem potius sub
Diabolo: & illum gladium qui perse-
cutores sequetur æternus.

Quid sit
habere
aurem.

TRA-

TRACTATUS XIX.

IN CAPITIS XIII. VERSUM XI.

Anti-
christus
proprie
dictus.

Cohæret Visioni Bestiæ prædictæ narratio de Bestia posteriore: quæ crescenti atque invalescenti Mahometano Imperio tandem succedet: ipsa Imperium omnium brutissimum & bestialissimum Antichristianum. Loquitur autem de Antichristo prout dicitur proprie eo nomine ac velut substantivo: nam adjectivè & appellativè dicuntur multi: quæ utraque acceptio nominis habetur 1. Joan. 2. v. 18.

VERBA APOCALYPSEOS.

(Cap. 13. Vers. 11.) *Et vidi aliam Bestiam ascendentem de terra: & habebat cornua duo similia Agni: & loquebatur sicut Draco.*

JEcimus fundamentum ex Scriptura in Tractatu præcedente, §. 1. quòd per Bestias significetur Imperium infidele, vel Imperator utpote qui repræsentat Imperium: ad eum modum quo in Visione Statuæ ethnicæ grandis, Dan. 2. Regnum Nabuchodonosoris & ipse Nabuchodonosor pro eodem explicatur; ut videre est v. 37. de Capite aureo statuæ seu primo ex illis Regnis. sic igitur, & Antichristianum Regnum, appellatur Bestia hæc secunda, & ipse Antichristus, apud SS. Patres.

Alia Be- Dicitur Bestia ALIA: quia diver-

sa est à priore, & illi superventura. Ergo hæc jam posterior Bestia, id est Antichristus cum suo Imperio, ascendet DE TERRA: nam prior Bestia *de mari*. Dicamus de hujus Bestiæ posterioris descriptione, juxta prophetiam hujus versus undecimi; super quo tria erunt dicenda: Primò, ex qua terra ascendat. Secundò, quid commune habeat cum Dracone: siquidem loquetur sicut Draco. Tertiò, quæ sint cornua quæ habiturus est similia Agni.

stia ipse,
cum suo
Imperio.

D 2

§. 1.

S. I.

Ex qua terra ascendat.

Cū simus dicturi Antichristum exoriturum in terra Babylo-
niæ inter Judæos: supponamus illam præcipuè regionem &
circumvicinas à Judæis inhabitari.

Judæi
dispetfi.

Quâ di-
vinâ
provi-
dentiâ.

I. **C**onstat eos, ex prophetia psal-
mi 58. esse *dispersos* per univer-
sum mundum: quod eo consilio fa-
ctum est, ut Christianæ veritatis sint
testes vel inviti; dum Codices prophe-
ticos; ex quibus probamus Christum,
evidenter nobis præferunt. Unde il-
los sæpè nominat S. Augustinus Chri-
stianorum librarios, capfarios, latura-
rios: *quomodo solent*, inquit, *servi post*
Dominos, Codices ferre (adeò) *ut illi*
portando deficient, illi legendo proficiant.
in psalmum 56. Vide eundem in psal.
40. 58. & alibi.

Cum quo etiam S. Doctore illud
rectè perpendimus, fuisse divinæ pro-
videntiæ, non solum non occidi eos; hoc
enim habet psalmus: sed neque ita di-
spergi in alias nationes, ut desinant suis
legibus vivere. *Judæi sunt*, ait, (in psal.
85. v. 12.) *nec destituerunt esse quoderant;*
id est, gens ista non ita cessit in iura Roma-
norum (aliorumve à quibus sunt ab-
ducti) *ut omiserint formam Judæorum.*
Dispersio hæc tam fuit procul Hiero-
solyinis, ut, teste Eusebio lib. 4. histor.
Eccl. cap. 6. sub Hadriano Imperatore
prohibiti sint non modò pedem eò re-
ferre, sed ne vel ex edito loco paternum
solum oculis aliquando aspicerent. De

his Christus Luc. 21. v. 24. *Captivi du-*
centur in omnes gentes, & Jerusalem cal-
cabitur à Gentibus, donec impleantur
tempora nationum.

De eadem dispersione Josephus
scriptor rerum Judaicarum sub Vespasi-
ano, lib. 7. de bello Judaico cap. 21. sic
scribit: *Judæorum namque gens multum*
quidem totius orbis indigenis affeminata
est. & lib. undecimo antiquit. Judai-
carum cap. quinto, originem dispersio-
nis repetit à captivitate Babylonica: de
qua finiente cum memori esset Esdras
adeptis ab Regaliteris libertatis (quas
etiam recitat Esdras lib. 1. cap. 17.)
convocasse filios Israël qui apud Baby-
lonem degebant, atque insuper exem-
plar epistolæ Regiæ misisse in Mediam,
ad omnes suæ gentis homines, unde exciti
multi cum ipso reverterint Jerosoly-
mam: adjungit: *reliqua Israëlitarum*
multitudo assuetum jam domicilium no-
luit relinquere. narrat inhabitasse illi
diversas urbes, Babylonem, Seleuciam,
Ctesiphontem, (prout est legere in lib.
18. antiq. Jud. cap. 12.) ac præcipuè
Neardam & Nisibim, de quibus initio
ejusdem Capituli: *Nearda dicitur urbs*
Babylonie frequens populo & agro fertilis,
qui tantam multitudinem possit alere;
cincta

Judæo-
rū præci-
pua ha-
bitatio:

*intra fluentis Euphratis & firmissimis
mœnibus: eisdem fluminis est & Nisibis ap-
posita. Hæc Josephus. & S. Hierony-
mus meminit dispersorum ex Judæis
incolarum in montibus passim & urbi-
bus Medorum. in Ezech. cap. 23. id
quod sæpè alibi repetit (in Ezechielis
caput 16. & 37. & in Joëlis caput ter-
tium.*

Acade-
miæ:

Est illius Neardæ multa mentio in
Thalmud Babylonico, quod illà in ur-
be conflatum est annis circiter quin-
gentis post Christum: & cognomina-
tur urbs, à Rabbinis, fluvius scientiæ
ob Academiæ scientiarum Judaica-
rum: quarum, non quidem ille flos
Academiarum, sed tamen doctrina
conservatur etiamnum in Babylonia
& vicinis latè regionibus. in quibus se
propagant bonâ Regum Babylonio-
rum veniâ, quam magno pretio e-
munt: & de quorum indulgentia re-
tinent illuc speciem Reip. & successio-
nem ejus quem vocant suum Princi-
pem aut Caput, ex familia, quod pu-
tant, Davidis, de quo Origines lib. 4.
Patriarchon cap. 1. *Dicunt, inquit, per-
manere adhuc Principem ex genere Juda,
istum videlicet qui est gentis eorum Prin-
ceps, quem nominant Patriarcham: nec
deficere posse de semine ejus qui perma-
neat usque ad adventum Christi quem
sibi ipsi describunt: quos refutat ibidem
Origines ex illo Oseæ 3. v. 4. dies multos
sedebunt filii Israel sine Rege, sine Prin-
cipe. Extant in Jure Civili rescripta
Imperatorum Constantini, Theodo-
tii & Valentiniiani, quæ meminerant
istius Patriarchæ seu Principis. Co-
dice: de Judæis (is est Titulus no-*

nus) l. tertiâ & decimâ septimâ.

Cæterum Josephus lib. 11. cap. 5.
eos qui per Romanas ditiones sunt di-
persi, ut qui ex duabus tantum tribu-
bus fuerunt abducti Hierosolymâ,
paucos ait esse comparatè ad eos qui
habitant apud Babylonē. *Dua, inquit,
tantum Tribus per Asiam & Europam
sub Romano degunt Imperio: decem au-
tem Tribus nunc quoque ultra Euphra-
tem sunt, infinita hominum millia quæ
vix est numero comprehendere.*

2. Atque hæc ideo sunt comme-
morata, ut superstrui possit ista in re-
gione Babyloniæ nativitas aut educatio
Antichristi. Ita habet communis sen-
tentia, nasciturum in Babylonia: de
qua S. Hieronymus in Danielis caput
undecimum: *Nostri autem, ait, hæc o-
mnia (à versu Danielis 21.) de Anti-
christo prophetari arburantur &c. qui
nasciturus est de populo Judæorum & de
Babylone venturus. Et convenit ad-
mirabiliter cum illa Visione Zachariæ
cap. 5. v. 7. & seqq. Ecce talentum plum-
bi portabatur; & ecce Mulier una sedens
in medio amphoræ; & dixit, Hæc est im-
pietas. & ecce duæ mulieres egredientes,
& spiritus in alis earum, & habebant a-
las quasi alas milvi, & levaverunt am-
phoram inter terram & Cælum. Et dixi
ad Angelum qui loquebatur in me: quò
ista deferunt amphoram. Et dixit ad
me: ut adificetur ei domus in terra Sen-
naar & stabiliatur & ponatur ibi super
basem suam. Sensus historicus & pro-
phetia est, Judam & Israël em duas
mulieres deferre Impietatem in ter-
ram Sennaar (ibi est urbs Babylon,
Gen. 11. v. 2.) & ædificare domum*

Ad Eu-
phratē,
infinita
millia.

Ibi pa-
tria An-
tichristi.

D 3 suam

suam in confusione, atque habere illic basem habitationis suæ usque ad consummationem mundi. Audi S. Hieronymum in hunc locum Zachariæ: *Due enim Mulieres, quæ egrediuntur, band dubium quin de terra Judæa, accipiendæ sunt decem & due tribus.* Ac postquam dixisset in alis earum fuisse spiritum, id est potestatem Diaboli, adjungit reliqua hujus prophetiæ: *Convenit, inquit, istis mulieribus Judæa & Israël, quæ propter peccata patenti traditæ sunt demonum potestati & ab eis ductæ sunt in captivitatem. Tuleruntque amphoram sive mensuram in qua clausa tenebatur Impietas, massâ plumbi desuper posita ne possit exire; & pondus gravissimum omnium peccatorum, per aërem inter terram & Cælum elevantes.* Observat interrogationem Prophetæ: non interrogat quæ sint istæ Mulieres; patebat enim spiritui prophetali: nec quid portent; de quo supra fuerat eruditus: sed quod portent. Qui respondit: ut edificetur ei domus in terra Sennaar: pro quo LXX. transtulerunt, in terra Babylonis. Sennaar enim campus est Chaldaorum: in quo hi qui moverant ab Oriente pedes suos, & in DEI servitute stare non poterant, adificaverunt turrim superbia: unde & civitas ipsa appellata est Babylon, id est Confusio. Impietas ergo desertur ab istis Mulieribus in Babylonem: ut ibi adificetur domus ejus, & stabilietur, & ponatur super basem suam, & aternâ statione requiescat. Verè enim in Babylone SEDES EST IMPIETATIS, & juxta mysticos intellectus.

3. Summa: S. Joannes vidit ascendentem Bestiam de terra inter Judæos

qui frequentissimi in regione atque in conterminis Babylonis: immò, præter suos ritus ac formam vivendi, retinent illic Magistratus emptitios & distinctionem Tribuum.

Nascetur autem, verisimiliter, ex Ex qua matre quæ de tribuerit Judæ; ut inde Tribu. sibi arroget sceptrum: & ex occulto patre Danita (fornicario, ut expressè inter alios sentit & bis eodem loco asserit S. Damascenus, lib. 4. de orth. fide cap. 27.) Quo pacto conciliati arbitramur utramque sententiam: & eam quæ oriturum docet Babylone; & eam quæ nasciturum de Tribu Dan, de qua pluribus diximus in Caput Apocalypsis septimum: nec non famam ortus ejus de Tribu Judæ, quânam veritate illi tribuetur.

Jam & illud amplius innotescit tam commune SS. Patribus, haustum ex Sacra Scriptura: Babyloniam esse Civitatem Diaboli, & opponi sanctæ Jerusalem DEI, metropolim omnis confusions, & habitaculum convenientissimū dæmonum: à qua civitate sicut inde à Nemrod seu Belo cœpta est & propagata defectio mundi à veri DEI cultu: ita ab eâdem incipiat ortus Antichristi, & Regnum ac fama invaleseat prodigiorum ejus & potentia Messis. Quæ nimirum conveniunt adamussim Babylonis Chaldaicæ, illi quam perluit Euphrates, is cujus sapientissimè fit mentio in Apocalypsi super hac materia Cap. 9. v. 14. & cap. 16. v. 12. potius quam urbis. nam de subversione antiquæ Babylonis, perinde facta ut Sodomæ, præcesserunt & impleta sunt oracula Prophetarum Isai. 13. v. 19. urbis.

Babylonia in Prophetis & PP. famosa.

Cur mē, phratis in Apoc. Ratio 1.

v. 19. & seqq. ac Jer. 50. v. 39. qui ait, *non inhabitabitur ultra in semperiternum nec extruetur*: & illud ipsum narrat S. Hieronymus. At contiguo in loco aliam constat ædificatam esse Babylonem prope veteris urbis ruinas, quarum & murorum Semiramidis & hortorum pensilium videre est monumenta. prout legere est apud Ortelium & alios Geographos, qui eam, quæ nunc Babylon aut Bagadat dicitur, prope ruinas antiquæ Babylonis exhibent. Ferè sicut ævo Christiano diruta illi Hierosolymæ, ut non relictus sit lapis super lapidem Luc. 19. v. 44. successit alia Hierosolyma hodierna, non eo nunc prorsus in loco ut observat S. Greg. hom. 39. in Evang. Illa autem ho-

die Babylon habetur; testimonio eorum qui sunt illuc peregrinati, esse amplissima earum, quæ in tota sunt Assyria, & subdita Mahometanis. Quam adhuc urbem, id quod ad Apocalypsin attinet, perfluit Euphrates, & jungit pons lapideus super eum impositus: qui fluvius à Tigri confluyente sic augetur, ut navigia majora perferat ad Oceanum Persicum.

Estque præterea fluminis Euphratis illa expressa mentio in Apocalypsi idcirco, ut admoneamur agi de Babylonem Chaldaicâ: non item de alia Ægyptia urbe, etiam amplâ, sitâ ad Nilum flumen, quam Arabes Babylonem nuncuparunt, vulgo Cairum quæ huc non pertinet.

Ratio. ad distinctionem alius urbis cognominis

S. II.

De relatione ejus ad Draconem: quia loquetur sicut Draco.

1. **P**RÆTERQUAM quod Antichristus ex semine gignatur hominis, utpote verus homo, ut dicitur 2. Thess. 2. v. 3. *homo peccator*: Draco tamen qui est Princeps omnium Diabolorum huic foetui prognerando formandoque suam omnem impendet artem. Estimamus cum magnis Doctotibus fore præter patrem hominem spurcissimum, aut simul & cum illo, incubum matri Archidæmonem (neque enim de incubis negari posse sentit Augustinus lib. 15. de civ. cap. 13.) Is ut simius sit generationis Christi, superadveniet

illi scorto: & quia homo genitor erit occultus, sparget, id quod prædixisse de illo refertur Sancta Hildegardis Prophetissa, natum matre virgine. Certè Rabanus Episcopus pietate doctrinæque celebris in opusculo de Antichristo: *Diabolus, inquit, in matrem Antichristi descendet, & totam eam replebit, ut quod natum fuerit, totum sit iniquum & perditum; unde dicitur homo peccator & filius perditionis.*

2. Et verò ille quodammodo plastes, Draco, efformabit hunc partum ab utero, tantâ ei proclivitate infusa

Indoles,

corpo-

corporis & dispositione ad omnia vitia quanta nemini fuit mortalium : & porro à primo usu rationis suo se libero arbitrio dedicantem Diabolo instituet hic Magister imposturâ omni magicâ : & aliis præterea scientiis ; præcitate ingenii, memoriâ felicitate, facundia, peritiâ fallendi. *Erit sapientiâ*, inquit S. Anselmus in Elucidario, *et eloquentiâ incredibili, et omnes artes et Scripturam naturaliter sciet.* His & humanis cæteris dotibus ab eodem diabolo, supra penè captum hominis, instructus diriget sese consiliis ejusdem : cui se devotit, & illi se Diabolus vicissim. Ita de illo monstro senserunt SS. Patres : quorum S. Irenæus lib. 5. adv. hæ. cap. 29. in Bestia, inquit, *veniente recapitulatio* (frequens est hæc Irenæo vox, id est coacervatio) *fit universe iniquitatis et omnis doli.* & cap. 25. *omnem suscipiens Diaboli virtutem.* S. Hieron. in Dan. 7. in quo totus Satanas habitaturus fit corporaliter. S. Damascenus lib. 4. de fid. c. 27. cùm dixisset : *Non ipse igitur Diabolus fiet homo. absit enim : sed nascetur homo ex fornicatione :* adjungit : *et suscipiet omnem operationem Satanae :* nam præsciens Deus irrationabilitatem futuram ejus voluntatis, permittet ut illum inhabitet Diabolus. Oecumenius in ep. 1. Jo. homo erit qui Satanam circumferet. Merito illum S. Hieronymus ep. 151. ad Algasiam quæst. 11. interpretatur ex Apostolo *non operatorem, sed ipsam operationem id est fontem erroris.* S. Chrysostomus hom. 3. in 2. Thess. 2. ipsam *Defectionem* seu verbo Apostolico ἀποστασίαν. Oracula

Sibyllina, lib. 2. ipsum Beliar, id est Belial. S. Paulus cum articulo emphatico; ille, inquit, homo peccati, ille filius perditionis, ille qui adversatur : ὁ δοῦλος τῆς ἁμαρτίας. ὁ υἱὸς τῆς ἀπωλείας. ὁ ἀντικείμενος. ille iniquus, ὁ ἄνομος, cujus est adventus secundum operationem Satanae ; κατ' ἐνέργειαν τοῦ σατανᾶ.

3. Atque hæc spectant ad expositionem ejus quod de Bestia posteriore dicit Apocalypsis : LOQUEBATUR SICUT DRACO. Non eo in sensu in quem prolapsus fuit S. Hippolytus martyr : fore ipsum Diabolum ; qui prodibit, inquit, *sub forma hominis.* Ubi obiter ipse Hippolytus vindicandus est ab alio graviore errore, qui ei tribuitur, fore Diabolum incarnatum ; hoc enim disertè negat, dum sic scribit : *sed Diabolus licet carnem assumat, hac opinione tantum* (id est, opinione hominum quibus illudet.) *qui enim carnem ferret quam ipse non condidit sed oppugnat quotidie? hanc opinor, dilecti, carnis sue substantiam assumit organi vice.* Quæ opinio ejus refutatur à cæteris Patribus. Cautius S. Ephrem ser. de Antichristo vocat illum non inimicum ipsum Diabolum, sed perfectè illius Organum ; quod græcè significat instrumentum. Et illicoævus S. Cyrillus Hieros. catech. 15. Satanas illo ipso utetur Organo, suâ personâ per illum operans. Planissimè S. Augustinus lib. 20. de Civ. cap. 19. Tunc enim solvetur Satanas, et per illum ANTICHRISTUM in omni sua virtute (verba sunt Pauli 2. Thess. 2. v. 9.) mirabiliter quidem sed mendaciter operabitur. Divinè Apocalypsis :

Non tamen Draco incarnatur.

Quod neque sentit S. Hippolytus.

non

non Draco ipsa Bestia; sed loquebatur
SICUT Draco: utique qui totam e-
jus mentem & linguam obidebit ac
reget, & persuasio ac doctrina tota erit
Draconis.

Malum
ab Aquilone.

Ex quibus etiam modò dictis mi-
nus mirum efficitur, simul & aperitur
sensus in quo dicitur capite 9. Apoc. v.
14. alligatos fuisse quatuor Archidæ-
mones in flumine Euphrate; & cap. 12.
v. 14. in idem flumen Euphratem ef-
fundi postliminio phialam iræ sextam
& accelerari viam persecutioni: juxta
illud Scripturæ; *ab Aquilone pandetur*

malum super omnes habitatores terræ.
Jer. 1. v. 14. quidni hoc gravissimum
malorum universaliū habitatoribus
terræ? quoniam, ut diximus §. præce-
dente, ad eos maximè limites Euphra-
tis, quos constat regioni Judææ esse
Aquilonares, adstricta est qualiscunq;
potissima libertas & velut resp. Ju-
daeorum interim: donec temporibus
Antichristi solvantur illi dæmones,
præsidēs infidelissimæ sectæ Judæo-
rum, & per 4. terræ partes prævaleat
diabolicus pseudo-Judaismus & cura
per illum extinguendi Christianismū.

§. III.

De duobus Cornibus, quibus similis erit Agno.

Similitu-
do san-
ctitatis.

1. **I**N Cornibus vires ejus eminebunt
Iesumodi, quibus simulet Agnum:
id quod aptè exprimit vox, SIMILIA;
& quæ græcè dicitur, *ὁμοία*. Primum
Cornu erit simulatio Sanctitatis: Erit
enim simulatissimis moribus, præfer-
tim à prima ætate, atque initio sui am-
bitus; de quorum annorum numero
nihil constat; usque ad plenam obten-
tam possessionem nominis Messiae ac
Monarchiam orbis, quam tenebit 3½.
annis persecutionis. De hac ejus simu-
latione morum tradunt SS. Patres: æ-
fundant tū in illo Genesios 49. v. 17.
ubi comparatur *colubro* & *cerasti* in via,
equitem aggredienti retrò: tū in Da-
niele, variis in locis; nam & cap. 7. v.
8. & 20. Cornu *habebat oculos*, id est
prudentiam & astutiam: & cap. 8. v.
23. dicitur *Rex impudens facie* & *intel-*
Pars II.

ligeris propositiones, id est, audaciā præ-
ditus & acie ingenii. & v. 25. *dirigetur*
dolus in manu ejus. & cap. 11. v. 21. *obti-*
nebit Regnum in fraudulentia. De pri-
mis quidem ejus annis ætatis S. Cyril-
lus Hieros. catech. 15. *temperantiam* &
humanitatem simulabit. S. Damasc.
lib. 4. de fid. orthod. cap. 27. *nascetur*
igitur ex formatione, ceu diximus: &
educabitur occultè: & repente insurget
& elevarit se & regnabit. Et in exordis
Regni sui seu potius Tyrannidis simulabit
bonitatem. Quamobrem S. Greg. lib.
31. mor. cap. 17. eum cognominat *Hy-*
pocritarum omnium Caput.

Alterum Cornu è duobus similibus
Agni: erit imitatio altera, miraculo-
rum: de quibus 2. Thess. 2. v. 9. *in*
OMNI virtute & signis & prodigiis men-
dacibus: iisque propemodum conti-
nuis,

Similitu-
do mira-
culorū.

nuis, quacunque inceserit: prout S. Gregorius lib. 3. 4. mor. cap. 15. (in illud Job. 41. v. 23. *post Leviathan quippe semina lucere perhibetur, quia quaquā transiit, admirationem nimiam ex miraculorum suorum claritate derelinquit.* Sed ejusmodi, ut claritas illa sit transfigurantis se in angelum lucis: quod præmonuit Apostolus 1. c. qui tam dilertè dixit de signis & prodigiis mendacibus: sic appellatis duplici ex causa: primum quia falsa erunt miracula secundum se; nulla enim divina vel supernaturalia. Deinde ex fine propter quem ea faciet; qui est deceptio. & confirmatio felicitatis scilicet divinitus promissæ: & ob effectum quem obtinebunt ista prodigia; qui est auctoritas Messii: quæ erunt mendacissima.

2. His duobus Cornibus exprimet effigiem in se Agni, & attrahet ad se Judæos qui in Babylonia & in vicinis vastis regionibus ad quas se receperunt ab eversa Hierosolyma: eorumque geret sese Messiam. Protinus penetrante facta de adventu Messie plebs Judæorum dispersa per orbem reliquum à quatuor angulis terræ canet celestina, & exultabit ad excipiendum suæ gentis expectatum liberatorem ac Regem.

Opitula-
tio Dia-
boli.

Dum interea suâ hypocrisi, atque auxilio præcipuo Diaboli, dementabit inimicitias & Saracenos, longè latèque Tartaros & Turcas, tanquam in quibus agnoscat semen Abraham & Circumcisionem communem. Neque enim Antichristus prosperabitur & facit hoc viribus suis, ut prænotavit Daniel cap. 8. v. 24. sed Diaboli, cui jam

tum jus est in Mahometanos & facultas eos flectendi. Appellabit Regnum Mahometanum præcursorem & armigerum suum contra sectam Christianam: simul terribis potentiâ, incantatosque arte & persuasione Sanctitatis ac Prodigiorum suorum aggregabit in unam eandemque Legem suam adversariam Christianismo.

Conclatis sibi eo artificio Mahometanis, & ingressu in Constantinopolim solenni, quam accipiet vel de dititiam vel venerabundam, horum & omnium Orientalium ac per totius mundi plagas concursu Judæorum atque acclamatione succedet in Regnum Orientis, & in eam assurgit arrogantiam, ut omne quod suæ Sectæ & suo sceptro adversabitur, quæ jam erit sola Religio Christiana, velit eversum. Quod si quid tribuendum fabulæ Turcarum, aut saltem juvet audire narrationem antiqui præsigii; *adnotare Turci* (ait historicus Leunclavius) *scriptum apud se reperiri Sapientum in libris, ac præsertim in eo cui nomen sit Messia- bii: futurum, ut prius quam exeat Degenal Laim, hoc est, Antichristus improbus & edictus, bis Constantinopolis occupetur. Primum gladio capiendam esse. Deinde Judicij tempore appetente, filios Israhel, non gladio sed per invocationem divini nominis eam captivos. Priorem vaticinii partem, de occupanda bellicis armis urbe, jam impletam fuerunt, ut mis primi sui Imperatoris Mahometis) Alterius occupantis eventum, & quoniam illi sint plerique, qui prædictum & hunc a porturi diuunt, ipse dicitur dabo. Hæc histoi. Turc. lib. 15. verbore-*
nus

nus Leuclavius. Non est impossibile prædictum fuisse, vel à damone, fore ut per Hebræos Isaacidas communi accursu & occursu usque Constantinopolim suo Pseudo-prophetæ, cum hymnis & prestigiis diaboli, aperiretur aditus eam in urbem, & auspiciis Imperii Orientalis.

Existimant graves Patres, simulac in altum erectus fuerit Monarchia illiusque securus, abieciurum esse latram humanitatis & omnem exercituum ferociam: quam innuit Daniel cap. 8. v. 24. *supra quam credi potest*, inquit, *universa vastabit*. Adeo, ut putent in ipsos Judæos etiam fore atrocem: ut scribit S. Ephrem ser. de Antichristo: *non amplius velut pius ac religiosus, neque amplius ut pauperum amator, neque utilitarius, sicut antea: verum contra prorsus; per omnia austerus, durus iracundus & excandescens saevus, instabilis, terribilis, inflexibilis ac tenebrosus, odibilis & abominabilis, immis, improbus, superbus, scelestus, & impudens &c.* S. Jo. Damasc. l. 4. de fid. cap. 27. *Cum verò Dominator factus fuerit, manifestabit omnem malitiam suam.* S. Cyrill. Hier. cat. 15. *Decipiet Judæos, tanquam is esset Christus ab illis expectatus: deceptos verò deinceps omnis generis inhumanitatis & iniquitatis malis omnes circumscribet: ita ut omnes qui ante illum, improbi & impii fuerant excellat malitia. Mentemque habebit homicidariam, praefractam, immisericordem, & variam.* & infra: *à principio enim simulabit humanitatem, deinceps vero inhumanitatem ostendet, & maxime erga Sanctos Dei.* Nam quod ad Judæos attinet, certè quidem

in illos Judæorum exeret intolerabilem ferociam, quæ ad prædicationem duorum Testium deferere volent impostorem & se Christo aggregare. Quin etiam exacerbatus miraculis veris quæ patrabuntur per eosdem duos Testes, ut prædicitur Apoc. 11. v. 6. *inhibita pluvia & aquis convectis sanguinem, & omni plagâ qua percutient, quotiescunq; voluerint terram Antichristianorum (sicut Moyses & Aaron cum Magis decertarunt Egyptiis) ferocior insurget erga subimet qui ad ipsum recurrent; cumque non sit impuro illi, ait S. Ephrem, quod dare eis possit, ad eos pariter omnes magna cum severitate ac ira respondurus est.*

3. Ut ut erit, ante hæc omnia, ex oraculo Apocalypseos illis Cornibus representabit se Agnum; & geret *Ducem* sœderis, ut eum appellat Daniel cap. 11. v. 22. hoc est, ut ait S. Hieronymus, *Legis & Testamenti Divini.* Veruntamen cum his Cornibus & simulatione Agni non desinet esse feta Bestia: qui non solo astu & persuasione, sed vi & armis ad delendum anhelabit nomen Christianum: frendentibus sub suo Imperatore Judæis præ odio in suos oppressores, Christianos, contra quos non sola arma sed & dentes ad vindictam præparabunt. Uterui operâ Regum decem quos adjiciet suo Imperio: tribus eorum oppressis, quorum in locum substituet alios sibi vicarios: ceteris sponte suâ deditiis & Vassallis: habet hoc Traditio Ecclesiastica vetus ex S. Hieron. in Dan. 7. quem citavimus supra Tract. 18. §. 1. Horum conspiratione & armis per-

Violentia:

quetur Christianismus: auferet per eos Romani Imperii memoriam reliquam, & abolebit omnia vestigia illius, ipsamque urbem Constantinopolim tū in odium olim Principatus Romani: tū in latagentibus Judæis & exosis jugum ejus urbis; ut est illorum in ea jam nunc frequens habitatio & Synagogæ amplius triginta:

quid ergo cū adventaverit tota multitudo Judæorum & Judaizantium? tū maxime ut Regiam suam stabiliat in urbe Hierosolyma, in qua residebit, sibi & pseudo-Judaismo asserturus soli dominatum orbis terrarum, & successione in Templo, de qua jam sumus dicturi in Tractatu sequente.

TRACTATUS XX.

IN RELIQUA CAPITIS XIII. usque ad v. 18.

Sequitur de adjunctione Bestiæ posterioris ad priorem, & consensu.

VERBA APOCALYPSEOS.

(Cap. 13. Vers. 12. & c.) *Et potestatem prioris bestia omnem faciebat, in conspectu ejus: & fecit terram, & habitantes in ea, adorare bestiam, primam cujus curata est plaga mortis. (v. 13.) Et fecit signa magna, ut, etiam ignem faceret de caelo descendere in terram in conspectu hominum. (v. 14.) Et seducit habitantes in terra, propter signa, que data sunt illi facere in conspectu bestia, dicens habitantibus in terra, ut faciant imaginem bestia, que habet plagam gladii, & vixit. (v. 15.) Et datum est illi, ut daret spiritum imagini bestia: & ut loquatur imago bestia, & faciat, ut quicumque non adoraverint imaginem bestia, occidantur. (v. 16.) Et faciet omnes pusillos, & magnos, & divites, & pauperes, & liberos, & servos habere characterem in dextera manus, aut in frontibus suis. (v. 17.) Et ne quis possit emere, aut vendere, nisi qui habet characterem, aut nomen bestia, aut numerum nominis ejus.*

Anacephalæosis hujus Capitis.

Distinguendum est hoc Caput Apocalypseos accurate: Primo. In quatuor primis versibus

hujus Capitis prophetavit ortum Bestiæ de mari, & ejus progressum; usque ad admirationem quam concitavit,

tavit universæ terræ; & adorationem ejusmodi quæ communis est cum Dracone adoratio infamis & informis. Hanc partem prophetiæ videmus oculis nostris in Imperio Mahometano impleri & perdurare nostro ævo.

Secundò, à versu quinto usque ad undecimum propheta de eadem Bestia, dandum ei os aliud magniloquum, & blasphemum, ac potestatem 42. mensium ad bellum, ac victoriam contra Sanctos, & potentiam in omnem tribum & gentem. Hæc pars prophetiæ ad eandem quidem pertinet Bestiam, at pro venturis temporibus Antichristianis: inde à v. 5. inquam, usque ad 17. quando ei se conjunget Bestia posterior, à qua prior illa immutabitur in aliam formam & imaginem venerabilem adoratione non jam quasi Draconis sed velut Numinis.

Sic enim Visio porrigitur usque ad postrema Bestiæ viæ & usque ad patientiam Sanctorum.

Tertiò, Versu undecimo producit posteriorem Bestiam de terra, cujus auspiciis hoc geretur, successuram & conjuncturam se illi priori: prout expressè continetur in v. 12. relatio prioris ad posteriorem, & connexio inter utramque. Hæc posterior erit Antichristus: qui partim similitudine ut Agnus, partim loquela ut Draco, abuteretur præitione Bestiæ prioris ad conflandum suum Regnum: & totum se impendet conjunctioni cum priorè, ac reformationi illius in aliam diviniorem speciem aut formam.

Igitur hoc undecimo versu expósito, sequuntur cætera: Dicitur primò usus Potestate ejus: secundò Imaginatione quam ei addet venerationis ergò: tertiò Coactione: de quibus tribus ordine: usque ad versum postremum; nam is indiget peculiari Tractatu.

§. I.

De potestate quam faciet prioris Bestiæ.

Succedet in potestatem Bestiæ prioris.

1. Incidet Antichristus in tempora ultima Imperii Mahometani, quod est Bestia prior. Prima machina, qua titetur, erit Potestas quam invenit penes præcursores, Bestiam, Imperium Mahometicum; introductum per Draconem, & stabilitum aliquot sæculis, eo consilio, ut sibi Antichristo muniretur via ad potestatem illam continuandam, brevi tempore,

augendamque usque in summum apicem Infidelitatis.

Volet ergo POTESTATEM OMNEM illius BESTIÆ sartam tectam: & adorationem ejus eatenus ratam, quatenus ipsa est Imperium infidele: hoc est enim cordi cum Draconi tum Antichristo, atque hic apparatus utriusque, & consensus cum Bestia priorè: præterquam quod ipse Antichristus

E 3

tichri-

tichristus coronidem addet omnis infidelitatis & perfidiæ atque apostasiæ à Deo; quod erit Imperium Antichristi omnium brevissimum & novissimum.

Juvet Lectorem meminisse explanationis generalis quam addit S. Augustinus de Bestia: cui expositioni insistimus, addendo particularia.

Palàm
illà :

2. FACIET Antichristus Potestatem illam IN CONSPECTU EJUS-met Bestiæ PRIORIS: id est (quod dicebamus in Tractatu præcedente §. de Cornibus) in conspectu & approbatione Mahometanorum & Tartarorum ac cæterorum infidelium, quos attrahet ad Judæos, callidissimè incantans: quasi finis ac scopus Mahometani fuerit præcurrere, donec una & eadem Lex sit quæ Judæorum, & una eadèmq; detestatio ac persecutio adversus Christianos.

3. Denique hanc totam potestatem diriget eum in finem, ut *adoretur* Be-

stia PRIMA, illa CUIUS CURA TA EST PLAGA MORTIS. Quod nihil est aliud quàm, ut universa terra ET HABITANTES IN EA (nam quorum est conversatio per Spem & habitatio fixa in Cælis, cavebunt) subdant sese Imperio ethnico, illi septem Capitum & collectioni omnis ethnici; sicut olim Imperium Gentile Romanum collegerat in se omnem summam superstitionis, quod interim extinctum revixit in Mahometano Imperio novæ Gentiliæque Romæ.

Breviter: huc spectabit posterior Bestia, ut omnes subdantur Imperio & subdantur superstitioni infidelis. & quia invenit Mahometanum infidelem, illo suum in finem uteretur ad se pertracto atque incorporato in unum idemque suum Imperium: occultato & mutato nomine Infidelitatis, ut jam videbimus.

Uetur
ejus Infidelitate,

§. II.

De Imagine quam addet priori Bestiæ.

Imaginẽ
addet
sanctam:

1. Neque enim solà id potestate assequetur: sed *Imagine Bestiæ* prioris: quæ est altera Machina procurandi adorationem multò quàm antea diviniorem. Apponet priori infirmi Bestiæ alium cælestem colorem: & artificio hujusmodi ejus effigiem depinget, ut proponatur sub specie & auctoritate Numinis supremi: hæc enim est Imago, sive Simulatio, quam affin-

get Bestiæ; lineamenta Divinitatis: & hanc IMAGINEM, scilicet sacrosanctam, curabit exponi passim & adorari pro Divina. Id est: Imperium & Sectam infidelem septem Capitum (eam quam invenit penes Mahometanum) sic reformabit, ut venerationem addat Testamenti sancti, & reductionem veri Judaismi & existimationem Legis cultusque divini. Idque efficiet, ut dixi-

diximus, ingeniosissimâ calliditate, alle-
durus simulatione Numinis & colo-
re simulachri divini: cum sit reipsa
vultus Bestiæ.

Olim S. Augustinus, quem supra
citavimus in Tract. 18. §. 1. per Imagi-
nem Bestiæ vidit intelligi aliquam pro-
fitentium fidem & infideliter viventium
Simulationem: quod hic Doctor dixit
in genere, voluitque amplius inquiri,
hoc nos dicimus spectatim: Imaginem
Bestiæ fore Simulationem Judaismi,
quam addet Regno infideli quod præ-
cucurrit.

Cum Si- 2. Fabricam Imaginis comitabuntur
gnis: SIGNA magna (v. 13.) quæ promo-
vebunt illam venerationem adoratio-
nemque Bestiæ & Imaginis ejus. De
his Signis diximus Tract. præced. §. 3.
tanquam de altero Cornu Antichristi.
Erunt MAGNA in æstimatione ho-
minum, & stupore: cum alioqui præ-
stentur partim per secretam artem Ma-
gicam, partim per præstigas & fascina-
tionem Diabolicam: unde & hic di-
cuntur fieri IN CONSPECTU
HOMINUM, hoc est, plerumque ap-
parenter coram hominibus: interque
alia commemoratur facturus IGNEM
DE COELO DESCENDERE;
propterea quod hoc sit Signum Judai-
cum quod æstimabant & postulabant,
Matth. 16. v. 1. Et subicit Apoca-
lyptis v. 14. effectum istum Signo-
rum consecuturum: *seducentur* enim
propter illa Signa *inhabitantes terram*,
& inducentur ad Imaginis adoratio-
nem.

Eecce colorabit Imperium suum
tanquam divinum: cum sit verè Infi-

de ac Bestia ipsa prior, ac per addi-
tionem facta deterior. Hoc est, in-
quam, (est enim sæpè dicendum) addi
Imaginem Bestiæ priori: simulatione
Messiæ conciliari sanctitatem & vendi-
cari cultum suo Imperio tanquam Di-
vino: cum sit eadem potestas bruta
quæ prioris Bestiæ, sed addita sit vene-
ratio ac Majestas sacra profanæque in
altissimum evecta fastigium Majestatis
& adorationis.

3. Ad eandem venerationem per-
tinet, quod sequitur v. 15. ET DA-
TUM EST ILLI à Dracone amu-
latore Christi & irrisore: UT DA-
RET SPIRITUM IMAGINI BE-
STIÆ, non Spiritum sanctum sed dia-
bolicum: ET UT LOQUATUR
IMAGO BESTIÆ. Nam illa Si-
mulatio divinitissimi Judaismi seu illud
Figmentum (ut etiam appellat S. Au-
gustinus) ex quo alio Spiritu loquetur,
& quæ alia magnalia quàm Satanæ?
prædicabit enim adventum admirandi
Judæorum Prophetæ, præconia Legis
de Cælo, & Pseudoprophetiam pro-
missionum, quibus plena est litera ve-
tus, felicitatis, opum, honorum, seminis
longævi, & omnis abundantie ac do-
minationis mundanæ. Eam prophe-
tiam auspicabitur ipse per semet Anti-
christus fultam adjunctis prodigiis:
agereque *Prophetam* cujus propagabitur
vox in omnem terram: non quemcun-
que, sed illum quem Moyses per anto-
nomasim eo nomine appellavit pro-
phetam Deut. 18. v. 15. & Judæorum
turba Joan. 6. v. 14.

Unde & in Apoc. cap. 19. v. 20. no-
men ei datur *Pseudopropheta*: non quasi
alius

Et Spi-
ritu:

Locutu-
ram:

Pseudo-
prophe-
ticæ,
alius

alius sit quispiam ab Antichristo diversus qui hoc nomen gerat, sed ut ibidem additur idem ipse QUI FECIT SIGNA, qui est Antichristus ex 2. Thess. 2. v. 9. Ita, ut idem sit Pseudopropheta quod Pseudo-Messias: sicut Christo idem fuit & Prophetam dici magnum, & Messiam, & DEUM. In-

pleturus illud Apostoli I. c. v. 4. *qui adversatur & extollitur super omne quod dicitur DEUS aut quod colitur, ita ut in Templo quod à prima origine sua fuerat DEI sedeat, ostendens se tanquam se DEUS. qui ecce est grandis Spiritus & prædicatio Imaginis Bestialis loquentis.*

§. III.

De Coactione ad Imaginem adorandam.

Inter hæc Sede fixâ Hierosolymis, atque Imperii titulo illuc translato, everti patietur Constantinopolim & cæteras Regias Sedes, ut solus obtineat. Jamque duabus præcedentibus machinis, Potestati Bestiæ prioris, & Imagini loquenti (de quibus in duobus §§. præcedentibus) admovebit ultimum Colophonem, tertiam præpotentem Machinam, quæ est Persecutio refractoriorum & Coactio vi omni armorum & tormentorum, de qua pergit Apocalypsis v. 16. & 17.

Genera- li: Ea erit primò tam generalis, ut se extendat ad OMNES æquè PUSILLOS ET MAGNOS, DIVITES ET PAUPERES, LIBEROS ET SERVOS: id est, omnis conditionis homines. **Sævâ:** Erit secundò tam sæva, ut cogat accipere singulos CHARACTEREM IN DEXTERA MANU SUA, AUT IN FRONTIBUS SUI: qui character erit abnegatio Crucis: ut *locus non sit* (inquit S. Ephrem & alii) signo Christianorum quod formatur dexterâ & apprimitur

fronti, compellentur Cruci renuntiare per professionem, quæ est nota criminis in fronte, ait S. Aug. (lib. 20. de Civ. cap. 9.) & per operationem qui est character in manu. Adeò severe, NE QUIS POSSIT EMERE AUT VENDERE, nec commercio uti hujus vitæ, NISI QUI HABET CHARACTEREM, AUT NOMEN BESTIÆ, AUT NUMERUM NOMINIS EJUS: id est: nisi hunc afferat *characterem* quo abdicet crucem Christi; aut *nomen* edat & confessionem Pseudo-Messias; aut relatus fuerit in *numerus* & in matriculam nominis ejus. Erit tertio facilis ei hæc Persecutio per Judæos orbis jam dominos insolentissimos: de quibus S. Hieronymus in Dan. 11. *nullus enim Judæorum absque Antichristo in toto unquam orbe regnavit.* Quorum animi per tot sæcula efferati suam iram & odium effundent in totum populum Christianum sub quo fuere dispersi, oppressi, & spreti. jam cum se viderint exaltatos per suum Messiam; freti

Expecta-
tâ.

ejus

Cujus
Typus
Antio-
chus E-
pipha-
nes:

eius potentia, simul & sanctitate ac
signis, ut divinitus promissi, perti-
nacissimè expectati, tandem dati.

2. Non est omittendus hujus Coa-
ctionis & Imperii Antichristiani Ty-
pus celeberrimus, qui præcessit in Antiocho
Epiphane, illo persecutore apud Da-
nielem & in libris Machab: quorum
lib. 1. cap. 1. sanciebatur, (v. 51.) *quicun-*
que non fecissent secundum verbum Re-
gis Antiochi morerentur, & v. sequente
secundum omnia verba hæc scripsit omni
Regno suo, & præposuit Principes populo
qui hæc fieri cogerent. Similiter atque
in hoc loco Apocalypseos v. 15. **UT,**
QUICUNQUE NON ADORA-
VERINT IMAGINEM BESTIÆ,
OCCIDANTUR. &c.

Apertè S. Hieronymus, de toto eo
quod Daniel prophetat cap. 11. inde à
versu 21. usque ad finem Capitis, ex
interpretatione non suâ tantum sed &
ante se interpretum Christianorum:
typum eum, inquit, *volum esse Antichri-*
sti; & *quæ in illo ex parte præcesserint,*
in Anichristo ex toto esse complenda. Il-
lumque addit esse *morem Scripturæ san-*
ctæ. & E. C. adducto psalmo 71. qui
inscribitur Salomoni & impletur de-
nique in Christo; subiungit: *Sicut igitur*
Salvator habet & Salomonem & ca-
teros Sanctos in Typum adventus sui: sic
& Anichristus pessimum Regem An-
tiochum, qui Sanctos persecutus est, Tem-
plumque violavit, rectè Typum sui ha-
buisse credendus est. Brevius ante Hie-
ronymum S. Cyprianus lib. de exhort.
Adri. cap. 11. *In Antiocho Antichristus*
expressus.

3. Quin & Imaginis adoratio, de
Pars II.

qua diximus §. precedente, id est Ju-
dashini regnantis: & sessio Antichristi Et Selli-
in Templo consentiunt cum inter se, onis in-
tùm cum eodem Typo, abominatione templo:
illâ quam Antiochus posuit in Tem-
plo Hierosolymitano; *foris Olympi si-*
mulachrum, ait S. Hieronymus, & *An-*
tiochi statuas (ex lib. 1. Mach. cap. 1. v.
57. & 2. Mach. 6. v. 2.) *quas nunc abo-*
minationem desolationis vocat: quæ uni-
versa in Typo Anichristi (Scriptores)
Nostri præcessisse contendunt; qui sessurus
est in Templo DEI & se facturus ut
Deum. Est enim Antichristus abo-
minatio, si minus ea de qua Dan. 9. v.
26. & 27. quam citavit Christus Matth.
24. v. 15. at ea de qua Dan. 11. v. 31. quæ
est de Antiocho: & ea de qua Dan. 12.
v. 11. ubi non tam de Antiocho quàm
de Antichristo prophetatur, & quidem
historico ipso in sensu: prout testatur
S. Hieronymus quæst. 4. ad Algasiam:
quando abominatio desolationis steterit in
loco sancto: quod quidem iuxta literam de
adventu Anichristi prædicari nulli du-
bium est. Immo S. Hilarius (cujus scri-
pta mirificè laudat S. Hieronymus) et-
iam illam abominationem desolationis
stantem in loco sancto, de qua Chri-
stus Matth. 1. c. interpretatur ex mente
Christi esse Antichristum: & explicans
singula ex illis tribus quæ illuc dicuntur,
sic scribit (canone 25. in Matth.) *De*
Antichristi enim temporibus ista locutus
est. *Abominatio ex eo dictus, quod ad-*
versus Deum veniens honorem sibi DEI
vindicet: Desolationis autem abomina-
tio; quia bellis & cadibus terram cum
periculo desolaturus sit: Atque ob id aflu-
dens susceptus loco sanctificationis insister;

F

ut

ut ubi Sanctorum precibus DEUS invocabatur, illic ab infidelibus receptus DEI honore venerabilis sit.

Hiero-
solymi-
tano.

Quod autem diximus de Sessione in Templo DEI : de qua S. Augustinus lib. 20. de Civ. cap. 19. *Nulli dubium est, cum* (Apostolum 2. Thess. 2.) *de Antichristo ista dixisse*: communior est sententia SS. Patrum, fore ut sedeat in Templo Hierosolymitano. ita S. Irenæus lib. 5. cap. 25. de Apostolo: *quoniam Hierosolymis Templum per dispositionem veri DEI factum est, Templum illud dixit DEI.* S. Cyrillus Hier. cat. 15. *ut ipse in Templo DEI sedeat: quale autem Templum dicit? In Templo quod reliquum est Judæorum. si enim tanquam Christus ad Judæos veniet, a Judæis sanè adorari volet, ut illos maxime decipiat: Studiosissimum se esse ostendet illius Templi, ut ipse de progenie David esse videatur, qui Templum à Salomone olim exstructum ipse sit readificaturus.* S. Ambrosius in Luc. 21. *abominatio enim, ait, desolationis, execrabilis adventus Antichristi est sedens juxta historiam in Templo.* S. Damascenus lib. 4. de fid. cap. 27. *ut in Templo DEI sedeat, demonstrans seipsum quòd sit DEUS; in Templo quidem DEI, non nostro, sed veteri Judaico: non enim nobis, sed Judæis veniet.*

Utique existimatione Messie apud illos acquisitâ sumpsit sibi instaurandam splendidissimè & citissimè Hierosolymam cum Templo; collaborantibus non solis Judæis sed & Diabolis: tradiditque Judæis incolendam: quando ipso sedente in Templo DEI complebitur unanimi adoratione illud

Christi quod prædixit Joan. 5. v. 43. *si alius venerit in nomine suo* (non legitimè missus) *illum accipietis: alium, inquit S. Irenæus* (lib. 5. cap. 25.) *dicens Antichristum.*

Ibi tunc & Potestas imperandi, & Imago simulata, & Persecutionis coactio, hæ omnes machinæ simul operabuntur totis 42. mensibus.

Quo tempore resistent duo Testes, Adver-
de quibus in prima Parte Apoc. cap. 11. *fantibus*
qui & Potestatem suam divinam op- *ei 2. Te-*
ponent Potestati: & veram DEI Le- *stibus;*
gem Imagini confictæ: & tolerantiam *Quibus*
atque exhortationem Persecutioni: *relerva-*
eâ denique mutatione dexteræ Excelli *tur redu-*
& eventu; quem post impostoram & *ctio Ju-*
ærumnas trium annorum & dimidii *daorū.*
tradunt ex Prophetis & Apostolo SS. *Patres omnes de reliqua gente Judæo-*
rum. S. Hieron. in psal. 20. per Eliam
& Enoch credituri sunt in finem. Et S. *Aug. lib. 20. de Civ. cap. 28. S. Greg.*
l. 11. mor. cap. 9. Elia, veniente promi-
ttitur ut reducat corda filiorum ad Patres
eorum (Malach. 4. v. 6.) quando hoc in-
telligere de Domino cœperint filii quod
prædicaverunt patres. & hom. 12. in
Ezech. in fine mundi Judæi ad fidem
redeunt.

Cætera de Antichristi exercitu: & genere prælii; partim prædicatione & seductione animarum, partim persecutione corporum: ejusdemque clade & interfectione locus erit tractandi Apoc. 19. ubi dicemus, quòd Christiani non se illi opponent prælio materiali; sed præparatione ad Martyrium: nec istud Enoch & Elias agent ut fiat; sed erunt prælia spiritualis Duces.

Hacten-

Hactenus in hoc Capite Historia prophetica de Bestia posteriore: & narratio plena de utraque Bestia. Sequitur Index in tempora hujus prophetiæ; Versus 18.

TRACTATUS XXI.

IN CAPITIS XIII. Versum postremum.

Postquam de utraque dixit Bestia, indicat unde possit dignoscitur tempus quando hæc incipient.

VERBA APOCALYPSEOS.

(Cap. 13. Vers. 18.) *Hic sapientia est. Qui habet intellectum, computet numerum bestiae. Numerus enim hominis est, & numerus ejus sexcenti sexaginta sex.*

§. I.

De illis verbis: Hic sapientia est.

Sapientia est: Primò scire utriusnam Bestiæ numerus afferatur è duabus. Secundò, quo consilio is numerus reveletur. Tertiò, cur hujus potius Bestiæ quàm alterius.

Numerus est prioris Bestiæ:

1. **E** Tenim duplex Bestia descripta est in hoc Capite: & admirabilis est Apocalypsis, quæ relinquare videtur Lectorem suspensum in medio, utrius Bestiæ sit numerus de quo agit: ejusne quæ est prior & cujus faciet posterior potestatem, an verò ipsius posterioris. Sed qui revolverit diligenter hoc Caput Apocalypseos, & ponderaverit ea quæ dicuntur de admiratione illius quæ est BESTIA PRIMA, & ejus CUIUS CURATA

EST PLAGA MORTIS, & QUÆ HABET PLAGAM GLADII ET VIXIT, quòdque in illius CONSPECTU (utpotè alterius) facturus sit alius SIGNA, & quod illius sit futura IMAGO & simulatio quæ loquatur, & cui ab altera Bestia imperetur cultus seu adoratio: is ex verbis Joannis illud arbitrabitur, sine ulla dubitatione describi numerum primæ Bestiæ.

2. Et hoc eo consilio perneccessario: Fuit is
F 2 ut

Necessa-
riò præ-
nuntian-
dus.

ut agnoscendo primam Bestiam, quæ est Imperium infidele, animadvertant Christiani securam esse posteriorem Bestiam quæ est Antichristus cum suo Regno. Maximè, quòd prima Bestia sit longæva : & sit ea ipsa quæ utetur Antichristus & quam traducet in suum Imperium, addito colore Legis DEI ac præsentia Messia.

3. His enim ad eum modum prophetatis, optabilissimum fuit ut Apocalypsis detegeret certo indicio illud tempus primæ Bestiæ : quoniam hac exortâ nulla supererit præsolatio sapientibus, præterquàm ut superadveniat tritium & dimidii annorum Bestia Imperium Antichristianum.

Potius
quàm
Posteri-
oris.

HIC, inquit S. Joannes, SAPIENTIA EST : & ad hujus animadvertionem nominis & computum numeri provocat : QUI HABET, inquit,

INTELLECTUM. COMPUTET NUMERUM BESTIÆ : videlicet primæ; cujus de mari ascensus erit sapientibus in toto orbe terrarum prodromus manifestus advenientis secundæ, & imminentis, ac prævidendæ iis qui habuerint intellectum; nempe Antichristiani Imperii cui præcurret. Nam ipsa secunda Bestia prodet se abundè orbi terrarum suâ additione Imaginis, & suo nomine Messia, & concursu ad illum Judæorum, & ædificatione Templi, & exultatione istorum & immanitate persecutionis, cujus solatium erit tempus perbreve, quod non egeat novo indicio.

Quæritur igitur, quis sit numerus prioris Bestiæ : de qua tanta dicta sunt, & cum qua nectuntur cætera breviora.

§. II.

De illis verbis : Computet numerum.

Computatio est
notarum
Græcarum:

1. Nemo dubitat quin hæc supputatio debeat esse notarum Græcarum : quia eo idiomate Apocalypsis est scripta : & ipse numerus est per notas Græcas adscriptus. Unde S. Irenæus, contiguus Apostolicorum temporum, scriptum relinquit lib. 5. cap. 30. eos qui S. Joannem viderunt, testimonium perhibere, quòd numerus Bestiæ sit secundum Græcorum computationem (κατὰ τὴν τῶν Ἑλλήνων ψήφον) per literas quibus nomen constabit. Et in eadem Apo-

calypsi in cap. 7. ubi agitur de numero Signatorum, ea etiam numeratio non exprimitur secus quàm per Græcas notas : dum enim dicitur, centum quadraginta quatuor millia, græcè habetur *μυδ' κίλιάρδες* : & ex omni tribu duodecim millia, græcè habetur *ιβ' κίλιάρδες*.

2. Mos enim est Græcis per literas Per Alphabeta numerare : sicut etiam in phabetâ sua lingua Hebræi per suas numerant Græcû literas : & Latini per suarum aliquas, videlicet per *M, D, C, L, X, V, I*.

In Græcorum quidem Alphabeto
 α, quæ est prima illorum litera, signi-
 ficat unitatem : β significat binarium :
 γ ternarium : δ quaternarium : ε qui-
 narium : signum deinde ς, quod in-
 terponitur in medio numerationis
 inter ε & ζ, senarium : ζ septenarium :
 η nu. ærum octavum : θ nonum :
 litera iota (ι) decimum : exin κ vi-
 gesimum : λ tricesimum : μ quadra-
 gesimum : ν quinquagesimum : ξ se-
 xagesimum : ο septuagesimum : π o-
 ctogesimalum : ς vel Ϸ inter π & ϑ,
 nonagesimum : ϑ centesimalum : τūm
 deinde σ ducentesimalum : τ trecent-
 esimalum : υ quadringentesimalum : &
 sic deinceps.

3. Computetur ergo numerus, ex-
 hortante Apocalypsi : qui si manifestè
 deprehenditur esse numerus hominis
 à quo Bestia habeat appellationem, &
 numerus sit 666. hoc numero inven-
 to is qui fidem habet Apocalypsi &
intellectum, ne dubitet agnoscere Be-
 stiam.

Ter se-
 narii.

Nec vacat, quòd Numerus sit Se-
 narius, qui est figura hujus tantum-

modò temporis & corruptionis : in-
 faustus, peccato deformatus proto-
 plattorum, & ater, hujus mundi cujus
 principatum sibi violenter arripuit
 Diabolus : sicut è contrario nomen
 In hoc apud eosdem Græcos numerum
 habet 888. qui est Symbolum æterni-
 tatis & salutis perpetuæ, pro hac enim
 obtinenda inscribuntur psalmi quo-
 rum titulus est pro octava, hoc est pro
 æternitate Beata & immortalitate.
 Juxta expositionem S. Augustini in
 psal. 11. *pro octava : pro aeterno sæculo*,
 inquit, *quod post hoc tempus, quod se-
 piem diebus voluitur, dabitur Sæn-
 ctus.*

At JESUS
 est ter
 octona-
 rii.

Jam si habeamus intellectum, ex
 eo quod prædictum est in Apocalypsi,
 & ex eo quod ob oculos totius mun-
 di cernitur adimpleri, computemus
 numerum. debet enim esse NUME-
 RUS BESTIÆ, id est, ut demonstra-
 vimus dudum ex Scriptura, infidelis
 Imperii : debet esse NUMERUS
 HOMINIS, qui sederit primus in eo
 Imperio : & debet Græcis literis nec mi-
 nus nec plus inesse *numeri* quàm 666.

§. III.

De illis verbis : Numerus hominis est : 666.

Nume-
 rus est
 Maho-
 metani
 Imperii:

1. **H**is positis manifestum est sapi-
 enti ; quòd Bestia prima, Im-
 perium Mahometanum, primo sit Im-
 perium infidele, atque adeò Bestia :
 secundo quòd inchoatum ab homine,
 inter Imperatores ejus gentis primo
 invasore Orientalis Imperii, cujus no-

men græcè Μαμετς : sic enim Histo-
 rici Græci nobis hoc nomen reliquere
 scriptum (& est apud Græcos Gram-
 maticos formæ seu declinationis ejus-
 dem cujus est nomen proprium viri
 Μαρς Μαρδος :) tertio æquè au-
 tem manifestum, quòd in Græca

F 3 lin-

lingua nomen Μαωμέτις constituat numerum 666.

Nam numerus μ est 40. α est unitas: \circ est 70. μ iterum 40. ϵ numerus est quinquarius: τ est 300. jota est 10. signa est 200. quod etsi in fine vocabulorum apud Græcos scribatur suo modo, nihil aliud tamen est quam Sigma; ut novit quisquis vel modicè tinctus est illâ linguâ, & in numero *Ιησοϋς* supra evidens est.

Jam additio arithmetica horum numerorum, pueris nota est: sicut & numeri ipsi noti sunt pueris qui græcè discunt:

M	—————	40
A	—————	1
O	—————	70
M	—————	40
E	—————	5
T	—————	300
I	—————	10
Σ	—————	200

Summa numeri: omnino 666. græcè *ϞϞϞ*.

Cui succedet
Anti-
christus.

Hæc est prima Bestia. Transferamus huc verba S. Irenæi lib. 5. cap. 30. *Hunc autem numerum nominis ostendit, ut caveamus venientem scientes quis est.* Est enim Antichristus is qui succedet huic Bestiæ priori: hanc consecratione & colore Imaginis superinducto faciet adorari: huic additâ infidelitate & superstitione multò majore ac speciosiore, rapiet Imperium ad se, & in illo elatus ostendet se gerere ut Deus.

2. Si quis ex Patribus hunc ipsum numerum tribuere videtur Antichri-

sto, meretur defendi. Primò, quia Patres antiqui non ita distinxerunt inter has Bestias, eò quòd viderint à longè & confusè inter se Bestiam utramque: sed expressè Apocalypsis distinguit: & nos tot decursu annorum propius videmus ac discernimus. Secundò. Et ita tamen est ut rectè possit attribui: tempore enim Antichristi erit illamet Bestia ipsummet Imperium Antichristi unum atque idem, solo nomen tectorio incrustatum, ut sæpè diximus.

3. In hoc computo procul absumus ab opinione quæ Mahometem illum antiquum, veteratorem, illum tantummodò Arabum Ducem & prædatorem quoad vixit, neque unquam Imperatorem Romanum, dixerit esse Antichristum: vel Sectam ejus Mahometanam: imò nec eam prout nunc est. Oportet enim ut maneat substantia quidem ejus Imperii quatenus est Infidèle: sed non est illud Antichristianum, propriè sumendo hanc appellationem Antichristi, ut supra monuimus: non est, inquam; Antichristianum sine pseudo-Messia venturo & quoad infideli Regno fucus addatur ac lenocinium sanctæ Imaginis. Hoc nostris temporibus advenisse non dicimus, sed negamus.

Placeat Lectori attento expendere quid afferamus. Ecce dicimus primò id quod oculis omnium cernitur hominum: dari Bestiam quæ sit Imperium Mahometanum. Dicimus secundò illam esse Bestiam priorem: & convenire illi numerum nominis hominis; primus enim Imperator nomen habuit

Proinde
& Anti-
christia-
ni Impe-
rii suc-
cessuri.

Nihil
nobis cū
Mahome-
te nō
Impera-
tore.

Funda-
mentū
est in A-
pocaly-
psi;

habuit Mahometis qui expugnavit Imperium Constantinopolitanum anno Christi 1453. & retinet in suis successoribus: id quod æquè est evidens & ob oculos. At tertio distinguimus illam priorem Bestiam à posteriore, neque confundimus: sicut nec S. Joannes confudit sed distinxit, hanc dicimus, cum S. Joanne, secururam, & fore ALIAM (v. 11.) verum ita, ut, cum adveniret, potestatem faciat omnem ejusdem prioris Bestiæ; nam revera & coram Deo tam erit ac plus infidele Regnum ejus, & tam ac plus multo potens quam illa Bestia prior: ac fore ut illi addat Imaginem, Simulationem Messie & Signorum ejus. hoc enim dicimus facturam esse posteriorem Bestiam, Antichristum cum suo Regno Judaico quod superveniet prioris Bestiæ.

Denique si quis voluerit divinare, aliud præterea nomen ejusdem numeri futurum ipsi Antichristo aut Bestiæ secundæ (sicut de Antichristo suspicatus fuit S. Irenæus l. c. esse ei nomen posse TEITAN aut æquivalens

quod græcis literis, eundem denotet numerum:) hoc non repugnat iis quæ à nobis sunt dicta. Veruntamen eò discrimine: quòd de Bestia priore jam factum sit; de posteriore expectandum, & videlicet in fine sæculorum. Neque hoc Apocalypsis determinat: nomen autem primæ determinasse operæ pretium potius fuit, ac tempori: primò quia, ut paulò ante indicavi-
mus, dies Bestiæ primæ erunt longiores; at Bestiæ secundæ seu Imperii Antichristiani erunt perbriefes. Secundò, quia ipse Antichristus est successurus in potestatem illius prioris, utpote cui Iple addet Imaginem & divinitatem; cum sit cætera idem Imperium utriusque, id est Infidele & à Dracone institutum. Tertio, hic enim finis præcipuè spectatur: quia qui Bestiam primam viderint tenere culmen Imperii, nam hic est Sapientia, intelligent Præcursores adesse Antichristi: & qui haber intellectum, cavebit atque in expectatione erit Antichristi, illud Imperium è vestigio haud multis post sæculis secuturi.

De Bestia priore.

TRACTATUS XXII.

IN CAPUT XIV.

Recensentur Sancti illustriores qui triumphabunt his temporibus. Et respondet hoc Caput primæ Parti Apocalypseos Capiti 7. de recensitione Signatorum: consentit utrobi-
que numerus 144. millium, id est duodecies duodecim millium, numerus selectus.

VERBA

VERBA APOCALYPSEOS.

(Cap. 14. Versu 1. & seqq.) *Et vidi, & ecce Agnus stabat supra montem Sion, & cum eo centum quadraginta quatuor millia, habentes nomen ejus, & nomen Patris ejus scriptum in frontibus suis. (v. 2.) Et audiui vocem de cælo, tanquam vocem aquarum multarum, & tanquam vocem tonitruum magni: & vocem, quam audiui, sicut citharædorum citharizantium in citharis suis. (v. 3.) Et cantabant quasi canticum novum, ante sedem, & ante quatuor animalia, & seniores, & nemo poterat dicere canticum, nisi illa centum quadraginta quatuor millia, qui empti sunt de terra. (v. 4.) Hi sunt qui cum mulieribus non sunt coinquinati: Virgines enim sunt. Hi sequuntur agnum quocunque ierit. Hi empti sunt ex hominibus primitiæ Deo, & Agno: (v. 5.) Et in ore eorum non est inventum mendacium: sine macula enim sunt ante thronum Dei. (v. 6.) Et vidi alterum Angelum volentem per medium cæli, habentem Evangelium æternum, ut evangelizaret sedentibus super terram, & super omnem gentem, & tribum & linguam & populum. (v. 7.) Dicens magna voce: timete Dominum, & date illi honorem, quia venit hora iudicii ejus: & adorare eum, qui fecit cælum & terram, mare, & fontes aquarum. (v. 8.) Et alius Angelus secutus est dicens. Cecidit, cecidit Babylon illa magna: quæ à vino iræ fornicationis suæ potavit omnes gentes. (v. 9.) Et tertius Angelus secutus est illos, dicens Voce magna: Si quis adoraverit bestiam & imaginem ejus & acceperit characterem in fronte sua aut in manu sua. (v. 10.) Et hic bibet de vino iræ Dei, quod mistum est mero in calice iræ ipsius, & cruciabitur igne & sulphure in conspectu Angelorum sanctorum, & ante conspectum agni. (v. 11.) Et fumus tormentorum eorum ascendet in sæcula sæculorum: Nec habent requiem die ac nocte, qui adoraverunt bestiam & imaginem ejus, & si quis acceperit characterem nominis ejus. (v. 12.) Hic patientia Sanctorum est, qui custodiunt mandata Dei, & fidem Iesu. (v. 13.) Et audiui vocem de cælo, dicentem mihi: Scribe: Beati mortui, qui in Domino moriuntur. Amodo jam dicit spiritus, ut requiescant à laboribus suis, opera enim illorum sequuntur illos. (v. 14.) Et vidi, & ecce nubem candidam: & super nubem sedentem, similem filio hominis, habentem in capite suo coronam auream, & in manu sua falcem*

o falcem acutam. (v. 15.) Et alius Angelus exiit de templo, clamans vo-
ce magna ad sedentem super nubem: Mitte falcem tuam, & miete, quia
venit hora ut metatur, quoniam aruit messis terra. (v. 16.) Et misit, qui
sedebat super nubem, falcem suam in terram, & demessa est terra. (v. 17.)
Et alius Angelus exiit de templo, quod est in celo, habens & ipse
falcem acutam. (v. 18.) Et alius Angelus exiit de altari, qui habebat
potestatem supra ignem: & clamavit voce magna ad eum qui habebat
falcem acutam, dicens: Mitte falcem tuam acutam, & vindemia vitros
vineae terra: quoniam matura sunt uvae ejus. (v. 19.) Et misit Angelus
falcem suam acutam in terram, & vindemiarunt vineam terra, & mi-
sit in lacum ira Dei magnum: (v. 20.) & calcatus est lacus extra civi-
tatem, & exiit sanguis de lacu usque ad frons equorum per stadia
mille sexcenta.

§. I.

De aureola Virginum.

11. **A** Blosius S. Joannes in hoc Capite 14. secundam hujus alterius Partis Apocalyptice Visionem: ejus & precedentis hinc est ordo & connexio. Primum de Muliere & Dracone, de commisso contra illam p[re]lio, victoribus primis Martyrum, de Mulieris exaltatione post raptas easdem primicias: & de summe quod ex ore Draconis egestum absorbit terra. Secundo de eo quod Draco innovaturus p[re]lium cum reliquo semine Mulieris designaverit apud se Bestiam priorem, quæ de mari: & posteriorem aliam Bestiam quæ de terra sit ascensura: quibus duabus Bestiis S. Joannes totum perstrinxit conatum Draconis reliquorum obsequio ad tempus Judæi extremi. In quo antiquam fidem imponat his duabus Visionibus, *Part II.*

describitur Triumphus Sanctorum
post persecutionem: quorum prima &
illustris portio Virgines.

2. Neque enim deerit in omnibus Trium-
his persecutionibus Ecclesiæ numerus phus Vir-
Vaginum in primis. Hic est Chorus ginum:
eorum quibuscum sit AGNUS om-
nium conjunctissimis SUPRA
MONTEM SION, in Beautudine:
quorum IN FRONTIBUS NO-
MEN EJUS ET PATRIS EJUS.
VOX eorum DE COELO TAN-
QUAM AQUARUM MULTA-
RUM, id est ex populis multis sele-
ctorum: & vox TANQUAM TO-
NITRUI MAGNI perstringentis
nubem ignitam, fomitem concupis-
centiæ carnalis: & concentus SICUT
CITHAROEDORUM, quorum
cithara tota compages corporis libati

edit sonoram melodiam : & simul can-
rant QUASI CANTICUM NO-
VUM ore virgineo : ANTE SE-
DEM, id est coram DEO; ET AN-
TE 4. ANIMALIA, id est juxta
consilium Evangelicum; & ante SE-
NIORES, tanquam pars illustrissima
status Ecclesiastici. Dicitur *Novum*:
tūm quia non ex usu veteris Legis, sed
novæ: tūm quia novum ipsum & sin-
gulare quod NEMO poterit discere
aut DICERE *inquiritur cum mu-*
here.

Nume-
rabilia.

Sequen-
tium
Agnum,
&c.

3. Horum numerus est 144. MIL-
LIA: numerabiles enim: Matth. 19.
v. 11. *non omnes capiunt verbum istud,*
sed quibus datum est. HI (v. 4.) SE-
QUUNTUR AGNUM in vesti-
gus ejus omnibus QUOCUNQUE
præ-IERIT, qui pascitur inter lilia.
Quid est, ait in hunc locum S. Augu-
stinus (lib. de sancta Virginitate, cap.
27.) *eum sequi nisi imitari? multa in*
illo ad imitandum omnibus proponuntur:
Virginitas autem carnis non omnibus;

non enim habent quid faciant ut virgines
sint, in quibus jam factum est ut virgi-
nes non sint! (& cap. 28. pergit) *sequan-*
tur uaque Agnum ceteri fideles qui vir-
ginitatem corporis amiserunt: non quo-
cunque ille ierit, sed quousque ipsi potue-
runt: possunt autem ubique, præter cū in
decōre virginitatis incedit. HI, ait Apo-
calypsis, singulariter EMPTI SUNT
pretio magno de terra & de contagio
terreno, ut essent æquales Angelis,
Luc. 20. v. 36. & Matth. 22. v. 30. eō
quod glorificaverint DEUM in corpo-
ribus suis sicut IN CITHARIS; quæ
illum retinent cœlestem sonum in æ-
ternitate & recreant ceteros Beatos.
Maximè si non solum Virgines carne
verum etiam mente semper quæ nullo
doli ambitu (ut S. Ambrosius loquitur
ad Virgines) sincerum adulterium af-
fectum, nullo mendacio velata MA-
CULA noxæ mortalis: & ut S. Aug.
l. c. *ulibata virginitatis in corpore, in vio-*
lata veritatis in corde.

Compellemus non sine suspitio Augustiniano, & gratulemur sequentibus
Agnum quocunque ierit. quò ire putamus (hæc est apostrophæ S. Au-
gustini) hunc Agnum, quò nemo eum sequi velandæat vel valent nisi eos: quò
putamus cum ire? in quos saltus aut prava? (respondet:) ubi, credo, sunt
grandia gaudia, nec gaudia qualia in ipso Regno DEI ceteris non virginibus e-
runt, sed a ceterorum omnium gaudiorum sorte distincta. Nam sunt alia alia,
sed NULLIS TALIA! Hæc Augustinus. Quæ infamia prostituisse ita te-
mere Virginitatem: lenticolâ vendidisse jus primogenituræ: primitias de-
liciarum cum Agno!

§. II.

De aureola Doctorum: & Martyrum.

H Abbebat inter Sanctos, ut vidi-
mus Choro Virginum præcini-

mentiam suam, de qua Christus Matth.
19. v. 12. qui potest capere, capiat.

6. Ha-

Trium-
phus
Docto-
rum.

1. Habeant deinde suam etiam pre-
cellentiam Sancti Doctores & Præpo-
siti, de quorum fulgore Daniel c. 12. v. 3.
Horum est dignitas fuisse officio
Angelos, id est nuntios Altissimi.
Ergo pro his representandis veniant
in Apocalypsi & sibi invicem succe-
dant tres Angeli: propterea quod tria
sint munera Præsulum & Doctorum
Ecclesiasticorum. primum est annun-
ciare EVANGELIUM salutis Æ-
TERNUM: pervolvendo PER ME-
DIUM Ecclesie, ut fiat in omnem
TERRAM ET POPULUM sonus
eorum: atque exhortari MAGNA
VOCE, cujus hæc sit materia; (v. 7.)
timor, honor, cultus seu adoratio Creato-
ris qui vicinus imminet Judex. Al-
terum eorum officium & primum con-
tinuum est, dehortari ab illecebra Ba-
byloni & poculo quod propinat omni-
bus gentibus, jam jam casura. Ter-
tium, & his postremis temporibus ap-
pripue necessarium, annuntiare ad con-
stantiam & ad generosum potius mar-
tyrium quam ut admittant cultum Be-
stie & Imaginis, aut CHARACTE-
REM, sub interminatione calicis IRÆ
DEI æternæ ac vindictæ per Angelos
sanctos & Agnem sumendam crucia-
tu ignis & sulphuris ac tormetorum

fumantium sine fine sine requie, sine
intermissione. Hæc omnia Apoca-
lypsis.

2. HIC, inquit, PATIENTIA
SANCTORUM EST, & *custodia*
mandatorum ac fides Jesu: quæ est
tertia prerogativa Martyrium: de qui-
bus *Vox* DE COELO, digna cedro:
SCRIBE, inquit; BEATI MOR-
TUI QUI IN DOMINO, & ve-
rò etiam pro Domino, MORIUN-
TUR: his JAM loquitur Consola-
tor SPIRITUS, de *requie* A LABO-
RIBUS, & *fructu operum*; quorum
sicut illud fuit maximum (Joan. 13.
v. 13.) posuisse animam pro Deo, ita
semel impensum sequitur gloria ope-
ris æternæ.

3. Hactenus representatio Sancto-
rum: & inter illos eorum qui illu-
striores cum suis aureolis, Virginum,
Doctorum, Martyrum, quod etiam re-
ducitur Confessorum chorus: quia &
hi in patientia sua possederunt animas
suas & in Domino defuncti sunt per
beatam mortem. qui est exitus utrius-
que Visionis & persecutionis continua-
te per Draconem & utramque Be-
stiam: auxisse & illustrasse numerum
Sanctorum in Cælo.

Trium-
phus
Marty-
rum:

Cætero-
rumque
beatorum.

§. III.

De messe, & de vindemia terræ.

1. ESSE autem hunc finem præce-
dentium Visionum patet ex eo
quod productæ sint usque ad Judicium

novissimum; de quo sunt cætera Ca-
pituli. Primum *vidisse* (v. 14.) SIMILEM Filium
FILIO HOMINIS, Regem specta-
bilem

G 2

PROPHETIÆ APOCALYPTICÆ

52

cū fal-
cemef-
foria.

Angelus
cū falce
vinde-
miato-
ria.

Messis
enim est
electo-
rum:

bilem coronā aureā & SUPER NU-
BEM; cum potestate quasi FALCE
messoriā IN MANU SUA, quam
acuerit ad demetendam tetram. Cui
potestati testimonium præbet antea in-
bulo Angelus: & promulgat venisse
horam præstitutam, & aruisse messem.
id est, esse tempus summæ maturitatis;
Matth. 13. v. 39. *messis vero consumma-
tio sæculi est.* Secundò, vidisse (v. 17.)
alium Angelum qui ET IPSE habe-
bat FALCEM AC VITAM vinde-
miatoriā: & ad proclamationem si-
militer alterius Angeli, cū potestas erat
commisā SUPRA IGNEM in
quem mittendi sint reprobi (juxta il-
lud Domini de Angelis, Matth. 13. v.
49. *mittent eos in caminum ignis;*) ju-
betur vindemiare BOTROS VI-
NEÆ TERRÆ, Isā. 5. v. 7. domus
Istæ: QUONIAM MATURE
SUNT VIVÆ EJUS.

2. Et Messis quidem est salvando-
rum: quam magis decet attribui Filio
hominis ipsimet ad quem pertineat:
Vindemia verò reproborum, quæ fiat
per Angelos administratos, est vindi-
cæ: Matth. 13. c. *exibunt Angeli & se-
parabunt malos,* quod dictum est in
parabola de semine: in qua illud ipsum
discrimen inter Christum & Angelos
observat S. Chrysostomus hom. 48. in
Matth. *Ad benefaciendum quidem, ait,
pronus est: a desiderio autem puniendi
abstinet. nam quando seminat per seipsum
id peragit: supplicia verò per alios infert:
mittet enim, inquit, Angelos suos.* Hæc
Chrysost. quod maxime convenit hinc
loco: Nam Messis accipitur ferè in
bonam partem: ut Joan. 4. v. 35. ubi

regiones dicuntur *albæ jam ad messem:*
& Matth. 3. v. 12. ac Luc. 3. v. 17. *con-
gregabit triticum in horreum suum.* E
contrario Vindemia pleiunque sumi-
tur in malam partem à Scriptura: in
psal. 99. v. 13. *& vindemiant eam om-
nes (malitii) qui prætergrediuntur viam.*
& Thren. 1. v. 12. *Vindemiant me ut
locutus est Dominus in die ira futuræ
sue.* De utroque etiam Joë; qui æ-
què distinguit cap. 3. postquam enim
dixisset de Judicio extremo v. 12. *Con-
surgant & ascendant gentes in vallem Jo-
saphat, quia ibi sedabo ut iudicem omnes
gentes in circuitu;* discernit messem à
vindemia, v. 13. nam de messe, *mutite,*
inquit, *falces quoniam maturui messis:*
de vindemia autem; *venite & descendi-
te, plenum est torcular (sanguine, qui
sanguinem tetigit) exuberant torculi-
ria: quia, inquit, multiplicata est mali-
tia eorum.*

3. Quod autem omnes hi Angeli
exire dicantur DE TEMPLO, hic
v. 15. & DE TEMPLO QUOD
EST IN COELO, utique in Eccle-
sia sancta, v. 17. & exire DE ALTARI
v. 18. non caret admonitione 1. Pet. 4.
v. 17. *fore ut incipiat iudicium à domo
DEI,* & ab intimis domus qui sunt
Ecclesiastici: & Ezech. 9. v. 6. *à San-
ctuario meo incipite.* Væ malis: quia
v. 19. huius Capitis Apocalyplici, VIN-
DEMIAVIT VINEAM TERRÆ;
Ecclesiam quæ illis credita est colen-
da: ET MISIT botros turgidos san-
guine vivæ, viros sanguinum, IN LA-
CUM IRÆ DEI MAGNUM,
quod est torcular vini furoris IRÆ DEI,
urditur Apoc. 19. v. 15. ET CAL-
CATUS

Vinde-
mia est
malorū.

De tem-
plo & de
Altari.

CATUS EST LACUS : prelli sunt
borti & promiscui, de teo à malua eo-
rum & eff. à EXTRA CIVITA-
TEM sanctam inter reprobos.

*Sanguis
nisque ad
franos.* Ibi EXIVIT SANGUIS, qui est
reatus scelerum expressus in Iudicio,
exuberatione copiosissimas et enim al-
titudine cumulatâ, qualis est USQUE
AD FRÆNOS EQUORUM cal-
cantis Christi & Equum victorioso-
rum alborum, ut habetur Apoc. I. c.
v. 14. Amplitudine verò & spatio
tanto quantum est PER STADIA
MILLE SEXCENTA : græcâ uti-
que mensurâ, quorum stadiorum decem
constituunt milliare Italicum
*Per sta-
dia
1600.* quod sunt mille passus. fuit autem, re-
fle S. Hieronymo ad Dardanum in ep.
119. terras promissæ tota longitudo, à
Dan usque Bersabee, centum sexagin-
ta miliarium, id est stadiorum mille

sexcentorum : quo significatur per to-
tam longitudinem Ecclesiæ non defu-
torum sanguinem reprobium qui ex-
primatur & extra eam conculcetur, in
DEI, & abominatione Sanctorum ci-
vium sempiternâ.

Quid si quædam commentan-
tur etiam lacus ita DEI magnus, id
est Infernus (Isa. 14. v. 15.) describatur
esse stadiorum mille sexcentorum lon-
gitudinis, eisdem verò & latitudinis,
ac totidem profunditatis : quæ est ca-
pacitas secundum singulas ex his tribus
dimensionibus, centum sexaginta mil-
liarium Italicorum, quorum unum-
quodque est mille passuum. Calcani
autem recte dicitur in Torculari, pro-
pter pressuram loci sicut contra locus
Beatorum, de qua cap. 21. est sine
comparatione amplior, quamvis lacus
damnatorum superet multitudinem.

TRACTATUS XXIII.

IN CAPUT XV.

Incipit Visio, 7. Angelorum cum 7. plagis

VERBA APOCALYPSEOS.

(Cap. 15. Vers. 1. & seqq.) Et vidi aliud signum in celo magnum
& mirabile, Angelos septem, habentes plagas septem novissimas : Quo-
niam in illis consummati est ira Dei. (v. 2.) Et vidi tanquam mare vi-
treum missum igne & eos, qui vicerunt bestiam, & imaginem ejus, &
numerum nominis ejus, stantes supra mare vitreum, habentes Cytha-
ras Dei : (v. 3.) & cantantes canticum Moysi servi Dei, & canticum
agni, dicentes : Magna & mirabilia sunt opera tua Domine Deus Om-
nipotens.

G 3

nipo-

, *nipotens: iuste & vera sunt vie tue, Rex seculorum. (v. 4.)* Quis non
 , *timebit te Domine, & magnificabit nomen tuum? quia solus pius es;*
 , *quoniam omnes gentes venient, & adorabunt in conspectu tuo, quo-*
 , *niam iudicia tua manifesta sunt. (v. 5.)* Et post hæc vidi, & ecce aper-
 , *tum est templum tabernaculi testimonii in celo. (v. 6.)* Et exierunt
 , *septem Angeli habentes septem plagas de templo, vestiti lino mundo &*
 , *candido, & præcincti circa pectora Zonis aureis. (v. 7.)* Et unum de
 , *quatuor animalibus, dedit septem Angelis septem phialas aureas, plenas*
 , *iracundie Dei viventis in secula seculorum. (v. 8.)* & impletum est
 , *templum fumo à Majestate Dei, & de virtute ejus: & nemo poterat*
 , *introire in templum, donec consummarentur septem plagæ septem*
 , *Angelorum.*

S. I.

De Signo 7. plagarum in genere.

i. **V**IDI, ait, ALIUD SIGNUM
 IN COELO MAGNUM
 ET MIRABILE. Quibus
 verbis satis ostendit esse hanc aliam
 materiam videndi: quam appellavimus
 Visionem tertiam: in qua declaratur
 quis sit futurus novissimus status re-
 rum Ecclesiasticarum circa tempus
 Antichristi.

Vidit ANGELOS SEPTEM,
 HABENTES PLAGAS SEPTEM
 NOVISSIMAS: & addit: QUO-
 NIAM IN ILLIS CONSUM-
 MATA EST IRA DEI. Pater esse
 bonos Angelos: tum quia *vestiti lino*
mundo (v. 6.) tum ex eo quod unus eo-
 rum cap. 17. abstulit Joannem in spi-
 ritu, & ostendit damnationem Baby-
 lonis.

Mirabile! 2. Dicitur primò Visu *mirabile:*
 nempe Angelos in Cælo, eos qui vident

faciem Patris qui in Cælis est, 7. illos
 Præfides & Tutores Ecclesiarum (ii-
 dem enim qui cap. 8. v. 2. in conspectu
 Dei cum Tubis: immò & qui inde à
 cap. 1. v. 4. septem Spiritus in conspectu
 Throni) præfici debere plagis & eos
 effundere super suas Ecclesias! quod
 significat affectum Præfulum & Epi-
 scoporum sanctorum in terris, plenum
 Zelo salutis quo tabescunt in malitia
 populi obdurati & incorrigibilis, simul
 & ultione divini honoris læsi, quam-
 obrem agnoscunt justè deserui eum à
 Deo. Simile quid in Angelis mira-
 bile, de amaritudine & Zelo eorum
 prævidit Isaias cap. 33. v. 7. *Angeli patrum*
amarè flebunt.

Additur proinde: fuisse *signum ma-*
gnum seu indicium publicæ calamita-
 tis: etenim ideo per *septem Angelos*,
 quia communis omnibus Ecclesiis

Signum
 Angelo-
 rum se-
 ptem.

ram Aſia, cum univerſalis per illas re-
praſentare.

Inter-
tantum
plagas:

Eccleſia
locas:

3. Dicuntur ſecundò *Plaga*: quia ſunt verbera & vulnera Eccleſiarum coram Deo & Angelis Beatis. Unde datur intelligi non has eſſe præcipuè plagas quæ ſunt corporum, ſed quæ animarum: ſeductionem videlicet atque apoſtatiæ plurimorum: adeò, ut quæ olim perſecutio in primis Eccleſiæ ſæculis illata corporibus & parturi- tio erat plerumque Martyrium, com- paratè ad hæc tempora non fuerint ap- pellandæ plagæ Eccleſiæ, ſed vi-

ſtorix & palmæ. Quanquam hæc et- iam plagæ futuræ ſunt in hoc ſimiles il- lis Ægyptiacis; ad quas hæc refpicitur (de quibus nomen plagatum, Exod. 9. v. 14. *mittam omnes plagas meas*:) quòd non lædatur iis ſed erudiatur & confirmetur numerus animarum à Deo electarum.

Dicuntur tertio *noviſſimæ*: quia cir- ca ultimum tempus Eccleſiæ, Antiſtiti- ſtanum, de quo additur: fore ut *in* & cum illis *conſummata* ſit ira Dei: pro- pter proximam conſummationem mundi & terræ in iudicio.

Noviſſi-
mas.

S. II.

De ſtantibus ſuper mare vitreum.

7. **D**um hæc ad plagas ſit diſpoſi- tio juxta divinam providen- tiam: ſi nihilominus à Cælo præpara- tio etiam conſtantix pro electis; ut, ſic- ut ſunt permiſſæ ad vindictam impio- rum, ſint ad ſalutem proborum. Si- mulac igitur mentio facta eſt de plagis, prævidet ſtatim S. Joannes non deſi- turos qui pertranſeant illæſi per has plagas.

Mare vi-
treum
multum
igne.

VIDI. q. TANQUAM MARE VITREUM: quod in Cap. 4. v. 6. eſſe divinus Congregationem aquarum, id eſt populorum, Eccleſiam in terris: vidi quòd MISTUM eſſet IGNE ren- tationis, qua uritur propter BEſTI- AM ET IMAGINEM EJUS ET NUMERUM NOMINIS EJUS: ET EOS QUI VICERUNT il- lam tentationem Beſtiæ præ-vidi,

ali. habitu in Cælo Beatorum, qui eſt hujusmodi:

2. *Stabant* SUPER MARE VI- TREUM: id eſt, oſtendebant con- ſtantiam ſuam ſuper omne quod ſuit fragile in Eccleſia hujus ſæculi: cum *cubarent*: & cum *cantarent* operibus & judiciis Dei: et atque harmonia una & eadem utriusque *Canticum*, ejuſ quod in veteri Teſtamento MOYSES DEI SERVUS cum Iſraëliſ trans mare erexit in figurâ, & ejuſ quod in Novo cantat AGNUS cum ſuis qui evadunt trans mare rubrum.

Victores
ſtantes
ſuper
illud.

Canticum
Moſis
& Agni:

3. Utrumque eſt Epinicion, hoc eſt, Canticum victoriæ: cujuſ hæc eſt epi- tome. Primo cantant MAGNA ET MIRABILIA eſſe OPERA DEI quæ iſtis fecit pertranſeantibus: & eſt materia gratiarum actionis. Secundò

Synopſis
canticum.

muſica

ista esse JUDICIA & veras esse vias, sicut præminatus est; per quas laneo veniens pedes conterit impios: & est materia venerationis debita Regi SÆCULORUM. Unde illud interciunt intercalare sancti timoris, ex Jeremia cap. 10. v. 7. **QUIS NON TIMEBIT TE, o Rex gentium!** Tertio optant magnificari NOMEN ejus utroque titulo: tum **QUIA PIUS** sit

seu clemens, & quidem **SOLUS**, eo sensu quo Dominus Luc. 18. v. 19. *nemo bonus nisi solus DEUS*; & Apostolus Rom. 16. v. 27. *solus, ait, sapiens DEUS honor*; & 1. Tim. 6. v. 15. *solus potens*; & v. 16. *qui solus habet immortalitatem: tum quia nullus in judicium; prout manifestum est in ipsius hominibus gentibus max. venturi & adoraturi IN CONSPECTU Judicis.*

S. III.

De Templo Tabernaculi.

1. **POST HÆC**, id est, post prævisionem & prædestinationem, quæ ante omnia DEO cordi est, oritur qui super mare vitreum stabant triumphaturi ut victores: **VIDI**, ait (v. 5.) *aperiri mihi* **TEMPLUM TABERNACULI TESTIMONII IN COELO.** Sensus est: Visus sum introspicere in Cælo ad aperto, quis cultus divinus exhiberetur in interioribus Ecclesiæ; in ea *Templi* parte sacratiore quæ dicitur Sancta, & huic contigua Sancta Sanctorum, inaccessa non initiatis. Ibi perspexi ego Joannes quid gereretur in illo sancto adyto: statum, meritum ac mores Ecclesiasticorum; quibus credita est custodia *Tabernaculi Testimonii*, id est Tabularum Legis Evangelicæ & depositum Sacramentorum.

Repræ- Inde cernuntur sancti **SEPTEM**
sentatio **ANGELI** *exire*: & septuaginta quid
7. Ange- de illo Sacratio exortatur. Hi Præsides
lorum: Angeli, pro eo quod **VESTITI LI-**

NO MUNDO ET CANDIDO, ET **PRÆCINCTI ZONIS AUREIS** protestentur se venisse ad querendum byssinum candidum quod sunt justificationes sanctorum (Apoc. 19. v. 8.) quibus cuperent fideles in Ecclesiis suis indutos eosdemque præcinctos **CIRCA PECTORA** *Zonis aureæ* charitatis: inveniunt pro justificationibus iniquitatem, & pro Zona divisionem, hæreses, & schismata! maxime in Asiaticis: aded ut videantur minari inde (v. 6.) ulterio-rem *exitum*, & velle dicere suum illud; *migremus hinc*: de quo S. Hieronymus in Ezech. cap. 47. citat Josephum lib. 2. de bello Judaico cap. 12. quod, postquam crucifixum fuit Dominus, audita sui vox, in adyto *Templi*, *virtutum Cælestium*, *Transcamus ex his sedibus.*

Quid quod provocatores ita & occulto plagarum ipsi plerique sint Sacerdotes ejus temporis! hoc enim etiam

etiam representatur per hoc quod Angeli habentes 7. plagas circumstantur prodire ex iunctis Templi, & quod vestiti lino suo mundo quae vestis est sacerdotum, Exod. 29. v. 8. Magnum Signum, mirabile (ut dixit v. 11.) & funestum: quod hi auctores fuerint culpae qui consecrati erant aditus Tabernaculi ad ministerium Ecclesiasticum: & quod hi fuerint incentores irae divinae qui debuerant fieri deprecatores & in tempore iracundiae reconciliatio, Eccli. 44. v. 17.

Et an-
nuntia-
tio pla-
garum;
Aequè mirum & triste: quod Evangelium (UNUM DE QUATUOR ANIMALIBUS; vice totius Evangelicae quadrigae,) eatenus dictum bonus nuntius, conversum sit in nuntium malum: etenim ipsum est quod phialas aureas, illas quae assueverunt odoramentis in Tabernaculo & cultu DEI dedit Angelis plenas non jam incensi divini sed IRACUNDIAE DEI: hanc enim etiam Evangelia continent; & quidem iram quam Deus inferet (verbum est Apostoli, Rom. 3. v. 5.) quoad vivet IN SAECULA SAECULORUM.

Ex Evan-
gelio.

Potest dici unum illud Animalium, quod dat phialas, esse illorum primum, quod est symbolum Evangelii S. Matthaei: hoc enim praeter ceteris evangelizat mala ultima (cap. 24.) mentione etiam facta prophetiae Danielis, & tribulationem magnam describit: postquam statim (v. 29.) consummatio mundi & Judicium extremum.

3. Irato Deo impletur TEM-
PLUM FUMO, A MAJESTA-
TE DEI grae, à gloria) laesa, ET
DE VIRTUTE (grae potentia)
EJUS accessit. sicut è contrario à pla-
cato Deo & in signum profectionis,
Exod. 40. v. 32. & 33. operuit nubes ta-
bernaculum testimonium, nec poterat, pra
gloria Domini, Moyses ingredi celum
fuerit; nube operiente omnia, & Maje-
state Domini coruscante quia cuncta nu-
bes operuerat. & 3. Reg. 8. v. 10. 11. 12.
nebula implevit domum Domini: & non
poterant Sacerdotes stare & ministrare
propter nebulam; impleverat enim glo-
ria Domini domum Domini: tunc aut Sa-
lomon, Dominus dixit ut habitaret in
nebula. Valdè igitur diversa sunt im-
pletum fuisse Templum nube; quae in
bonam partem accipitur, consequen-
ter & nebula & caligo (2. Par. 6. v. 1.)
quae idem illud significant quod nu-
bes: aliud verò impletum esse fumo,
qui in malam partem. Similiter aliud
est quod ad modicum tempus non pos-
sit intrari propter splendorem: aliud
quod inexorabili statuto, DONEC
CONSUMMARENTUR SE-
PTEM PLAGAE.

Ceterum seu à nube illic, seu hic
à fumo, utrobique se prodit Maje-
stas & gloria DEI, etiam in
plagis & ira.

* * *

In Tem-
plo fu-
mus:

usque ad
consum-
matione
plaga-
rum.

TRACTATUS XXIV.

IN CAPUT XVI.

Continuatio est Visionis de 7. plagis: nam in Capite præcedente mentio earum fit generatim: hîc in specie enumerantur.

VERBA APOCALYPSEOS.

(Cap. 16. Vers. 1. & seqq.) Et audiui vocem magnam de templo, dicentem septem Angelis: Ite & effundite septem phialas iræ Dei in terram: (v. 2.) Et abiit primus, & effudit phialam suam in terram: & factum est vulnus seuerum & pessimum in homines, qui habebant charaeterem bestiarum: & in eos, qui adorauerunt imaginem eius. (v. 3.) Et secundus Angelus effudit phialam suam in mare, & factus est sanguis tanquam mortui: & omnis anima vivens mortua est in mari. (v. 4.) Et tertius effudit phialam suam super flumina, & super fontes aquarum, & factus est sanguis. (v. 5.) Et audiui Angelum quartum dicentem: justus es Domine, quies, & qui eras sanctus, qui hæc iudicasti. (v. 6.) Quia sanguinem Sanctorum & Prophetarum effuderunt, & sanguinem eis dedisti bibere: digni enim sunt. (v. 7.) Et audiui alterum ab altari dicentem: Etiam Domine Deus Omnipotens, vera & iusta iudicia tua. (v. 8.) Et quartus Angelus effudit phialam suam in solem & datum est illi aestu affligere homines & igni: (v. 9.) Et aestuaverunt homines aestu magno, & blasphemaverunt nomen Dei habentis potestatem super has plagas, neque egerunt pœnitentiam ut darent illi gloriam. (v. 10.) Et quintus Angelus effudit phialam suam super sedem bestiarum, & factum est regnum ejus tenebrosum, & commanducaverunt linguas suas præ dolore: (v. 11.) Et blasphemaverunt Deum cæli, præ doloribus & vulneribus suis, & non egerunt pœnitentiam ex operibus suis. (v. 12.) Et sextus Angelus effudit phialam suam in flumen illud magnum Euphraten: Et siccarit aquam ejus, ut prepararetur Via Regibus ab ortu solis. (v. 13.) Et vidi de ore pseudoprophetae spiritus tres immundos in modum ranarum.

narum. (v. 14.) Sunt enim spiritus demoniorum facientes signa, & procedunt ad Reges totius terræ congregare illos in prælum ad diem magnum Omnipotentis Dei. (v. 15.) Ecce venio sicut fur. Beatus qui vigilat, & custodit vestimenta sua, ne nudus ambulet, & videant turpitudinem ejus. (v. 16.) Et congregabit illos in locum, qui vocatur Hebraice Armageddon. (v. 17.) Et septimus Angelus effudit phialam suam in aërem & exiit vox magna de templo à throno, dicens: Factum est. (v. 18.) Et facta sunt fulgura, & voces, & tonitrua, & terra motus factus est magnus, qualis nunquam fuit, ex quo homines fuerunt super terram, talis terræ-motus, sic magnus. (v. 19.) Et facta est Civitas magna in tres partes: & Civitates Gentium ceciderunt, & Babylon magna venit in memoriam ante Deum dare illi calicem vini indignationis iræ ejus. (v. 20.) Et omnis insula fugit, & montes non sunt inventi. (v. 21.) Et grando magna sicut talentum descendit de caelo in homines: & blasphemaverunt Deum homines propter plagam grandinis: quoniam magna facta est vehementer.

S. I.

De voce audita è Templo.

AD VOCEM MAGNAM DE TEMPLO editam, effunduntur phialæ suo ordine à SEPTEM ANGELIS. Etenim sicut in prima Parte Apocalypseos videtur 7. Præsides Angeli accipiebant 7. Angeli Tubas quibus præmonerent ad cautelam: ita in hac Secunda Parte, postquam malicia jam obstinata fuit ac remedium desperatum, accipiunt quas effundant Plagas ad vindictam. Suntque ex intentione quidem Angelorum Præsidum sicut illic Tubæ, ita hic Plagæ, salutares & in correctionem electorum.

que nu- Sic enim se res habet: Equivalet

in plerisque hæc Visio hujus Secundæ Partis illi Primæ: & altera alteram elucidat: quod sine dubio vidit S. Augustinus quem in præsentio secundæ Partis Apocalypseos citavimus, dum ait, in Apocalypsi eadem repeti, nec esse alia quæ dicuntur, sed aliter. Et in præsentem materiam evidens erit expendenti diligenter Lectori, atque inter se conferenti Tubas cum Plagis. Hoc discriminine (præterquam quodd per pauca quædam adjuncta variantur;) quodd illa quæ ibi fuerunt nuntiatæ de inchoatione & parturitione mali, hic dicantur de statu radicatione eorundem auris millimorum malorum in futuris novissimis

per Tubas: jam plagæ:

H 2 vllimis

vissimis temporibus Antichristianis: ita ut quod ibi cœptum fuit geri, cernatur hîc inveteratum aut consummatum. quod discrimen (& relatio seu respectus usque ad Antichristum) est notatu dignum & proprium hujus secundæ Partis.

Effusæ : 2. Hinc est quodd in prima Parte Apocalypseos vocentur Tubæ, cum hæc mala inciperent : ad excitandos vigiles Ecclesiæ. in hac verò Secunda Parte Apocalypseos jam vocantur Plagæ; quia invaluerunt : & quidem dicuntur *effundi*; quauisque ad novissimum malorum ac temporum. Hinc etiam est quodd in narratione de Tubis non fiat mentio nominis Bestiæ: at hoc Capite 16. de Plagis, statim v. 2. de prima plaga dicitur : FACTUM EST VULNUS SÆVUM ET PESSIMUM IN HOMINES QUI HABEBANT CHARACTEREM BESTIÆ, ET IN EOS QUI ADORAUERUNT IMAGINEM EJUS. & v. 10. QUINTUS ANGELUS EFFUDIT PHIALAM SUAM SUPER SEDEM BESTIÆ. Ex quibus apparet, quodd ea quæ in hac secunda Parte Apocalypseos videntur, spectent ad tempora usque novissimæ persecutionis Antichristianæ, quodd diriguntur. Durabit enim schisma & Sedes prioris Bestiæ, Imperium infidele Orientale usque ad Antichristum: & erit dispositio opportuna defectioni ad eundem. Quam-

obrem hoc Cap. 16. v. 2. & 10. citato, perinde est ac si dicatur : perseverabunt Schismatici usque in finem, & multi Schismaticorum deficient ad Bestiam ultimis temporibus atque ad venientem Antichristum seu pseudo-Judaismum, defertâ penitus fide Christiana: quodd est sævum vulnus. A quæ ob eandem causam non est mentio Stellæ in phiala tertia; sicut facta est in Tuba tertia ubi canebatur initium Schismaticis, quodd in phiala habetur pro diuturna plaga.

3. Nimirum hæc materia valde fuit inculcanda & iterum prophetanda; non sine amaritudine ventris ructantis: prout S. Joannes est iussus proximè finem Tubæ sextæ & Diphtheræ, cap. 10. v. 10. & 11.

Uti obique autem indicatur cœpisse à Templo malum: dum & illic dicitur Angelus impellere thuribulum de igne Altaris & misisse in terram (cap. 8. v. 5.) & hîc è Templo (v. 1.) egressa esse vox de phialis effundendis in terram. Illiè de *Thuribulo* quodd ex instrumenti placationis assumitur inter utensilia comburendi ac nocendi: hîc de *Phialis* quæ servantur ad effundendam iram à Deo, pro eo quodd fuerint odoramentorum ad

DEUM cap. 5.
v. 8.

* * *

S. II.

§. II.

De effusione sex primarum phialarum.

Plage ultimo-
rū tem-
porum.
Plaga 1.
perleve-
rantia
mali
quod
prænun-
tium
fuerat
pertubā
pamant.

1. **H**oc posito, Summa seu epi-
tome Plagarum & huiusmodi
quæ prædicatur futura in temporibus
istis ultimis.
Erunt primò reliquæ Arianorum,
& aliarum Hæreses ex eadem propagine:
uti est hodieque Soncinianorum, &
ceteræ cognatæ Ariani. Quod est
VULNUS in eos HOMINES QUI
HABEBANT CHARACTEREM
BESTIÆ ET ADORAVERUNT
IMAGINEM EJUS: id est, qui censi
sunt inter aquæ infideles, & pares Eih-
nicis Matth. 18. v. 17. Atque hoc ma-
ximè vulnus & prima plaga in populis
est mediteraneis.

Plaga 2.
longa
continu-
atio mali
de quo
2. Tuba.

Erunt secundo Nestoriani & Euty-
chiani, quibus conspersus est Osens
passim: & maximè in populis qui
adiacent ad MARE, ubi Nestorius &
Eutyches infecerunt oras maritimas
tanquam sanguine mortifero, qui omni
anima Christianæ inde se sustentanti &
viventi causam præbuit mortis. nec
non aliæ alibi mortiferæ doctrinæ, de
quibus Apostolus 1. Cor. 11. v. 19. *opor-
tet & hæreses esse*: quarum fixæ duæ istæ
in Oriente, Arianismus & Nestoria-
nismus.

Plaga 3.
obdura-
tio in
malo de
quo Tu-
ba 3.

Est tertio, horrendum illud Schis-
ma & durum illorum populorum,
quorum FLUMINA integra ET
cumprimis ipsi auctores Schismatis,
olim limpidissimi FONTES versi fue-
runt in sanguinem. De quibus An-
gelus AQUARUM, is est particula-
ris custos istorum populorum exclam-
at: JUSTUS ES DOMINE, QUI
ES ET QUI ERAS SANCTUS,
QUI HÆC JUDICASTI: id est:
Tu qui & præsens es atque intueris
horum schisma, & eras atque inieba-
ris quando patres eorum illud cepe-
runt, non sine Conciliabulis sanguino-
lentis ac persecutione orthodoxorum,
& cæde contra prophetantium seu do-
centium; & verò cum occasione in y-
riadis animatum; cuius hi occasione
participes permanent: ecce Tu sanctus
& absque ulla iniquitate, justus & re-
ctus, Deut. 32. v. 4. & 5. *peccaverunt ti-
bi*: qui merito suo EIS DEDISTI
BIBERE de sanguinibus: & pro a-
qua doctrinæ silibris haurire de schis-
mate quod fecerunt ipsi & patres ipso-
rum: DIGNI ENIM SUNT.

Aliter huc contentiens Angelus AB
ALTARI approbat JUDICIA DEI:
quoniam, ut idem in exprobat A-
pocalypsis, omnis hæc lerna Schismatis
ac in dorum sumplit suam originem à
Templo & ab ipso Altari: cuius mini-
stri suam tenuerunt pertinaciam, &
ab illis fluxerunt hæc mala in ceterum
vulgus.

Est quarto, quæ illud Schisma infe-
cuta sunt defectio Ecclesiarum Arian-
carum à doctrina orthodoxa: Sole ve-

Plaga 4.
invete-
ratio ma-

H 3

ritatis

li de quo
Tuba 4. vitatis non iis, ut olim, benignè lucen-
te: sed, quæ est intemperies hominum
ipforum, affligente *astuantes* invidiâ,
& urente eos excommunicatione cum qua
perseverant in *blasphemus* sui erroris.

Hactenus Plaga 4. quæ respondent
4. Tubis Capitis 8. quæ fuerat de ter-
ra, de mari, de fontibus, & Sole.

Plaga 5.
prolon-
gatio
mali de
quo Tu-
bas, Erit quinta Plaga SUPER SE-
DEM BESTIÆ: & REGNUM
BESTIÆ TENEBROSUM: quæ
plaga respondet Tubæ quintæ, de pu-
teo abyssi & fumo ex quo Locustæ cum
sua potestate cruciandi, suâ bellandi li-
bidine, suo Rege & Regno: quod est

primum Væ de tribus in Capite 9. fa-
ctum est enim Imperium Constanti-
nopolitanum ex Christiano Sedes Be-
stiæ: cui subditæ animæ quid aliud
quàm COMMANDUCAVE-
RUNT LINGUAS SUAS PRÆ
DOLORE? illas linguas, quibus lo-
quebantur orthodoxè, commorden-
do & expuendo in Cælum: dum ad-
huc in VULNERIBUS & cruciati-
bus SUIIS BLASPHEMAVE-
RUNT DEUM COELI, in im-
pœnitentia sua! v. 11. sedente interim
assiduè Bestia & potente Imperio
suo.

Plaga 6.
Anti-
christus
de quo
Tuba 6. Erit sexta plaga, cujus phiala effun-
ditur in EUPHRATEN: & con-
eunt cum sexta Tuba Capitis noni,
quod fuit Væ secundum. Ibi ad Eu-
phratem solvitur Draco cum tribus suis
antesignanis Diabolis: quæ solutio si-
gnificat suam is majorem relinqui li-
bertatem & licentiam nocendi. Ibi
per hos dæmones subornatio & insti-
tutio plenissima Pseudoprophetiæ ad

Solutio
Archi-
demonū

omnem seductionem facti: cui os elo-
quens ut Draconi, & præparatio Im-
perii ipsa ejusdem quod Bestiæ. Di-
citur *exiccatio* Euphratis eò spectasse,
UT PRÆPARARETUR VIA
REGIBUS & accursui ex partibus
Orientalibus: ad operam suam locan-
dam Antichristo, transiit ab Eu-
phrate, magnâ cum famâ festinantem in
Palestinam & redacturi Judæos: quo-
rum & suo nomine capturus sit posses-
sionem habitationis avitæ ac sceptri:
cum assertione debellationis hostium
omnium ac triumphi quem acturus de
Christianis.

Sic olim, ut est in historiis, Cyro &
Dario Medo siccatus fuit idem Eu-
phrates; ut præpararetur via illis & adi-
tus ad Babylonem, cujus invasio con-
tingit Dan. 5. v. 31.

2. Ad hanc propagandam famam
mittunt DE ORE *Draco* & de ore
simul suo *Bestia & Pseudopropheta*
TRES SPIRITUS IMMUNDOS:
loquaces quaquaversum IN MO-
DUM RANARUM; coaxantium
doctrinam & pollicitationem haustam
ex cloaca Principis hujus mundi: ex
qua persuadent & exaggerant Super-
biam vitæ, quæ est coaxatio propria e-
jus spiritus qui ex ORE DRACO-
NIS: voluptatem brutam qui est spiri-
tus BESTIÆ: & opes ac regnum ter-
renum, quod est promissum PSEU-
DOPROPHETÆ. Sed hæc ita, ut
ista eorum doctrina per se fœda aut
vana vestiatur aliâ specie sanctiore, ex-
altetur facundiâ plus quàm humana, &
prodigiis protegatur.

SUNT ENIM, inquit, SPIRI-
TUS

Siccatio
Euphra-
tis:

via Pseu-
dopro-
pheta.

Loqua-
citas im-
munda:

Firmata
prodi-
giis.

TUS DÆMONIORUM FACIENTES SIGNA per suos satellites; Hi opes & spiritu istorum trium dæmoniorum, cum hac eloquentia obstreperâ & his promissis simul & hac editione Signorum PROCEDUNT celeritate diabolicâ, missi circumquaq; AD REGES TOTIUS TERRÆ: quos adnitentur pertrahere in unam & eandem sententiam & fœdus cum Antichristo; ac, nî persuaserint, cogere minis & armis præparatis; ad persequendam undique Ecclesiam iussu Antichristi Monarchæ totius mundi.

Convo-
catio ex-
ercituum:

Et horum quidem hæc erit omnium simul intentio: convocatio mutua & consensus ad oppugnandum DEUM Christianorum per universam terram; at ex intentione DEI, cuius providentia attingit a fine impiorum ad finem suum divinum *fortiter*, nihil hoc erit aliud quàm CONGREGARE ILLOS IN PRÆLIUM & ad exitum reproborum universale, qui erit interitus pertinacium, AD DIEM OMNIPOTENTIS MAGNUM: & ad LOCUM vindictæ divinæ.

In loco
Armageddon.

Cui loco prophetat Apocalypsis dandam (ut mos est Scripturæ in assignandis ab eventu nominibus locorum) appellationem ἀρμαγεδών. Quod cum sit nomen *Hebraicum* origine, componitur ex voce *Horma* quod est anathema, ut explicatur Num. 21. v. 3. & Judic. 1. v. 17. & ex verbo *gadad* quod dicitur de congregatione militari: ita ut hæc sit inscriptio loci illius & hoc vaticinium: *anathema collectio- ni rebellium*, siquidem in illo die magno DEI, & illo in loco iudicabuntur An-

tichristus & simul quotquot conspiraverunt ad militandum contra DEUM & Ecclesiam ejus.

3. Atque hæc est series plagæ sextæ, seu phialæ effusæ in Euphraten: cui ad amullim omnia respondent in sexta Tuba Capite 9. v. 14. & seqq. solutio Archidæmonum 4. alligatorum in flumine Euphrate: exercitus undique congregatorum (cum suis Regibus:) equi & de ore equorum illa tria spirituum immundorum, ignis, fumus, & sulphur, quibus tertia pars hominum interit. Ubi de numero equestri, de armatura equorum & caudis capitatis: quæ est paucorum quorundam adjutorum varietas in significatione hieroglyphica ejusdem rei.

Conse-
sus pla-
garum &
tubarum.

Habes, Lector, epitomen; & comparationem, atque consensum Tubarum cum plagis: & sicut post illas Tubas prophetatur septima, sic post has plagas septima; quæ utraque est Judicii extremi.

Denique dixerat S. Joannes de die magno Omnipotentis DEI: quâ occasione interponitur admonitio ad Timorem sanctum: ECCE VENIO SICUT FUR: BEATUS QUI VIGILAT tanquàm ad lucem illius die; ET qui CUSTODIT VESTIMENTA SUA, gratiam acceptam in baptismo; NE NUDUS AMBULET sed *honeste* (Rom. 13. v. 13.) sicut in die Domini advenientis, ET ne VIDEANT TURPITUDINEM EJUS. Nam & in Capite 9. in fine Tubæ sextæ declamavit contra impœnitentiam; v.

20. & 21.

§. III.

§. III.

De Phiala septima.

Plaga 7.
eadem
quæ Tu-
ba 7.

1. Sicut in prima Parte, septima Tuba erat Judicii: ita septima phiala: quæ proinde (v. 17.) effunditur IN AEREM, unde apparebit Judex. ET EXIVIT, inquit, VOX MAGNA DE TEMPLO A THRONO DICENS: FACTUM EST: quo verbo intelligitur consummatio mundi. Suntque eadem ipsæ voces quæ in septima Tuba cap. 11. v. 15. fuerunt auditæ in Cælo, *Factum est.* & sicut illic v. 19. commemorata sunt fulgura & voces & terræmotus: ita planè hoc loco sequitur. ET FACTA SUNT, inquit, FULGURA, ET VOCES, ET TONITRUA, ET TERRÆMOTUS: aliaque illa de quibus Christus Luc. 21. v. 25. & seqq. *Erunt Signa in Sole & Luna & stellis, & in terris pressura &c. arescentibus hominibus præ timore & expectatione &c. & tunc videbunt, ait, Filium hominis venientem in nube.* De terræmotu autem illo dicitur, esse diversus ab omnibus retrò qui contigerunt: talis enim hic novissimus mundi, QUALIS, inquit, NUNQUAM FUIT EX QUO HOMINES FUERUNT SUPER TERRAM.

Tres
partes fi-
delium,

2. ET FACTA EST CIVITAS MAGNA IN TRES PARTES: non ista magna in malam partem, Cap. 11. v. 8. quæ spiritualiter Sodoma, cujus dicitur tertia pars concidisse terræ-

motu præcedente in ascensu duorum Testium, de quo ante 7. Tuba in ibid. v. 13. & occisa fuisse 7. millia: neque alia tota impietas; nam de Civitatibus Gentium sequitur: sed illa magna simpliciter & coram Deo, cujus magnitudo ad laudem; Ecclesia seu congregatio fidelium omnium inde ab initio mundi. Hæc enim in die Judicii dividetur in tres sui partes: quarum una pars erit confessorum & judicantium cum Christo & cum 24. Senioribus, juxta Scripturam & SS. Patres: altera judicandorum ad dexteram: tertia hæc dorum ad sinistram. Has tres partes Civitatis Jerusalem agnoscit S. Augustinus in psalmum 121. ubi postquam allegasset dictum Christi Matth. 19. v. 28. *judicantes 12. tribus Israel,* conforme Isaïæ cap. 3. v. 14. sic scribit: *Veniet enim in Judicium cum Senioribus populi, ait Ejaas. alii sunt ergo, qui cum illo judicabunt, alii qui ab illo judicabuntur.* & hos subdividit in duas partes; ad dextram & ad sinistram.

CIVITATES autem seu cætus GENTIUM, infidelium, CECIDERUNT, inquit, Apocalypsis, omnes ruinæ eadem æternæ: ubi nominatissima inter illas BABYLON, seductrix & Imperium infidele, recipiet vicem calicis sui quem propinabat: inbibanda vino IRÆ DEI.

3. Erunt dicere: OMNIS INSULA FUI-

FUGIT, ET MONTES NON
SUNT INVENTI: quia mare, in
quo insulæ; & terra, in qua montes;
aliæque elementa calore solvantur 2. Pet.
3. v. 10.

ET GRANDO MAGNA *sicut*
Talentum descendit de Cælo IN HO-
MINES. Grando illa est obstinatio
suprema reprobarum animarum: pla-
ga est quæ DESCENDIT DE
COELO per justam subtractionem
ulterioris temporis pœnitendi homini-
bus obstinatis quotquot noluerunt
tempori converti ad DEUM. & est
SICUT TALENTUM plumbi
(Zach. 5. v. 7.) pondus irremissibilis
iniquitatis. Unde sequitur: ET

BLASPHEMAVERUNT DEUM
HOMINES PROPTER PLA-
GAM GRANDINIS: id est: erunt
tunc æternæ damnandorum blasphe-
miæ, propter hanc septimam & ma-
gnam vehementer plagam grandinis,
indurationem & impœnitentiam in
spatio mortali quod præterit.

Hactenus hujus secundæ Partis A-
pocalypseos Visio tertia: vi cuius S.
Joannes pervidit consequenter totum
id quod est de plagis: adeoque porre-
xit se Visio in hac etiam materia, perin-
de ut priores & aliæ proximè sequen-
tes in suis materiis, usque in finem
qui est Judicium.

TRACTATUS XXV.

IN PRIMAM PARTEM CAPITIS XVII.

Ostensis 7. plagis, finitâque hac Visione, unus Angelorum
qui habuerant 7. phialas, ostendit Statum & novissimam Mu-
lieris, meretricis omnium Regum, sedentis super aquas
multas. Species ejus describitur Capite 17. damnatio ve-
rò ejus, seu Væ, Capite 18. quæ est Visio quarta in hac Par-
te Apocalypseos: & de nova materia, itidem perviden-
dâ usque ad finem.

VERBA APOCALYPSEOS.

(Cap. 17. Vers. 1. & seqq.) *Et venit unus de septem Angelis, qui
habebant septem phialas, & locutus est mecum, dicens: Veni, ostendam
tibi, damnationem meretricis magnæ, quæ sedet super aquas multas;
(v. 2.) cum qua fornicati sunt Reges terræ, & inebriati sunt, qui in-
habitant terram de vino prostitutionis ejus. (v. 3.) Et abstulit me in*

Pars II.

I

spiritu

, spiritu in desertum. Et vidi mulierem sedentem super bestiam coccineam, plenam nominibus blasphemiarum, habentem capita septem, & cornua decem. (v. 4.) Et mulier erat circumdata purpura, & coccino, & inaurata auro, & lapide pretioso, & margaritis, habens poculum aureum in manusua, plenum abominatione, & immunditia fornicationis ejus: (v. 5.) Et in fronte ejus nomen scriptum: *Mysterium: Babylon magna, mater fornicationum, & abominationum terra:* (v. 6.) Et vidi mulierem ebriam de sanguine Sanctorum, & de sanguine Martyrum Iesu, & miratus sum cum vidissem illam admiratione magna.

§. I.

De Muliere Civitate infideli.

Babylon i.
mystica:

DE hac Muliere S. Joanni magnopere admiranti revelat Angelus, quod sit (v. 18.) CIVITAS MAGNA, quæ per MYSTERIUM id est in sensu spirituali appelletur ac sit BABYLON, quæ infideat ac velut inquitet Bestia, & habeat REGNUM SUPER REGES TERRÆ. Bis admonet Angelus *Mysterii*, v. 5. & v. 7. & hinc maxime verum est quod ex S. Hieronymo (ep. 103. ad Paulinum) attulimus in Prolegomeno: in verbis multiplicem latere intelligentiam. Age, nemini potest esse dubium, quin significatio Mulieris Babylonis cadat mysticè; primò super urbem Romanam antiquam, Secundò super Novam, ut nunc est, quæ est Constantinopolis. Addo neminem etiam iturum inficias, quod in his duabus repræsentetur, id quod est tertium, tota magna Civitas quæ est Congregatio reproborum omnium,

Ista multiplex intelligentia una cum illa sua connexionem atque ordine, quem proferemus, admirabilem ostendet energiam Apocalypseos in hoc Capite: & conciliabit sententias Patrum de hac Civitate, subordinatas invicem & aptissime inter se nexas.

2. De prima id est de antiqua Roma ethnica dixit S. Hieronymus (ep. ad Algasiam quæst. 11.) *secundum Apocalypsin Joannis in fronte purpurata Meretricis scriptum est nomen blasphemiarum, id est, Roma aterna.* Nam de Roma jam Christiana idem S. Hieronymus aliter multò lib. 2. contra Jovin. *scriptam in fronte blasphemiam, Christi confessione, delicti urbs Apostoli voce laudata.* Et S. Augustinus lib. 18. de civ. cap. 22. *Conducta est Roma, velut altera Babylon.* Et S. Petrus, ep. 1. in fine: *Salutate vos Ecclesia quæ est in Babylone coelestis:* id est; ea quæ in urbe est Roma, particeps divinæ electionis vestræ.

Ubi

Ubi valdè distinguendum est, etiam tempore Apostolorum, inter urbem Romam & inter Ecclesiam Romanam: Ubs enim erat Babylon: sed Romanæ Ecclesiæ fides, electio, & laus annuntiabatur in universo mundo.

Roma
nova a-
postatrix

De secunda id est Nova Roma, dum hæc scribimus, est videre oculis Civitatem: quæ cum fuerit sancta & desponsa Christo, facta est spiritualiter Babylon, meretrix, & mater fornicationum, hoc est superstitionum; infidens Bestiæ, id est Imperio infideli. Non potuit in prophetia de rebus Ecclesiasticis qui est liber Apocalypseos, tacere de urbe Constantinopoli, & defectione execranda Imperii Romani Orientalis à Christiano ad ethnicum, quod est sectæ Mahometanæ.

Univer-
sa civitas
reproba.

De tertia est SS. Patrum appellatio mystica Babylonis: qui hanc Mulierem Civitatem esse dicunt collectionem omnium impiorum; utpote qui censentur omnes subdi Bestiæ, à qua portatur tota Civitas mulier. Sic enim S. Augustinus in psal. 26. enarr. 2. *Est quedam Civitas que Babylonia dicitur: Civitas ista societas est omnium impiorum*

ab Oriente usque in Occidentem: ipsa habet Regnum terrenum, dicit nos fuisse cives in ea natos: *Hæc prima fuit mater nostra, in hac nati sumus.* & addit: *Cognovimus aliam matrem Hierusalem cælestem, quæ est sancta Ecclesia; cuius portio peregrinatur in terra: reliquimus Babyloniæ.* Et S. Prosper discipulus S. Augustini (in dimidio temporis cap. 7.) *nec eam uno in loco existimes Civitatem, quæ tota est sparsa in orbe.* Nempe sic una Congregatio seu Civitas Diaboli: sicut una est opposita Civitas Dei, toto interim orbe civibus sparsis, Hierusalem sancta, sponsa Agni.

3. His ita constitutis meritò ingeminatur, MYSTERIUM esse quod triforme. cuius hæc est summa; eaque ordinatissima: habuit S. Joannes, in revelatione hujus Capitis, ob oculos suos duas urbes particulares, eodem simul obtutu mentis, Romam veterem & Romam novam: quarum utraque, altera post alteram infederit Bestiæ; obnoxios pari damnationi: & illas duas vidit esse partem unius tertiæ Civitatis magnæ mysticæ.

S. II.

De meretrice hic prophetatâ.

1. **R** Evocet in memoriam attentus Lector; quod, ut diximus in Cap. 12. steterit Draco super litus maris; & iratus super crescente Christianismo & idolis dirutis, conceperit ideam Sedis & Regni infidelis novi:

dejecturus inde Christianum Imperium, in Oriente imprimis; & sensim licentiâ majore acceptâ (nam adhuc ligatæ potestatis erat) funditus deleturus nomen omne Imperii Christiani. Ergo quemadmodum olim habuerat

I 2 Draco

Civitas
insidens
Bestiæ:

Draco Civitatem Romanam insidentem Bestiæ, id est, imperitantem & tyrannizantem adversus Christianos; usque eò Gentilem, ut S. Leo postea illius Urbis sed Christianæ Antistes dixerit de ea (ser. in festo SS. Petri & Pauli) *omnium Gentium serviebat erroribus, & magnam sibi videbatur assumpsisse Religionem quia nullam respuebat falsitatem*: Ita, illâ sibi urbe & Gentilismo ejus erepto, figuravit mente Civitatem novam, infessuram Bestiæ iterum, æmulam antiquæ & quæ illam infidelitate referat aut propediem superet.

Hæc est urbs Constantino-polis, ex Christiana infidelis: & hic est sensus primarius ac prophetia, ut in Apocalypsi, præcipue revelatu digna illis Ecclesiis. De hac urbe prævidetur in hoc Capite: & acutissimè super eâ discutitur in hunc modum, quem dicam.

Gemina
veteris
Romana:

2. Introducitur Urbs Constantino-polis (pro eo statu in quo reposita est à Turcis) in schemate antiquæ & Gentilis Romæ, cui tunc nomen Babylon adhuc superstitie S. Joanne: sedentis super Bestiam, id est super Imperium infidele & adversarium Christianis.

De qua Bestia seu Imperio Gentili S. Joannes v. 8. & 11, ERAT, inquit,

ET NON EST: *Erat* in urbe Roma adhuc ethnicâ ævo S. Joannis: & *non est* quia spiritu prævideo abolitam ea in urbe: at ASCENSUM EST, inquit, DE ABYSSO, emeritura iterum è mari in eodem schemate; in quo sedebit alia urbs gemina Romanæ priori, immò ipso etiam nomine altera Roma & Imperatrix, ac deserto Christianismo adultera, prout Prophetæ appellant lapsum ad Ethnicismum, & fornicaria cum Regibus terræ.

3. Nihil accuratius hoc varicinandi modo Apocalypico. Dum enim hæc prædicit Joannes, simul habet oculis imaginationis præsentem antiquam Romam, ex qua fuerat relegatus in Patmum, adhuc Gentilem, Imperatoriam, & persecutricem Christianorum: simul habet ante oculos propheticos istam Novam Romam, quæ postquam illa vetus fuerit abolita penitus & mutata in Christianam ipsa & Imperium ejus, exurget è mari; Civitas quam Diabolus denique evellet à Christo, suffossam dudum per cuniculos schismatis & erroribus irreutam. Fiet Sedes Bestiæ, qualem Draco sibi figuraverat animo: & mutabitur ex Roma Nova Christiana in Romam antiquam Infidelitate, Imperio, Namine.

Et Urbis
& Imperii.

S. III.

De iis quæ adscribuntur Civitati meretrici.

Septi-
collis.

1. **S**itus Civitatis describitur evidenter, dum dicitur: SEPTIM

MONTES esse SUPER QUOS MULIER SEDET. Nam & Constanti-

Constantino-polis habet septem montes, super quos sita est: ut videre licet apud Geographos peritos & audire ab advenis. Produco Geographum Gallum, exactum & brevem, qui in descriptione urbis Constantinopolis, postquam narrasset à Turcis appellari Stamboul, hæc addit de opportunitate loci:

La situation est la plus avantageuse, se qu'on peut souhaiter pour le Siège d'un grand Empire. Elle a sept montagnes aussi bien que Rome: & elle commande aux deux mers Blanche & Noire: avec un Port tel, qu'on ne peut rien s'imaginer de plus agreable. Constantin, & les autres Empereurs depuis luy, l'ont enrichie de ce que l'Italie avoit de plus beau, nommant la nouvelle Rome.

Quæ Latinè sic verbotenus redduntur: Situs urbis est multò præcellentissimus qui exoptari possit pro Sede magni Imperii. Urbs est septem montium æquè ac Roma: duorum marium Domina, Albi & Nigri: eum ejusmodi portu, nihil ut possit illo cogitari acceptius. Constantinus & hunc secuti Imperatores illam dicarunt omni eo quod habuit Italia pulchrum, & appellarunt Novam Romam.

Sedes
Imperatorum:

2. Hic est Constantinus Magnus, Imperatorum publicè Christianorum primus: qui oppidum tunc neglectum dictum Bizantium (divinitus edoctus ut eum locum præligeret, prout refert Sozomenus lib. 2. hist. Eccl. cap. 2.) restituit, auxit, amplissimis muris circumdedit (quibus postea novis communiavit Theodosius junior per Præfectum Cyrum:) nuncuparique Novam Ro-

Et no-

minè
Roma
mam Constantinopolitanam lege sanxit: quæ Lex incisa in columna lapidea & palàm apud Prætorium propè Constantini statuam equestrem proposita fuit. Urbs divisa est sub eodem Constantino, perinde ut antiqua Roma, in quatuordecim regiones. Triangula est: septem omnino Collium & accuratè: quoniam singuli dividuntur ab invicem per valles alternas ac spatiosas: omnes conspicui navigantibus Sinum maritimum. Collem primum efficit urbis angulus Orientalis, inchoans promontorium Bosphorium: & porrigitur in Ortum Solstitialem ad claudendum Sinum: Secundus & tertius recedunt interius versus meridiem: reliqui eminent in Septentrionem: ita sensim & ordine locati, ut alter alterius non auferat aspectum, quin uno eodemque intuitu collium omnium sit videre duo latera: cum sit primus aliquanto humilior secundò, & hic tertio, ceteri vel editiores paulò quàm tertius vel humiliores. Incolæ tùm ex omnibus collibus habent peramcenum prospectum, tùm multò amœnissimum Imperator qui in primo colle habitat laxissimè (fuitque in eodem illo, veterum quoque Byzantium Acropolis:) palatium illius partim est in clivo, partim in planitie ejusdem collis: in qua etiam sita sunt Templum, quod olim divinæ Sophiæ, & Hippodromus: illud visendum hodieque parietibus marmore incrustatis, & concameratione octo columnarum, opere pereleganti atque artificioso: iste latitudine unius stadii, longitudine amplius duorum.

I 3

Se-

Secundus Collis est altus mille passus communes: & celebr Columna Purpurea (ex Porphyrite lapide;) illa quondam, in cuius apice statua Eudoxiae Augustae argentea, & circa eam saltatorum & histrionum spectacula; quae fuit occasio S. Chrysostomo concionis, cuius est initium, rursus Herodias insanit, rursus saltat; atque exilii. In aliis Collibus est videre Mausolea diversorum Imperatorum: ut in tertio sepulchrum, aedes, & xenodochia Solimanni: in quarto, Mausoleum Mahometis primi Imperatoris, ejus qui cepit Constantinopolim; una cum ampla aede Mahometana, Xenodochiis, ac Thermis: in quinto colle Mausoleum & xenodochia Selimi. In sexto Templum illud fuit, quod nomine DEI genetricis adversus Nestorium extruxerat Pulcheria Imperatrix, & instauraverat Justinianus, nobilitatum complurium scriptis, cui nomen Blachernæum & Triclinium ejusdem nominis. In septimo Columna olim Arcadii. Hic collis septimus tertiam partem urbis continet: sex ceteri duas alias partes.

Ecce Constantinopolim septicollem, seu Civitatem super 7. Montes: de qua dicimus Apocalypsin prophetasse.

Merc-
tix.

3. Cætera quoque, quæ in hoc Capite dicuntur de Civitate, conveniunt illi urbi, ut: quod MERETRIX MAGNA, Christo infida: quod *sedet* SUPER AQUAS MULTAS, id est super populos quibus imperat, Europæ, Asiæ, Africæ,

v. 1. quod cum ea defecerint à Chri-

sto REGES regionum, illius vasalli; quod INEBRIATI ac dementati, QUI INHABITANT TERRAM, DE VINO PROSTITUTIONIS EJUS. v. 2. quod eam viderit Joannes IN SPIRITU, eò quod solo spiritu prævideri posset nondum orta: quodque IN DESERTO eam viderit, nempe quia fidem Christi deseruerit, & vicissim à Christo deserta sit juxta illud Matth. 23. v. 38. *relinquetur vobis domus vestra deserta*: quod pro Sede habeat Bestiale Imperium Paganum. v. 3. quod CIRCUMDATA PURPURA ET COCCINO, ET INAURATA AURO ET LA- PIDE PRETIOSO ET MARGARITIS quæ fert Oriens: quod POCULUM AUREUM IN MANU, delitiæ & pompa quibus invitat. v. 4.

De poculo, cur dicatur aureum; S. Ambrosius lib. de Elia & jejuniis, cap. 15. *auro, inquit, se jactet & pretio. & mox: quærit illecebram, ut specie saltem pretiosa ad bibendum aliquos possit illicere.* Et S. Greg. lib. 34. mor. cap. 13. *auri nomine nitor gloriæ temporalis exprimitur, sicut per Prophetam dicitur (Jer. 51. v. 7.) Calix aureus Babylon, quæ calix aureus dicitur, quia dum pulchra esse temporalia ostendit, stultas mentes in sua concupiscentia deebriat.* Et altius repetens exemplum: *Hoc, ait, aureo calice prima, sponte sua, Eva deebriata est.*

Sequitur, id quod illi apertissime convenit civitati, professione suæ doctrinæ esse meram & MAGNAM BABYLONEM, id est confusionem

Prævisa
Deser-
trix.

Cum
poculo
aureo:

Babylon
magna:
mater
supersti-
tionum,
erro-

errorum: ac publicam, ut in fronte, MATREM superstitionum. v. 5. quas propagavit in variis terris: ipsa intra muros suos pro iis exercendis aperuit ædes superbas ter centum ac plures, omnes plumbo testas & columnis ac marmore præfulgidas (heu!) exspoliis Christianorum Templorum, quorum numero sexcenta vel evertit vel commutavit in cultum abominandum.

Temulenta sanguine.

Postremò, quòd SANGUINE Christiano EBRIA v. 6. verum est non de solis bellis, quibus insatiabiliter hausit sanguinem Christianorum; sed & supplicis Martyrum, ut legere est in Martyrologio Romano. etsi enim Turcæ potius & apertius bella profiteantur & captivitatem, tamen vel ex sævitia & odio Religionis, vel ex occasione, aut ob multitudinem captivorum quos abducere ulterius non libebat quamvis in medio itinere atque inermium, quanta millia contrucidave-

runt! Multò autem maximè tunc inebriabitur Constantinopolis effuso sanguine, quando Antichristus eam potiri incipiet initio statim sui Regni, & excindet reliquias Christianorum primum in toto Oriente, quod erit tempus MARTYRUM JESU: deinde aut simul per suos administratos (dispersas gentes Magog) grassabitur reliquum totum in orbem: dum illicò ac plenissimè Monarcha mundi effectus, excisâ per suos vasallos etiam ipsâ Constantinopoli, transferet sedem Regni sui Hierosolymam.

Principium Monarchiæ Antichristi.

Atque hæc de Civitate Constantinopoli. de qua versu 7. EGO DICAM TIBI SACRAMENTUM MULIERIS. & v. 18. MULIER QUAM VIDISTI EST CIVITAS MAGNA &c. De hac enim prædicit, & hanc primum spectat Apocalypsis hujus Capitis: ex quo reliqua, quia referuntur ad Bestiam cui Mulier insidet, exponemus in Tractatu sequente.

TRACTATUS XXVI.

IN RELIQUA CAPITIS XVII.

VERBA APOCALYPSEOS.

(Cap. 17. Vers. 7. & seqq.) *Et dixit mihi Angelus: Quare miraris? Ego dicam tibi Sacramentum Mulieris, & bestie qua portat eam, qua habet capita septem, & cornua decem. (v. 8.) Bestia, quam vidisti, fuit, & non est, & ascensura est de abyssu, & in interitum ibit, & mirabuntur inhabitantes terram (quorum non sunt scripta nomina*

iii

, in libro vite à constitutione mundi) videntes bestiam, quæ erat, & non
 , est. Et hic est sensus, qui habet sapientiam, septem capita, septem mon-
 , tes sunt, super quos mulier sedet, & Reges septem sunt. (v. 10.) Quin-
 , que ceciderunt, unus est, & alius nondum venit: & cum venerit, oportet
 , illum breve tempus manere. (v. 11.) Et bestia, quæ erat, & non est, &
 , ipsa octava est: & de septem est, & in interitum vadit. (v. 12.) Et decem
 , cornua, quæ vidisti, decem Reges sunt, qui Regnum nondum acceperunt,
 , sed potestatem tanquam Reges una hora accipient post bestiam. (v. 13.)
 , Hi unum consilium habent, & virtutem & potestatem suam bestia tra-
 , dent. (v. 14.) Hi cum agno pugnabunt, & agnus vincet illos: quo-
 , niam Dominus Dominorum est, & Rex Regum, & qui cum illo sunt,
 , vocati, electi, & fideles. (v. 15.) Et dixit mihi: Aqua, quas vidisti ubi
 , meretrix sedet, populi sunt, & gentes, & lingua. (v. 16.) Et decem
 , cornua, quæ vidisti in bestia: hi odient fornicariam, & desolatam fa-
 , cient illam & nudam, & carnes ejus manducabunt, & ipsam igni con-
 , cremabunt. (v. 17.) Deus enim dedit in corda eorum, ut faciant quod
 , placitum est illi: ut dent Regnum suum bestia donec consummentur
 , verba Dei. (v. 18.) Et mulier, quam vidisti est Civitas magna, quæ ha-
 , bet regnum super Reges terræ.

§. I.

De Caputibus Bestiæ super quam Civitas meretrix.

1. **P**Atet ex Græco, ad Bestiam pertinere quæ de Caputibus 7. & Cornibus 10. dicuntur. sic enim habet: *μυῖς ἕριον τῷ θηρίῳ τῷ ἰχθύνει τὰς ἐπτά κεφαλὰς καὶ τὰ δέκα κέρατα.*

Sæpè diximus nomine *Bestiæ* in sacris Scripturis significari Imperium, non quodlibet sed Gentile. Verba illa, Fuit & non est, etiam explanavimus Tract. præcedente, §. 2. **FUIT**, cum antiqua Roma ei insideret: **ET NON EST**, quia extinctus est Gentilissimus

pro ea differentia temporis (vox est Scholarum) de qua ego Angelus prophetizo; jamque urbem Romam præmonstro Christianam & sanctam: sed **ASCENSURA EST** illa Bestia **DE** **ASCENSURA** **ABYSSO** iterum, **ET IN INTERITUM** **IBIT**, postquam in eundem involverit multos qui eam admirati fuerint indigenæ terrenis affixi, **QUORUM NON SUNT** **INSCRIPTA NOMINA IN LIBRO** **VITÆ** prædestinatorum (Eph. i. v. 6.) **ante mundi constitutionem.**

2. Pro-

Bestia
septi-
ceps:

2. Prosequitur Angelus expositio-
nem Bestiæ, fecundam SENSUS &
(v. 9.) SAPIENTIÆ utrimque. SE-
PTEM enim CAPITA BESTIÆ
duplicem habent, inquit, significatio-
nem: quarum prima, SEPTEM
MONTES SUPER QUOS MUL-
LIER SEDET: quod sicut de anti-
qua Roma verum esse sic de Constan-

Quorum Regum QUINQUE
CECIDERUNT:

UNUS EST, dum hæc Joannes scribit:

videlicet Romanus Gentilis:

ET ALIUS NONDUM VENIT: ET CUM VE-
NERIT, OPORTET ILLUM aliquamdiu, aliquot sæculis, MANERE;
quod experimur: donec succedat Antichristus.

Ipsa oc-
tavum:

3. Pergit Apocalypsis: ET BE-
STIA, quod ERAT Imperium infi-
dele, ET NON EST amplius sed
iterum erit, nimirum Novæ infidelis
Romæ: ET IPSA OCTAVA
EST; eadem ipsa in designatione, est
Regnum Antichristianum quod est

tinopoli, quam ei geminam describit,
æquè sita in 7. montibus, dictum est Montes
Traçtatu præcedente, §. 3. opportu-
nitate situs etiam majore & aptiore ad
Imperium terræ, marium, orbis.

Altera est significatio septem Capi-
tum in Bestia: REGES SEPTEM
SUNT, Gentiles unâ cum suis Impe-
riis Gentilibus: Reges
seu Im-
peria 7.]

Assyrius:

Chaldeus seu Babylonius:

Medus:

Persa:

Græcus:

octavum Monarchiarum infidelium.
ET DE SEPTEM EST; quia de
omnibus simul possidet, & imperat
omnibus: cum sit septiceps, habeat-
que Imperia simul & aggregationem
cunctorum septem Regnorum ac
Regum:

Et de 7.

Assyriæ:

Chaldææ:

Mediæ:

Persiæ:

Græciæ:

Ditionum olim subjectarum Romæ veteri:

Constantino-poleos.

ET IN INTERITUM VADIT
(jam secundo hoc dicitur: v. 8. & 11.)
cū excidit temporalis cū spiritualis
& æterni. quamobrem DAMNA-

TIONEM ejus TIBI VENI *osten-*
dere: quæ verba erant Angeli v. 1.

Hæc de Bestiæ Caputibus.

Pars II.

K

S. II.

S. II.

De Cornibus Bestiæ, à quibus vastabitur Civitas.

Reges
simul 10.Cornua
Bestiæ:

1. **E**T DECEM, inquit, COR-
NUA, QUÆ VIDISTI,
DECEM REGES SUNT: QUI
REGNUM NONDUM ACCE-
PERUNT: alii enim ab iis qui retrò;
neque ipsi Christiani: SED instru-
menta infidelis Bestiæ, & POTE-
STATEM TANQUAM REGES
UNA HORA, id est eodem tempo-
re, ACCIPIENT POST BESTI-
AM quæ eos attrahet *post se*. Non er-
go tunc absolutè Reges, sed TAN-
QUAM Reges: vasalli Turcis, ac
deinde Antichristo, Præfecti Provin-
ciarum seu vi domiti seu sponte sub-
jecti.

Horum Regum ut Cornuum me-
minit etiam Daniel cap. 7. in Bestia
quarta, illa quam esse viderat Impe-
rium Gentile ultimum, ante Christia-
nismum qui erat finis desideriorum
Danielis. Adhuc autem vidit nasci
malum novissimum ex illa Bestia: illo
ejus Capite, quod Joannes dixit acce-
pisse dudum plagam mortis, redivivo;
id est eâ parte quæ Romani fuerat Im-
perii: ex qua repullulavit Gentilismus.

In me-
dio eorū
undeci-
mū cor-
nu, Anti-
christus
oriturus.

v. 8. & 9. *Considerabam cornua* (illa
decem, quæ ut dicit v. 20. habebat in Ca-
pite:) *Ecce cornu aliud parvulum or-*
num est de medio eorum: & tria de cor-
nibus primis evulsa sunt à facie eius. ad-
oriturus. *dit de Cornu illo parvulo: & repetit*

v. 20. *habebat oculos, & os loquens gran-*
dia, & (ex parvulo) majus erat cæteris.
Aspiciebam, & ecce Cornu illud faciebat
bellum adversus sanctos, & prævalebat
eis: donec venit Antiquus dierum & ju-
dicium dedit sanctis Excelsi, & tempus
advēnit, & Regnum obtinuerunt
Sancti.

De hujus vaticinii expositione ex Discer-
sententia communi suæ ætatis S. Hie-
ronymus pronuntiat (in Dan. l. c.) cu-
jus verba citavimus ex parte in Tract. Roma-
num.

18. §. 1. *decem futuros Reges qui orbem*
Romanum inter se dividant: & undeci-
um surrecturum esse Regem parvulum,
qui tres Reges de decem Regibus supera-
turus sit, id est Egyptiorum Regem &
Africa & Ethiopia, quibus interfectis
etiam septem alii Reges videri colla sub-
mittent. Juxta hanc ergo traditio-
nem Scriptorum Ecclesiasticorum, hi
decem Reges, Cornua illa Bestiæ, nata
in Capite illius, Orientale Romanum
Imperium dividunt inter se ac possi-
dent: donec successor, undecimum
Cornu in medio eorum, surgat Rex
initio parvulus, Antichristus: qui re-
pente super illos potentior, & omni-
bus major, funditus Romani vestigia
Imperii & nomen illius auferet muta-
bitque in suum Antichristianum &
Hiero-solymitanum.

2. HI REGES UNUM CONSI-
LIUM HABENT, utpote infide-
les,

Pugna-
bunt cū
Agno.

les, Christianæ Ecclesiæ perniciosum:
ET VIRTUTEM (græcè *δύναμιν*)
ET POTESTATEM SUAM BE-
STIÆ TRADENT: id est, contri-
buent sua consilia & vires; uniti quip-
pe ac subditi Imperio Constantino-
politano, & mox successori ac super-
gressori omnium Antichristo. Hi
erunt Cornua & robur Bestiæ: & ex
omni loco mundi, in quem erunt ab
Antichristo dispersi, op-**PUGNA-
BUNT** Ecclesiam, quod est pugnare
CUM AGNO, ultimum. Etenim
**AGNUS VINCET ILLOS; DO-
MINUS DOMINORUM**, ET
REX REGUM, quem titulum ge-
rit in femore suo, Apoc. 19. v. 16. ipse
victor per se ET per eos **QUI CUM
ILLO SUNT; VOCATI** ab ipso,
ut multi; **ELECTI** ut pauci; ET
FIDELES, ut permansuri cum illo in
tentationibus usque ad finem.

Ipsimet
evertent
civitatem:

3. Expositionem adjungit Aqua-
rum, cujus frequens usus in Apocalypsi
**AQUÆ, QUAS VIDISTI UBI
MERETRIX SEDET, POPULI
SUNT IN GENTES ET LIN-
GUÆ.** Sed illa ejus Sedes destitue-

tur ab ipsis aquis: futurum est enim
mirabili judicio DEI, de quo Prov. 21.
v. 1. *sicut divisiones aquarum, ita cor Re-
gis in manu Domini*: ut Reguli horum
populorum, **DECEM CORNUA**
Bestiæ, alienatione ab illa Civitate &
odio in eam concepto **DESOLATAM**
FACIANT Constantino-polim, ex-
spolient **NUDAM**, devorent, &
concrement **IGNI** ut solo æquetur:
nuta videlicet Antichristi, hoc agentis
ut transferatur inde Imperium & Se-
des in urbem Hiero-solymitanam ab
se magnificentissimè instauratam cum
Templo & amplificatam, ut prædixi-
mus supra.

Hæc autem omnia **DEUS** modera-
bitur, inquit: cujus est inclinare (secre-
tè) **CORDA** horum Regum ad fi-
nem ipsi **PLACITUM**, divinum,
quavis occultum: permittendo ut
REGNUM SUUM omne **DENT**
BESTIÆ, ita ut sit unum Imperium
infidele & Antichristianum: **DONEC**
CONSUMMENTUR VERBA
DEI & prædictio ejus infallibilis, &
donec proximè absit consummatio
mundi.

Disposi-
tione se-
cretâ di-
vinâ.

S. III.

De Idea: & de Figurato illius vastitatis.

1. **H**æc sunt illa duo, quæ præter
Constantino-polim ipsam dixi-
mus fuisse ob oculos S. Joanni super
eâ vaticinantis: & hinc operæ pretium est
repeti, postquam egimus de Cornibus
Summa: quæ prophetantur diruturâ illâ urbem.

Omnino tria igitur sunt observata
menti S. Joannis in destructione, quam
vidit, hujus Civitatis:

2. Ex his tribus primum est Con-
stantinopolis ipsa; de qua prophetat, de Nova
id est, de urbe; incolis, & Imperio eò Roma:

K 2 loci:

Vatici-

nium est

prophetat,

de Nova

Imperio eò

Roma:

loci : cui prædicitur clades, tanquàm vindicta quæ divinitus sumetur de Meretrice Apostaticâ.

Idea varicinantis est verus Roma: Secundum est Roma vetus ethnica: hæc enim instar est Ideæ, secundum quam concipit & in cuius schemate introducit Constantinopolim ut illi geminam tum crimine tum supplicio. Nam & vetus Roma fuit Babylon mater omnis idololatriæ & propagatrix per orbem terrarum : & divinitus accidit tunc ut inclinaretur cor Regum ad eam perdendam. Præterquam

Lib. 8. Orac. *O erecta cervice Roma.*

Sibyll. *Flectes cervicem prima :* (quidni sub Christo ?)

Terra allideris : (humiliaberis)

Ignis te totam absumet : (quem Christus venit mittere)

Et tunc eris deserta : (ab omni cultore idolorum)

Ac si nunquam fuisses.

Et tu triumphus eris mundo & opprobrium omnium.

Hæc vera sunt de Roma ethnica. Taceo quod etiam postea sit urbs incensa per variarum nationum Reges qui eam oderant : Deo illos impellente, ut legimus de Alarico, ad devastationem urbis : Gothos, Vandalos, Herulos, Hunnos, Longobardos &c. perinde ac si de muris & saxis Deus sumpsit vindictam idololatriæ commissæ illi ante & dilatatæ per orbem terrarum.

Jam hinc elucet, inquam, esse miram Oeconomiam Apocalypseos in hoc loco, & multiplicis intelligentiæ plenam : quod S. Joannes prophetaverit de Roma nova futura cum similitudine atque ad Ideam antiquæ Romæ : nec non figuraverit anmo id quod sequitur.

enim quod redacta est in cineres, inde à Nerone, ab ipsis ethnicis Imperatoribus : scimus extinctum esse sensim cum habitatoribus gentilibus Imperium ethnicum mutatumque ut nihil ejus super sit. Adeo ut illa carmina Sibyllarum, quæ circumferuntur, impleta sint in vetere, prout tunc erat, idololatrix Roma, cujus recordatio nuda est super. Quæ quidem oracula mihi videntur altiore digna interpretatione.

Tertium enim & postremum illorum trium est hoc : Dum hæc Joannes de duabus urbibus, habet simul ante oculos Collectionem omnium reproborum : qui est cæsus seu civitas de qua SS. Patres citati in §. 1. Tractatus præcedentis. Hujus enim figura Meretricis Civitatis fuit illa tam vetus Romana quam Nova, utraque reprobæ : & harum duarum incendium, quod de Sodoma & finitimis civitatibus dixit S. Judas v. 71. fuit *exemplum ignis* seu incendii æterni, vastitatisque omnium ultimò prophetandæ, quam hîc egregè præfigurat divinus Scriptor.

3. Is cum tanta scripserit de Civitate; & de Bestia cui insidet, Imperio infidelium : nihil de Roma nostra dixit apostaturâ; quæ nonnullorum fuit recentio-

Præfiguratum, est civitas æterna reprobæ.

De urbe Romana, ut nunc est

nihil cō-
stat ex
Apoc.

centiorum interpretum suspicio, nullo
nixa fundamento sacrae Scripturae.
Quam suspicionem apage de urbe im-
muni ab infidelitate atque ab Imperio
infideli, de Cathedra Apostolica, &
Principatu Ecclesiae sanctae.

De qua tamen urbe & de Imperio
Christiano non repugnamus fore, ut
ab Antichristo ejusve instrumentis
(cornibus Bestiae, etiam illa, & omnis
appellatio deleatur Romani Imperii,
cujus sola memoria erit reliqua non
Imperium ipsum.

De Im-
perio
Roma-
no :

Nam de hoc quidem, id est de Im-
perio Romano vetus est opinio SS. Pa-
trum, & potissima explicatio verborum
Apostoli 2. Thess. 2. v. 7. non apparituru
Antichristum, donec omne Ro-
manum Imperium auferatur è medio;
quidnā etiam Occidentale omne om-
nino? S. Augustinus relinquit expli-
cationem dubiam illius loci Apostoli-
ci, lib. 20. de Civ. cap. 19. ubi sic scribit:
*Quid est, iam enim mysterium iniquita-
tis operatur; Tantum qui modò tenet te-
neat, donec de medio fiat; Et tunc revela-
bitur ille iniquus! Ego prorsus, quid di-
xerit, me fateor ignorare.* Et paulò post

Explica-
tio Apo-
stoli, 2.
ad Thess.
2.

propendet in communiore in senten-
tiam: *Illud tamen quod ait Apostolus,
Tantum qui modò tenet teneat, donec de
medio fiat, non absurdè de ipso Romano
Imperio creditur dictum: tanquā di-
ctum sit; Tantum qui modò imperat, im-
peret: donec de medio fiat, id est de medio
tollatur. Et tunc revelabitur iniquus;
quem significari Antichristum, nullus
ambigit.*

Ad hanc igitur explicationem & o-
pinionem de omni tandem Imperio

Romano desolando, & penitus abo-
lenda electione aut successione Impe-
rii Romani, & tunc revelando Anti-
christo, consequitur conjectura verifi-
milis admodum de hodierna urbe
ipsa Romā: facile erit Judaeis Anti-
christianis ad apparitionem sui Mo-
narchae cupidissimè hanc etiam ur-
bem, in odium Christianae fidei & pri-
matus Apostolici evertere. Quan-
do fortitudo Martyrum eminebit, &
Antistes urbis inter eos postremus
quos recensuisse fertur S. Malachias
Episcopus (ille S. Bernardo familiaris)
reget Ecclesiam Romanam in tribu-
latione, temporibus Antichristi. de
quo Malachia piè id creditur: ita ta-
men ut dicatur plures ei non fuisse o-
stenfos, non autem negetur successu-
ros fortassis: ut etiam tunc maneat
incerta dies & hora vel annus interitus
mundi. Erit autem aliud prorsus,
urbem Romanam everti propter no-
men Christi: aliud everti aut perire Ec-
clesiam; contra quam non praevalen-
t omnes portae inferi.

Quod verò Apostolus prae-misit:
Mysterium iam operatur iniquitatis:
græcè, *μυστήριον ἵδὴ ὑπεργὰρ*, habet
hunc sensum: Antichristus, ille filius
perditionis iam non est, sed futurus est
(v. 6.) in suo tempore, *Et tunc* (v. 8.)
revelabitur: mysterium verò *iniquita-
tis* ejus agitur (etiam ipsis temporibus
Apostoli: per deceptiones pseudoapo-
stolorum & persecutiones tyranno-
rum) in operantibus iam nunc & prae-
euntibus illi iniquo, qui erit *Caput*
quorum omnium, ut Antichristum ap-
pellat

K 3

pellat

pellat S. Gregorius lib. 15. mor. cap. 36. & S. Thomas 3. p. q. 8. a. 8. docet esse appellandum Caput omnium malorum propter malitiæ perfectionem: additque, quod facit ad intelligentiam Apostoli: omnes alii mali qui præcesse-

runt sunt quasi quedam figura Antichristi, secundum illud 2. ad Thess. 2. mysterium iam operatur iniquitatis. Addamus ex S. Augustino l. c. non ad Christum, sed (omnes) ad illum novissimum Antichristum pertinebunt.

TRACTATUS XXVII.

IN CAPUT XVIII.

Continuatio est Visionis de Civitate infideli: Descriptio interitus ejus.

VERBA APOCALYPSEOS.

(Cap. 18. Versu 1. & seqq.) Et post hæc vidi alium Angelum descendentem de cælo, habentem potestatem magnam, & terra illuminata est à gloria ejus. (v. 2.) Et exclamavit in fortitudine dicens: Cecidit, cecidit Babylon magna: & facta est habitatio demoniorum, & custodia omnis spiritus immundi, & custodia omnis volucris immunda, & odibilis. (v. 3.) Quia de vino iræ fornicationis ejus biberunt omnes gentes: & Reges terræ cum illa fornicati sunt, & mercatores terræ de virtute deliciarum ejus divites facti sunt. (v. 4.) Et audi vi aliam vocem de cælo dicentem: Exite de illa populus meus, ut ne participes sitis delictorum ejus, & de plagis ejus non accipiat. (v. 5.) Quoniam pervenerunt peccata ejus usque ad cælum, & recordatus est Dominus iniquitatum ejus. (v. 6.) Reddite illi, sicut & ipsa reddidit vobis: & duplicate duplicia secundum opera ejus: in poculo, quo miscuit, miscete illi duplum. (v. 7.) Quantum glorificavit se, & in deliciis fuit; tantum date illi tormentum & luctum: quia in corde suo dicit: sedeo Regina: & vidua non sum: & luctum non videbo. (v. 8.) Ideo in una die venient plagæ ejus, mors, & luctus, & fames, & igne comburetur: quia fortis est Deus, quia judicabit illam. (v. 9.) Et flebunt & plangent se super illam Reges terræ, qui cum illa fornicati sunt, & in deliciis vixerunt,

cum

, cum viderint fumum incendii ejus: (v. 10.) longè stantes propter timorem tormentorum ejus, dicentes: *Va, va Civitas illa magna Babylon Civitas illa fortis: quoniam una hora venit judicium tuum.* (v. 11.) Et negotiatores terræ flebunt, & lugebunt super illam, quoniam merces eorum nemo emet amplius; (v. 12.) *Mercēs auri & argenti, & lapides pretiosi & margaritæ, & byssi, & purpuræ, & serici, & cocci (& omne lignum thyinum, & omnia vasa eboris, & omnia vasa de lapide pretioso, & aramento, & ferro, & marmore; (v. 13.) & cinnamomum) & ordoramentorum, & unguenti, & thuris, & vini, & olei, & similia, & tritici, & jumentorum, & ovium, & equorum, & rhedarum, & mancipiorum, & animarum hominum.* (v. 14.) Et poma desiderii animæ tuæ discesserunt à te, & omnia pingua & præclara perierunt à te, & amplius illa jam non invenient. (v. 15.) Mercatores horum, qui divites facti sunt, ab ea longè stabunt propter timorem tormentorum ejus, flentes ac lugentes, (v. 16.) & dicentes: *Va, va Civitas illa magna, quæ amicta erat bysso, & purpura, & cocco, & deaurata erat auro, & lapide pretioso, & margaritis:* (v. 17.) *Quoniam una hora destituta sunt tanta divitiæ. Et omnis Gubernator, & omnis qui in lacum navigat, & navita, & qui in mari operantur, longè steterunt.* (v. 18.) Et clamaverunt, videntes locum incendii ejus, dicentes: *Quæ similis Civitati huic magnæ?* (v. 19.) Et miserunt pulverem super capita sua, & clamaverunt, flentes & lugentes, dicentes: *Va, va Civitas illa magna, in qua divites facti sunt omnes, qui habebant naves in mari, de pretiis ejus: quoniam una hora desolata est.* (v. 20.) *Exulta super eam cælum, & sancti Apostoli, & Prophetæ, quoniam judicavit Deus, judicium vestrum de illa.* (v. 21.) Et sustulit unus Angelus fortis lapidem quasi molarem magnum, & misit in mare dicens, *Hoc impetu mittetur Babylon Civitas illa magna, & ultra jam non inveniatur.* (v. 22.) Et vox citharædorum, & musicorum, & tibia carentium, & tuba non audietur in te amplius: & omnis artifex omnis artis non inveniatur in te amplius, & vox melle non audietur in te amplius: (v. 23.) Et lux lucerna non lucebit in te amplius: & vox sponsi & sponse non audietur adhuc in te: quia mercatores tui erant principes terræ, quia in veneficiis tuis erraverunt omnes gentes. (v. 24.) Et in ea sanguis Prophetarum & sanctorum inventus est, & omnium qui interfecti sunt in terra.

§. I.

Prophetia de lapsu Babylonis.

1. POST HÆC, id est, postquam implēset illa Civitas mensuram scelerum suorum: VIDI, inquit, ALIUM ab his septem, Angelum, DESCENDENTEM DE COELO: qui repræsentabat POTESTATEM ipsius DEI MAGNAM, tūc ad ulciscendam se de hac Civitate damnandā, tūc ad illuminandum populum suum ut ex illa exeat & gloriam annuntiandum. Ferè sicut Gen. 18. dictum fuit de Angelo descendente contra Civitatem Sodomam: qui cū repræsentaret personam Domini, agebat v. 20. & 21. *Clamor Sodomorum & Gomorrha multiplicatus est, & peccatum eorum aggravatum est nimis: descendam & videbo, &c.* Cui pro fine erat tūc ut Sodoma deleteretur, tūc ut Lot cum suis salvaretur.

Clamor
contra
Civita-
tem.

Igitur noster ille Angelus velut clamori hujus alterius Sodomæ reddit reciprocum *clamorem fortem*; CECIDIT, CECIDIT: qua eādem formulā usus est Isaias cap. 21. v. 9. *Cecidit, cecidit Babylon*: verbis præteritis, quod commune est Prophetis sic evenitura cernentibus ac si jam viderent evenisse: mox enim annectit hīc verba futuri temporis, v. 8. & seqq. VENIENT PLAGÆ EJUS &c.

2. Bis dicitur, *Cecidit*: quia, ut explicatur v. 6. recipiet duplicia: & sua quæ patravit, & aliena ad quæ seduxit.

ET FACTA EST, inquit, HABITATIO DÆMONIORUM, propter superstitionem quam luet; ET CUSTODIA OMNIS SPIRITUS IMMUNDI, propter vitia polygamie atque impudicie; ET OMNIS VOLUCRIS IMMUNDÆ ET ODIOSE; propter superbiam & rapinas execrabiles. Vah! cujus malicie propinata, simul & vini IRÆ DEI (eādem phrasi qua Apoc. 14. v. 8. & in psal. 77. dicitur Deus v. 65. *tāquam potens crapulatus à vino*, id est quasi ebrius & nimium satur scelerum perpetratorum) consortes effectæ sunt GENTES, REGES TERRÆ, ET MERCATORES TERREORUM DE VIRTUTE DELICIARUM EJUS DIVITES FACTI.

Hæc de Cælo Vox Angeli & clamor prælagus damnationis.

3. *Alia* verò multò, & benigna Vox, Vox: ex-
etiam DE COELO, salutaris pro ite.
illuminandis electis & educendis: EX-
ITE DE ILLA POPULUS ME-
US: UT NE PARTICIPES SI-
TIS sicut DELICTORUM EJUS,
sic vindictæ. Verba sunt Prophetarum: Isā, 52. v. 1. *Exite de medio ejus.* & Jer. 50. v. 8. *recedite de medio Babylonis*: & cap. 51. v. 6. *fugite de medio Babylonis, & salvet unusquisque animam suam.* Quæ in Apocalypsi dicuntur hoc

hoc sensu: Vos qui de populo meo vultis esse, eripite vos maturè de cohabitatione ejus, de conversatione, de contagione, de communione vel infidelitatis ejus vel schismatis in regione illa. QUONIAM, inquit, PERVENERUNT PECCATA EJUS USQUE AD COELUM, coram quo clamor invaluit peccatorum: ET RECORDATUS EST DOMINUS INIQUITATUM EJUS quas dissimulaverat diu velut obliu-

Reddite illi: Quin immò vos REDDITE ILLI: percidete cur ego affligam: dum enim vestro nomine & causâ ego reddam, vos censébimini reddere. *Nolite*, ait Jeremias l. c. *facere iniquitatem ejus*. Dicite recta esse Judicia DEI, pro eo quòd & ipsa scelestâ fuit apostatrix, & vos conata est aut pellicere aut opprimere: DUPLICATE illi DUPLICIA SECUNDUM OPERA EJUS; sua, & aliena, quorum rea est. Comprobate Justitiam DEI & pœnam duplicem; cum hujus temporis, tum æternam. *Quoniam*, ut pergit Jeremias l. c. *tempus ultionis est Domino; vicissitudo*

dinem ipse retribuet ei. IN POCULO, inquit Apocalypsis, QUO MISCUIT, MISCETE ILLI DUP- PLUM. Hæc est enim vicissitudo: quòd illud ejus poculū aureū in manu sua (cap. precedente v. 4.) illud splendous ac pretii Imperialis, illa speciosa illecebra, ut vocat hoc poculum S. Am- brosius (lib. de Elia cap. 15.) fiat in manu DEI poculum fletus ac *luctus*, ipsi & complicitibus ejus: cum mensura æquali tormenti & doloris ad id quo GLORIFICAVIT SE ET INDELICIIIS FUIT; ipsi & gentibus quas potavit propinatrix. sic enim, de hujus poculi ac mensuræ vice reddendâ loquitur Jeremias, in figura quæ præcessit devastata Babylonis olim per Cyrum & Persas, DEO vindice tyrannidis in captivos: *Calix* ait cap. 51. v. 7. *nuncius Babylon in manu Domini, inebrians omnem terram; de vino ejus biberunt gentes, & ideo commota sunt*: vel, ut habet codex Arabicus, *biberunt omnes populi, & Babylonizati sunt*, id est, in eandem confusionem mutati.

§. II.

Planctus super eam terrestrium.

Nescit se 1. **M**iseram, quæ IN CORDE SUO sibi intus canit & DICIT; SEDEO REGINA! immersa præsentibus delictis & gloriabunda Sede & Imperio *Beatae*: ET, oblata Sedis atque Imperii *quid dicit* VI- DUA NON SUM: quoniam verò non

sit notoriè vidua Christo, quem deseruit, suo quondam Sponso, cui juraverat, & quem amplexa erat inde à primâ sui amplificatione, & scripto & nomine acceptis per Constantinum Magnum in tanto splendore & tam diuturno; translatis ad infideles ac de-

L nique

nique devolvendis ad Antichristum; quo tempore, digno se præmio, evertetur ac redigetur in cineres, adeò ut obstupescant qui VIDERINT FUMUM INCENDII EJUS. IN UNA enim DIE VENIENT PLAGÆ EJUS, simul MORS ET LUCTUS ET FAMES, ET IGNE COMBURETUR: QUIA FORTIS EST DEUS QUI potenter JUDICABIT ILLAM & ulciscetur.

Retrospexit Apocalypsis ad verba Babylonis, Isa. 47. v. 8. *quæ dicis in corde tuo: non sedebo vidua.*

placētus
terre-
strium.

2. Erunt tunc qui SUPER ILLAM PLANGENT, non tam illam quam SE & suammet jacturam, homines triplicis generis, terrenorum amatores, Primò v. 9. & 10. REGES TERRÆ: tum ii ipsi qui operam suam colloca- verunt (tecto) DEI impulsu, ut vidimus cap. 17. v. 17. in illa subvertenda: tum alii Reges cum ea veriti nuper in delictis regis. Hi non sine *fletu & timore* ob honorem talis dei, iudicii ac vicissitudinis TORMENTORUM contemplabuntur cineres tantæ fortitudinis ac potentæ regis: VÆ, VÆ, inquit, CIVITAS ILLA FORTIS! Sed enim fortior est DEUS à quo VENIT JUDICIUM TUUM.

Secundò (v. 11. & seqq.) NEGOTIATORES TERRÆ qui in illud emporium convolebant MERCES aureas, lapides pretiosos, margaritas, byssum & coccum, ac mercem ex toto Oriente: interque OMNE LIGNUM THYINUM; sive eorum- minue significetur odoratum lignum o-

minis generis (græcè θύρον;) sive cer- tum genus arboris thya, quæ Constan- tinopoli in pretio & usu est in contig- nationibus: de qua arbore Plinius lib. 13. cap. 16. *Trogate*, inquit, *vocatur, ab alius Thya*: & citat Theophrastum, qui huic arbori magnum, inquit, honorem tribuit quandamque immortalitatem materic in telis contra omnia vitia inter- ruptæ Hæc Plinius. Addit Apocalyp- sis plura his, ac nominatim odora- menta, unguenta, thus &c. demum & mancipia: & quod fuit luctuosissimum, atque emphaticè dicitur (v. 13.) *ammas hominum venales*. Jam ille delictus, POMA sua desiderabilia, exquisitorum omne genus fructuum, OMNIA PINGUIA ET PRÆCLARA, PERIERUNT A TE: ET AMPLIUS ILLA JAM NON INVENIENT penes te. Similiter MER- CATORES HORUM, multitudo propolatum illuc urbis ac dinomis: qui inferri illuc solita cœmeca intus & vana iterum exponebant in tabernis ac po- pitis, mercatu suo DIVITES in ea IACTI. Equam hi AB EA LONGE STABUNT, & ibunt cum terrore & lamento: VÆ, VÆ, QUONIAM UNA HORA DESTITUTÆ SUNT TANTÆ DIVITIÆ!

Tertium genus plangentium (v. 17. & duobus seqq.) mandari: OMNIS GUBERNATOR classium, ET OMNIS QUI IN LACUM NAVIGAT, Bosporum & Propontidem & Pontum: ET QUI IN MARI OPERANTUR, Archipelago, quod alunt: hi MISERUNT PULVE- REM SUPER CAPITA SUA: VÆ,

V. E. V. E. ob sublatam navigationem
& amicitiam atque opportunitatem
portus, & commercium ex hac Civita-
te maritimum, IN QUA DIVITES
FACTI SUNT OMNES QUI
HABEBANT NAVES IN MA-
RI.

3. Mundus similis describitur fuisse
Ezech. 27. super Tyro, per Negotia-
tores, naves, gubernatores maris, ha-
bitatores insularum & Reges percul-
sos.

In hoc planctu Apocalypico ter di-
gitur de eadem ejus clade: *quoniam*
UNA HORA, inquit Reges (v. 12.)
destruentur (v. 13.) sicut paulo
ante Angelus v. 18. *in una die venient*
plaga & Mercatores (v. 17.) *quoniam*
UNA HORA *desolabitur* &
Navales (v. 19.) *quoniam* UNA HO-
RA *desolata est*. Ergo Ezech. 11 v. 12.
Multas hanc oblivionem facit luxuria
magna (luxus magni & pompae) *Et in*
sine hominum (& quantacunque civita-
tis hominum) *destruitur opus illius*.

Exulta-
tio coe-
litum.

Solum COELUM, cui non fuit
hoc repentinum sed praevium, jubetur
(v. 20.) *exultare SUPER EAM*: ET
SANCTI APOSTOLI ET PRO-
PHETAE ad quos dicitur: JUDICA-
VIT DEUS JUDICIUM VE-
STRUM DE ILLA: cum quia vin-
dicavit abnegatam & proculcatam
doctrinam quam vos praedicastis:
cum quia sanguinis vestri & persecu-
tionis, contra vos, in postem
vestrum se participem
fecit.

COROLLARIUM.

Atque ex his, in hoc §. dictis, magis
liquet prophetari de Constan-
tinopoli.

Nam, ut taceam primò ad Regum 1. Plan-
cium pertinere *fortitudinem* Atus Re-
gum: u. bis (v. 10.) & munimenta terrestria
maritimaeque in utroque litore Euro-
pro & Asiatico: amplitudinem urbis,
& circuitum portuum trium & vigin-
ti: ipsumque in primis in comparabili-
lem ac planè Regium situm in fauci-
bus Europae atque Asiae, quo praefert
arcem ac Principatum maris & terra-
rum: Tum deinde Basilicas, ac Purpu-
ratorum habitationes, atque opera pu-
blica perquam magnifica (nam priva-
tum vulgus in humiliorem formam
inmutavit adificia sua): inter quae sunt
Thermae centum, & ex his quinquag-
inta majores & geminae, ut altera sit
pars pro viris altera pro mulieribus: nec
non Hospitia publica in quorum illu-
stinibus aquae saluberrimae in area me-
diaductae ex suburbanis regali magni-
ficentia. De Thermis Leunclavius lib.
15. historiae Muselmarae: *Palaea*, in-
quit, *multa quibus similia nulla in orbe*
terrarum conspiciuntur.

Secundò, ut praeterea ea quae spe- 2. Mer-
tat planctus Mercatorum: comite-
cium & vectorem faciliò ex utroque
maris: & quae dicitur de opulentia
mercium (v. 12.) & *fructibus desiderabi-
libus* v. 14. quibus omni tempore, annis
temporis, tota sunt plena: in campo
frumentario Thracio quaquaversum

L 2 ain-

ampliore quàm sit septidui, alicubi viginti & cò amplius dierum itinere: præter Asiam contiguam, ubertate agrorum frumentariorum & pastu propinquum. De *lignorum*, quoniam & hæc commemorantur in Apocalypsi (v. 12.) abundantia: sylvis vastissimis, perennibus, longis itinere plus quàm quadraginta dierum, continuatis à Propontide ad Colchos ac multò ulterius: ut non modò sibi ac vicinis, verùm etiam longinquis, atque adeò ipsi Ægypto, Sinui Arabico, atque Africæ materiam suppeditet in ædium naviumque fabricam; solæque ex maximis urbibus sit Constantinopolis quæ nunquàm incidere posse videatur in lignorum penuriam. De vini exundantia, scilicet Turcis prohibiti: quod fert ipsa habetque oram Bosphori, Propontidis, & Hellesponti constam vinetis (ita ut Menander comicus scriptum reliquerit: *Omnes Mercatores temulentos facit Byzantium*) & compendio navigationis propè infinita genera habere potest illius aliarumque deliciarum, *odorum* Arabiæ ac rerum pretiosarum totius Orientis.

Maritimorum.

Uti hæc igitur omittem: Certè is qui est tertius planctus (v. 17.) *naviarum & qui in mari operantur*, maxime propriè cadit in Constantinopolim: quæ peninsula est; & mari, undique portuoso, cingitur ex tribus partibus: à meridie quidem Propontide, ab Oriente Bosphori fletu, ab Aquilone Sinu seu lacu maris, cui nomen Ceratini, omnium portuosissimo, tractuque prompto in Europam & Asiam.

Cujus vastitatem Civitatis & navigationis jacturam necesse est magni causam fore clamoris: ac nominatim eorum de quibus dicitur v. 19. *in quodivites facti sunt omnes qui habebant naves in mari.*

Nam quòd cum stupore planguntur, v. 17. *desituta tanta divitiis*: auctor est Sozomenus lib. 2. hist. Eccl. cap. 2. jam tum suo ævo tantum crevisse, *ut tum frequentia hominum, tum pecunie & divitiarum abundantia, Romam omnium consensu longè superaret*. Scriptor verò historiæ Mutelmannæ supra laudatus, de Mahomete illo primo Imperatore Turcarum addit etiam amplificasse: *Constantinopolim*, inquit, *totam renovavit, incolarumque numero & copius auxit, ut in universi hujus orbis terrarum finibus NULLAM URBEM huic PAREM posse reperiri plerique testentur*. Hæc Leunclavius l. c. Nempe hoc ipsum suis verbis dicunt in Apocalypsi nostra, v. 18. *QUÆ SIMILIS CIVITATI HUIC MAGNÆ?* & quinque hoc cognomine appellatur (cap. 17. v. 18. & cap. 18. v. 10. & 18. 21.)

Pars utique Apocalypseos magnarum ante prophetatæ! Sedes Imperii Bestialis: & descriptio evidens ac tam fusè (totis duobus Capitibus usque in tertium: ut proinde nobis etiam licuerit esse longioribus) Civitatis quæ apostatavit à Christo, & pro eo quòd fuit sacri Romani Imperii, facta est Turcica metropolis.

§. III.

§. III.

*Representatio ejus ruinæ.*Profundū
sup-
plicii.

1. **C**OMMODUM exultante Carlo CUNUS ex *Angelis* accedit, (v. 21.) representaturus excidium prophetatum. Is pro sua *fortitudine* apprehendit LAPIDEM QUASI MOLAREM MAGNUM, & injiciens *mari*: HOC IMPETU, ait, MITTETUR BABYLON CIVITAS ILLA MAGNA: submergetur in profundo malorum æterno; eo pondere & gravitate calamitatis; eâ celeritate ac vehementiâ lapsus; eâ ruinâ irrecuperabili, quæ est quasi molæ lapidis; eâ subita contritione & comminutione tanquam à forti Angelo, de qua Jer. 51. v. 8. *Subito cecidit Babylon & contrita est*: eâ jacturâ sempiterna, de qua S. Joannes addit; ET ULTRA-JAM NON INVENTUR.

Desperatum:

2. Ex hoc desperatio omnis *cantus* in *toga*, omnis *tube* in *sago*: cessabit artifex: desinet opus MOLÆ, seu operæ mancipiorum: nullum lumen LUCERNÆ, nedum splendor Imperii: *stonsalia*, voluptas, & pompa nulla Commemorat o horum est initium luctus æterni: *Transferunt omnia illa tanquam umbra*, & cætera cantici lugubris infernalis quod habetur descriptum Sap. 5. v. 9. & seqq. *Talia dixerunt in Inferno hi qui peccaverunt.*

Jam enim sæpè diximus, hæc ita

prophetari de excidio urbis Constantino-politane temporibus Antichristi: ut simul excidium antiquæ Romæ sit in mente pro Idea futuri: simul figuretur interitus Collectionis omnium reproborum quæ est Civitas & Imperium infidele Principis mundi. Unde fit, ut cum hæc tria sint ob oculos prophetanti, quadam obiter attingat quæ videantur apertius convenire Ideæ; ut, de sanguine effuso Prophetarum & Apostolorum, quod potius convenit antiquæ Romæ ut prototypo: quædam verò quæ expressius in Collectionem cadant reproborum; ut, quando loquitur de tormentis Civitatis everse, & de incendio fumante in sæcula æterna.

3. Denuntiatur Civitati, hæc omnia ei eventura in pœnam criminum, quæ tui recensentur: primum superbia. QUIA Principes habuerit pro Mercatoribus: MERCATORES TUI, ait, ERANT PRINCIPES TERRÆ. Secundum superstitio qua incantavit Orientem: IN VENEFICIIS TUIS ERARUN I OMNES GENTES. Tertium odium & bella iniusta in Christianos: adscribetur tibi SANGUIS PROPHETARUM ET SANCTORUM tanquam in te INVENTUS, quæ imitata es persecutores illorum: ET sanguis OMNIUM QUI

L 3

QUI INTERFECTI SUNT IN
TERRA : eadem ferè phraſi , qua
Chriſtus de Jeroſolyma ; cujus etiam
excidiſi olim præteriti quædam ſit inſi-
nuatio & cum illa comparatio : Matth.

23. v. 35. *ut veniat ſuper vos omnis ſan-
guis iuſtus, qui effuſus eſt ſuper terram à
ſanguine Abel iuſti.*

Haſtenus quarta Viſio, in hac ſe-
cunda Parte Apocalypſeos.

TRACTATUS XXVIII.

IN PARTEM CAPITIS XIX.

Continetur hoc Capite Viſio quæ eſt quinta ordine : præ-
paratoria Nuptiæ, quæ & ipſa habet nomen militantis : &
ſolemnis apparitio militaris ; Chriſti cum ſuo exercitu ve-
nientis pro ea contra Antichriſtum.

VERBA APOCALYPSEOS.

(Cap. 19. Verſu 1. & ſeqq.) *Poſt hæc audivi quaſi vocem turba-
rum multarum in celo dicentium : Alleluja : ſalus, & gloria, & virtus
, Deo noſtro eſt. (v. 2.) Quia vera & juſta judicia ſunt ejus, qui judica-
, vit de meretrice magna, quæ corruptit terram in proſtitutione ſua, &
, vindicavit ſanguinem ſervorum ſuorum de manibus ejus. (v. 3.) Et
, iterum dixerunt : Alleluja. Et fumus ejus aſcendit in ſecula ſeculo-
, rum. (v. 4.) Et ceciderunt ſemeres viginti quatuor & quatuor anima-
, lia, & adoraverunt Deum ſedentem ſuper thronum dicentes : Amen :
, alleluja ! (v. 5.) Et vox de throno exiit , dicens : laudem dicite Deo
, noſtro omnes ſervi ejus : & qui timetis eum, paſſilli & magni. (v. 6.)
, Et audivi quaſi vocem turbe magnæ, & ſicut vocem aquarum multa-
, rum, & ſicut vocem tonitruorum magnorum, dicentium : Alleluja. Quo-
, nam regnavit Dominus Deus noſter Omnipotens. (v. 7.) Gaudeamus
, & exultemus, & demus gloriam ei : quia venerunt nuptie agni, & uxor
, ejus præparavit ſe. (v. 8.) Et datum eſt illi, ut cooperiat ſe byſſino ſplen-
, denti & candido. Byſſinum enim juſtificationes ſunt Sanctorum.
, (v. 9.) Et dixit mihi : Scribe : Beati, qui ad carnem nuptiarum agni vo-
, cati ſunt, & dicit mihi : Hæc verba Dei vera ſunt. (v. 10.) Et cecidi
, ante pedes ejus, ut adorarem eum. Et dicit mihi : vide ne feceris : con-
ſervus*

seruus tuus sum, & fratrum tuorum habentium testimonium Iesu.
 Deum adora; Testimonium enim Iesu, est spiritus prophetia. (v. 11.)
 Et vidi caelum apertum, & ecce equus albus, & qui sedebat super eum,
 vocabatur fidelis, & verax, & cum iustitia iudicat & pugnat. (v. 12.)
 Oculi autem ejus sicut flamma ignis, & in capite ejus diademata multa,
 habens nomen scriptum, quod nemo novit nisi ipse. (v. 13.) Et vestitus
 erat veste aspersa sanguine, & vocatur nomen ejus verbum Dei. (v. 14.)
 Et Exercitus qui sunt in caelo, sequebantur eum in equis albis, vestiti
 byssino albo & mundo. (v. 15.) Et de ore ejus procedit gladius ex utra-
 que parte acutus: ut in ipso percutiat gentes. Et ipse reget eas in virga
 ferrea: & ipse calcet torcular vini furoris irae Dei Omnipotentis.
 (v. 16.) Et habet in vestimento & in femore suo scriptum: Rex Regum,
 & Dominus dominantium. (v. 17.) Et vidi unum Angelum praedictum
 in sole, & clamavit voce magna, dicens omnibus audibus, quia voluit
 per medium caeli: Venite, & congregamini ad carnem nigrantem
 (v. 18.) Et manducetis carnes Regum, & carnes tributorum, & cer-
 nes fornicum, & carnes equorum, & sedentium in ipsis, & carnes om-
 nium liberarum, & servorum, & pusillarum, & magnarum.

§. I.

Applausus Regno & Nuptiis Agni.

1. **C**onsonat initium hujus Ca-
 pituli ei quod dicebatur in Ca-
 pitulo praecedente, v. 20. *Ex-*
nulta Caelum.

Nempe Justitia Dei, materia est
 exultationis licet Dei ipsi, sic Beati
 ejus: quorum ubi canticum proprium
 est illud de quo Tobias cap. 13, v. 22.
 per vias eius alleluia cantabitur. Un-
 de hic in Apocalypsi multiplex inge-
 minatio Alleluia (Hebraice: Laudate
 Deum.) Primum de sententia dat-
 nationis lata adversus Meretricem
 QUE CORRUPIT TERRAM,

coram qua palam professus se, auctor
 ad amplectendam infidelitatem. Di-
 cunturque omnes quae IN COELO
 sunt. verè & iuste iudicatum esse: AL-
 LELUJA, inquit, SALUS ET
 GLORIA ET VIRTUS DEO
 NOSTRO EST: Salusabilis; glo-
 ria illius virtus penes illum sicut salvan-
 di sic & damnandi. Addunt de vin-
 dicta sumpta de sanguine SERVO-
 RUM DEI, quod est ITERUM
 ALLELUJA. Nec non de poena
 iustitiae Meretrici, ignis & fumo aeterna,
 tertium ALLELUJA; quod dicitur

Alleluja
 super
 vindicta

cum

cum asseveratione, AMEN, 24. *Seniorum Ecclesia* & 4. *Animalium* quæ representant Evangelia & Doctores ejus, *adorantium* DEUM veridicum & justum.

Cui orthodoxorum non est manifestum, hæc nequaquam convenire hodiernæ Romæ? quæ à prima sui conversione nunquam descivit à fide Christi, & de qua tantæ laudes Patrum; ad quam, teste S. Cypriano, *perfidia habere non possit accessum*. (ep. 55. ad Cornel.)

2. Tum verò (v. 5.) DE THRONO VOX & invitatio omnium ad gratulationem super causâ exultationis aliâ: & obeditio TURBÆ MAGNÆ SICUT AQUARUM MULTARUM, ET TONITRUM ORUM resonantium LAUDEM, ALLELUIA novum: propter adventum Regni DEI, & adventum *Nuptiarum Agni*, ac *preparationem* Sponsi. QUONIAM REGNAVIT, inquit, DOMINUS DEUS NOSTER OMNIPOTENS: & QUIA VENERUNT NUPTIÆ AGNI, ET Uxor ejus PRÆPARAVIT SE: illa de qua S. Augustinus in psalmum 127. *Uxor ejus, Ecclesia ejus*.

Et præparatio dicitur esse quod cooperuerit SE BYSSINO NITENTI ET CANDIDO. quæ Byssus consistit in *sanctitate* & *justitia* (Luc. 1. v. 75.) coram ipso Sponsio, à quo *data* fuerat gratis, ac deinde ornata cumulatâque operibus majoris *justificationis*, ac præcipuè patientiâ in persecutionibus; tanquàm linum (hoc est enim byssus, pretiosissimum veteribus) à

multa tunctione & carminatione purius ac splendidius, græcè καθαρόν καὶ λαμπρόν.

3. Occasione Nuptiarum, audit Joannes mandantem: SCRIBE; BEATI QUI AD COENAM NUPTIARUM AGNI VOCATI SUNT. Dicitur *Cœna*: quia in mundi vespere, in Beatitude, de qua sermo est Luc. 14. v. 15. nam *prandium* nuptiale Matth. 22. v. 4. celebratur in desponsatione in terris; in quo etiam qui comparuerit, vocatus, potest ejici: at non è cœna Beatorum.

Hic cum adderetur, VERBA HÆC esse DEI: *cecidit* adoraturus Deo soli latrâ: ut expresse hunc locum explicat S. Doctor Augustinus lib. 1. quæst. super Gen. q. 61. ubi cum distingueret inter quamlibet adorationem & inter eam quam Græci vocant λατρείαν, docet Angelum prohibuisse adorari se isto modo qui non nisi DEO deberur: *Talis enim, inquit, apparuerat Angelus, ut pro DEO posset adorari: & ideo fuerat corrigendus Auditor.*

Quamobrem manifestans se Angelum esse: VIDE, ait, NE FECE- RIS: DEUM ADORA: nam, CONSERVUS TUUS SUM qui TESTIMONIUM exhibeo DEO, prophetando apud te (hanc Apocalypsin JESU CHRISTI ad quod missus sum ab illo Apoc. 1. v. 1. & 2.) quod & tu exhibeas per testimonium apud genus humanum. SPIRITUS ENIM PROPHETIÆ omnis EST TESTIMONIUM JESU: & quicumque perhibent illud, tu & fratres tui, mecum servi sunt JESU.

§. II.

Alleluja
super ad-
ventu
nuptia-
rum.
Præpa-
ratio
nuptiæ.

§. II.

Christus cum exercitu.

Aperi-
untur a-
cies cœ-
lestes:

Auxilia-
res, Ec-
clesiæ.

Christus
Dux.

1. **H**IS auditis, VIDI, ait, COELUM APERTUM & in illo instructam aciem: Christo Equite albo præeunte, laturo auxilium & constantiam Christianis contra Antichristum. Neque enim in illa immani persecutione, temporibus Antichristianis, destituer Christus Ecclesiam: ne sit dicere quod puer Elisæi dicebat, oculis nondum apertis, 4. Reg. 6. v. 15. *Hæu, hæu Domine mi, quid faciemus?* sed pro magnitudine tentationis multiplicabit auxilia, & dabit proventum turmis Martyrum, quæ hîc repræsentantur, trahendis gratiâ & exemplo Christi atque intercessione Beatorum.

2. Prout igitur Christus, ille idem Sessor *Equi albi*, qui exibat vincens ut vinceret, in prima Parte Apocalypseos Capite 6. v. 2. Assignantur ei hoc in loco nomina quatuor: quorum primum & postremum ei conveniunt ut homini, ob naturam humanam hypostaticè assumptam: in primò exerit se (v. 16.) officium *judicis*, quod accipit quia Filius hominis est, (qui possit videri ab omnibus pro tribunali.) Joan. 5. v. 27. cujus propriè est *fidelem* esse in protegendis & remunerandis electis, & *veracem* in persequendis & condemnandis reprobis. In postremo titulus *Regis* (v. 16.) ipsa est Sedes David patris ejus, Luc. 1. v. 32. quæ ei venit nato de femore Patriarcharum,

Pars II.

Gen. 24. v. 3. & cap. 47. v. 29. Unde hunc titulum HABET IN VESTIMENTO (*habitu* quo *indutus* est *homo*) ET IN FEMORE SUO SCRIPTUM; REX REGUM ET DOMINUS DOMINANTIUM. Alia duo nomina ei conveniunt ut Deo: quorum alterum est essentialè, alterum personale: illud (v. 12.) commune tribus Personis, quod intellectu obscurum mortalibus & ineffabile (describitur Exod. 3. v. 14. QUI EST) comprehensibile soli Deo, QUOD NEMO NOVIT, inquit, NISI IPSE: istud singulare Personæ ejus, (v. 13.) VERBUM DEI, æquè incomprehensibile, sed manifestius ex quo caro factum. Hæc de nomine Equitis: sequitur descriptio ejusdem:

OCULI AUTEM EJUS SICUT FLAMMA IGNIS: tum ad illuminandum & accendendum electos milites suos amore divino (quò spectabat Capite 1. Apocalypseos v. 14.) juxta psalmum 43. v. 4. *dextera tua & brachium tuum, & illuminatio vultus tui*: tum ad perterrefaciendum hostes & ulciscendum, psal. 33. v. 17. *vultus autem Domini super facientes mala.*

IN CAPITE EJUS DIADEMATA conglobata è multis: quia Rex Regum & Regnorum est. Et à diadematis, ut Regi simul & Pontifici, pendula inscriptio nominis Sacro-

M

sancti.

sancti. VESTE ASPERSA SANGUINE : ut in illa secum ferat notas & ostendat, cum propitias, tūm ultrices sanguinis sui suorumque effusi.

DE ORE EJUS PROCEDIT GLADIUS EX UTRAQUE PARTE ACUTUS : gladius spiritus verbi sui & imperii : UT IPSO PERCUTIAT GENTES , Ultravis ex parte, cum ad propugnationem suorum & salutem, tūm ad oppugnationem hostium & condemnationem:

Recturus EAS IN VIRGA FERREA : id est, ait S. Augustinus in psalmum 2. *in inflexibili iustitia.*

IPSE sicut calcaverat torcular in passione sua, ut exprimeretur vinum novum quod bibent Electi ejus in regno DEI (Matth. 26. v. 29.) idem is QUI CALCAT TORCULAR adversus reprobos VINI FURORIS, IRÆ DEI (de quo bibent omnes peccatores terra (psal. 74. v. 9.) omnipotenter exundantis.

3. Sic descripta præeuntis Equitis præmit vestigia reliquus Equitatus : v.

14. ET EXERCITUS, ait, QUI SUNT IN COELO, SEQUEBANTUR EUM IN EQUIS similiter ALBIS : omnes VESTITI BYSSINO ALBO ET MUNDO.

Hi sunt exercitus Christi : quorum pars est in Cælo triumphante ; pars in Cælo militante. Illi securi dudum & beati victoriâ partâ post Christum. Iſti adhuc eundem sequuntur spe victoriæ ; Christiani certaturi contra Antichristum : præside S. Michæle (Dan. 12. v. 1.) & SS. Angelis : toto Cælo protectore, inspectore pugnæ, & hortatore ; semper supremo moderatore Christo, Capite corporis sui. Vestiverunt se byssino, de quo paulò ante v. 8. *splendenti & candido*, quod exposuit esse *iustificaciones Sanctorum*, & præparationem esse nuptiæ militantis : omnis Equitatus albus, quod est omen felicitis prælii & tessera imitationis Christi.

Equitatus Christi.

§. III.

Præfagium victoriæ de exercitibus adversariis.

Prænum, 1. *tius victoriæ:*

DUm adversus Sessorem Equi albi & Exercitum ejus opponit se *Bestia* una cum suis. Copiis AD committendum PRÆLIUM, ut dicitur v. 19, apparet *Angelus* prodromus victoriæ ; *stans* IN SOLE, annuntiaturus eam in oculis totius mundi : (v. 17.) Typus Antistitis & præconum Evangelicorum, qui non deerunt hoc tempore prælii & sustinendæ persecu-

tionis, in terris ; Ducibus Enoch & Elia, de quibus sup. cap. 11. & rursus inferius Tract. seq. §. 2.

2. CLAMAVIT Angelus VOCE AVIUM MAGNA, exhortator & nuntius OMNIBUS AVIBUS QUÆ VOLABANT PER MEDIUM COELI sui. Juvat (quod erit hujus solius loci Apocalypseos) per has aves intelligere fideles illius temporis. Nam &

S. Gre-

S. Gregor. alicubi per volucres in Scriptura intellexit pios Christianos, *Volucres*, inquit, (lib. 19. mor. cap. 1.) *id est, sancta anima quæ quibusdam virtutum pennis à terrena cogitatione se subleuant.* His pennis librabunt se quotquot in tanta persecutione & periculo, sublimes in fide, volitabunt per medium Cæli inferioris, quod est Ecclesia, non sine sancta trepidatione ac fuga dispersi. Quibus Angelus, Episcopus tunc pervigil Ecclesiæ universalis, præsto erit suâ suorumque prædicatione & consolatione prænuntiâ oraculorum temporis abbreviati, & imminentis interuentionis Antichristo, quam expectare debeant & ad catastrophem huius belli videndam anhelare, convolando intrepidè ac plaudendo alis.

Respicit Apocalypsis ad prophetiam Ezechielis, cap. 39. de his iisdem hostibus quos vocat Gog & Magog; v. 1. *Ecce ego super te Gog & v. 4. cades tu & agminata tua, & populi tui qui sunt tecum: feris, avibus, omnique volatili & bestis terre dedite ad devorandum.* Et v. 17. Deus ad Ezechielem: *dic omni volucri & universis avibus cunctisque bestis agri, convenite, properate, concurrite undique &c.* Similibus verbis hic Angelus: neque enim necessariò simili undequaque sensu verborum (siquidem feræ, aves & bestias Ezechielis in partem sinistriorem exposituri sumus) invitat omnes aves; sciant se congregari AD COENAM MAGNAM DEI: Ezechiel. l. 17.

ad victimam meam. Angelus: UT MANDUCETIS, inquit, CARNES REGUM, TRIBUNORUM, FORTIUM, ET CARNES EQUORUM ET SEDENTIVM IN IPSIS, &c. Ezechiel habet v. 18. *carnes fortium comedetis & sanguinem Principum terre bibetis.* & v. 20. *saturabimini super mensam meam* (quam vobis inferno) *de equo & equite forti, & de universis viris bellatoribus, aut Dominus Deus.*

3. Responditque eventus: prout vidimus in v. 21. Tractatu 30. §. 3. Et vaticinium

Neque potuit melius describi futuritas iustæ vindictæ, & plenitudo virtutis, quæ est devorasse hostes DEI & suos.

Modus autem, quo illa clades præstantis Antichristi, & illa salus Israël contingent, eruendus est ex paucis verbis quæ inferuntur in Apocalypsi hic v. 20. & 21. & in Cap. sequente ubi mentio fit Gog, v. 7. & seqq. simul conjunctis cum Prophetia Danielis & Ezechielis, ad quam Scripturas respicit & non obscurè se refert narratio huius loci Apocalypseos. De qua tota re quid tradatur, dicemus breviter in Tractatu sequente; cui hoc peculiariter reservavimus: De Ezechiele autem alii quoque Tractatui qui est 32.º ubi aliam ex S. Hieronymo adjicimus interpretationem, multò diversam, de volucribus & feris Ezechielis in exitu Gog.

TRACTATUS XXIX.

IN DUOS PENULTIMOS VERSUS CAPITIS XIX.

Versamur in Visione quinta secundæ Partis Apocal.

VERBA APOCALYPSEOS.

(Cap. 19. Vers. 19. & 20.) *Et vidi bestiam, & Reges terræ, & exercitus eorum congregatos, ad faciendum prælium cum illo qui sedebat, in equo & cum exercitu ejus. (v. 20.) Et apprehensa est bestia, & cum eo pseudopropheta: qui fecit signa coram ipso, quibus seduxit eos, qui acceperunt characterem bestia, & qui adoraverunt imaginem ejus. Vi-
vi missi sunt hi duo in signum ignis ardentis sulphure.*

§. I.

Exercitus Antichristianus.

Copie
Anti-
christia-
na:

Viderat Joannes ex una parte militiam sanctam Christianorum: ex parte altera videt copias hostiles impias ad atrocissimum illis bellum inferendum: *Bestiam* imprimis & *Pseudopropheta* qui CUM EA conjungitur v. 20. REGES quoque TERRÆ, quos traxerunt Bestia & Antichristus in suas partes: ET EXERCITUS EORUM CONGREGATOS. Quæ singula brevi explanatione indigent.

Exposuimus, per *Bestiam* designari Imperium infidele: quod hîc jam est pseudo-Judaicum. Unâ CUM *Bestia* est Antichristus, PSEUDOPRO-

PHETA ille singularis & magnus qui Messias falsorum Judæorum, re enim ipsâ infidelium: is QUI FECIT SIGNA magna, quod de Antichristo dictum fuit cap. 13. v. 13. ipse quoque ibidem cognominatus *Bestia alia*, quia cum suis Judæis constituit speciem novi Imperii, cum revera tantum addiderit priori Bestiæ, Imperio Mahometano, colorem & imaginem novam, prout sæpius diximus. Reges terræ sunt ii, quos Antichristus sibi devinxit vel subjecit, unâ cum regionibus quas attraxit. EXERCITUS sunt illa tota ex quatuor angulis terræ, ut dicitur Capite sequente v. 7. multitudo; cum Judæo-

Judeorum; exasperatissima contra Christianos, tunc eorum qui se his adjunxerunt & Judaizantis orbis terrarum.

Congregatio eorum: 2. Quod dicitur, vidisse CON-
GREGATOS: non est accipiendum de loco; quasi in eundem omnes campum sint descensuri ad pugnam: sed in eo sensu, quo Ecclesia est & dicitur Congregatio: diffusi enim erunt per orbem terrarum; perinde ut illa militans, quam oppugnant, est diffusa: consensu autem & odio atque armis persecutionis erunt iidem inter se, id quod sapientissime observavit S. Augustinus lib. 20. de Civ. cap. 11. cujus verba libet proferre in medium:

Hæc enim, ait, erit novissima persecutio, novissimo imminente iudicio, quam sancta Ecclesia toto terrarum orbe patietur: universa scilicet Civitas Christi ab universa Diaboli Civitate, quantacunque erit utraque super terram. Gentes quippe istæ, quas appellat Gog & Magog, non sic sunt accipiendæ, tanquam sint aliqui in aliqua parte terrarum barbari constituti. Toto namque orbe terrarum significati sunt isti esse, cum dictum est: nationes quæ sunt in quatuor angulis terræ. Et paulò post in Apoc. 20. versum 8. Quod verò ait: Et ascenderunt super terram latitudinem, & cinxerunt castra Sanctorum & dilectam Civitatem: non utique ad unum locum venisse vel venturi esse significati sunt; quasi aliquo uno loco futura sint castra Sanctorum & dilecta Civitas: cum hæc non sit nisi Christi Ecclesia toto terrarum orbe diffusa. Ac per hoc ubicunque tunc erit, quæ in omnibus gentibus erit; quod significatum est no-

minæ latitudinis terræ: ibi erunt castra Sanctorum: ibi erit dilecta DEO Civitas ejus: ibi ab omnibus inimicis suis, quia & ipsi in omnibus gentibus cum illa erunt, persecutionis illius immanitate cingetur; hoc est, in angustiis tribulationis ardebitur, urgebitur, concludetur: nec militiam suam deferet, quæ vocabulo est appellata castrorum. Hæc Augustinus.

3. Similiter autem & genus PRÆLII intelligendum est præcipue spirituale quo animæ impugnabuntur: nam in perniciem animarum omnis reliqua exquisitissima & acerrima persecutio sæviet in corpora. Neque enim arbitramur ex parte Christianorum futuros, qui tum demum exercitibus coactis obviam eant Antichristo ut resistant ferro & machinis bellicis ei qui regnorum omnium & orbis ab se domiti Monarchiam acquisierit, & in toto jam orbe regnet, ut citavimus Tract. 20. §. 3. ex S. Hieronymo in Daniele.

Enimverò hæc erunt arma Christianis: scutum fidei, & omnis armatura de qua Apostolus Ephes. 6. galea salutis, & gladius spiritus: constantia in confessione Christi: despicientia terrenorum & magnanimitas: fuga interim salutatis, & latebræ honestæ: præparatio ad martyrium sub vexillo Equitis albi cui vestis aspersa sanguine (sup. v. 13.) Aliis armis, ut habet axiomata Theologorum, martyr non pugnat. Quamobrem toto Cælo Apocalypseos errant, si qui aliud interpretantur bellum utrimque & arma: aut alium modum vincendi quem teneat Equitatus Christi: sicut qui & alias coronas vel

M 3 lau-

Genus
armatu-
ræ.

laureas. Neque profectò Duces à Deo missi Enoch & Elias alio genere pugnae præturi sunt, quando *Bestia*, ut dictum est Apoc. II. v. 7. *faciet adversum eos bellum.*

Antichristiana verò arma hæc erunt: primùm omnis generis blanditiæ, alle-

stamenta, illecebræ, pollicitationes: deinde insidiæ, fraus, perfidia: postremò minæ, furor, atrocitas tormentorum, & ubi contra animam nihil profecerint, internecio corporum, quorum specimen aliquod videbimus in sequente §.

§. II.

De novissimo conflictu.

Prælium
extremū
Hiero-
solymis.

1. **M**Odò expositum bellum, & ejus gerendi methodus; id est, hæc persecutio & hæc patientia Martyrum implebit totum mundum, temporibus pseudo-Messie. Sed erit theatrum belli singulare & extremus conflictus Hierosolymis. nam etsi, ut monuimus in §. præcedente, non omnes eodem in loco militabunt Antichristo; cujus seductio pervagabitur orbem terrarum; tamen cultissima erit id temporis Palæstina, & multò maxime urbs Hierosolyma; ad quam erit confluxus ex omnibus partibus mundi, tanquam ad Regiam in qua residebit Antichristus; & velut ad castra prætorii totius per mundum dispersi exercitus qui militat contra Christianos. Erit amplitudo urbis ingens, & pomærio ejus venisimiliter inclusi montes vicini: ac palatia suburbana: & circum undique omnia munita muris ac turribus & præsidio militari: in ipsa verò urbe Arx omnium superbissima, atque in Templo contiguo Sedes posita ejus, id est Antichristi, divinitati. Jam vetuit adorari aliud Numen quàm

se: immani fastu quem tegunt simulata sanctitas & prodigia. Supabitur, ultrò citròque commeaturus, satellitio Regum & Principum per quos sibi subjecit terras ac maria: quorum pars confluent, & erunt anteambulones ejus ac pedilæqui. Cujus totius apparatus ei auctor erit Princeps hujus mundi & Rex superbiæ.

2. Sub hæc tempora illuc, Hierosolymam, convenient duo celebratissimi Testes Enoch & Elias, de quibus dictum est Capite II. expectatissimi re-miniscentibus Scripturas: nisi à Deo, ille ex Gentibus, iste ex tribus Israël: qui se opponent Antichristianis, gladio spiritus. Neque enim, quod in §. præcedente sumus præfati, concitabunt Christianos ad vim aliter prohibendam, aut ad aliud genus prælii quàm ad constantiam testimonii pro Christo, & ad generosè pro eo dandum sanguinem.

Hi confutabunt nequissimum impostorem, à tempore assumpti nominis Messie: cum in aliis orbis partibus, in quas excurrent aut ad quas exibit sonus

fontis eorum : tūc præsertim in Palaestina & in urbe Jerosolyma: ubi se jungent hiambo Prædicatores ad retrahendos Israëlitas à cultu Antichristiano; ipsi cum suis affectis, quos una secum tuebuntur divinis prodigiis. De his illud S. Hieronymi quæst. 11. ad Algas. *quomodo virga Moysi devoravit virgas eorum* (Exod. 7. v. 12.) *na mendacium Antichristi, Christi veritas devorabit.* etenim falsamiracula veris suis destituent, & indefesso zelo per se suosque testimonium Deo vero, circumferent, ac potenti Scripturarum sacrarum oppositione pseudo-prophe- tiam ejus expugnabunt.

Hoc est novissimum prælium: in quo utrimque arma expediuntur, du- cibus hinc Antichristo, illinc duobus Testibus: ex parte illius seductio, pro- digia mendacia, intentata vis: ex parte horum doctrina Legis & Prophetarum, miracula vera, patientia, & omnis cataphractura, ut dicebamus ex Ephes.

6. Apostolica qua hi duo sese & Chri- stianos armabunt. Eo eventu quem S. Scriptura promittit, fore ut con- vertatur cor filiorum ad patres eorum, & restituantur aut instaurentur om- nia.

3. Donec ipsi magni Testes Chri- sti, sic enim dicti sunt per antonomasia, & Testium Duces, una cum aliis multis, testimonium prædicationis suæ finiant testimonio sanguinis, quem fundent ad extinguendum simul An- tichristum.

Erit tunc tripudium brevissimum & triumphus Antichristianorum, adeo ut duorum occisa corpora exponant in plateis ad ludibrium & ad exemplum. Sed enim eos moriendo vicisse mani- festum fiet, quando post dies tres & dimidium suscitati divinitus assumen- tur in Cælum: prout dictum est Apo- calypsis 11. non sine fremitu & annu- tiâ subito id temporis machinatione Antichristi; de qua §. sequente.

Et per
martyri-
um vi-
ctores.

§. III.

De clade Antichristiana.

Anti-
christus
post Te-
stes duos
ascen-
det.

1. **D**iximus in Caput 11. Tracta- tu 12. fore ut resurrectionem prædictorum Testium vocet in invidiam Antichristus ac damnet ceu fal- lacem & magicam. Ipse verò irritatus instituet suummet ascensum palam omnibus in Cælum, utpotè Dominus Cæli in quod se recipiat ut suum, & ascendat descendatque quoties colli- buerit. Omitto quod existimant

quidam, simulaturum fuisse mortem & resurrectionem: pro quibus S. Gre- gorius lib. 11. epist. 3. obiter, & dum alia tractat, hoc solum dicit: *mori se & resurgere simulat.* Ut ut est: elatus superbiâ & impatiens moræ, fremitus invidiâ, detestatus admirationem communem super duobus Testibus, implebit illud quod Daniel in fine Ca- pituli undecimi prædixit, ex orthodo-
xorum

xorum apud S. Hieronymum, quem citabimus inferius, expositione de Antichristo: fore ut figat *solum suum* (hæc est enim interpretatio vocabuli *Apadno*) in monte Oliveti, æmulus Christi. Illic inter acclamationes suorum, qui ad illam accurrent solennitatem, præstigiosissimè cinctus ministerio scilicet Angelico, attolletur à dæmonibus in sublime.

Peribit Sed incipienti evehi occurret S. Mi-
dejectus: *chaël* cuius mentio sequitur Dan. 12. v.

1. *Princeps magnus*, fugabitque dæmones, & erit nemo ex suis qui auxiliabitur ei. Destitutus auxilio deturbabitur ictu fulminis: dehiscente ei terrâ, sicut Core & familiæ ejus Num. 16. v. 33. atque, ut isti, vivus id est repente in descensu occisus, eodem temporis momento deglutietur abyssus inferorum: & cum eo Bestia, Regnum torum infidele, præcipitabitur atque immergetur in abyssum. Tota enim simul *Bestia* seu collectio infidelium reprobis accipitur hoc loco instar unius: & pronuntiatur de ea, eâdem vel simili phrasi qua in Capite 20. v. 14. dicitur; *Infernus & Mors missi sunt in stagnum ignis*; in quod v. 9. & 10. dixerat præmissos *Bestiam & Pseudo prophetam*. Congruit huic Bestiæ illud S. Irenæi lib. 5. cap. 29. *ut in ea confluent & conclusa omnis virtus apostolica in caminum mittatur ignis*.

Ergo APPREHENSÆ EST, ait Apocalypsis v. 20. BESTIA ET CUM EA PSEUDOPROPHETA. Et: VIVI MISSI SUNT HI DUO IN STAGNUM IGNIS ARDENTIS SULPHURE. Quia

& iste percussus divinitus interibit: & extinguetur Regnum infidelitatis, Antesignanis illius & Patronis relegatis in gehennam.

Juvet jam audire de Antichristi illo fine Daniele cap. 11. v. 45. *Et figet tabernaculum suum Apadno, inter maria, super montem inclitum & sanctum: & veniet usque ad summam ejus: & nemo auxiliabitur ei.* In quem locum

S. Hieronymus, explorato Porphyrio qui omnia de Antiocho Epiphane nitebatur exponere, ita scribit: *Nostri autem extremum Visionis huius Caputulum super Antichristo sic exponunt: Et cum fixerit Tabernaculum suum inter duo maria mare mortuum & mare magnum: Tunc veniet usque ad verticem montis Oliveti, qui inclitus vocatur, quia ex eo Dominus atque Salvator ascendit ad Patrem. & nullus Antichristo poterit auxiliari, contra se Dominus favente. Et asserunt ibi Antichristum esse perituum, unde Dominus ascendit ad Cælos. Apadno verbum compositum est: quod si dividas, intelligi potest ὁ πῶς ἀντὶ, soli sui. Et est sensus: Et figet Tabernaculum suum & thronum suum inter maria, super montem inclitum & sanctum.* Hæc Hieronymus ex prophetia Danielis.

3. Fient hæc, postquam præfuerit illi suo Regno Monarcha absolutissimus & Pseudo-Christus, mensibus 42. qui sunt anni tres & dimidius; seu dies 1260. Post hanc computationem temporis tam ordinatam, tam & diligentem & facilem ac planam, quorsum illa opinio recentiorum quorundam, qui supervicturū putant Antichristum dies

Danielis
vaticinium.

dies triginta ascensui duorum Testi-
um? Etenim reductionem Judæorum,
quam perusserant hi Testes, & ad quam
disposuerant animos plebis, intricant,
ac periculo exponunt tamdiu super-
stitis Antichristi, nullo Scripturæ aut
Traditionis fundamento. Nam Da-
nielis cap. 12. v. 11. & 12. alius est sensus;
de quo alibi. (Tract. seq. §. 3.)

Explica-
tur locus
Apostoli;
de inter-
fectione
spiritu
oris.
Et illu-
stratione
adven-
tus.

Potèd quod apud Apostolum 2.
Thess. 2. v. 8. dicitur de Antichristo:
Dominus Jesus interficiet spiritu oris sui
(vel ut Isa. 1. v. 4.) *Spiritu labiorum*
suorum; & *destruet illustratione adven-*
tus sui eum cuius est adventus secundum
operationem Satana: hanc recipit expo-
sitionem, interficietur Antichristus
spiritu id est iussu oris & imperio labio-
rum Christi: (cui iussisse fecisse est,
ait S. Hieron.) & contra eum, cuius
fuit adventus secundum operationem
Satanae, prævalebit adventus illustra-
tionis & operationis gratia qua destru-
cturus est tenebras Antichristiani Re-
gni & illuminaturus gentem tamdiu
cæcam, de qua idem S. Apostolus
Rom. 11. v. 25. *cæcus ex parte contigit*
in Israël: donec &c. veniet ex Sion qui
eripiat. Adde, quòd de adventu Do-

mini possit eo in loco explicari Apo-
stolus ex S. Augustino lib. 20. de Civ.
cap. 5. sicut multa alia *quæ de ultimo*
judicio dici videntur, pertinentia (in-
quit) *ad eum Salvatoris adventum quo*
per totum hoc tempus in Ecclesia sua
venit.

Postremò tò *adventus sui* facillimè
exponitur ac si dicat: tunc quando illi
veniet. Venit enim unicuique quando
adest finis vitæ ejus, & monet vigilare
ac paratum inveniri quando veniet.
Antichristo autem venturus est illu-
striore & celebriore modo ac vindictâ.
Cæterum adventus Domini ad judi-
cium nondum erit: sed tamen indi-
cium erit luculentum propinquan-
tis.

De interitu autem per fulmen, ceci-
nit etiam Sibylla l. 3. Orac. *Potestas*
ardens & inundans in terram veniet, &
Belus incendet. Quòd si quidam e-
normiter impii divinius sunt percussi,
ut inter alios Julianus apostata cœlesti
telo de quo videre licet Theodoret.
lib. 3. hist. cap. 20.) quanto id magis
convenit Antichristo. unà cum perti-
nacibus is qui fuerunt præcipua instru-
menta seductionis,

TRACTATUS XXX.

IN VERSUM ULTIMUM CAPITIS XIX.

Nihilne divina Apocalypsis habeat de præcipua re futura, quæ
est conversio Judæorum? habet verò: sed suâ phrasi subli-
mi & in myllerio verborum sequentium.

Pars II.

N

VERBA

VERBA APOCALYPSEOS.

(Cap. 19. Vers. 21.) *Et ceteri occisi sunt in gladio, sedentis super Equum, qui procedit de ore ipsius: & omnes aves saturatae sunt carnibus eorum.*

S. I.

De Occisione per gladium.

Occisio
salubris: 1.

Aliud est Bestiam, Imperium infidelium, & Pseudopphetam missos esse in stagnum ignis: aliud ceteros esse occisos gladio Equitis albi, cui finis est propositus vincere, & salutem afferre gladio suo iis quorum ferit animas efficaciam verbi sui & sternit. Etenim S. Joannes post narrationem de damnatione istorum duorum, Bestiæ & cum ea Pseudopphetæ in stagnum ignis ardentis sulphure: de pleraque multitudine aliorum mutat, & ait: CÆTERI OCCISI SUNT IN GLADIO, SEDENTIS SUPER EQUUM; QUI PROCEDIT DE ORE IPSIUS: utique sermone Domini qui salubriter occidit quorum è medio tollit errorem, & scelera, & corrigit in terris.

Gladio:

2. Hanc occisionem, & hunc gladium ancipitem oris Domini, describit S. Doctor Augustinus in psalmum 149. Sermo DEI, ait, *gladius bis acutus. Unde bis acutus?* &c. Venit ergo Dominus noster ferens gladium bis acutum; promittens aeterna, implens temporalia.

Duo Testamenta ad gladium bis acutum pertinent: vetus Testamentum terrena promittit; Novum aeterna: In utroque sermo DEI verax inventus est ut gladius bis acutus. Post pauca describit phalanges illo DEI sermone armatas, & stragem quam edunt: quod est hujus maxime loci. Jam, fratres, videtis Sanctos armatos: attendite strages: attendite gloriosa praelia. Attendite quomodo cæse sunt gentes Babylonia. Dicamus nos, Antichristianæ: Nam de Paganis idololatriis ibidem Augustinus profertur: Quomodo, inquit, Pagani occiduntur? quærimus nos quomodo occisi sint gladio sancto Judæi, qui modò Antichristiani. Responderet: Quomodo, nisi cum Christiani sunt? Quæro Paganum, & non invenio: Christianus est; ergo mortuus est Paganus. Fundat hanc occisionem in Scriptura: Nam si non occiduntur, unde dictum est Petro, Matthea & manduca? (Act. 10. v. 13. & Act. 11. v. 7. nostra vulgata versio habet: occide & manduca.) Et adducit exemplum occisi, Act. 9. Unde ipse Paulus occisus est persecutor, & Paulus erectus est

est predicator? quæro Paulum persecutorem & non inuenio: occisus est: Unde? de frumca bis acutâ, sed quia occisus est in se, & uiuificatus in Christo, idè confitens & confidens dicit: *Uro autem jam non ego.* (Gal. 2.) *uiuit uerò in me Christus.*

Erigne. Habemus atipulantem S. Augustinum: sed & S. Hieronymum: ecce Doctores duos maximos: prout uidebimus in Cap. seq. in versiculum notum: ubi in eandem sententiam ex illis duobus Patribus explicabimus igne à Deo de Cælo qui deuorauit eos: ad quem locum huic connexum &

expositionem ejus differimus Lectorem.

3. Hoc planè est quod sup. Cap. II. ante septimam Tubam, & in fine Væ secundi, quod erat persecutio Antichristiana, dictum fuit; & huc spectat ad finem prælii Antichristiani: *reliqui, aiebat v. 13. in uimorem sunt missi, & dederunt gloriam Deo Cæli.*

Tantundem enim est quod hîc dicitur de cæteris; occisos esse gladio sedentis super Equum: quantum id quod illuc de *reliquis*; missos esse in timorem DEI & dedisse gloriam Deo Cæli, ac tetendisse victas manus.

Quæ æpositio fit manifestæ ex Apoc. II. v. 13.

§. II.

De ipsis occisis.

Victoria de Judæis: 1. **O**ccisio igitur illa est conuersio nationis Judæorum ad Christum, & de iis victoria: materia in Cælo ejus gaudii, quod erat quartum Alleluja initio hujus Capituli, super Regno DEI ut omnipotentis, & nuptiis Agni vicinis, ac splendore atque apparatu nuptæ: scopus ad quem missio collimauerat duorum Testium, eorumque prædicatio: effectus gladii, Christi, potenter vibrati; & mutatio dexteræ Excelli: Sessori Equi albi & gladio oris ejus gloriosissimum genus occisionis ac stragis.

De quo S. Chrysostomus ad laudem Apostolorum hom. 34. in Matth. ubi hunc vocat *novum quendam atque inauditum bellandi modum*, ac mirabilem hanc aciem militum, & addit: *Ma-*

ius ceriè atque admirabilius est mentem aduersariorum commutare & animum in diuersum intransferre, quàm illos occidere. Dicamus nos de SS. Apostolis, quod simili gladio armati, missique contra lupos, non aliter eos occiderint, quàm ut quod lupinum erat delerent, & animos in suam ovium naturam mutarent. Quod tunc de populis Gentium, hoc de populis nunc etiam Judæorum accinatur Regi victori ex epithalamio suo, quod est psalmus 44. *populi sub te cadent.* ubi S. Augustinus: *occisus est inimicus Christi, ut uiuat discipulus Christi: cecidit Saulus, (populus persecutor) ut esset Paulus, (populus obsecutor.)*

2. Nempè ibi natio Judæorum, Execrata uerbo Scripturarum & ob-

N 2

tio pfeurata

do-Ju-
daismi.

ruta multitudine atque efficacâ divi-
norum evidenter prodigiorum, con-
vulnerari communibus animis: sentire
tandem aliquando, ac manifestè, se de-
lusam ab Antichristo: & percussâ DEI
timore, vi prædicationis & ascensus
duorum Testium, atque exturbationis
horrendæ Antichristi præcipitati, agno-
scere palam errorem, & execrari suum
pseudo-Judaismum, ac manus dare
Christo. Sic prorsus, ut (Rom. II. v.
26.) cum plenitudo Gentium intraverit
dudum, jam omnis Israël salvus fiat.

Unanimitè proinde, qui Antichri-
sto & cum eo fulminatis superstites e-
runt, convertentur ad Christum: &
abolitâ penitus Bestiâ, (Regno infide-
li) aggregabuntur Ecclesiæ DEI: vi-
vet nomen & exaltatio Christi in Ju-
dæorum ore; inclamantium Baptis-
mum & instructionem Christianam
in vero DEI & Salvatoris sui cultu.

Super hoc genere occisorum ad sal-
utem, & obstupescenda erga eos pro-
videntiâ, exclamandum est cum Apo-
stolo; Rom. II. v. 33. *O altitudo, græcè*
ὡ βάθος id est ò profunda abyssus, di-
vitarum Sapientiæ & scientiæ DEI!
quàm incomprehensibilia sunt iudicia eius
ac modus vindicandi se, & investi-
gationes viæ ejus quas prævidit faciendi
vindictam, & edendi stragem adver-
satorum suorum! qui est vincere Bo-
nitate suâ malum. præcessit causa ex-
clamandi & speciem divinarum sapi-
entiæ ac præscientiæ DEI; v. 32. *Con-*
cluserunt enim, aut, omnia in incredulitate; eo
suo divinissimo consilio & eo eventu
ac fine, ut omnium misereatur!

Predi-

3. Adducit Apostolus I. c. Isaiam

prophetantem de hoc eventu, cap. 59.
20. *Veniet ex Sion qui eripiat & arer-*
eat impietatem à Jacob. Et est promissus
aliis in locis Scripturarum: atque
ex iis celebratissimus apud SS. Patres
Quorum S. Ambrosius in caput 13.
Lucæ, v. 6. & seq. nationem Judai-
cam assimilât arbori. *Et* & adjun-
git locum Matth. 24. v. 31. ubi Domi-
nus ex teneritudine arboris hujus & so-
lus commemorat conici solere æstatis ad-
ventum: utroque significans, inquit Am-
brosius, & Judicæ plebis inanem quam
pratendebat gloriam velut florem adven-
tu Dominus decidisse, quia ab operibus in-
fructuosa durabat: & Judicii diem velut
æstatis adventum, quo adulti fructus ter-
rarum omnium reconduntur, ex pleni-
tudine Ecclesiæ, in quam Judæi quoque
creduri sunt, esse metendum.

S. Hieronymus in Caput 3. Osee
v. 4. *Hi sunt ergo multi dies, quibus in-*
felix Synagoga sedet contracta, quia cum
Christo stare non potest: sine Rege &c.
Hac est cecitas quæ ex parte accidit Israël-
li, ut subintraret plenitudo Gentium, &
tunc omnis Israël salvus fieret: & multo
post tempore (Osee v. 5.) *revertentur &*
querent Dominum. Addit ex comuni
interpretatione, cur post dies tam
multos! *Quæ sit causa tam grandis of-*
fensa ut tanto tempore relictæ sint, maxi-
mè cum idola non colant, præter interse-
ctionem Salvatoris; aliam non valent in-
venire. Et in Jeremiæ caput 18. v. 17.
dies autem perditionis Judææ, omne tem-
pus est post passionem Salvatoris usque
ad finem sæculi: ut postquam subintravit
plenitudo Gentium, tunc omnis Israël
salvus fiat. Et in illud Ezech. 17. v. 24.
sicca-

Et in S.
Scriptu-
ra:

siccum lignum viride, & frondere fecit lignum aridum: postquam explicasset de ligno viridi Judæorum & de ligno arido Nationum: addit aliorum expositionem. utrumque, ait, referunt ad Israel, quod primo Adventu humiliatus sit & arefactus, & secundo restitutus in pristinum statum. Tunc, inquit in Ezech. 36. v. 26. auferetur de corde Judaico omnis duritia que lapidi comparatur, ut pro lapideo corde sit cor carneum, molle, & tenerum quod Spiritum DEI in se possit recipere.

Et in SS.
Patri-
bus.

S. Augustinus in locum præfatum Ose. 3. in suo de Civit. lib. 18. c. 28. Istos autem carnales Israëlitas, qui nunc nolunt credere in Christum, postea credituros; id est filios eorum, nam utique isti in suum locum moriendo transibunt; idem Prophetæ testatur dicens: Quoniam diebus multis sedebunt filii Israel sine Rege, sine Principe, sine sacrificio, sine altari sacerdotio, sine matribus, & uionibus. non videat, nunc Judæos: sed quid adnegat, audi. Et postea, inquit,

revertentur filii Israel, & inquirent Dominum DEUM suum, & David Regem suum: & stupefcent in Domino & in bonis ipsius, in novissimis diebus. NIHIL est ista prophetia manifestius: quia David Regis nomine significatus intelligitur Christus; qui factus est, sicut dicit Apostolus ex semine David secundum carnem. Et lib. 20. cap. 29. in Malachiæ 4. v. 5. Per hunc Eliam magnum mirabilemque Prophetam exposita sibi lege, ut tempore ante Judicium, Judæos in Christum verum, id est in Christum nostrum, esse credendos; celeberrimum est in sermonibus cordibusque fidelium. &c. Sic enim cor Patrum (Malach. v. 6.) convertetur ad filios, cum intelligentia Patrum perducetur ad intelligentiam filiorum: & cor filiorum Patres eorum, dum in id quod senserunt illi, consentiunt & isti.

S. Gregorius hom. 12. in Ezech. in fine mundi, Judæi ad fidem redeunt. &c. & alibi sæpe.

§. III.

De saturitate avium.

Sequitur
occisio-
nem
mandu-
catio:

1. **I**ndicavimus in Tractatu 28. v. 3. recte per has aves intelligi Christianos: jussæ fuerunt per Angelum convolare posito metu: præsertim aves Ecclesiasticæ, Sacerdotes & ceteri de Clero, quarum est maxime regio Cælum, & esca spiritualis: invitare ad pastum. De his dicitur v. 21. **ET OM-**

NES AVES SATURATÆ SUNT CARNIBUS EORUM.

Necesse autem fuit, ut occisio præcederet manducationem: & qualis illa, talis ista, id est, utraque spiritualis. Occidit eos gladio suo Christus: restat, ut per catechesin & per initiationem Baptismatis incorporentur Eccle-

Utraque
mirabi-
lis!

N 3

hæ;

siæ, quod est manducari & trahi in Corpus Christi: estque Ecclesiasticorum & Cleri officium ac pascus velut avium Cœli. In hanc sententiam S. Augustinus in psalmum 30. conc. 2. Eos, ait, quos Domino lucramur, quodammodo manducat Ecclesia. quid est, manducat? in corpus suum trahit: quidquid enim manducamus, in corpus nostrum trahimus. Hoc agit Ecclesia per sanctos: esurit quos lucrari vult, & quos lucrata fuerit aliquo modo, manducat quodammodo. Fundat se more lute Scriptura, & pergit: Cuius personam gerebat Petrus, quando ei de Cœlo submissus est discus plenus omnibus animalibus. Præfigurabat Dominus Ecclesiam, quod omnes gentes erat transfiguratura & in corpus suum conversura: & ait Petro, macta & manduca. O Ecclesia, hoc est Petre, quia super hanc petram ædificabo Ecclesiam meam, macta & manduca: prius macta; & sic manduca. Sæpius alibi Augustinus allêgat illud Petro præceptum de manducandis mactatis: id est, inquit in psalmum 3. occidendo in gentibus quod erant, & transmutando in id quod ipse esset. Et in psalmum 128. quia in Ecclesiæ corpus nemo intrat, nisi prius occisus: moritur quod fuit, ut sit quod non fuit.

Ecce habemus ex Augustino utrumque: & occisionem quæ prior ac solo fit gladio Christi: & manducationem, quæ est Ecclesiæ & Cleri cooperatio. Quàm illuc promptus & avidus erit ad illud epulum Ecclesiasticum concursus avium: tam erit in illa frequentia Judæorum omnibus avibus sua plena saturitas; non sine plautu alarum & gratulatione.

O admirabilem Apocalypsin & in ea gladium Christi: manducationem avium: saturitatem manducantium & convertentium in se ut in membra Christi & in Corpus ejus Judæos spiritualiter occisos & reversos ad Christum!

2. Ad harum avium festum, & ad Calculus disseminationem famæ per Ecclesiam dierum universam potest spectare spatium Danielis. temporis illud breve quod Daniel hinc Capite 12. v. 11. numerat de ablatione jugis sacrificii publici (eam enim omnes eo loco Patres intelligunt, quam Antichristus invexerat abominationem) duraturâ dies 1290. qui numerus computum dierum 1260. id est, persecutionis Antichristianæ & oppugnationis duorum Testium, de quibus Apoc. 11. v. 4. excedit diebus 30. Tum verò addit Daniel v. 12. Beatus qui expectat, & pervenit usque ad dies mille trecentos triginta quinque, id est, alium præterea sesquimensem dierum. Dicamus ergo quod Daniel usque ad famæ universalis profeminationem, & redintegrationem publicæ Liturgiæ requisierit mensem unum; hoc est 30. dies quibus Luna emetitur Zodiacum (his enim mensibus lunaribus assueverant Hebræi ad quos Daniel, & Græci ad quos Joannes.) tum verò adjecerit alium sesquimensem pro integrâ restitutione rerum Ecclesiasticarum; Beatus qui pervenit ad dies 1335.

Tunc enim poterunt prodire passim omnes procul latebris, ii qui effugerunt persecutionem: tunc congregari cætus Ecclesiastici: instaurari templa: restitui Patriarchatus Hierosolymæ

lymæ, & reflorescere Antiochena, Alexandrina, cæteræque Ecclesiæ, & Sedi Apostolicæ subordinari. Felix qui ex illa persecutione salvam eousque viderit Ecclesiam ac dilatatam: illud iterum & cumulatissimè unum ovile: auctos duos parietes, qui in unum de diverso venientes (ait Augustin. in psal. 86.) sibi bimet connexi in una fide, una spe, una charitate!

Implebitur, S. Hieronymo interprete, id quod de Palæstina prædixit Ezechiel capite 36. v. 33. & seqq. *Hæc dicit Dominus Deus: In die qua mundaverò vos ex omnibus inquinamentis vestris, & inhabitari fecerò urbes, & instauraverò ruinosa, & terra deserta fuerit exculta qua quondam erat desolata in oculis omnis viatoris, dicent: Terra illa inculta, facta est ut hortus voluptatis: & civitates deserte & destituta atque suffossæ, munna sederunt. Et scient Gentes quacunque derelictæ fuerint in circuitu vestro, quia ego Dominus edificavi dissipata, plantavi que inculta; ego Dominus locutus sum & fecerim.* Hæc omnia Deus per Prophetam. in quæ verba hæc est paraphrasis S. Hieronymi in l. c. *Postquam autem mundaverit credentium ex Judæis populum ab iniquitatibus suis, & habitari fecerit urbes Ecclesiæ, & instauraverit ruinosa quæ in Synagogis conciderant: & terra confessionis fuerit exculta caræmonis DEI, quæ quondam visa est desolata omnibus sanctis qui terrena conversationis opera prætereunt: Tunc omnes dicent: quomodo terra Judæa, quæ quondam fuerat inculta, nunc habet similitudinem paradisi DEI (Ezech. v. 35. facta est ut hortus*

voluptatis: & civitates Judææ, quæ deserte fuerant & destituta, & suâ incredulitate suffossæ, nunc erectæ & munite sunt in confessione & nomine Domini Salvatoris! ita ut omnis creatura cognoscat, & multitudines Angelorum quæ terram ambiunt Israël, quod Dominus dissipatas edificaverit civitates, & incultas plantaverit regiones: & quod pollicitus fuerat per Prophetas, opere compleverit.

3. Neque plura vobis innotuerunt tunc gerenda in mundo: neque quam propè dies Judicii sit abfuturus, quantumvis vicinus. Nam pace S. Hieronymi; cui existimanda est occurrissè suspicio dubitabundo, quam deinde alii nonnulli sunt secuti; nequaquam assentimur, post illos dies quos Daniel addidit cap. 12. v. 12. fore Judicii diem. Verba quæ Sancto Hieronymo exciderunt, sunt: *Beatus, inquit, (Daniel) qui interfecto Antichristo dies, supra numerum præfixum, quadraginta quinque præstolatur: quibus est Dominus atque Salvator in sua Majestate venturus.* Et si pro S. Hieronymo dici potest: non aliud definitivè quàm superfore istos dies, & incertum reliquissè quid præterea superfuturum sit temporis. Sequimur S. Augustinum qui in psalmum 6. cum citâset illud Christi responsum, Act. 1. v. 7. non est vestrum nôsse tempora: & Matth. 24. v. 36. de die autem illa & horâ nemo scit: & 1. Thess. 5. v. 4. tanquàm furem venire diem Domini: satis, inquit, apertè ostendit, neminem sibi oportere arrogare scientiam illius temporis computatione aliqua annorum. Et cum addidisset; nescire Filium hunc diem: quod utique idèò di-

Adhuc
Judicii
tempus
incertum.

ctum

Etum est, quia per Filium homines hoc non discunt: & mox: non quod nesciat, sed quod nescire faciat: concludit. Nos igitur, quod nescire nos Dominus voluit, libenter nesciamus. Sanè ipse S. Hieronymus in Ose. 3. expressè: Quantum temporis resideat usque ad diem iudicii, nec Angeli norverunt, nec Filius: quod ignorare se dicit quia n. bis non expedit discere. Non ergo tibi plii contrarius est putandus in illa computatione Danielis. Rectissimè Augustinus in libro 18. de Civ. cap. 13. Omnium autem de hac recalculationum digitos resolvit, & quiescere iubet ille qui dixit, Non est vestrum nōsse tempora quæ Pater possit in sua potestate.

Dicendum quod adhuc vigeant & instructio multitudinis Catechume-

norum, & Evangelii per universum mundum explicatio plenissima. Quin etiam, quæ est instabilitas humana & diluvium oblivionis processu dierum revaleret corruptio morum in hominibus: & cum multiplicatione populorum, simul & zizaniorum cum bona semine, ac paleæ cum tritico, subrepet magnæ Christianorum parti incuria sui & susceptæ fidei quæ per charitatem operetur: adeo, ut mundo vitis obruto repente dies illa & hora sint super-ventura tanquàm laqueus, Luc. 21. v. Sicut in 35. prout diximus in Tractatu 15. diebus ante septimam Tubam, Capitis 11. Noë.

Delinit hæc quinta Visio; producta usque ad Iudiciū, cuius tempus relinquatur incertum.

TRACTATUS XXXI.

IN CAPUT XX.

Hæc est Visio sexta in hac secunda Parte Apocalypseos. & est materia videndi tragica atque ordine postrema. funestiarum: de Diabolo: ligatione ejus, solutione, seductione, usque in finem. Cujus Visionis ista est Summa: Draco diabolus, ille ab initio seductor mundi, postquàm omnia incoluit infidelitate, ligatus est per annos mille, & clausus in abyssu. Dum interim animæ sanctæ Martyrum ceterorumque illo tempore mille annorum translatae sunt instatū Beatitudinis qui dicitur Resurrectio prima. Post mille verò istos annos solvitur & seducit orbem: & denique addicitur etiam ipse stagno ignis in consummatione mundi & Iudicio.

VERBA

VERBA APOCALYPSEOS.

(Cap. 20. Versu 1. & seqq.) Et vidi Angelum descendentem de
 , caelo, habentem clavem abyssi & catenam magnam in manu sua. (v. 2.)
 , Et apprehendit draconem serpentem antiquum, qui est Diabolus & sa-
 , tanas, & ligavit eum per annos mille: (v. 3.) & misit eum in abyssum,
 , & clausit, & signavit super illum, ut non seducat amplius Gentes, donec
 , consummentur mille anni: & post hac oportet illum solvi medico tem-
 , pore. (v. 4.) Et vidi sedes, & sederunt super eas, & iudicium datum
 , est illis: & animas decollatorum propter testimonium Iesu, & propter
 , verbum Dei, & qui non adoraverunt bestiam, neque imaginem eius,
 , nec acceperunt characterem ejus in frontibus aut in manibus suis, & vi-
 , xerunt, & regnaverunt cum Christo mille annis. (v. 5.) Cateri mor-
 , tuorum non vixerunt, donec consummentur mille anni. Hac est resur-
 , rectio prima. (v. 6.) Beatus, & sanctus, qui habet partem in resurre-
 , ctione prima: in his secunda mors non habet potestatem: sederunt sacer-
 , dotes Dei & Christi, & regnabunt cum illo mille annis. (v. 7.) Et cum
 , consummati fuerint mille anni, solvetur satanas de carcere suo, & exi-
 , bit, & seducet Gentes, quae sunt super quatuor angulos terrae, Gog, &
 , Magog, & congregabit eos in praelium, quorum numerus est sicut arena
 , maris. (v. 8.) Et ascenderunt super latitudinem terrae, & circuierunt
 , castra sanctorum, & Civitatem dilectam. (v. 9.) Et descendit ignis
 , à Deo de caelo, & devoravit eos: & Diabolus, qui seducebat eos, missus
 , est in stagnum ignis & sulphuris, ubi & bestiae: (v. 10.) & pseudopro-
 , pheta cruciabuntur die ac nocte in saecula saeculorum. (v. 11.) Et vidi
 , thronum magnum candidum, & sedentem super eum, à cuius conspectu
 , fugit terra & calum, & locus non est inventus eis. (v. 12.) Et vidi mor-
 , tuos, magnos & pusillos, stantes in conspectu throni, & libri aperti
 , sunt, & alius liber apertus est qui est vita: & iudicati sunt mortui ex
 , his quae scripta erant in libris, secundum opera ipsorum. (v. 13.) Et dedit
 , mare mortuos qui in eo erant: & mors & infernus dederunt mortuos
 , suos, qui in ipsis erant: & iudicatum est de singulis secundum opera ipso-
 , rum. (v. 14.) Et infernus & mors missi sunt in stagnum ignis. Hac est
 , mors secunda. (v. 15.) Et qui non inventus est in libro Vita scriptus,
 , missus est in stagnum ignis.

Pars II.

O

J. I.

J. I.

De alligatione Diaboli per mille annos.

VIDI, ait, ANGELUM DESCENDENTEM DE COELO: is representat Christum & descensum ejus usque in inferiores partes terræ, Eph. 4. v. 9. cui *clavis* est ABYSSI, ut dictum fuit Cap. 1. v. 18. ubi Christus se primum esse & novissimum, fuisse mortuum & vivere; *Et habeo*, inquit, *claves mortis & inferni*. In suo primo adventu LIGAVIT *fortem*, Matth. 12. v. 29. potestate ejus restrictâ, UT NON SEDUCAT AMPLIUS ac possideat GENTES; id est, ut non possit ultra orbem terrarum retinere in infidelitate, sed ut convertantur Gentes, & Christiana fides locum occupet Ethnicorum. *Alligavit eum*, ait S. Augustinus, (lib. 20. de Civ. cap. 7.) *mille annis; hoc est, ejus potestatem ab eis seducendis ac possidendis, qui fuerant liberandi, cohibuit atque fravavit.*

Ante adventum enim Christi (ait idem S. Doctor ser. 197. de temp.) *fratres charissimi, solutus erat Diabolus: veniens Christus secit de eo quod in Evangelio dictum est; nemo potest intrare in domum fortis & vasa ejus diripere nisi prius alligaverit fortem: venit ergo Christus, & alligavit Diabolum.* (videri potest quod diximus ad 6. Tubam Tract. 13. §. 1. ubi adduximus Apostolum ad Col. 2. v. 15 de expolatione Principatum per Christum.)

Igitur quodd LIGAVIT EUM, ac MISIT IN ABYSSUM, & incarcerationavit, ET CLAUSIT, ET ob-SIGNAVIT; hieroglyphicè significant impeditam ei vim & adstrictam: præscriptosque ei limites sue potestatis intra quos sit conclusa: signatumque esse SUPER ILLUM quo-usque, neque ultra, extendi possit ejus licentia nocendi. *Alligatio Diaboli*, ait rursus S. Augustinus lib. 20. de Civ. cap. 8. *est non permitti exercere totam temptationem quam potest vel vi vel dolo ad seducendos homines, in partem suam cogendo violentè, fraudulentève fallendo. Quod si permitteretur in tam longo tempore, & tantâ infirmitate multorum; plurimos tales, quales Deus id perpeti non vult, & fideles decideret, & ne crederent impediret: quod ne faceret, alligatus est.*

Neque frustra dicitur in Apocalypsi de CATENA MAGNA & laxâ. Nam quamvis alligatus, habet tamen suos libertatis fines, intra quos *circue querens quem devoret.* 1. Pet. 5. v. 8. inquietus, non inveniens requiem & certus reverti in atrium suum unde fuerat repulsus. De catena idem Augustinus sermone citato 197. *alligatus est enim tanquam innexus canis catenis: & neminem potest mordere, nisi eum qui se illi mortiferâ securitate conjunxerit.*

Dicitur (v. 2.) SERPENS: quia, ut S. Cyprianus lib. de unit. Ecclesiæ;

Cohibuisse certis finibus:

per

Serpentem antiquum. per pacis imaginem fallens, oculis accensibus serpsit, unde *Es* nomen serpentis accepit. Dicitur ANTIQUUS: quia ab initio talis, à paradiso: ubi maledictus est ut retineret nomen serpentis, cuius formam assumpserat.

2. Quod attinet ad millenarium annorum, apage errorem qui aliquos tiam antiquos Patres inscienter involvit, in quibus S. Irenæus eo imbutus, ut apparet, à Papiæ & aliis qui nondum se penitus abdicaverant traditionibus Hebræorum: fore ut post resurrectionem communem regnetur à Sanctis cum Christo annis mille in terra. De quo S. Hieronymus in Dan. 7. *Cesset ergo mille annorum fabula.*

Interea Regnū mille annorum. MILLE ANNI, numero absolute ex more Scripturæ, dictum est omne illud tempus quod fuit à morte Christi usque ad Antichristum. Quo spatio annorum inhibetur cursus Infidelitatis toti orbi communis, & Christiana Religio prævaleat per orbem terrarum: juxta illud Christi ex occasione Gentilium qui cupiebant Jesum videre, Joan. 12. v. 31. *Nunc iudicium est mundi, nunc Princeps huius mundi eicietur foras.* His mille annis exactis, OPORTET, quæ est infallibilis præsentia & iusta permissio divina, SOLVI Daboium MODICO TEMPORE, id est sub Antichristo: quem recuperatâ potestate adhibebit ut seducat mundum iterum, stabilit denuò Regnum universale infidele, & Christianitatem redigat ad angustias, prout sequitur v. 7.

Interea, in hoc intervallo mille annorum, multiplicata est Ecclesiæ nu-

mero electorum. Quorum eminentior pars, Martyres, v. 4. cernuntur *sedere SUPER SEDES*, quod promissum fuit primitiis Martyrum SS. Apostolis Matth. 19. v. 28. Jam enim ab initio huius Millenarii constat transscriptas fuisse Cælo multorum ANIMAS DECOLLATORUM PROPTER TESTIMONIUM quod perhibuerunt Christo JESU ET PROPTER VERBUM DEI: hæc describuntur occupare illas *Sedes* assignatas *iudicio* quod DATUM EST ILLIS, & regnare CUM CHRISTO interea. Non solas autem Martyrum, sed etiam cæterorum beatas animas eo temporis spatio defunctorum, regnare; observavit S. Augustinus lib. 20. de Civ. cap. 9. *Idcirco tantummodo Martyrum animas commemoravit, quia ipsi præcipue regnant mortui, qui usque ad mortem pro veritate certaverunt: sed à parte totum, etiam cæteros mortuos intelligimus pertinentes ad Ecclesiam, quod est Regnum Christi.* Et quoniam supersunt *Sedes* occupandæ ab iis qui accedent post millenarium, OMNIBUS (Apoc. v. 4.) de quibus erit dicere NON ADORAVERUNT BESTIAM NEQUE IMAGINEM EJUS, NEC ACCEPERUNT CHARACTEREM EJUS IN FRONTIBUS AUT IN MANIBUS SUIIS, in ultima persecutione: idcirco horum etiam numerus accensetur illis de quibus dicitur VIXERUNT: videlicet vitâ animarum beatâ HÆC, inquit, EST RESURRECTIO PRIMA: nondum resurrectio corporum, quæ erit resurrectio secunda:

O 2

cunda:

cūda : sed animarum. Ita sentit S. Augustinus l. c. cap. 6. sicut enim hæ suam habeat hæc mortem, de qua dicitur 2. Cor. 5. v. 14. *Omnes mortui sunt*: sic habere possunt & transitum de quo Christus Joan. 5. v. 24. *à morte in vitam*. in quo statu si permaneat anima usque ad dissolutionem à corpore, particeps est primæ Beatæ Resurrectionis: in qua fita est, inquit, v. 6. *Beatitudo & Sanctitas*, & immunitas à SECUNDA MORTE, atque in consortio DEI ET CHRISTI *Sacerdotium & Regnum mille annorum*; illud quo regnant animæ Beatorum, *nondum sibi* (ait Augustinus l. c.) *corporibus suis redditus*. Nam de reprobis addidit Apocalypsis, v. 5. **CÆTERI MORTUORUM NON VIXERUNT DONEC CONSUMMENTUR MILLE ANNI**: sensus est, eotempore non vixerunt quo vivere debuerunt; ad vitam scilicet de morte transiundo. ita S. Aug. l. c. cap. 9. *donec enim fiantur mille anni id est, isto toto tempore quo agitur primæ resurrectionis*.

Quæ est
animarū
electarū.

In fine
millena-
ri soluti-
o Sata-
næ, &
tempora
Anti-
christia-
na.
Cur de
Anti-

3. Hac velut parenthesi interposita de Regno Beatarum animarum. redit Joannes ad id quod versu tertio cœperat dicere: & continuans v. 7. ait: **CUM CONSUMMATI FUERINT MILLE ANNI, SOLVETUR SATANAS DE CARCERE SUO**: id est, sua ei libertas incircumscripta permittetur ad seducendum.

Ubi queri potest cum admiratione venerabunda consiliorum inscrutabilium DEI: cur solutionem illam decreverit, & immane illud permiserit

periculum seductionis Antichristianæ tam horridæ. Cui quæstioni primum omnium opponendum est illud Apostoli, Rom. 9. v. 20. *O homo, tu quis es qui respondeas DEO?* Deinde triplex potest reddi causa: Prima, ut patefiat insatiabilis malitia & vis extrema fortis armati. Secunda, ut nihilominus innotescat illo fortior gratia Christi, & specimen novissimum Christianæ constantiæ contra omnes exertas vires seductoris ac persecutoris. simul & providentia DEI qui eum alligavit majore parte temporis: dedit autem & brevi tempore certamen forte suis electis ut vincerent. Has duas causas conjunxit S. Augustinus lib. 20. de Civ. cap. 8. his verbis: *Tales erunt, cum quibus ei belligerandum est, ut vincent tanto ejus impetu infidelisque non possint. Si autem nunquam solveretur, minus appareret ejus maligna potentia: minus sanctæ Civitatis fidelissima patientia probaretur: minus denique perspiceretur quam magno ejus malo tam bene fuerit usus Omnipotens DEUS: etenim post pauca: Et solvetur in fine; ut quam fortem adversarium, DEI Civitas superaverit cum ingenti gloria sui Redemptoris, adiutoris, liberatoris aspiat. His dictis excurrit S. Doctor in laudem eorum qui constantiam tunc suam sunt probaturi: In eorum sanctis ait, qui tunc futuri sunt. sanctorum atq; fidelium comparatione quid sumus? quandoquidem ad illos probandos tantus solvetur inimicus, cum quo nos ligato tantis periculis dimicamus! addit ad cohortationem nostri: *quamvis & hoc temporis intervallo quosdam milites Christi tam prudenter & pios fuisse**

christo
permise-
rit Deus!

Causæ
tres.

Collegio
genui Sa-
tanae:

atque esse non dubium est, ut etiam si tunc in ista mortalitate viverent quando ille solvetur, omnes insidias eius atque impetitus & caverent prudentissime, & patientissime sustinerent.

Tertia est ratio permissionis hujus, (ea quam attigimus in Tract. 13. §. 1. ex S. Paulo) Justitia DEI, ad puniendos ultimò ad convincendos Judæos: ut qui noluerunt recipere veritatem, credant mendacio. 2. Thess. 2. v. 10. quam etiam rationem Paulus dat signorum & prodigiorum quæ permittentur Antichristo: de quibus S. Augustinus lib. 20. de Civ. cap. 19. seducuntur, ait, ejus signis atque prodigiis, qui seduci merentur; pro eo quod dilectionem veritatis, inquit, non receperunt ut salvi fierent. Et observat atque exponit phrasin Apostoli: fore ut mittat illis Deus operationem erroris: Nec dubitavit, ait, Apostolus addere, & dicere: Ideò mittet illis Deus operationem erroris, ut cre-

dant mendacio. DEUS enim mittet: quia DEUS diabolum facere ista permittet; in isto ipse iudicio: quamvis faciat ille iniquo malignoque consilio. Ut regnet Antichristus super eos qui dixerunt de Christo Luc. 19. v. 14. Nolumus hunc regnare super nos. Donec evigilent sub hac ultima plaga, ut agnoscant errorem: ac diu flagellatum DEUS recipiat primogenitum filium suum, illum populum ex quibus Christus & qui ad Christum iterum. quæ est Bonitas DEI & Veritas: Justitia & misericordia!

Non quòd etiam interim exciderit verbum DEI (Rom. 9. v. 6. qui implevit id quod in Evangelio dicitur: fuit DEUM posse, Matth. 3. v. 9. & Luc. 3. v. 5. filios Abraham, hos qui filii sunt promissionis (ad Rom. 1. c.) suscitare de lapidibus, id est de Gentilibus adoratoribus lapidum, is de quibus scriptum est, similes illis plant, psalm. 113. v. 8.

§. II.

De congregatis ad-versus Civitatem dilectam.

Congregatio Satanæ:

1. Prosequitur Apocalypsis de Diabolo jam soluto: EXIBIT, inquit, ET SEDUCET GENTES QUÆ SUNT SUPER 4. ANGULOS TERRÆ: GOG, ET MAGOG. Amplius cum non dicat de Gog & Magog, sine dubio de his nominibus non remittit ad Ezechielem qui fusè contra Gog se opponit. Et quidem ex S. Augustino diximus supra (in Tract. 29. §. 1.) non fore

gentes certæ habitationi orbis affixas, sed perinde cisternas ut Ecclesia. Dicamus planissimè, & ex mente Ezechielis, Gog esse Antichristum, quo uteretur Satanis seductore, quem constituit Caput ceterorum, unde & Ezech. 38. v. 3. Princeps Capitis appellatur. Magog verò esse, qui sub Gog vel ab Gog (hanc enim habet vim litera Mem apud Hebræos, una ex his quas vocant Hebraicas; eandem quam præpositio

Gog & Magog:

O 3

Latine

Latina:) id est, omnes qui suberunt Antichristo seu stabunt à Gog: nationem Judæorum undique dispersam imprimis; dein peræque cæteras ad Judaïsmum aggregatas ex Babylonia, Tartaria, Turcia nuperâ, sub eodem vexillo Antichristi: QUORUM simul omnium, ut hîc dicitur v.7. NUMERUS EST SICUT ARENA MARIS; sive ob multitudinem & dispersionem; sive quia velut arena sæculi projecta diu calcataque pedibus fuit natio Judaica. Nec abludit etymon nominis: Gog enim Hebraicè significat *Tectum*, ut videre est apud S. Hieron. & S. Augustinum: quod convenit Antichristo; cum propter elevationem superbiæ, qua effertur super omne quod dicitur Deus; tum propter simulationem ac tectâ nequitiam pseudoprophetiæ. Magog verò, iisdem interpretibus, idem est dicere, ac *de tecto* qui sunt, Antichristiani.

Plura ex Ezechiele transcribemus de Gog & Magog, commentatore S. Hieronymo, in Tractatu sequente: qui erit tractatus extravagans & proprius Ezechieli.

Dicitur de Satana: ET CONGREGABIT EOS IN PRÆLIUM. quæ congregatio accipienda est in eo sensu quem suprà exposuimus: de consensu & conspiratione contra Christianos. Et nomine prælii est intelligenda persecutio ad pervertendas eorum animas: sin, ad excrucianos & tollendos è medio, atque abolendum communibus armis Christianismum: de cujus latitudine sequitur.

Superlæ ET ASCENDERUNT SUPER

LATITUDINEM TERRÆ, quàm titudinē terræ. latè ubique diffusus est fidelium cætus: ET CIRCUIERUNT CASTRA SANCTORUM, eos qui militaverint propugnationi cultus divini per orbem terrarum: ET preserunt CIVITATEM DILECTAM, Ecclesiam Christi.

Felices Castrenses illi, viri sortes in fide, propugnatores triarii civium & domesticorum Dei!

2. ET DESCENDIT, inquit, (v.9.) IGNIS A DEO DE COELO, ET DEVORAVIT EOS. Sequimur hoc loco explicationem SS. Hieronymi & Augustini. quorum ille prophetiam hanc Ezechielis cap. 39. v.6. *Et immittam ignem in Magog, & in his qui habitant in insulis confidenter, & scient, quia ego Dominus*; exponit his verbis: *Tunc mittetur ignis in Magog; in eos videlicet qui Gog suscepere doctrinam: Ille ignis, de quo Dominus loquitur (Luc. 12. v. 49.) ignem veni mittere super terram, & quam volo ut ardeat!* Et in caput præcedens, Ezech. v. 18. in apostrophæ Dei ad Gog: *Cum igitur veneris super terram Israël, ascendet indignatio mea in furore meo contra te, & in zelo meo pro populo meo:* Et in versum 19. *In igne ira mea locutus sum, qui omnia*, inquit Hieronymus, *vittorum ligna consumat.*

Eodem tendit expositio S. Augustini lib. 20. de Civ. cap. 12. de Apocalypsi: *Benè intelligitur iste ignis de Cælo, de firmitate sanctorum: firmitas enim est Cælum: cuius firmitate cruciabuntur peccatores ardentissimo zelo; quoniam non poterunt attrahere*

atrahere sanctos Christi in partes Antichristi.

Enimverò è contratio ipsi eodem igne conflagrabunt, & ad salutem devorabuntur ab illo igne & consumentur, ut desinant esse Antichristiani: eâ phrasi definitionis, quæ est in psalmo 103. v. ult. *deficiant peccatores & iniquitas ut non sint.*

Hunc eundem ignem exponit S. Augustinus in psalmo 56. v. 3. *Ignis ante eum præcedet, & inflammabit in circuitu inimicos ejus: Sunt, ait, qui salubriter arserunt: hodie fideles ejus sunt: inimici ejus erant, & nunc iam fideles ejus sunt. Quævis inimicos? non sunt: consumpti sunt: arserunt: charitas consumpsit in eis quod persequabantur Christum.*

Hoc est pium votum sanctæ animæ: quod S. Augustinus, in psal. citatum 103. appellat *miserordiam servientem*. & addit: *quid est ergo quod dicit, deficiant peccatores a terra: plane deficiant: auferatur spiritus eorum & deficiant, ut emutat spiritum suum & re-creentur. Deficiant peccatores a terra: & iniquitas ut non sint: quid non sint nisi iniqui? ergo iustificentur ut non sint iniqui.* Et brevissimè in psal. 9. in illud (v. 6.) increpasti gentes & perit impius: *quæ increpatione perit impius? quia iustificatus est impius, & factus est pius.* Mirabilis consumptio inimicorum: & liberatio Civitatis!

Et devoratur: Simili modo quo in Caput 19. Apocalypseos diximus de strage illatâ per gladium sedentis super Equum. Phrasi verò *devorantis* hic eâdem illa, quâ scriptum est: *Zelus domus tuæ comedit*

me, eò quod zelus sit ignis à Deo sanctus, qui vim habeat comedendi seu devorandi.

Multum, ab hoc modo exponendi SS. Patrum, aberraverunt quotquot in hac mystica Apocalypsi finxerunt sibi bellum & acies Hierosolymis committendas à Christianis: ac postremò clades immensas exercitus Antichristianorum, qui veluti *nubes operiet terram* (Ezech. 38. v. 16.) perinde quasi Dominus venerit perdere animas & non potius salvare: neque promissa sit Judæorum, qui sunt Antichristi exercitus, reductio novissima sed interitus.

3. Aliud est de ipso met Antichristo: de cujus damnatione aliter & expressè Scriptura: immò ejus de Cælo interfectio prodigiosa, sicut & prædictio atque ascensio duorum Testamentum, servient conversioni tandem aliquando sectariorum Antichristi. Hinc illa est Ezechielis prophetia tam singularis contra Gog; cap. 38. v. 3. *Ecce ego ad te Gog: ut dubium non sit esse Antichristum.* Sibylla quoque lib. 3. Orac. Væ sigillatim perorat contra Gog; *Væ tibi Gog: adijcit quidem illa; & omnibus deinceps cum Magog: veruntamen aliter Væ Gog; aliter Magog & iis quos Apocalypsis appellat nomine cæterorum.* Nam hi quidem cæteri igne proprio consumentur. Antichristus verò, quem dicimus esse Gog, omnium princeps impiorum, fulmine atque igne æterno. ad quem eundem ignem adjudicabitur tota Bestia; id est, quicunque infidèles vel cum Antichristo vel ante illum omnibus retrò sæculis

Gog autem in signo superstitis.

lis diem suum obierunt in oppugnan-
da pertinaciter Ecclesia DEI. ET post
eos denique DIABOLUS, QUI SE-
DUCEBAT EOS, *mittetur* IN
STAGNUM IGNIS ET SUL-
PHURIS, ipsi paratum & Angelis ejus.

Hæc est Civitatis DEO dilectæ
obsidio à portis inferi : sed non ex-
pugnatio : *pugnare*, ait S. Augusti-
nus (lib. 1. de Symb. ad Cat. cap.
6.) *potest, expugnari tamen non po-
test, porta inferorum non vincent eam.*

S. III.

De Judicio.

Thronus
Judicis.

1. **H**ic jam est cernere (v. 11. &
seqq.) THRONUM MA-
GNUM CANDIDUM, utpote
magni & sinceri Judicis : A CUJUS
CONSPECTU FUGIT TERRA
ET COELUM; id est, protinus post
Judicium disparebit pristina terræ Cœ-
lique species, ac velut fugâ transibit in
aliud statum & formam. Sic enim S.
Augustinus lib. 20. de Civ. cap. 14. qui
accuratè perpendit quibus id verbis
dixerit Joannes : *Non ait, vidi thronum
magnum & candidum & sedentem super
eum, ET AB Eius facie fugit Cœlum
& terra : quoniam non tunc factum est,
id est, antequam esset de vivis & mortuis
judicatum : sed cum se videret dixit in
throno sedentem, A Cuius facie fugit
Cœlum & terra, sed postea : peracto quip-
pe Judicio, tunc esse desinet hoc Cœlum &
hæc terra, quando incipiet esse Cœlum no-
vum & terra nova.* Et addit : *Muta-
tione namque rerum, non omnimodo in-
teritum, transibit hic mundus. Unde &
Apostolus ait, præterit enim figura huius
mundi, volo vos sine sollicitudine esse : figu-
ra ergo præterit, non natura.*

2. Subitò exsuscitatio fit mortuo-

rum : & separatio per Angelos, Matth.
13. v. 49. & collocatio IN CON-
SPECTU THRONI. seu quos
DEDIT MARE; hoc sæculum (in-
quit S. August. lib. 20. de Civ. cap.
15.) superstites ad diem usque hunc
novissimum mundi : seu quos MORS
ET INFERNUS DEDERUNT; id est, quorum à morte corpora, ab
inferno verò animæ repetitæ sunt : do-
nec JUDICATUM sit DE SIN-
GULIS, SECUNDUM OPERA
IPSORUM.

In hunc finem, LIBRI conscientia-
rum uniuscujusque APERTI SUNT,
EX quibus & QUÆ in iis SCRIP-
TA erant, judicentur. ALIUS quo-
que LIBER APERTUS EST
QUI EST VITÆ beatæ; catalogus
ad illam prædestinatorum. De istis
prioribus Libris S. Hieronymus in il-
lud Dan. 7. v. 10. *Judicium sedet & libri
aperti sunt, sic scribit : Conscientia & o-
pera singulorum in utramque partem, vel
bona vel mala, omnibus revelantur.* Di-
stinguit inter bonos Libros, & malos
ex quibus accuset Satanas : *Bonus Liber
ille est quem sæpè legimus, liber viven-
tium.*

Mare,
Mors,
Infernus
dāt suos.

Libri
consci-
entia
uniuscu-
jusque.
Liber
Vitæ.

*lium. Malus Liber, qui in accusatoris te-
netur manu, qui est inimicus & vindex,
de quo & in Apocalypsi legimus, accusa-
tor fratrum nostrorum: Liber iste terre-
nus est, de quo & Propheta dicit (Jer. 17.
v. 13.) in terra scribantur. De iisdem S.
Augustinus lib. 20. de Civ. cap. 14. Non
ergo unus Liber erit omnium, sed singuli
singulorum.*

De postremo Libro idem S. Aug.
l. c. cap. 15. Ipsa ejus præscientia (&
prædestinatio) Liber est vita, in quo sunt
scripti id est, ante præcogniti.

3. Tunc INFERNIUS (v. 14.) hoc
est, ii qui pertinent ad infernum & ad
eum condemnati sunt pro Tribunali,
omnes simul: ET MORS, MISSI
SUNT IN STAGNUM IGNIS;
ut non sit morti locus deinceps ul-
quàm, nisi in inferno, ubi MORS
SECUNDA, id est æterna; omni ei
QUI NON INVENTUS EST
IN LIBRO VITÆ SCRIPTUS.
O felicitas immortalis eorum qui in il-
lud Album relati recitabuntur!

Infernus
& mors
præcipi-
tantur.

Nos, mi Lector interim, circumspeciamus nos, & non sine trepidatione sancta
examinemus tempus ad quod devoluti sumus in hoc mundo. Sumus,
juxta dicta, etiamnum dum hæc scribo, in mille annis istis (numero nobis in-
definito:) post 4. Tubas, quæ sonuerunt: sub quinta Tuba seu plagâ: dum
in Thracia & Asia sedes est Bestiæ prioris & Regnum ejus tenebrosum, iater
blasphemias cap. 16. v. 10. & 11. sub cruciatu illiæ seu captivitate Locustarum
cap. 9. sub primo Væ; sub lunationibus, nondum Lunâ quintam evolutâ;
sub Exterminatore: sub & expectatione secundi Væ, quod erit solutio Dra-
conis cum suis Angelis ad breve tempus: cui imminet ac sequitur Væ ter-
tium, quod est Judicii universalis. *Confite* (psal. 118. v. 120.) *timore tuo san-*
cto, Deus carnes meas, ad tergemini Væ Apocalypticum.
Cessat hîc Visio sexta: etiam ipsa, ut cætera, suam materiam pertractans us-
que ad Judicium.

TRACTATUS XXXII.

IN EZECHIELEM AD QUEM RESPICIT APOCALYPSIS.

Animi causa, & eâ occasione quod Apocalypsis mentionem
faciat Gog & Magog: connectamus hunc Tractatum cum
præcedente, vel potius illi adjiciamus: propterea quod E-
zechiël de his plenius agat: & revelatio Apocalypseos affi-
nis sit prophetiæ Ezechiëlis in qua sunt quædam quæ ad-

Pars II.

P

miratio-

mirationem habent: eritque ferendum patienter, quod repetantur quædam ex iis quæ fuerunt dicta.

Est autem etiam prophetia Ezechielis super Gog & Magog tota, æquè ut Apocalypseos, arcana & mystica: atque in verbis lateret intelligentia recondita & mysterium dignum piâ attentione.

P R O O E M I U M.

De nominibus Gog & Magog.

Mentio
Magog.
in Gen.

Prima mentio Magog est in Scriptura, Geneseos 10. v. 2. ubi de origine populorum & divisione post diluvium: quæ secundum literam est habitatio Scythica: quod etiam insinuare videtur Ezechiel cap. 38. v. 2. dum nominat *terram Magog*. Fuit is unus è septem filiis Japheth: *Fili Japheth*, ait Scriptura, *Gomer & Magog*: ubi quoque nominantur *Thubal & Mosoch*, quibus præesse Gog dicit Ezechiel. Japheth quidem habitasse in Scythia, auctor est S. Hieronymus in Traditionibus Hebraicis in Genesin: & Josephus lib. 1. antiq. cap. 11.

Gog &
Magog
in Ezech.

Secundò, de Gog & Magog integra sunt Capita duo Ezechielis fusè, caput 38. & 39. ubi Gog appellat Principem capitis Mosoch & Thubal (cap. 38. v. 3.) Est autem terra Thubal Iberia, illa quæ vicina est Scythiæ, & est ad Aquilonem regioni Judææ: Mosoch verò est Cappadocia.

In Apoc.
hic.

Tertio, Apocalypsis nostra meminit nominum Gog & Magog: de quibus velut remittit nos ad prophetiam Ezechielis tanquam plenam.

Quartò, S. Hieronymus commentatur. in Ezechielem proficitur de Gog & Magog velle se afferre & asserere germanam expositionem Ecclesiasticam. *Nos, inquit, Ecclesiasticam explanationem affirmare conabimur.* Exponit de persecutione Ecclesiæ per Hæreses: Et Gog quidem, quod significat græcè δῶμα, Latine tectum, esse Principem hæresiarcharum: Magog verò, quod significat, de tecto, esse eos qui doctrinam Gog receperunt.

Expositio
S. Hieronymi

Quintò, S. Augustinus lib. 20. de Civ. cap. 11. cujus verba citavimus in Tract. 29. §. 1. definit sermonem esse de novissima persecutione contra Ecclesiam quæ per Gog & Magog oppugnabitur toto orbe terrarum per quem erunt isti & illa sparsi.

Assertio
S. Augustini.

Sequamur has tres Scripturas; & super illis hos duos maximos Doctores Ecclesiæ: ita ut hæc omnia conciliemus inter se: & ex omni parte eruamus cum divino auxilio prophetiam

Ezechielis integram de Gog
& Magog.

§. I.

Sermon
est de
novissima
bus.

S. I.

Qui sint Gog & Magog.

RECTÈ S. Hieronymus in Ezechielem nos admonet ordinis servandi. *Primum, inquit, historie fundamenta iacienda sunt: sciendumque quod ad Ezechielem prophetam iste extremus sermo sit Domini. Deinde observandum est, quod ponitur sive obfirmatur facies Prophetæ (Ezech. 38. v. 2.) contra Gog terram sive terram Magog: obfirmatione enim & multa consideratione vultus opus est, ut quæ dicuntur nosse possimus.*

1. Age, ex ipsorum penetratione fundamentorum Ezechielis & prophetiæ ejus historie obfirmemus vultum ad considerandum Gog. Invenimus certissimò, id quod S. Augustinus l.c. asseverat, de Gog. & Magog, prophetiam esse persecutionis quam Antichristus movebit. Imprimis enim Ezechiel loquitur cum Gog de illa persecutione, quæ novissima erit, apertissimè: v. 16. *in novissimis, inquit, diebus eris.* in qua sua divina apostrophe ad Gog: venturum ait à *lateralibus Aquilonis*, ipsum Gog & cum eo populos multos, exercitum vehementem, qui quasi nubes operiet terram (v. 15. & 16.) Id quod dixerat, in novissimis diebus; & v. 8. *post dies multos in novissimo annorum:* hoc Apocalypsis dixit: CUM CONSUMMATI FUERINT MILLE ANNI. Tum deinde totus ex fundamento petitus, Ezechielis in illis duobus Capitibus, hic est sen-

sus. Prophetaverat capite antecedente, quod est 37. ordine, de reductione Judæorum ex illa tunc captivitate: liberatis autem, & quando fuerint omnia pacata, novissimè prædicit persecutionem à Gog: sed hunc denique ipsum perdendum à Deo. prout evenit Judæis ab Antiocho Epiphane temporibus Machabæorum; qui movit persecutionem novissimam contra Judæos, & interit percussus à Deo. Itaque ad literam & primâ fronte visus est prænuntiasse de Epiphane, compellando illum nomine Gog. Veruntamen quia hæc in figura contingebant, & Ezechiel typum gerebat Christi, Filii hominis, ut rectè observavit S. Hieronymus in illis verbis initio Capituli (33. v. 1.) *Fili hominis:* primaria ejus intentio & obfirmatio vultus ac significatio fertur ad prædicendam persecutionem Ecclesiæ per Antichristum.

2. Hunc igitur, planè hunc ducem Ezechiel & Principem & Coryphæum omnium & Daniel persecutorum Ecclesiæ Christi novissimum, dicendus est Ezechiel Prophetam compellasse nomine Gog. Propterea ait S. Hieronymus) *ô Prophetæ Ezechiel qui in typo Christi appellaris Filius hominis, loquere ad Gog & dic ei: Hac dicit Dominus Deus: quando totius mundi error sublati, populus meus Israel, qui mente cernit Deum, habuaverit in Ecclesia confidenter, sive in pace; tunc*

P 2 scies.

Sermo
est de
novissi-
mis die-
bus.

scies, siue confurges & venies de loco tuo. In novissimis diebus eris, quando Evangelica predicatio. Estque hæc transitio, à figura ad id quod præfiguratur, nequaquam insolens; immò propria est Prophetarum: eadèque sic est Ezechielis, sicut & Danielis de quo communiter omnes docent in prædicando typo, eodèmet Epiphane, transiit ad Antichristum.

Parvi autem refert, & eodem recidit, siue Antichristum hoc cognomine appellet tanquàm suo proprio, siue eum sic vocitet à suo primario instrumento aliquo aut administro, aut natione seu gente præcipuà quæ sit Gog: sufficit nòsse & certum scire quòd ipse Antichristus ut auctor designetur ab Ezechiele, compellatione Gog.

Tum verò à Gog totus populus Antichristi appellatur Magog: eo modo quo tota gens Judæorum appellata fuit Jacob & Israël nomine desumpto à suo Patriarcha: qua similitudine usus S. Hieronymus ait: sic & à Principe Gog, omnes qui ei subditi sunt, Magog appellantur: quod suprà dicebamus ex Hebræo idiomate.

Quid
nominis
Gog &
Magog.

3. Quòd si præterea ad interpretationem nominis advertamus, in quam etymologiam inquirunt uterque, S. Hieron. & S. Augustinus: Gog, quod æquè diximus superius, Hebraicè idem est quod tectum, Magog autem idem quod de tecto: Jam verò constat Tectum duò hæc indicare: locum sublimem; & dictum à regendo. ad quorum primam significationem attentus S. Hieronymus sic exponit: *Omnis igitur superbia & falsi nominis scientia, qua*

erigit se contra notitiã veritatis, his nominibus demonstratur. Ista sunt tecta de quibus Esaias loquitur in Visione contra vallẽ Sion: quid tibi factum est nunc, quoniam ascendistis omnes in tecta vana? Italegit S. Hieron. ex 70. ubi vulgaris versio sic habet, Isa. 22. v. 1. *quidnam quoque tibi est, quia ascendisti & tu omnis in tecta?* Nam quòd idem S. Hieronymus hæc exponat de Hæreticis: *Tectumque interpretabimur Hæreticorum principes, & de tecto eos qui illorum suscipere doctrinas: non est alienum à nostra interpretatione: cum utrique omnium sit hæresum vertex & coronis, omniumque retrò Sectarum pessima hæres seu secta Antichristiana: quo sensu tota S. Hieronymi explicatio à nobis facit.*

Sanctus verò Augustinus in alterant Tecti significationem: *Et Tectum*, inquit (lib. 20. de Civ. cap. 11.) *ipsa sunt (gentes illæ) quia in eis nunc includitur & quodammodo tegitur inimicus antiquus: & Delecto erunt* (futuro tempore Antichristi) *quando in apertum odium de aperto erupitura sunt.* Juxta quam sententiam S. Augustini etiam asseritur, Gog cum Magog esse Antichristum cum tota sua gente pseudo-Judæorum: ille enim populus Judæorum dudum Tectum est; quia tegunt odium, quo pleni sunt, & alta mente repòstum in Christianos abscondunt usque ad tempus & tempora & dimidium temporis: iidem verò, & unà cum iis, quotquot in suas partes traduxerit Antichristus in commune prælium contra Christianos, hi omnes Magog id est de Tecto; quia sub Antichri-

in christo erupturi in odium publicum & persecutionem tantò acerbiorē quantò occultatam diuturniore dissimulatione: ipsi per totum orbem dispersi Judæi, & qui se junxerint Tartari, Turcæ, Scythæ, Hæretici, & ex Christianis Apostatæ; omnes simul, Ezech. 38. v. 15. *exercitus vebemens*; Apoc. 20. v. 7. SICUT ARENA MARIS.

Quo seductore. Dicitur autem Apocalypseos l. c. has gentes seducturus esse Satanas: non quod antea non seduxerit: sed quia, ut solutus, ducet eas in bellum apertum contra Ecclesiam Christianorum. *Ad hoc ergo, ait S. Aug. l. c. tunc seducet, ut in bellum trahat: nam & antea, modis quibus poterat, per mala multa & varia seducebat.* Et addit in illud verbulum Apocalypseos *Exibit*; quod dicitur de Satana soluto: *Exibit autem, dictum est: in apertam persecutionem de latebris erumpet odorum.*

Jam ad ea quæ dicta sunt, etiam illa reducitur prima mentio Magog ex Genesi & ex Josepho aliisque de posteritate Japheth, populis Scythis; qui pro-

pè innumerabiles adhærebunt Antichristo: quem proinde merito Ezechiel etiam secundum literam Geneseos appellet *Gog Principem capius* (quod Chaldaus transtulit: *Princeps summus*) *Magoch & Thubal* vicinorum Scythiæ.

Atque ita conciliamus tres Scripturas de Gog & Magog: duosque eruditissimos Doctores Ecclesiæ quæ omnia loca & dicta congruunt apertissime Antichristo & ejus agminibus persecuturis Ecclesiam Dei.

Quod etiam spectat id quod addit Apocalypsis (hic v. 7.) de *gentibus QUÆ SUNT de QUATUOR ANGULIS TERRÆ*: tum quia per hos est dispersa natio Judæorum: tum quia, ut S. Hieronymus l. c. acutè super his angulis ait; *gentes inimicæ adversariæque Sanctorum egrediuntur ab angulis terræ, rectam lineam relinquentes & dispositionem castrorum* (Judæis præscriptam) *quæ narratur in Numeris*; lib. 4. Moysis, cap. 2. v. 32. & cap. 9. v. 17. & seqq.

Conciliatio sententiarum de Gog & Magog: Super 4. angulos terræ.

§. II.

Vaticinium Ezechielis de Gog & Magog.

Magog in fan- tum timorem missi. 1. **A** Liter Ezechiel de gente Magog; prophetat, quàm de Gog: de Magogenim breviter admodum; his verbis cap. 39. v. 6. *Immittam ignem in Magog & scient quia ego Dominus: quæ citavimus & expositionem hujus loci ex S. Hieronymo adduximus in*

Tractatu præcedente: itémque S. Augustini in eundem sensum, de igne de quo Apocalypsis 20. v. 9. quàm sic diximus locuram de IGNE Christi; sicut de GLADIO Christi: & sic cap. 19. v. 21. dixisse; *CÆTERI OCCISI*; sicut Apocalypsis 11. v. 13. *RELI- QUI*

P 3

QUI IN TIMOREM SUNT MISSI: occisione & igne propitiis & salutiferis. Unde & avium convocationem consequenter exposuimus salutarem ac dignam fieri ab Angelo & statione ejus in Sole.

Gog & Bestia reprobi.

At verò de Gog, multis Ezechiel, immò totis his Capitibus. Et sicut Apocalypsis conjunxit cum Antichristo & ejus damnatione Bestiam: ita Ezechiel cum Gog jungit multitudinem totam reproborum: atque ad eorum, quam vocat, carnem & sanguinem coruscantem jussu DEI volucres ac bestias agri v. 17. & seqq. non ad cœnam magnam DEI, sicut in Apocalypsi sed ad victimam quam Deus immolat feris bestiis ut saturentur. Quod solum restat in Ezechiele: est enim totus in descriptione cladis quam prophetat Antichristo & Bestiæ. eamque dicit primò fore tantam ut septennio sit opus ad combustionem armorum. Secundò, ut septem mensium sepultura. Tertiò futuros esse volucres (Harpyj Luc. 8. v. 5. & 12.) & feris victimam.

Prosequamur breviter hæc tria Ezechielis admirabilia: quorum expositio est de magnitudine cladis æternæ & sepultura in inferno: ac pertinent ad victoriam & triumphum Ecclesiæ de Gog & reprobis. Utemur explanatione S. Hieronymi: cujus ferè solis verbis loquemur.

2. Definit Ezechiel judicium ultionis Gog Cap. 38. v. 22. quem sic citat S. Hieronymus: *Et iudicabo*, inquit, *eum morte vel peste, & sanguine, & imbre vehementi, & lapidibus immensis sive grandinis.* His adjungit suam expo-

sitionem: *Judicatur autem Gog morte sua* (dicamus: quam ei intentarunt Enoch & Elias sempiternam;) *& sanguine quem effudit* (in persecutione; qui clamavit contra eum;) *& imbre vehementi, sermonibus erudit & perfecti viri* (utriusque & duobus Testibus;) *& lapidibus immensis qui eum obruant, & sermonibus Scripturarum; sive grandinis, qui calorem illius (clibanum persecutionis) faciant refrigerare: omnes enim adulterantes, quasi clibanus corda eorum* (Osee 7. v. 4.) *Ignem, inquit* (Ezech. 1. c. *& sulphur pluviam super eum: per que demonstratur pœna judicii sempiterni. Et non solum super eum qui auctor perversitatis fuit: sed & super omnem exercitum, & multitudinem ejus, & super populos multos qui sunt cum eo.* Nempe comminatione æterni Judicii si contumaces decesserint, è vivis: Non igitur visibili prælio vel igne aut clade visibili. *Plures enim* (pergit Hieronymus) *habent Hæretici socios, immò Diabolus Princeps eorum infinita multitudine circumdatur.* qui sunt omnes simul Hæresiarchæ & præcursores Antichristi, aut quotquot in ulla Secta (jam monuimus Antichristianam esse omnium hæreseon novissimam & pessimam) diem suum obierunt pertinaces: ac tota Bestia infidelium quæ nunc desinit regnare.

De septennio Ezechiel cap. 39. v. 9. *Septen- Et egredientur habitatores de Civitatibus nium & Israël, & succendent & comburent arma septime- & c. septem annis.* Ad quod exponen- stre, tē- dum S. Hieronymus sic ait: *Et egredi- pus sa- entur habitatores urbium Israël, creden- crum. tium populi: urbes autem Israël intelli- gimus*

Convincuntur juxta S. Hieron.

*finis Ecclesiarum rectæ fidei. Et succendent
& comburent arma. Quodque sequitur,
& succendent ea igni septē annis: de Exo-
do & Levitico exponendum est: in quibus
Lege præcipitur, ut septimo anno promif-
sionis, quando servus Hebræis libertas red-
ditur, & debuit cuncta solvantur, & ad
Dominus redit antiqua possessio, & quies
terra tribuitur, & omnes fruges pauperi-
bus condonantur: quò scilicet in SE-
PTEM ANNIS, numero sacro at-
que perfecto, Hæreticorum armatura dis-
pereat. Habent enim & ipsi ad impu-
gnandam Ecclesiam Christi tela diversa,
quæ ab eruditis hominibus IGNE S.
SPIRITUS succidenda sunt, SERMONE
videlicet Ecclesiastico. In die illa (E-
zech. v. 11.) in claro predicationis lumine
(verè die) dabo, inquit, Gog locum no-
minatum, sepulchrum in Israël. De illo
Ezechiel: obstupescere faciet prætereun-
tes (quos nominat Viatores ad Orien-
tē) & vocabitur vallis multitudinis Gog.
Et S. Hieronymus: quis enim prætereun-
tium, de quibus scriptum est: Et non
dixerunt qui præteribant, benedictio Do-
mini super vos; non admiratur & obstu-
pescit. De septimestri verò sepultura:
Ezechiel v. 12. Et sepelient eos domus
Israël, ut mundent terram septem mensi-
bus. quod item exponit S. Hierony-
mus: Quo modo supra diximus per se-
ptem annos adversariorum arma succen-
di: sic per septem menses, sordibus Hæ-
reticorum, terra mundabitur: usque ad se-
ptimum mensem, quando Tabernacula
figimus, (Levit. 23. v. 39. & 40.) & in-
ter cæteras frondes palmarum quoque ra-
mis protegemur: ut perfecta contra hostes
victoria demonstretur.*

Et in v. 14. Ezechielis de Vitis qui
post hos 7. menses constituti erunt lu-
stratores terræ, ut emundent eum; sic
Hieronymus: Post necem autem & in-
terfectionem sive sepulchrum Gog, eligen-
tur viri Ecclesiastici, qui hoc habeant stu-
dium, ne quid in terra Israël maneat sordi-
um, ne quid mortuorum: qui lustrent
terram & requirant mortuos (si qui for-
tè reliqui) & sepeliant: ut videlicet mun-
detur terra Ecclesie.

De nomine loci sepulcorum, & de
memoria victicis Civitatis, Ezechiel
v. 16. Nomen autem Civitatis, *Ammon*,
& mundabunt terram. Et ibidem S.
Hieronymus: Nomen autem Civitatis,
ubi servorum Domini victoria est, & ja-
cent (sub illa, conscripti in valle infe-
rorum) adversarii, & omnis inimicorum
eius multitudo prostrata est, appellabitur
Ammon sive *Polyandron* (ita LXX. tran-
stulerunt, hoc est sepulchrum plurimæ
multitudinis; ait paulo ante Hierony-
mus:) ut finis omnium, restitutio puri-
tatis sit.

3. De convocatione volucrum & Volu-
bestiarum terræ, Ezechiel v. 17. Con-
curre undique, ad victimam meam quam
cres & fere E-
ego immolo vobis ut comedatis carnem, & zechie-
bibatis sanguinem. Expositioni apud S. lis.
Hieronymum subscribimus ei, quam
primam adducit patriam à Judæa: æ-
quæ & orthodoxis hoc loco Judaizan-
tibus: quæ recitat ipse discedit ad tro-
pologiam. Dixerant apud eundem
Hieronymum, initio in caput 38. de
Gog & tertâ Magog, gentes esse syri-
cas immanes (inquiunt) & innumera-
biles, quæ trans Caucasum montem, &
Maotidem paludem, & prope Caspiam
mare

Polyan-
dron
scu A-
mon E-
zechie-
lis.

mare ad Indiam usque tenduntur, & has post mille annorum regnum (illud de quo Apoc. 20. v. 7.) esse à diabolo commovendus: qua veniant in terram Israel ut pugnent contra sanctos, multis secum gentibus congregatis. Sequitur nunc verbis Hieronymi in Caput 39. eorundem Auctorum mens in versum 17. Ezechielis & seqq. Omnia autem, à v. 17. usque ad finem Capitis & materiæ de Gog, hi quos supra diximus Judai & Nostri, Judæizantes, ad ultimum tempus referunt: quod, carnibus Gog cunctique ejus exercitus, quasi pinguis hostis, volucres bestiaque saturande sint: & restituantur Israel in pristinum statum. Quod dicitur de cunctis exercitibus Gog, id ita recipimus ut intelligamus,

totum populum reproborum: hi enim pertinent ad Gog, qui est Antichristus, eorum omnium Caput ut diximus Tract. 26. §. 3. in fine. Feras autem & aves Ezechielis has, secus quàm aves Apocalyplicas; accipimus in partem efferatorem, ut dicimus in §. sequente. Claudamus cum promissione Ezechielis v. 25. & seqq. Nunc reducam sapientiam Jacob, & miserebor omnis domus Israel &c. Ubi S. Hieronymus: Tunc reducentur de populis & sanctificabitur Dominus in eis in conspectu gentium plurimarum; quæ & ipsæ credituræ sunt Domino: finisque sit levitudinis, scire atque cognoscere quod ipse sit Dominus Deus eorum,

§. III.

Epitome Prophetiæ contra Gog.

Sensum Ezechielis contra Gog operosius à S. Hieronymo erutum reddamus apertiore & brevius: qui conferri possit cum nostra Apocalypsi.

1. **P**Rævident tam Ezechiel suum Gog, quàm Joannes in Apocalypsi suum Pseudo-Messiam; cum toto numero eorum qui seducti sunt à Satana vel id temporis vel omni retrò sæculo: quos præsens occasione simul commemorant. Hæc differentiâ; quod Joannes omnes reprobos, ad unum revocet Schema, & uno comprehendat corpore & nomine Bestiæ, velut congregando: Ezechiel verò velut segregatorum inter se contempletur ac

describat multitudinem. Quam enumeraturus, ut ostendat aliter ineffabilem esse illorum numerum, accomodat se ad captum humanum: ac per similitudinem loquitur v. 9. & 10. de septennali combustione armorum: & v. 11. pro sepultura cadaverum de amplissima valle, cui nomen adhæsurum sit multitudinis Gog: & v. 12. de labore sepeliendi septem mensium: ac v. 13. de celebratione victoriæ & festi seu diei nominatissimi. Hoc, inquam, totum

Cladis
apud E-
zechiel
magni-
tudo:
descripta

Per simi-
litudinē:
combu-
stionis
armo-
rum:

totum Ezechiel prædixit per parabolam, ut solet, ac per comparisonem insignem cum materiali clade.

**Sepultura cada-
verum:** 2. Significat enim tantam fore inter-
necionem adjudicandorum inferno &
illuc sepeliendorum: ut humano more
calculando de interfectione & pro-
stitutione cadaverum, implenda esset
quamvis profunda vallis ac spatiosissi-
ma: & opera sepeliendi duratura to-
tis septem mensibus: & annorum com-
bustio, clypeorum, hastarum, arcuum
&c. si arma quibus electos oppugna-
verunt forent materialia, sufficeret fo-
co totius septennii in humanis. Quæ
Victoria &c. de Bestia & solis reprobis sunt accipi-
enda eo in sensu: nam occisio cætero-
rum, de qua Apocalypsis, facta gladio
spirituali, uti & ignis immixtus in Ma-
gog à Dño erunt ad salutem, ut dixi-
mus.

**Quæ re-
ferenda
sunt ad
novissi-
mum an-
norum:
Ezech.
38. v. 8.** 3. Facile erit nunc & Ezechielem
ipsum & expositionem S. Hieronymi
unà cum modò dictis applicare ac re-
ferre ad tempora Antichristiana. Vide-
licet: primò armorum combustio in se-
ptimum usque annum (cap. 39. v. 9)
significat quietem à persecutione atque
Infidelitate: quemadmodum annus
septimus apud Hebræos erat *sabbatum*
seu requies *terra*, Exod. 23. v. 11. & 12.
& Levit. 25. v. 4. utinque post septies
septem Jubilæus, Levit. 25. v. 8. & seqq.
Præfiguratur hic numerus septimus, pos-
sessionem antiquam qua & Judæi ad
Salvatorem suum redeant, & Ecclesia

Judæos possideat: & liberationem seu
libertatem plenam: & Evangelizatio-
nem pauperibus, & Israël.

Secundò, sepultura multitudinis
Gog, & emundatio terræ in septimum
mensem (v. 12.) significat sepulturam
errorum: & super restitutionem puritate
doctrinæ, festum victoriæ Ecclesiasti-
cæ atque palmarum; quod celebraba-
tur in septimo mense Levit. 23. v. 40.
& Polyandri adversariorum æternam
oblivione consepulcorum.

Tertiò, Volucres & fæcæ carnivoræ
(v. 17. & seqq. illæ tartaræ quæ cum ci-
bus est *caro & sanguis* quæ Regnum
Dni possidere non possunt 1. Cor. 15. v.
50. illæ celeres ad rapinam æternam &
crudeles, totam depascuntur collectio-
nem Infidelium tot sæculis damnato-
rum, quam diximus significari nomine
BESTIÆ in Apocalypsi. Quæ est
mensa quam illis permittit Deus, & *vi-
ctima*, in *gloriam* (v. 21. & seqq.) Ju-
stitiæ divinæ: & ad majorem agnitio-
nem ac timorem Dni pro Electis.

Denique celebrabitur reductio Ja-
cob & omnis domus Israël (v. 25. &
seqq.) in oculos & congratulatione
Gentium, & effusio Spiritus Dni super
omnem Domum Israël.

Hactenus prophetia Ezechielis: cu-
jus omnia evidenter cadunt in
tempus Anti-
christi.

* * *

TRACTATUS XXXIII.

IN I. PARTEM CAPITIS XXI.

Supereſt Viſio ſeptima & amœna: de Statu Beato Eccleſiæ triumphantis. Exhibetur in ſchemate Jeruſalem Civitatis elegantiffimæ; Sponſæ ſeu uxoris Agni: & pertractatur duobus ultimis Capitibus: quorum primum dividemus in Tractatus omnino quatuor.

VERBA APOCALYPSEOS.

(Cap. 21. Verſu 1. & ſeqq.) *Et vidi cælum novum, & terram novam. Primum enim cælum & prima terra abiit, & mare jam non eſt. (v. 2.) Et ego Ioannes vidi ſanctam Civitatem Ieruſalem novam, deſcendentem de cælo à Deo, paratam ſicut ſponſam ornatam viro ſuo. (v. 3.) Et audivi vocem magnam de throno dicentem: Ecce tabernaculum Dei cum hominibus, & habitabit cum eis. Et ipſi populus ejus erunt, & ipſe Deus cum eis erit eorum Deus. (v. 4.) Et abſterget Deus omnem lacrymam ab oculis eorum, & mors ultra non erit, neque luctus, neque clamor, neque dolor erit ultra, quia prima abierunt. (v. 5.) Et dixit qui ſedebat in throno. Ecce nova facio omnia. & dixit mihi: ſcribe, quia hæc verba fideliffima ſunt, & vera. (v. 6.) Et dixit mihi: ſætum eſt. Ego ſum α, & ω: initium, & ſinis. Ego ſitienti dabo de fonte aquæ vitæ, gratis. (v. 7.) Qui vicerit, poſſidebit hæc, & ero illi Deus, & ille erit mihi filius. (v. 8.) Timidis autem & incredulis, & execratis, & homicidis, & fornicatoribus, & veneficis, & idololâtris, & omnibus mendacibus, pars illorum erit in ſtagno ardenti igne & ſulphure: quod eſt mors ſecunda. (v. 9.) Et venit unus de ſeptem Angelis habentibus phialas plenas ſeptem plagis noviſſimis, & locutus eſt mecum, dicens: Veni, & oſtendam tibi ſponſam uxorem Agni. (v. 10.) Et ſuſtulit nœ in ſpiritu in montem magnum & altum, & oſtendit mihi Civitatem ſanctam Ieruſalem deſcendentem de cælo à Deo; (v. 11.) habentem claritatem Dei: & lumen ejus ſimile lapidi, pretioſo tanquam lapidi*

, pidi jaspidis, sicut crystallum. (v. 12.) Et habebat murum magnum & altum, habentem portas duodecim, & in portis angulos duodecim & nomina inscripta, quæ sunt nomina duodecim tribuum filiorum Israël. (v. 13.) Ab Oriente porta tres, & ab aquilone porta tres, & ab austro porta tres, & ab occasu porta tres. (v. 14.) Et murus Civitatis habens fundamenta duodecim, & in ipsis duodecim nomina duodecim Apostolorum Agni. (v. 15.) Et qui loquebatur mecum habebat mensuram arundineam auream, ut metiretur Civitatem, & portas ejus, & murum. (v. 16.) Et Civitas in qua posita est, & longitudo ejus tanta est, quanta & latitudo; & mensus est Civitatem de arundine aurea per stadia duodecim millia, & longitudo & altitudo, & latitudo ejus aequalia sunt. (v. 17.) Et mensus est murum ejus centum quadraginta quatuor cubitorum, mensura hominis, quæ est Angeli. (v. 18.) Et erat structura muri ejus ex lapide jaspide: ipsa verò Civitas, aurum mundum simile viro mundo.

§. I.

De Beata Civitatis descensu.

1. **A**D finem Judicii videt Joannes figuram Cæli & terræ antiquæ præterisse; ac sublatum mare hujus sæculi. *Forasse, ait Augustinus lib. 20. de Civ. cap. 16. maris nomine intelligitur hoc sæculum turbulentum & procellosum.*

COELUM autem ET TERRAM videt innovari: & DE COELO descendere SANCTAM CIVITATEM: JERUSALEM NOVAM: apparatu SICUT Sponsæ Cælitatis ad-ornata pro Sponso suo.

Videtur ex monte: Sed ad illam propius & distinctius contemplandam (v. 10.) SPIRITU tenus assumitur Joannes IN MONTEM MAGNUM, ET ALTUM supra nubes: ubi fit solennis occurfus Sponsi ex nube cum toto comitatu ve-

nientium ex Judicio Sanctorum in corporibus resuscitatis & gloriosis: qui excipiuntur à SS. Angelis tanquam concives adscripti in Civitatem DEI viventis (ut dicitur Hebr. 12. v. 23. Jerusalem cælestem & multorum millium Angelorum frequentium. Hæc multa millia gratulantur sibi de novis civibus, quos excipiunt, ut & hi possessionem capiant Civitatis ad quam acceperunt jus per sententiam Judicis: Possidete, inquit (Matth. 25. v. 34.) paratum vobis Regnum à constitutione mundi; præparatum iis jam tunc, ut impleant ruinas Angelorum lapsum ab eodem mundi exordio.

Hæc est Civitas Angelorum & Hominum: & hic Sponsus humani generis gloriosi, qui illam ornavit SICUT

Q 2 SPON-

Sicut
Sponsa:

SPONSAM VIRO SUO, uxorem indissolubilem. de qua v. 9. OSTENDAM TIBI SPONSAM UXOREM AGNI: & cap. 19. v. 7. *Uxor ejus preparavit se.* & S. Augustinus in psalmum 122. *Uxor facta est (ex ancilla:) sed, donec veniat ad amplexus illos spirituales ubi secure perfruatur eo quem dilexit: & cui suspiravit in ista diuturna peregrinatione, Sponsa est; & accepit arrham magnam sanguinem Sponsi cui secuta suspiravit.* Addit, non ita esse Sponsam, sicut in hoc mundo: potest enim, ait, fieri ut alius sponset, & alius ducat uxorem. Solus ducet, quia solus talem arrham dedit.

Nec otiose commemoratur (eodem v. 9.) quod Angelus qui Joannem assumit ostensurus, sit UNUS DE SEPTEM illis qui PHIALAS effuderant PLENAS 7. PLAGIS: ob duas causas. Primum, quia par erat ut qui annuntiaverat periculum & certamen, idem jam ostendat etiam locum æternæ requiæ ac præmii. Secundum, ut ille idem (unus de septem Cap. 17. v. 1.) qui ostenderat Mulierem meretricem & ejus damnationem, ostendat etiam Mulierem Sponsam uxorem & gloriam ejus.

Civitas
viva:

2. Ascendamus spiritu post Joannem, & contemplemur ea quæ modò fuerunt dicta de illa Civitate. Dicitur enim primum CIVITAS: ADIFICIUM VIVUM, ut nominat S. Augustinus l. c. & addit: *In istis Civitatibus (mundi hujus) alia est fabrica edificiorum: alii sunt cives inhabitantes in fabrica. Illa Civitas in civibus suis edificatur: ipsi ibi sunt lapides qui sunt cives:*

lapides enim sunt viri, & vos inquit (S. Petrus ep. 1. cap. 2.) tanquam lapides viri edificamini in domum spiritualem. Quod igitur dicitur Civitas, hoc quidem maxime propriè dicitur, quoad absolute ponitur: nam, ut rectè S. Augustinus in psal. 121. *Civitas propriè in hominibus habitantibus intelligitur.* Sicut autem in hominibus, sic & in Angelis: juxta quod idem S. Augustinus dicit in psalmum 126. ubi velut definitionem plenam tradit hujus Civitatis, his verbis: *Omnis ergo numerus fidelium sanctorum ex hominibus commutandorum ut fiant aequales Angelis DEI, adjuncti etiam ipsis Angelis qui modò non peregrinantur sed expectant nos, quando à peregrinatione redeamus, omnes simul unam domum DEI faciunt, & unam Civitatem: ipsa est Jerusalem.* Ceterum si addatur, Civitatem edificari, aut ejusmodi, ut postea in Apocalypsi, jam non propriè sed per similitudinem dicitur, æquè ac cetera Apocalypseos: prout eodem loco citato in psalmum 121. distinxit idem Doctor super illo versu psalmi, *Jerusalem edificatur ut Civitas.* quare, inquit, non Civitas (edificatur) sed UT Civitas: quia & illi, qui in eam intrant viri, tanquam lapides sunt: non enim vere lapides sunt. sicut illi alii ut lapides, non lapides: sic illam Civitas, non Civitas, quia dixit, edificatur. Idem ferè observavit S. Hieronymus in Ezech. 40. quando autem dicitur (Ezech. v. 2.) quasi adificium Civitatis, non verè Civitas sed Civitatis similitudo monstratur, de qua scriptum est (pl. 68.) gloriosa dicta sunt &c. & (pl. 121.) quæ edificatur UT Civitas.

Ex Angelis & hominibus.

Addi-

Additur in autographo Apocalypseos (v. 10.) τὴν πόλιν, τὴν μεγάλην, τὴν ἁγίαν, id est, illam excellenter Civitatem, illam magnam, illam sanctam: quæ & formâ ac republica Civitatis, & magnitudine, & sanctitate omnibus antecellit. *Salve*, ait S. Bernardus ad milites, *Civitas sancta, quam ipse sanctificavit sibi Altissimus.*

Jerusalem:

Dicitur secundò JERUSALEM; passim in Scripturis: quia illic est *Visio* ac possessio *pacis* æternæ: cujus figura & umbra fuit terrena Hierosolyma. S. August. in psal. 64. *Civitas quidem illa, inquit, terrena cuiusdam Civitatis æternæ, in cælis umbram gerebat.* Et in psal. 86. *Quomodo una Civitas sancta Hierusalem; una Civitas iniqua Babylon: omnes iniqui ad Babylonem pertinent; quomodo omnes sancti ad Jerusalem.* De utriusque etymo, in psal. 64. modò citato: *Videte nomina duarum istarum. Civitatum, Babylonis & Hierusalem: Babylon confusio interpretatur, Hierusalem Visio pacis.* Et in alium psal. *O pax illa & æqualitas Angelorum! ô illa Visio & spectaculum pulchrum!*

Habitatio cum Deo:

Dicitur tertio (v. 3.) TABERNACULUM DEI CUM HOMINIBUS, tunc quando militabatur Deo: at nunc deinceps Habitatulum, in quo IPSI perpetuò POPULUS EJUS, ET DEUS populi HABITABIT CUM EIS: prout adumbratum fuit consimilibus verbis Lev. 26. v. 12 & 2. Cor. 6. v. 16. *Distinctius accipitur* (ait S. Augustinus in psal. 131.) *Tabernaculum Ecclesiæ secundum hoc tempus: Domus autem (scilicet habitatio) Ecclesiæ cælestis Jerusalem, quò ibimus, Taberna-*

culum enim tanquam militantium & pugnantium in procinctu, in expeditione. Et S. Thomas 1. 2. q. 102. a. 4. ad 2. *Per Tabernaculum enim, quod est mutabile, significatur status presentis viæ mutabilis: Per Templum vero, quod erat fixum & stans, significatur status future viæ quæ omnino immutabilis est.*

Descendens de Cælo:

Dicitur quartò, DESCENDERE DE COELO. tum quia primum initium ædificationis finit à descensu Architecti, qui est Unigenitus Dei fundator Civitatis: ex promisso Isaïæ 54. v. 11. *Ecce ego sternam per ordinem lapides tuos & fundabo te &c.* tum quia illa multorum millium civium Angelicorum frequentia illinc jam descendit; Christo, & his qui ad dexteram ejus erunt in Judicio, in occursum: *Est in Cælo*, ait S. Augustinus in psal. 121. *æterna Jerusalem, ubi sunt civis nostri Angeli; ab ipsis civibus nostris peregrinamur in terra.* tum eo sensu quo descendere significat sumplisse originem: tota enim Beata Civitas habet originem suam de Cælo A DEO. Quam interpretationem affert S. Augustinus lib. 20. de Civ. cap. 17. *de Cælo inquit, descendere ista Civitas dicitur, quoniam cælestis est gratia quâ DEUS eam fecit.*

Dicitur quintò, NOVA. QUIA NOVA: PRIMA ABIERUNT: ABSIERGET enim (v. 4.) DEUS OMNEM LACHRYMAM AB OCULIS EORUM: ubi neque MORS, neque ea quæcum morte intraverunt in mundum, LUCTUS animi, CLAMOR oris, DOLOR corporis, quæ præterierunt. Concordant verba

Q 3

Isaïæ

Isaïæ cap. 25. v. 8. *præcipitabit mortem in sempiternum, & auferet Dominus Deus lachrymam ab omni facie. Apertissimè* is qui sedebat in Throno (v. 5.) ECCE NOVA FACIO OMNIA: *ut nulla, inquit S. Augustinus l. c. remaneant vetustatis vestigia.*

Mandat de se scribi: Sicut HÆC VERBA & promissa FIDELISSIMA SUNT ET VERA, sic & factum ipsum fore (v. 6.) Immò, FACTUM EST, inquit, juxta illud axioma S. Augustini in psal. 125. *Omnia enim quæ futura sunt, Deo jam facta sunt.* Et ad eum cui dixerat, SCRIBE: SUM, inquit, & ET ω hujus & cunctarum Scripturarum in promittenda Beatitudine: faciendique EGO sum INITIUM per gratiam datam, ET FINIS per gloriam dandam. Ille EGO qui SITIENTI, vitam quam polliceor, DABO DE FONTE AQUÆ vivæ: *quoniam, ait psalmus 35. v. 30. apud Te est fons vitæ: ubi Augustinus; quis est Fons vitæ nisi Christus?* Dabo igitur, inquit, & GRATIS dabo, quia ex mea gratia, potandum & possidendum fontem aquæ vitæ æternæ. Dummodò ut cum illa mea gratia sudaverit ac vicerit prout decet athletam & non degenerem filium DEI. Nam è contratio non fons aquæ vitæ, sed STAGNUM ignis & sulphuris, QUOD EST MORS SECUNDA (v. 8.) PARS ERIT sua TIMIDIS, recusantibus certamen, ET IN CREDULIS promissioni, aut his qui execrabilis erunt vitæ ac morum, HOMICIDIS, FORNICATORIBUS quos comparo cum VENEFICIS

ubi Fons
Vitæ.

Nam in
stagnio
mors se-
cunda.

ET IDOLOLATRIS: atque OMNIBUS mentientibus fidem in DEUM, quem (esto confiteantur se nōsse Tit. 1. v. 16.) *factis negant.*

3. Pergit Joannes ex monte, in quem raptus est per ecstasin. Habet (v. 11.) Civitas Beata CLARITATEM DEI, græcè δὲ ζαὶ ρὸ θείη: quia Deus se præbet ibi clarè & in sua gloria videndum sicuti est. 1. Joan. 3. v. 2. Hæc est illa Claritas DEI, de cujus Visione nil dici potest angustius, quàm quòd tanta ei vis insit ut assimilet, videntem & transformet in claritatem, hoc est, Beatitudinem & gloriam quâ similis sit Deo.

Quod enim Aristoteles tribuit Philosophus intellectiōi naturali; animā, intelligendo, fieri alia omnia; hoc multò sublimissimè Joannes Theologus noster asseruit l. c. de intellectiōe hac seu Visione DEI supernaturali ac Beatificā: similes ei erimus quoniam videbimus eum sicuti est. & alius Apostolus, ille ex tertio Cælo, *revelatā, inquit, facie gloriam Domini speculantes in eandem imaginem transformamur à claritate in claritatem, 2. Cor. 3. v. 18.* quem utrumque locum Scripturæ attigit S. Augustinus in libris de TRIN. quorum libro 12. cap. 16. *plena sit similitudo, ait, in ista imagine (DEI, quæ est anima humana) per Visionem DEI. & lib. 15. c. 8. transformamur, ait, de gloria quâ filii DEI sumus, in gloriam quâ similes ei erimus. & deprædicat tam optabilis transformationis bonum.*

Protinus ut Apocalypsis meminit clarè videndi DEI in illa Civitate, adjungit LUMEN EJUS, quod est græcè φῶς ὅπ, id est luminare, illius Civitatis,

In ea
Claritas
DEI.

Marc.

Et Lumen
quo fit
Visio e-
iusdem.

vitatis commune omnibus incolis eius: necessarium ad Visionem eliciendam & continuandam: à Theologis passim dictum Lumen gloriæ, vocabulo quo hic præit Joannes Theologus; eò quòd officium ejus sit Intellectum illuminare & evehere ad Visionem gloriosam tam sublimis Intelligibilis quod est Essentia divina. Facultas enim utique videndi Dei non competit intellectui creato secundum suam naturam quæ est insufficientis, sed competit per Lumen gloriæ, per quod fit potens ad intelligendum; eo modo quo habitus infusi conferunt vires potentis cæteris.

Hoc lumen, inquit Apocalypsis est illud nobile donum oculo animæ: PRETIOSUM ut gemina quæ ornat intellectum, & reddit animam Deiformem id est similem Deo: virens ut JASPIS: perspicuum SICUT CRYSTALLUS (græcè crystallans; ut sunt jaspides apud Plinium lib. 37. cap.

8.) perfectio confortans aciem intellectuale: & augmentum virtutis intellectivæ. Quod rectè vocatur Lumen ejusdem, & dispositio supernaturalis vi cuius superaddita penetrat anima, & dilucidè atque intuitivè videt & percipit DEUM, in cujus Visione ac fructione consistit Beatitudo. *Istud, inquit Doctor Angelicus 1. p. q. 12. a. 5. est Lumen de quo dicitur Apoc. 21. quòd Claritas DEI illuminabit eam, id est, Societatem Beatorum DEUM videntium.* Sed hæc omnia mirabili brevitate cecinit Psaltes: *in lumine tuo videbimus lumen.* quibus verbis, psal. 35. v. 10. expressit hæc tua de Visione DEI: Lumen cum quo videtur; Visionem ipsam quæ videtur; & Lucem quæ videtur increatam, Claritatem DEI. Civitatis autem in qua videtur; & inhabitantium; & Beatitudinis mentionem facit psalmus 83. v. 5. *Beati qui habitant in domo tua Domine.*

§. II.

De Muro Civitatis: ejusque portis & fundamentis.

Murus.

1. EST Civitati sua circumvallatio (v. 12.) MURUS MAGNUS ET ALTUS: cujus STRUCTURA (v. 18.) EX LAPIDE JASPIDE. *Magnus* enim est; amplitudine circuitus: quia complectitur Civitatem quæ & Regnum. *Altus* est supernaturalitate fabricæ, quia transcendit omnem naturam. Ex gemma est *jaspide* totus; æstimatione, ac firmitate: quia

pretii inæstimabilis; & immutabilitatis ac roboris est æterni. Additur in hoc loco Apocalypseo de hujus Muri Portis: & de Fundamentis accuratè.

Habere narrat PORTAS DUODECIM: totidèmq; IN PORTIS ANGELOS (ita græcè etiam, ἀγγέλους) ET INSCRIPTA NOMINA DUODECIM TRIBUUM FILIORUM ISRAEL. Ha-

In Portis
12. An-
geli, & 1
nomina.

rum

rum portarum ternas esse à singulis mundi partibus v. 13. *Singulæque portas EX SINGULIS* esse MARGARITIS (v. 21.)

In Fun-
damen-
tis etiam
nomina
12.

FUNDAMENTA ejusdem esse DUODECIM : horum unumquodque constare EX LAPIDE PRETIOSO : ET IN IPSIS NOMINA DUODECIM APOSTOLORUM AGNI (v. 14. 19. 20.) Ex hoc numero & verbis habemus apertissimam mentionem duodecim Apostolorum, à quibus non oporteat discedere : Ceterum in expositio integrè inquirenda est clarior & brevis.

Quæ
portæ.

Murus, quo Civitas firmatur & ambitur, habet 12. Portas & 12. Fundamenta. Potestas Apostolica ligandi atque solvendi, quæ fuit penes Apostolos 12. & permanet in eorum successoribus, ipsæ sunt portæ : perinde enim est ac si dicas, Potestas aperiendi ac præcludendi, & singulæ instar sunt margaritarum quarum valor est Regni Cælorum. Fundamenta verò sunt Doctrina Apostolorum, comprehensa in 12. articulis Symboli Apostolici, qui sunt instar lapidum pretiosorum, quibus fundatus fuit & firmiter stabilitus murus Civitatis. Neque id dubium ex sacrosancto Concilio Tridentino, sessione tertia : in qua decernit *Symbolum fidei* esse tanquam *Fundamentum firmum & unicum contra quod porta inferi non prævalebunt*. Æquè clare S. Augustinus lib. 3. de Symbolo ad Catechum. cap. 1. *Sacramentum Symboli, quod accepistis memorieque mandatum pro vestra salute retinetis: noveritis hoc esse fidei Catholica Fundamentum, super quod, adifi-*

Quæ
Funda-
menta.

cium surrexerit Ecclesiæ. Addit Ruffinus lib. de Symbolo : esse lapides pretiosos. Hac diversâ consideratione iidemmet Apostoli (quod etiam postea dicemus verbis S. Augustini) sunt & Portæ Civitatis & Fundamenta. Portæ, quæ cum sint pro Tribuum ingressu, & non intretur nisi per Apostolos; qui etiam ipsi sunt Angeli 12. annuntiatores salutis ad pandendum aditum : idè Apostoli habent inscripta illa sua nomina tribuum; eorum qui verè Israël & Apostolici. Quia verò *accedentem oportet credere*, ac sine fide nullus dari potest ingressus; idè Articuli eorumdem Apostolorum & doctrina Symboli, quam composuerunt, sunt pro Fundamentis muri.

Igitur in *Portis Angelis duodecim* : id est, ipsi vigiles Apostoli, præditi eâ potestate & auctoritate aperiendi atque admittendi in Regnum : ipsi Nuntii cælestes (hoc est enim propriè Angelum esse) salutis, & duces Tribuum undique : quarum nomina habent inscripta, quoniam hoc introierunt ex toto orbe 12. Tribus, id est universitas Sanctorum, veri Israëlitarum. Et intratum est in nomine TRINITATIS (*undique in Trinitate*, ait S. Augustinus in plal. 86.) idè ternæ portæ à singulis æquè partibus mundi. Illa Potestas, margaritæ : illa Doctrina, lapides pretiosi.

Hoc posito Apostoli eatenus & Portæ & Fundamenta : Portæ intuitu Potestatis; earque totidem margaritæ lectissimæ ex mari huius sæculi. Intuitu Doctrinæ sunt lapides pretiosi in hoc ædificium electi, & Fundamenta quibus

Propheta
vetus
de Portis
& Fundamen-
tis.

Portæ
ternæ ex
omni
parte
mundi.

bus superedificatus est murus Civitatis ad quam intraverunt Cives Sanctorum & domestici DEI, Ephes. 2. v. 20. nam quod Paulus illuc addit, Fundamentum Prophetarum, idè adierit quia hi de Apostolorum prædicatione, doctrinâ, fundamine Ecclesiæ, prædixerunt.

Prophe- De his Fundamentis & Portis psal-
tia vetus mus 86. hæc enim Fundamenta qui-
de Portis bus Civitas murata innititur sunt *mon-*
& Funda- *tes sancti*; v. 1. & hæc Portæ sunt *quas di-*
damenti- *ligit Dominus*, v. 2. Juxta hunc sensum
tis. juvat audire verba S. Augustini in illum
psalmum: ubi cum dixisset, *montesque*
Apostoli, addit: *portantes fabricam Civi-*
tatis: faciunt vivum quoddam edificium.
Et mox: *Ne putetis*, inquit, *alia esse Fun-*
damenta, alias Portas. Quare sunt Fun-
damenta? quia eorum auctoritas portat
infirmi talem nostram. Quare sunt Por-
tæ? quia per ipsas intramus ad Regnum
DEI: prædicant enim nobis. Nec aliud
sensit S. Hieronymus: de Fundamen-
tis quidem in Ezech. 28. ubi de Apo-
calypsi Joannis docet, in 12. lapidibus,
Apostolorum numerum demonstrari: &
subdit: *Isti sunt vivi lapides de quibus*
edificatur Ecclesia. citat Eph. 2. v. 20.
& 21. *superedificati in fundamento Apo-*
stolorum & Prophetarum, ipso angulari
lapide Christo? ESU Domino nostro in
quo omnis edificatio crescit in templum
sanctum in Domino. Hi sunt lapides de
quibus & in alto loco (Zach. 9. v. 16.) le-
gimus; Lapidem sanctum voluntur (ita
LXX. nam vulgata habet; elevabun-
tur) super terram instar rotarum pau-
lulum tangentes humum, & volubilate
sua ad cælestia festinantes. De Portis
Pars II.

autem idem S. Hieronymus in Ezech. 48. eas ait sub *Apostolicis nominibus* assignari: verba ejus cætera referemus inferius Tractatu 34. & 36.

Eandem interpretationem admit- tit, quod ex v. 19. & 20. citavimus de lapidibus pretiosis: tum ut intelligan- tur esse doctrina ipsa duodecim articu- lorum Apostolicorum, qui sint toti- dem pretiosæ gemmæ illo ordine quo referuntur in Symbolo: tum ut ipsi Apostoli sint Fundamenta ex lapidibus pretiosis singulis, ratione Doctrinæ Apostolicæ quam sanxerunt: sicut ii- dem sunt portæ ex singulis margaritis, suæ singulorum Potestatis Apostolicæ ad aperiendum. Idque illo, etiam ipsi, ordine quo recensentur in Evangelio S. Matthæi Cap. 10. v. 2. *Primus Simon.* & c. qui ordo & enumeratio nominum respondet ordini & enumerationi la- pidum pretiosorum: de qua S. Hiero- nymus in Caput 10. Matthæi sic pro- nuntiat: *Ordinem Apostolorum & me- ritum uniuscujusque illius fuit distribu- re, qui cordis arcana rimatur.* Cæterum ordo S. Scripturæ accuratissimè est apud Matthæum: nisi quòd, ut ob- servat S. Hieronymus, post Thomam se ponit Matthæus uti & publicanum se appellat. *Ceteri Evangelistæ*, ait, *in conjunctione nominum primum ponunt Matthæum & postea Thomam, nec Pu- blicani nomen adscribunt.*

3. Non est prætermittendum, quod Inscrì- de Fundamentis & inscriptione nomi- ptio est: num duodecim adjunxit Apocalypsis, Agni. esse nomina Apostolorum AGNI. Quoniam per hoc quòd ad Agnum referuntur, & per hoc quòd sunt

Ordo
sicut in
Symbo-
lo: sic in
numero
Aposto-
lorum.

R

Agni,

Agni, acceperunt ut sint Fundamenta. *Fundamentum*, inquit S. Augustinus l. c. *Christus & primum & maximum*: & citat 1. Cor. 3. v. 11. *Fundamentum enim aliud nemo potest ponere prater id quod positum est quod est Christus* *7 E-SUS*. Quemadmodum aperte (sine metaphora) dicitur *Sanctus Sanctorum*, sic figuratè (allegoricè) *Fundamentum fundamentorum*. Hæc Augustinus. Et sicut de Fundamentis, ita & de omniū: Portis: ut sit ipsa universalis Porta is Sicut & Porta: qui est Ostium ostiorum: sicut Fundamentum universale ipse summus est *angularis* & pretiosissimus lapis in quo tota super-ædificatio (Doctrina & meritum) ultimò fundatur. De portis al-

legat Augustinus illud Christi Joan. 10. *Ego sum janua: & admirandus; quomodo*, inquit, ergo *Tu omnia! quomodo per Te omnia!* Respondet huic admirationi paulò infrà: *Cum dicuntur duodecim Portæ Jerusalem, & una Porta Christus, & 12. Portæ Christus quia in duodecim Portis Christus*. Rationem antea dedit idem Doctor: corpora non posse simul hæc esse: at ait; *Divinitas, quæ ubique præsto est, totum potest esse in similitudinibus, quia nihil eorum est in proprietatibus*.

Sic ergo spiritualiter Apostoli & Fundamenta & Portæ simul: quatenus iis affluit Divinitas Agni.

Urum-
que si-
mul; ut
in mysti-
cis.

§. III.

De mensura Civitatis.

mensura
quid si-
gnificet:

Homi-
nis; quæ
est An-
geli.

1. **H**ABEBAT Angelus (v. 15.) **MENSURAM ARUNDINEM AUREAM**, qua **METIRETUR** coram Joanne **CIVITATEM, ET PORTAS EJUS, ET MURUM**. Arundo illa mensoria, Græcè *ἀράμδος*, constat, (ut dicit Ezechiel cap. 40. v. 5.) sex cubitis & palmo: accipiendo cubitos humanos: hac enim usum esse dicit (v. 17.) **MENSURAM HOMINIS QUÆ EST ANGELI**; ad eundem modum quo & staturâ ac specie hominis, in qua apparebat Angelus. Verùm illud, *hominis quæ & Angeli*, plus indicat: videlicet, intelligendam esse mensuram intellectualem; æstimantis hominis eo spiri-

tuali intellectu, quo æstimat Angelus. Nam Angeli ex quantitate meritorum apud Deum arbitrantur etiam ac veluti metiuntur, de quantitate gloriæ adipiscendæ: Eadèmq; opera datur intelligi, utrisque æquè hominibus ut Angelis in illa Beata Civitate gloriam & præmium Beatitudinis responsurum meritis cujusque. Ita intellexit S. Hieronymus, qui in Commentario in Zachariæ 2. de Ecclesia: *quotidie*, ait, *adificatur ab eo qui novit mensuras & mæritum singulorum*. & in Ezech. 40. *Calamus autem mensura significat notam esse Deo conversationem nostram, & notam esse rationem operum singulorum*.

Jam sicut ipsa gloriosa Civitas dicitur

tur esse aurea (v. 18.) cuius muri structura ex iaspide, & portarum ex margaritis: ita *mensuram* quæ assumitur (meritum, cui respondebit gloria) convenit dici AUREAM, quæ soliditate ac pretio congruat.

In quadroposita est.

2. Civitatis igitur hæc est dimensio. formæ est quadratæ: ἡ πόλις τετραγώνη; æquilatera versus quatuor mundi plagas (Ezech. 48. v. 16.) & in accuratum extructa *quadrum* geometricum: ita ut LONGITUDO, ALTITUDO quæ & profunditas continetur, & LATITUDO sint ÆQUALIA: quo exprimitur architectura omnibus numeris perfecta, & accommodatissimæ habitationi & communitati civium à quatuor mundi partibus congregatorum.

Structurasingulorum quadrata.

Et lapides quidem, huius quadræ, etiam ipsi sunt quadrati singuli: tales enim sunt antea præparati ab artifice Architecto. De quibus S. Augustinus in psal. 86. *Non enim frustra etiam de lignis quadratis adificata est arca Noë qua nihilo minus figuram gestabat Ecclesiæ. Quid est enim quadrari? attendite similitudinem quadrati lapidis: similis debet esse Christianus. In omni tentatione suâ Christianus non cadit; & si impellitur & si quâ vertitur, non cadit. Nam quadratum lapidem quacunque verteris, stat. Allegat exemplum Martyrum: Cadere, ait, visi sunt Martyres, cum percuterentur. Et exhortans: Sic ergo conquadrâmini, ad omnes tentationes parati; quidquid impulerit, non vos evertat: stantem re inveniat omnis casus. Hæc de singulis.*

Et Civit-

Per hoc autem quod tota CIVI-

TAS dicitur IN QUADRO POSITA, significatur perfectio Beatitudinis communis omnium Civium ex omni parte ac velut latere civitatis: utpote quam deceat *sanctiundo* & Beatitas in *longitudinem dierum*, psal. 92. v. 5. latitudinem possessionis omnium bonorum ad quam dilatatur & extenditur: altitudinem *supra modum in sublimitate* & profunditatem ponderis gloriæ, 2. Cor. 4. v. 17. incomprehensibilem mortalibus. Juxta Apostolum monentem ut adnitantur posse cum omnibus Sanctis comprehendere quæ sit illius Beatitudinis *latitudo, & longitudo, & sublimitas & profundum*; Eph. 3. v. 18. quasi dicat: omnium hoc esse & solorum Sanctorum, quibus inde apud Theologos nomen Comprehensorum; non quidem unde quaque DEI quem vident, quia is est soli sibi propriè comprehensibilis; sed Beatitatis cœlestis & felicitatis cum qua DEUS videtur.

Huc pertinet, quod sicut ædificio Civitatis in terris addit decorem, sic ubi omnes domus æquæ sint longæ, latæ, & altæ: sic in illa cœlesti civitate in qua *mansiones* (ut dicitur Joan. 14. v. 2.) & velut domus *multæ* sunt, singulis earum æqualis sit longitudo, latitudo, altitudo: id est, quod familiæ domesticorum DEI cives singuli habeant Beatitudinem perpetuam; & singuli possideant bonum infinitum (*bonum omnis boni*, ut loquitur Augustinus;) & singulos reddat beatos idem summum ac sublime Bonum: quamvis eorundem sit mansio distincta, hoc est gradus diversi quibus illo eodem Bono, alius

tas intera quadrata.

Cū proportionem mansionum:

R 2 alio

Et per-
spicuita-
te undi-
que.

Dimen-
sio qua-
dri:duo-
decies
millena
stadia.

aliò beatitùs perfruitur particeps. quæ
est doctrina S. Thomæ 1. 2. q. 5. a. 2. Ex
quo mirificè augetur pulchritudo Ci-
vitatù cum varietate & proportione
mirabili: insuper & illa perspicuitate
mansionum, de qua Apocalypsis, ap-
petibili omnium oculis & amœnissi-
mâ, ad similitudinem vitri mundi; ut
dicitur de tota Civitate v. 18. IPSA in-
quit, CIVITAS AURUM MUN-
DUM SIMILE VITRO MUN-
DO.

3. Mensura totius Civitatù qua-
dratæ (v. 16.) STADIA DUODE-
CIM MILLIA (quorum octo alibi
meminimus constituere milliare Itali-
cum:) ita ut singula sint latera trium
millium stadiorum; ubi recurrit men-
tio TRINITATIS: estque ille nume-
rus uterque, tam duodecim quàm mil-
le, usu Scripturæ sacræ absolutissimus,
& significat admirandam Beatæ Civi-

tatis amplitudinem: quæ & Regnum
dicitur omnium longè Regnorum am-
plissimum & populosissimum: ex om-
nibus retrò sæculis & plagis mundi col-
lectam; cuius unica portio, quæ Joan-
ni ostensa fuit Capite 7. v. 9. visa est
innumerabilis: Angelorum verò Bea-
torum etiam major est multitudo.

Denique de muro Civitatù, dici-
tur esse (v. 17.) CENTUM QUA-
DRAGINTA QUATUOR CU-
BITORUM: qui numerus est duo-
denariorum omnium perfectissimus
(nam duodecies duodecim sunt 144.)
& significat summam celsitudinem
muri, ac protectionem habitationis
beatæ. Si enim duodenarius habetur
in Scripturis numerus perfectus:
quantò major perfectio, ubi is nu-
merus in se ductus est per multiplica-
tionem!

Celsitu-
do muri;

TRACTATUS XXXIV.

IN CAPITIS XXI. VERSUS DUOS. 19. & 20.

Sequitur elogium Fundamentorum muri singularum: quod
peculiaribus binis Tractatibus prosequemur. Et primum
quidem generali de iis velut præmio præparandus est
Lector.

VERBA APOCALYPSEOS.

(Cap. 21. Versu 19. & 20.) *Et fundamenta muri Civitatù omni-
bus lapide pretioso ornata, Fundamentum primum Iaspis: secundum,
Sapphirus: tertium, Chalcedonius: quartum, Smaragdus: (v. 20.) Quin-
tum*

rum sardonix: sextum, sardius: septimum, chrysolithus: octavum,
Beryllus: nonum, topazius: decimum, chrysoprasus: undecimum, hya-
cintus: duodecimum, amethystus.

PROOEMIUM.

In expositionem.

Lapides
pretiosi,
hieroglyphica
cœlestium.

Horum
funda-
mentales
12.

1. **G**emma seu Lapides pretiosi, quos enumerat Apocalypsis, gignuntur in visceribus terræ ex Cœli & Stellarum influxu, quatuor naturam referunt; velut stillæ de Cœlo concretæ, ejus lucem, nitorem, vim participant. Ac proinde idonea hieroglyphica sunt rerum cœlestium: ac præsertim fundamentorum in muro Civitatis cœlestis; quæ debeat utique constare ex lapidibus: at horum pretiosissimi sunt gemmæ. Et quoniam duodecim sunt Fundamenta, singula ex singulis gemmis hîc recensitis; ex harum duodecim gemmarum locatione & inter se coaptatione oritur ille decor, de quo dicitur, initio versus decimi noni: **FUNDAMENTA MURI esse OMNI LAPIDE PRETIOSO ORNATA** ordinatæque. S. Hieronymus in Isaiam: postquam citasset verba Prophetæ cap. 54. v. 11. *Ecce ego sternam per ordinem lapides tuos & fundabo te in sapphiris, & ponam iaspidem propugnacula tua; & portas tuas in lapides sculptos; & omnes terminos tuos lapides desiderabiles: Veniamus, ait. ad sensum: Loquitur ad Ecclesiam quod ipse veniat, ipse descendat, & ædificet in terris cœlestem Hierusalem, quæ in Apocalypsi*

Joannis vocatur Sponsa & Uxor Agni, habet lumen simile lapidis pretiosi sicut iaspidis & crystalli: & murum magnum: & portas 12. inscriptas nominibus tribuum Israël, quarum tres erant ab Oriente & tres ab Aquilone & tres ab Austro & tres ab Occasu Solis: murusque sultus 12. Fundamenti: cujus omnis ædificatio ex lapide iaspide: & singula Fundamenta murorum habebant singulos lapides; primum iaspidem, 2. Sapphirum, 3. Chalcedonium, 4. Smaragdum, 5. Sardonichum, 6. Sardium, 7. Chrysolithum, 8. Beryllum, 9. Topazium, 10. Chrysoprasum, 11. Hyacinthum, 12. Amethystum. quod legentes exclamamus illud, & dicimus: O profundum sapientiæ & scientiæ DEI! & infra: De his lapidibus ædificat Christus Ecclesiam super petram, dicens in Evangelio. super hanc petram ædificabo Ecclesiam meam. Quam Civitatem qui meruerit intrare, gaudens loquitur in Domino psal. 47. v. 9.) sicut audivimus ita vidimus in Civitate Domini virtutum, in Civitate DEI nostri, Deus fundavit eam in æternum.

De his duodecim Fundamentis diximus in Tractatu præcedente §. 2. eas esse veritates duodecim fundamentales ædificationis Apostolicæ, seu duodecim

R 3

Symbolum Apostolicum: & ipsimet Apostoli.

decim articulos Symboli: ipsosque Auctores hujus doctrinæ, duodecim Apostolos. De quibus prophetasse censendus est Isaias l. c. Quin etiam, præter hoc vaticinium Isaiæ, respici docet S. Hieronymus ad lapides pretiosos Exod. 28. v. 21. quos gerebat summus Pontifex in ornamento illo peccatoris sui quod dicebatur Rationale: in quibus lapidibus erant insculpti duodecim Patriarchæ (seu nomina totidem Tribuum) qui figurabant Apostolos; hi enim sunt Patriarchæ fidelium. quos, ait S. Hieronymus in caput 28. Ezechielis, *verus Pontifex, de quo scriptum est, Tu es sacerdos in æternum secundum ordinem Melchisedech, portat in pectore ut, inquit, in duodecim lapidibus Apostolorum numerum demonstrat.*

Quid de cōmentatione in singulos lapides sentierit S. Hieronymus,

2. Porro poterat nobis, ac penè cœperat, videri supervacaneus labor aptare singulas gemmas velle singulis cum Apostolicis articulis, tum Apostolis Doctoribus. Sed S. Hieronymus nos permovit quando in Ezechielem l. c. de his lapidibus pretiosis, memor Apocalypseos in primis, sic scribit: *quorum colores atque naturas & efficientias singulorum non est hujus temporis differere, sed proprium volumen desiderant: ita ut in Ezechiele, & in Exodo, & in Apocalypsi, & in Isaiâ (Ezech. 28. v. 13. Exod. 28. v. 17. & seqq. Isai. 54. v. 11. & 12.) sibi omnes lapides & lapidum ordines comparati magnam & legenti & differenti faciant questionem.* Hæc S. Hieronymus. qui, velut exhortando diligentem Lectorem, & intento digito in adjuutores hujus notitiæ, hæc

addit: *Super quibus & vir sanctus Epiphanius Episcopus proprium Volumen mihi præsens tradidit; & tricesimus scriptus liber Plinii Secundi, naturalis historie, post multiplicem omnium rerum scientiam, de gemmis & lapidibus disputat: ad quorum notitiam diligens à nobis mittendus est Lector.*

Eadem ferè scribit in Isaiam cap. 54. *De natura autem, ait, duodecim lapidum atque gemmarum duos tantum nominabo: virum sanctæ & venerabilis memoria Episcopum Epiphanium, qui insigne nobis ingenui & eruditionis suæ reliquit volumen, quod inscripsit κρῖ λίθων: Et Plinium Secundum, in opere pulcherrimo naturalis historie &c.*

Tanto auctore S. Hieronymo, operæ pretium facturi, & ex illis scriptoribus quos suggessit, tanquam ex fontibus, Deo juvante, exemplumque recentiorum quorundam qui diligenter in hanc materiam Apocalypseos sunt commentati; adaptabimus breviter & accuratè singulas gemmas in hoc quidem Tractatu præsentè singulis Articulis Apostolicis; tum in Tractatu sequente Apostolis ipsis quos per eos significari SS. Patres indicant. In hærebimus potissimum Plinio, quando quidem ad hunc nos relegavit S. Hieronymus.

Eandem operam Lectori sacre Scripturæ necessariam duxit S. Augustinus in libris suis de doctrina Christiana, in quibus Lectorem Scripturarum instituit: qui lib. 2. cap. 16. sic ait E. c. *Nam & carbunculi notitia, quod lucet in tenebris, multa illuminat etiam obscura Librorum ubicunque propter similitudinem ponti-*

ponitur: & ignorantia berylli vel adamantis claudii plerumque intelligentia fores. Itaque huius studii nobis auctores fuerunt hi duo maximi Doctores: & suo exemplo Sancti Hieronymus & Ambrosius aliquā ex parte præierunt; ille in Isai. 54. istum verò suo loco adducemus.

Quid de singulis duxerit inquirendum. 3. Hoc autem est quod de his Lapidibus singulis est inquirendum: applicandi sunt vel fidei eorum mysteriorum quæ Apostolici Doctores tenenda posuerunt in suo Symbolo: vel virtutibus, quibus iidem ipsi præluxerunt suis posteris. Ita de virtutibus docet S. Hieronymus in Isai. 54. his verbis: *Respondent amatores tantum occidentis litora &c. quæ sit ista cælestis Ierusalem, cui nunc dicitur: Ecce ego sternam per*

ordinem lapides tuos: & sit in ea pax perpetua & adificatio iustitia (is est versus Isaiæ 14. & in iustitia fundaberis.) Ex quo perspicuum est, sub occasione iustitia, quod virtutis est nomen, etiam ceteras virtutes in adificationem Ecclesiæ debere nos querere.

Quod ad Symbolum fidei Apostolicum attinet, de quo in hoc Tractatu: prorsus relinquemus intactum ordinem ac divisionem totam Articulorum: quam venerationem debemus Traditioni Apostolicæ & sanctæ universæ Ecclesiæ sic distinguenti, ne, ut recentiores quidam, Symbolum ad nos traxisse videamur, sed ad Symbolum exigamus integram nostram expositionem.

§. I.

De primis 4. Lapidibus pretiosis Fundamentorum.

Symboli 1. **FUNDAMENTUM**, ait Apostolici Articulus primus. **FUNDAMENTUM**, ait Apocalypsis, **PRIMUM**, **JASPIS**. firmissimus est: origine primus & antiquissimus omnium gemmarum; antiquissimus, inquit Plinius lib. 37. cap. 8. *gloriam retinens*. Addit initio capitis noni, certum jaspidis genus *pro amuleti habitum*: & S. Hieronymus (in Isai. cap. 54.) *quo omnia phantasmata fugari autumant, viret*, ait Plinius: & ea gemmarum jaspidum optima inquit, *quæ purpura quidquam habet*, id est, maculas seu venulas purpureas colori viridi inspersas.

Quid firmitus primo articulo Symboli, qui est de omnipotentia Creato-

ris? quid antiquius creditu quàm de opifice mundi, aut notius etiam Ethnicis? Christianis verò de Persona Patris quæ prima est origine? Quod amuletum præsentius & tam virens contra omnia adversa, quàm confidere & inniti Omnipotentia? articulo asperso purpurâ per fiduciam Martyrum in Deo ut Omnipotente!

2. **Fundamentum SECUNDUM SAPPHIRUS**. Est colore Cæli serenit: & ut addit Plinius cap. 9. *aureis punctis collucet*. Apud Mangones gemmarum nomen habet Gemma sacra: eoque nomine magnâ semper in veneratione veteribus; symbolum (apud Pie-

Articulus secundus.

Pierium lib. 41. hierogl. cap. 38.) Imperii aut Sacerdotii summi. dictus auctore S. Hieronymo Saphir idioma Hebræo, id est pulcher.

Quid pulchrius Filio DEI, de quo est 2. articulus? illo specioso in forma DEI: illo qui de Cælo cælestis, 1. Cor. 15. v. 47. illo Rege Regum & summo Sacerdote in æternum? quæ gemma tam sacrosancta: tam & aureæ punctis charitatis, quâ sic Deus dilexit mundum, coruscans quàm ille articulus symboli? S. Hieronymus l. c. in Isaiam: *Ezechielis quoque, ait, Scriptura commemorat, quod locus, in quo Thronus DEI sit, Sapphiri habeat similitudinem; & gloria Domini in hoc colore consistat, qui portat imaginem supercælestis.* Locus Ezechielis sic habet, Cap. 1. in descriptione 4. factorum animalium, v. 26. *Et super firmamentum, quod erat imminens capiti eorum, quasi aspectus lapidis Sapphiri, similitudo Throni: & super similitudinem Throni, similitudo quasi aspectus hominis desuper; qui est homo Jesus Christus Filius Patris unicus, Dominus noster.*

Articu-
lus ter-
tius.

3. *Fundamentum TERTIUM, CHALCEDONIUS.* sic dictus, tum quia similis est aeri candenti; æs enim est græcè χαλός; unde apud Plinium cap. 11. etiam *Chalcidis* dicitur gemma *aëris* colore: tum quia celebris ab urbe Chalcedone, ubi eruitur. genus est Carbunculorum: qui hoc nomen habent à carbone ignito, sicut & apud Græcos αἰθραξ. Horum meminit S. Augustinus lib. 2. de doctr. Christi, cap. 16. in tenebris lucere, & splendescere magis interioris quàm exterioris. Et S. Isidorus lib.

16. cap. 13. *Carbunculi fulgor nec nocte vincitur: colore ignitur ut carbo: lucet in tenebris.* De his Plinius in fine capitis 6. atque initio 7. *gemmarum, inquit, ardentium principatum habent Carbunculi, à similitudine ignium appellati: & paulo post: optimos verò (observant) amethystizontas, hoc est, quorum extremus igniculus in amethysti violam exeat.* Et infra: *ex eodem genere ardentium & alias invenio duas; unam quæ purpurâ radiet, alteram quæ cocco; à Sole excalfactas aut digitorum attritu, fila & paleas ad se rapere.*

Quæ gemma tam etiam in tenebris lucet (Joan. 1. v. 5.) quàm Articulus tertius, de Conceptione Filii DEI & de nocte Nativitatis tam lucidâ? quis carbo tam ignitus (eâ comparatione utuntur S. Justinus ad orthodoxos: & S. Cyrillus lib. de Incarnatione VERBI) quàm Humanitas Divinitati unita per operam Spiritus sancti ex Virgine? quis igneus color tam in humilem violam desinens & αἰθερῶς gratiosus? quæ conjunctio hæc æris candentis; duarum naturarum in una personâ! articulus definitur Chalcedone in Concilio celeberrimo, contra utrumque hæresiarcham Nestorium & Eutychetem: quorum paleas attraxit & subtraxit aræ Ecclesiasticæ, & discrevit à tritico (Matth. 3. v. 10.)

4. *Fundamentum QUARTUM, Articulus SMARAGDUS.* De hoc lapide Plinius cap. 5. *nullius coloris aspectus iucundior est: nam herbas quoque virentes frondesque avidè spectamus: smaragdos verò tantò libentius; quoniam nihil omnino viridius, comparatum illis, viret præ-*

præterea soli gemmarum, continui, nec los
impleri, nec fatiant: quin & ab intentione
alia (id est alio intuitu intuitu) obs-
curata, aspectu Smaragdi recreatur aries:
scilicet ut sique gemma non alia gravior
oculorum refectio est, na viridi semine
luculentior emulcent. additis, aquis ipsi
esse translucidiores: ad crassitudinem
sui (id est præterquam quod crassi sint)
finitate translucida, quod etiam in a-
qua non sit. & se vire pro speculo: Ead-
dem, qua specula, ratione supini imagines
rerum reddunt: Nero Princeps, gladi-
atorum pugnas spectabat Smaragdo. nar-
rat de sepulchro in Cypro: serunt in ea
insula tumulo Reguli Hermia. iuxta ce-
tariæ marmoreo Leoni fuisse inditus ocu-
los ex smaragdis uaridianibus etiam in
gurgitem, ut iterum instrumenta resuge-
rent thymum, diu mirantibus novitatem

piscatoribus donec mutare oculos gem-
mar. Hæc Plinius. Observat S. Epipha-
nius saporem Smaragdis esse amarum
& acerbum. alii, etiam asperitatem eis
cum ure ac duritiam ob quam non læ-
dantur, vel ut loquitur Plinius, nequeant
vulnerari. constat esse arietum con-
tra venena.

Quid atque viret atque Articulus
quartus, de Passione Domini, crucifi-
xione, & morte? quid tam oculos con-
templantium implet, nec fatiat viden-
do? quod speculum translucentius
pœnitentiæ pro humano genere, virtu-
tum Christi, attributorum divinorum!
fortis ut motus, illa patientis dilectio,
dura ut infernus amulatio! quid tam
amarum? & medium contra venena
libidinis & cæco serpenti comparatum,

§. II.

De Lapidibus pretiosis 4. sequentium Fundamentorum.

Articu-
lus quin-
tus.

5. **F**undamentum QUINTUM,
SARDONYX. Gemma sic di-
cta quod sit candida sicut Onyx, iubea
sicut Sardius. Onychi nomen inde
quod formam referat unguis humani:
nobilissima vero species Onychis est
Sardonyx. Hoc est quod Plinius cap. 6.
Sardonyx appellatus fuisse scribit à
candore in Sardis, hoc est, velut carnibus
ungue hominis impresso, & utroque
translucido. Inquit hanc gemmam pro
sigillis adhibitam placuisse, quoniam,
inquit, sola prope gemmarum sculpta ce-
ram non auferrent, id est, quod pro an-

nulo sigillati usurpatis non adhæreat
ulla cera in signando. Meminit earum
quæ excellunt, candore circuli præluce
in ipsis umbonibus (id est in medio gem-
mæ) nitente, præterea substrato nigerrimi
coloris: superstities vero locustarum maris
crustis rubentior. Ex his tot coloribus
quandam illis tribuit similitudinem
Iridis: quædam, inquit, in us celestium
anhelatio est. Subdit generationem de
Onychæ verba hæc: Sardinæ Auctor)
dicit in gemma esse candorem unguis hu-
mani similitudine. item Chrysolithi colo-
rem, & Sardis, & Iasidis. Stryx (etiam
S Au-

Auctor) *veram autem Onychem plurimas variâque cum lacteis Zonis habere venas, omnium in transitu colore inenarrabili, & in unum redeunte concentum suavitatis gratâ.*

Quid similis Sardonychi, quàm Articulus quintus, Descendit ad inferos & resurrexit? instar est unguis ex quo Christus deprehenditur homo integer, qui & descenderit animâ tenus & resurrexerit corpore. Candor & rubor in carne vera suscitât (nam Spiritus carnem & ossa non habet; I. uc. 2. 4. v. 39.) colorum & gloriæ corporis inenarrabili suavitatis & concentu. iris & spes de dormientibus, I. Thess. 4. v. 12. & gemma obliquatoria prædicationis Apostolicæ ac doctrinæ de fide: I. Cor. 15. v. 14. Si autem Christus non resurrexit, inanis ergo est prædicationis nostra, inanis & fides nostra: & v. 17. ibidem.

Articu-
lus sex-
tus.

6. *Fundamentum SEXTUM, SARDIUS*: Plinio, Sarda. Nomen, inquit Plinius cap. 7. *cum Sardonyche communicavit: primum Sardibus reperta: sed laudatissima circa Babyloniam.* Et mox: *In India, inquit, argenteis bracteis sublinitur: Indica perlucet: nec nuda translucentium tardius suffuso humore hebetantur.* Ita Plinius. Colorem habet carnis humanæ resplendentis & pellucidæ: unde & nominatur Carnerina & per abusum Cornetina vulgo. accendit gaudium: medetur vulneribus (italibet de gemmis qui est S. Epiphani Episcopi.) sistit sanguinem.

Quæ major communicatio Articuli sexti cum præcedente, sicut Sardii cum Sardonyche? Ascensus ad cælos, cum Descensu in inferiores partes ter-

ræ Ephes. 4. v. 9. & Sessionis ad dexteram cum Resurrectione? (absit hinc Articulatorum alia interpunctio: separatio conjunctorum, & in fine Symboli conjunctio separatorum!) quis decor tam proprius carnis per Ascensionem & Sessionem exaltatæ? quid tam argenteis brachis sublinitur? dotibus gloriosis? vulnera in quantum gaudiam & gloriam vertit! sanguinem & effusionem omnem sistit; etiam lachrymarum, quæ absteris.

7. *Fundamentum SEPTIMUM, ARTICULUS CHRYSOLITHUS.* quasi dicas; aurulus septimus lapis; χρυσός enim græcè aurum, inus, λίθος lapidem significat. adeo & solus nomen sibi præcipit lapidis. Plinius Chrysolithos gemmas describit brevissimè cap. 9. *aureo colore translucentes: aureo quidem, inquit; ita ut aurum ipsum cum iis collatum albescat.* ait enim; *Optimæ verò sunt quæ in collatione aurum albicare quadam argenti facie cogunt: translucentes autem,* eò quod color ille aureus nihil habeat opaci, sed pelluceat instar maris. unde ab aliis gemma dicitur coloris partim marini, partim aurei. Valet adversus angustias pectoris & asthma.

Quis lapis tam validus quàm Articulus septimus de Judicio? quis tam aureus is qui diligunt Adventum ejus (2. Tim. 4. v. 8.) veniet enim in nube quæ est coloris marini: & in fulgore aureo ac Majestate. Lapis hic discernit inter aurum electum & reprobum (vivos & mortuos:) in ex-nunc-judicii ejus palliet quod videbatur aurum esse. Stabant iusti in magna constantia adversus eos qui se angustiaverunt; Sap.

Sap. 5. v. r. remedium nunc contra angustiam spiritus gementium; ibidem v. 3.

Articu-
lus octa-
vus.

S. *Fundamentum OCTAVUM, PERYLLUS.* De his Plinius cap. 5. *Eandem (quam Smaragdus) multis naturam aut certe similem habere Berylli videntur. Probatissimi sunt ex iis, qui viriditatem puri maris imitantur. hinc etiam nunc Italici appellantur Aqua marina: tum ob colorem; glaucum, id est qui ex viridi ad caeruleum vergat: tum ob perspicuitatem. Subjungit Plinius: Indi mirè gaudent longitudine eorum, solisque gemmarum pradicant qui carere auro maluit! Vim habet hæc gemma ut pro sit oculis & gutturi, atque inde arceat defusiones: animat ad pugnam. Paulò antè dixerat Plinius: fulgorem ejus augeri expolendo. poliantur, inquit, omnes sexangula figura, artificum ingenius: quoniam hebescent*

ni color surdus repercussu angulorum excutitur.

Quid tam proprium octavo articulo, de Spiritu sancto? qui appellationem habet in Scripturis *Aquæ vivæ*; Joan. 4. v. 10. & cap. 7. v. 38. & 39. perspicuus, quo noscuntur profunda DEI, 1. Cor. 2. v. 10. Gentes mirè gaudent, quod habetur Act. 13. v. 48. quia (ut cum stupore dicitur ibid. cap. 10. v. 45.) *gratia Spiritus sancti effusa est* tam longè usque ad extremum terræ, qui sunt Indi. *donum DEI est*, quod de prædicatur Act. 8. v. 19. & 20. non possideri auro, simoniacè: singulare oculis per donum intellectus, & gutturi per donum linguarum, animat & dirigit in pugna spirituali, concupiscente carne adversus spiritum & spiritu adversus carnem. amat excitari fulgorem suum expolitione & actu super-naturali, Exercitiis (quæ vocant) spiritualibus.

S. III.

De lapidibus pretiosis reliquorum 4. Fundamentorum.

Articu-
lus nonus.

9. *Fundamentum NONUM, TOPAZIUS:* Plinius caput octavum sic incipit: *Egregia etiam nunc Topazio gloria est suo virenti genere. Sancto Ambrosio (in illa verba psalmi 118. v. 127. super aurum & topazion) pulcherrimus & mirabilis quem dives Regina mirata sit. narrantur de Berenice, matre Regis Ptolomæi II. illam quamvis regalibus ornamentis abundaret, supra modum tamen colore ejus stupefactam, elaborasse ut diutius species tam*

pretiosi lapidis non lateret. gemma est tota diaphana: & maxima seu, ut Plinius loquitur, amplissima gemmarum. resplendenti similis, ait S. Ambrosius. l. c. maxime cum Solis radius percutitur. addit de Topazio: naturâ hujusmodi, ut si polire & lavigare eum velis, asperetur magis. rationem dat: Est autem quoddam genitali opere naturæ euglyphus, hoc est, benè figurabilis. Hæc Ambrosius. & paulò antè: Duorum colorum est in hoc lapide χρῶσις hoc est quadam

S 2

tempe-

temperata permixtio, χρυσόπτερον & χρυσόπτερον: id est, quod & veteres referunt de suo Topazio, coloris partim aurei est, partim porracei cuius herbe vires medicas imitatur. porrum enim, ut docent Phisici, sanat pectus, medetur moribus serpentum, confert ad vocem ad fecunditatem, ad placidam mortem. de illo Plinius lib. 19. cap. 6. quod ei auctoritatem dederit Princeps Nero: *voci gratia, ex oleo stans mensium omnium diebus, nihilque aliud ac ne pane quidem, vescendo.* apud eundem de succo ejus memorabile: *Fama est, ait, Melam equestris ordinis in summa desperatione (cupidum facilius in mortis) succo porri ad trium denariorum argenteorum pondus hausto, confestim expirasse sine cruciatu.* Hæc de porto herba: de Topazio autem lib. 37. cap. 3. *Ejus enim, ait, tota similitudo ad porri succum dirigitur.*

Quid magis congruum Articulo nono, de S. Ecclesia Catholica? cui egregia etiamnum & semper gloria est suo virenti genere. non solum Ambrosii voce sed Doctorum omnium elogio, calamoque S. Scripturæ (Cant. 4. v. 1.) *quam pulchra, quam pulchra!* quid tam resplendet radius Solaribus quam ea quæ est amicta Sole, Apoc. 12. v. 1. quid tam euglyphum per se, quam quod à Spiritu sancto habet ortum suum: cui sicut coheret Ecclesia, sic Articulatus ejus, in Symbolo, priori Articulo de Spiritu sancto. Diaphana est, necessariorum omnium dogmatum claritate. magnitudine amplissima, per totum orbem terrarum. habet multum porracei: acrimoniam doctrinæ

de castigatione carnis & observatione præceptorum: sanitatem impertit per administrationem legitimam Sacramentorum: afflatum aut morsum hæreseon tollit: sine illa, vox est rauca & nullum verbum Dei sincerum: extra illam sterilitas patiendi filios Dei. In Ecclesia Catholica, ibi in Communionem sanctorum mori, desperationis antidotum est, & levamen omnis cruciatus, ac solatium expiranti.

10. *Fundamentum DECIMUM, ARTICULUS, de quo Plinius cap. 8. Viridarium & alia plura sunt genera:* quarum gemmarum tribus generibus recensitis: *Præfertur his, ait, Chrysoprassus, porri succum & ipsa referens, sed hæc paulum declinans à Topazio in aurum.* hic enim est prasini coloris, ut inspersus sit aureis guttis: à quo utroque ei nomen; etenim porrum græcè χρῆσον appellatur. Hæc gemma confortat aciem oculorum, ut in rem vilam deligi firmiter possit: dilatat & exhilarat animum ac spiritus vitales.

Quæ alia gemma in illis Articulo decimo, de Remissione peccatorum? etiam ipse aulteritatem & poenitentiam præfert, à qua declinat in splendorem aureum gratiæ Dei. Est viridis Spei significantissimum symbolum, confortat oculos quibus Deus videtur (Math. 5. v. 8. mundando cor & conscientiam) dilatat animum, innovat spiritum.

11. *Fundamentum UNDECIMUM, HYACINTHUS.* Color ei ecclesiæ: carolus enigmata in iisdem diluitur violaceo, quæ phœalis est Plinio familiaris: *ille, inquit cap. 9. in iuncto*

Articu-
lus deci-
mus.

Articu-
lus un-
decimus.

*elysto fulgor violaceus, dilutus est in Hyacintho: primo quoque aspectu gratia evanescit antequam satiety, adeoque non implet oculos, ut pinè non attingat, marcescens celerius sui nominis flore. Veterum Hyacinthus arcebat pestem, venenum, fulmina. Gemma est concolor flori cognomini, qui etiam flos est medela contra serpentes. In flore Hyacinthi duæ velut literæ apparent AI, quæ est interjectio suspitantis, quas natura foliis intexit: quæ occasio fuit Poëtis fabularum (Ovid l. 6. Metam.) Ipse suos geminis foliis inscripsit & ai ai flos habet inscriptum. Gemmas Hyacinthos *Æthiopia mittit*, ait Plinius l. c.*

Quæ doctrina tam cœlestis quàm illa undecim Articuli de carnis resurrectione ad Cœlum. quid tam flori simile quàm de reslorescentibus corporibus iustorum? quid tam salubre creditu, nullam eis fore contagionem concupiscentiæ, nullum deinceps venenum mortiferum, nullum fulmen iræ divinæ, nullum afflatum serpentis metuenda. ut quisque fuerit hic corpore adustissimo & denigratissimo ab æstu & aliis incommodis, ita formosissima & optimâ specie resurget. Verum enimvero fulgor hic Spei dilutus est violaceo, timore resurrectionis in carne reproba: 1. Cor. 15. 51. *omnes quidem resurgentur, sed non omnes immutabimur*: gaudium est in primo aspectu Articuli: nondum implet oculos: modicè marcescit: & est dilutus fulgor in gemma: ai ai in flore!

Articulus duodecimus. 12. *Fundamentum DUODECIMUM, AMETHYSTUS*, sic dictus, quod resistat ebrietati: unde *ra*

αμβροσα græcè, id est remedia contra ebrietatem (α enim particula privativa, & *μβροσα* est inebrio.) vel, ut scribit Plinius cap. 9. *Causam nominis asserunt, quod usque ad vini colorem accedens, prius quàm eum degustet, in violam desinit: fulgorque quidam in eo purpure non ex toto igneus, sed in vini colorem deficiens*. Ut ut est, symbolum est sobrietatis & vigilantie. Pergit Plinius: *Perlucent autem omnes violaceo colore: id quod commune habent cum Hyacintho; nisi quod in hoc dilutus, in amethysto fulgor plus emicet. quando præcellens* (verba sunt Plinii) *debet esse in suspectu, velut ex carbunculo resurgens, quidam in purpura leniter roseus nitet*. De talibus idem Plinius: *malunt vocari, ait, multi teneris gemmam: quod maxime videtur decere & specie & colore gemmæ*. Sunt qui addunt, Sardium, gemmam, esse matrem Amethysti: unde fiat, quod in al quibus genimatum ex una parte Sardium, in altera sit amethystum videre.

Quid huic Articulo duodecimo de vita æterna, communis cum Hyacintho, id est, articulo præcedente de Resurrectione ad vitam? superat tamen quantum amethystus hyacinthum fulgore, tantum mentio vitæ æternæ nomen resurrectionis: neque hoc solum, sed maxime vita animæ æterna & Visio Beata gloriæ corporis & incorruptibilitatem carnis. Quid autem tam perlucens quàm vita cœlestis? quæ purpure gloriæ! quid tam blandi & rosei nati quàm doctrina & spes æternæ vitæ? quid tam anticum illius exhortatorius sobrietas & vigilare? Pet. 5.

S

v. 8.

v. 8. Ipsa est pulchritudine, specie, ac decore maximè gemmeo. Articulus de Ascensione Christi (ille Sardius, articulorum sextus) mater est nostri ascensus ad Cælum & Beatam vitam: *Ne-*

mo ascendit in Cælum nisi qui descendit de Cælo, Filius hominis qui est in Cælo, Joan. 3. v. 13. ac si dicat: nisi præeunte Capite non sequitur Corpus & membra.

TRACTATUS XXXV.

IN EOSDEM DUOS VERSUS CAPITIS XXI.

Funda-
menta
ipsi SS.
Aposto-
li.

Sicut Apostolicos Articulos, sic illorum auctores Apostolos ipsos Fundamenta nominari, & hos eosdem Lapidés pretiosos diximus ex SS. Patribus. eoque ordine seu numeratione quâ in Apocalypsi: quandoquidem illa tam accurata distinctio ac numeratio Fundamenti primi, secundi, tertii, &c. nihil temerarium habere potuit aut inconsultum, sed divinum & mysterii plenum. Itaque in his duobus totis Versibus manifestissimum est quod aliàs attulimus ex S. Hieronymo: in verbis singulis multiplices latere intelligentias.

§. I.

De primis 4. Fundamentis, quæ sunt ipsi Apostoli.

1. **F**UNDAMENTUM PRIMUM, JASPIS. Remittimus in his navum Lectorem ad ea quæ de singulis Lapidibus coacervavimus in Tractatu præcedente.

Laudavimus Jaspidem à firmitate: antiquitate gemmatum omnium: figatione phantasmatum: virore: & qui optimus, resperione purpuræ.

S. Petrus

Quid Apostolo Petro, Ecclesie ipsa petra, firmitus? qui Apostolorum PRIMUS Matth. 10. v. 2. & antiquissimus Apostolicæ Sedis: etiamnum virens in successoribus: amuletum Ecclesiarum

contra omnia phantasmata hæreseon: ipse non sine purpura, rubore de peccato quondam admissio. Cui sociamus Paulum Apostolum (extra numerum duodecimum,) individuum à Petro: illum cui sollicitudo incubuit & coedificatio omnium Ecclesiarum, geminum Jaspidi.

2. *Fundamentum SECUNDUM SAPPHIRUS.*

In Sapphiro dilaudavimus vocitationem sacræ gemmæ: significationem Regni & sacerdotii: colorem cælestem: collucentiam punctis atris: pul-

S. Andreas.

pulchritudinem. De colore cælesti hujus gemmæ S. Hieronymus (in Isa. 54.) *Sapphirus, qui ponitur in Fundamenti, cæli habet similitudinem & superioris aëris: & applicans exponit: qui talis est ut possit Aristophanicum dicere cum Socrate; ἀναβατὴν καὶ περιφρεσὸν τῶν ἁλίων* quod nos in Latinum sermonem vertere possumus; scando aërem solemque despicio: sive cum Paulo Apostolo, *Nostra autem conversatio in Cælis est.* Hæc Hieronymus.

Inter Apostolos gemina sacra S. Andreas, geminus Petri, vocatione primus in sacro Collegio, Joan. i. v. 40. ad unum ex 12. Thronis & confessum Regis Matth. 19. v. 28. sacerdos, quotidie ut est in vita per Presbyteros & Diaconos Achaia, immolator Agni immaculatus; de quo primus audierat, Ecce Agnus Dei & fuerat secutus Joan. 1. v. 37. Cui facies animi Cælos intuentis (Exod. 24. v. 10. quasi opus lapidis Sapphirini & quasi cælum cum serenum est) arque ad cælos anhelis; Obona Crux &c. redde me magistro. quot ei verba, Concionatori affixo per biddum, tot amore sui Magistri scintillantia puncta aurea. pulcher sibi eo decore crucis quem dicit ex membris Domini susceptum.

S. Jacobus Zebedæi. 3. *Fundamentum TERTIUM, CHALCEDONIUS.*

In Chalcedonio advertimus ad similitudinem & genus ductum ab igne: quod inter ardentes ex omnium principis: quod desinat in violam & purpuram: quod ad se attrahat paleam.

S. Jacobus Apostolus: ille gemma Christo in pretio singulari: & inter lucidissimas, non solum in Evangelio & à latere Domini tunc temporis; sed etiam nunc in terris, Compostellæ, quod tanquam paleas rapit ad se reos criminum & transmutat: filius, & frater filii, tonitruus: similitudine ignis, ut pruna: primus in exercitio charitatis illius quâ majorem nemo habet, ut daret animam suam; in violam demisso capite, & in purpuram desinens primus.

4. *Fundamentum QUARTUM, S. Joannes.* SMARAGDUS.

In Smaragdo deprædicavimus amœnitatem aspectus, quæ impleat oculos nec satiet: virorem præcipuum, nitorem & puritatem: duritiem æneam: amaritudinem sapientis: quod traluceat; & vi polleat speculari: quod contra virtus saluber.

S. Joannes Apostolus: delictæ oculorum Christi: ille, gemma super pectus; & in ornatum data Virgini Mari: virore usque in senectam annorum innocens Virgo: in fervente oleo æneus: qui sub Cruce Domini solus Apostolorum duravit; quamvis in amaritudine animi: ille pro speculo in quo Christus tralucebat discipulis (Joan. 21. v. 7. Dominus est) ille speculum futurorum in Apocalypsi: speculum, in Evangelio, *VERBI* quod erat in principio: ille, de quo tralatum est, pingi eum cum calice ex quo fugat venenum.

J. II.

§. II.

*De sequentibus 4. Fundamentis sive Apostolis.*S. Phil-
lippus.5. *Fundamentum* QUINTUM,
SARDONYX.

In Sardonyche agnovimus compositionem ex Sardio & Onyche: figuram unguis humani, & candorem: non sine laudabili nigredine in ima sui parte: nec non rubedine in superficie: quod sit colorum suorum inenarrabili suavitate: quod referat Iridem: quod sigillandis secretis idoneus sit annulus.

S. Philippus Apostolus Scythiæ: in Evangelio, seu responsione, seu interrogatione, seu adductione aliorum ad Jesum, velut ex ungue se prodit hominem simplicem & candidum ac suavem (in qua indole similem sibi adduxit sine dolo Nathanaëlem Joan. 1. v. 45. & 47.) dum & respondet simpliciter tentanti Domino Joan. 6. v. 7. & interrogat ingenuè Joan. 14. v. 8. atque adducit ipse primus, verècundè cum associatione alterius discipuli Gentiles ad Jesum Joan. 12. v. 22. Ille singulari suavitate concentuque virtutum quasi colorum; infima sui parte id est corpore contuso denigratoque inter lapides quibus appetebatur in cruce; tiber sanguine: ille Iris benignitate ille ob-signatorius promissionis æternæ per illud suum (1. c.) Domine ostende nobis Patrem & sufficit. Id quod BENE intellexerat Philippus (ait S. Augustinus lib. 5. de TRIN. cap. 8.) ut diceret Domi-

no: dummodò cum hac additione, eo quoque modo id ipsum se potuisse dicere; Domine, ostende nobis Te, & sufficit nobis.

6. *Fundamentum* SEXTUM SARDIUS. S. Bartholomæus.

In Sudio communicatio se nobis obtulit cum Sardonyche: color carnis pellucida: laus ejus celebris ex India, ubi bracteis aureis exornatur. reddit effusionem sanguinis tuiorem. medela est doloris & vulnerum: prodest ad accendendum gaudium.

S. Bartholomæus Apostolus Indorum & majoris Armeniæ, quorum in-buendorum zelus, immò & genus martyrii in cruce, illi cum Sardonyche Scytharum Apostolo communis est: habet colorem carnis, utpote nudatus cute: quot ei membra fuerunt excoriata, tot bracteis resplendet seu virtutum argentearum in terra, seu gloriæ in cælis: tardo præ cæteris Apostolis martyrio & suffusione sanguinis tardâ, ex omnibus partibus carnis præluxit: gemma Indica. Usus hujus gemmæ & consideratio excoriationis medetur vulneribus cæterorum: addit animos ad patiendum cum gaudio, cogitantibus; nondum excoriatum sumus pro Christo.

7. *Fundamentum* SEPTIMUM, S. Mat-thæus, CHRY SOLITHUS.

Chrysolithum extulimus laude au-
rci

rei lapidis: specie partium marinâ, partim aurea: ita ut adhiberetur aurum præ illo albiceret. Solus ex gemmis nomen sibi adscribit lapidis. conducit peccatori & adversus asthma.

S. Matthæus Apostolus: quem ex catalogo duorum Evangelistarum (Mat. 3. & Luc. 6.) & auctoritate utque exemplo S. Hieronymi (sup. tract. 33. §. 2.) recensemus ante Thomam: vocatus à telonio & negotiatione marinâ quæ est publicani. Scripta quælibet, quamvis aurea, albescent præ Evangelio quod scripsit; lapis ipse primus omnium in Evangelis edendis. Descriptio Articuli de Iudicio, qui erat Chrysolithus in Symbolo, sicut nemo alius Evangelistarum; per totos sedecim versus (cap. 25. à v. 31. usque in versum 46.) Evangelium ejus super pectus gestatum à Sanctis, etiam post mortem.

S. Thomas.

8. *Fundamentum* OCTAVUM, BERYLLUS.

In Beryllo colorem observavimus

& nomen Aquæ marinæ: perspicuitatem: & quod fulgor ejus augeatur politura artificis, quam requirit: quod Indi eo mirificè gaudeant; & in eo æstiment potius carere: quod pro sit oculis, & gutturi.

S. Thomæ Apostolo color hæsit aquæ lachrymarum super incredulitate. perspicuus, per quem totus orbis videt sacra vulnera & tangit. Dixerat, Joan. 11. v. 16. Eamus & nos & moriamur cum eo: sed is fulgor sine artifice hebescebat (*color surdus*, ut loquitur hic Plinius.) non credam, Joan. 20. v. 25. opus habuit expoliri à Christo repercussu Sanctorum vulnerum tanquam angulorum; Infer digitum &c. v. 27. Indi, ejus longitudine commemorationis & prædicationis, mirè gavisi sunt: de prædicaverunt quod amplius quam omnes suo Gymnosophistæ, carere auro maluerit. Prodest oculis hominum quod ille vidit; & gutturi omnium quod clamavit, Dominus meus & Deus meus.

§. III.

De reliquis 4. Apostolis, seu Fundamentis.

S. Jacobus Alphæi.

9. *Fundamentum* NONUM, TOPAZIUS.

In Topazio admiratores habuimus pulchritudinis: psaltes eum comparavit auro (psal. 118.) color ejus partim auri, partim porraceus: gemma tota diaphana: magnitudine vitenda: valet acrimoniâ porri: ejusdemque virtute medicâ: facit clariorem vocem:

Part II.

confert ad fecunditatem, & mortem sine ejulatione.

S. Jacobus Alphæi, mirificam pulchritudinem à vultu Christi accepit: dictus frater Domini, Gal. 1. v. 19. ita facies ejus exterior (quid illa inferioris hominis?) radiabat similitudine Domini Christi: aureus sanctitatem; tan omnibus diaphanâ ut cognominaretur

T

Justus.

Iustus: atque adeo ut Iosephus historiographus lib. 20. antiq. cap. 8. ob eius necem opinetur excisam fuisse Hierosolimam: ita magnus apud omnes, ut ei uni liceret ingredi Sancta sanctorum. Similis actimoniarum & in se rigoris cuius est porrum, ob abstinentiam ab ineunte ætate, callum genuum in oratione &c. ea salutiferâ virtute ut fimbriam vestimenti eius certatim homines cuperent attingere. Epistola eius profert vocem clarissimam de fide sine operibus mortuâ. ipse secunditatem attulit Ecclesiæ Hierosolymitanæ profuit, fractis præcipitio genibus & manu protente in Cælum, ut sine cruciatu essent de suamet nece, precantibus enecantium salutem.

S. Thad-
daus.

10. *Fundamentum* DECIMUM, CHRYSOPRASUS.

In Chrysopraso commendavimus vim eandem porraceam, germanam Topazii, & prasinum colorem aspersum aureo; quæ duo, aurum & porrum ei nomen dedere: quod licet obtutum oculorum: quod excitet spiritus vitales & dilatat animum.

S. Judas Thaddæus: germanus Jacobi quem comparavimus Topazio: splendet in Evangelio perillam suam questionem quam movit de manifestatione Domini. Et illud responsum quod recepit de dilectione eiusdem Joani 14. v. 21. Quorum dixerim alterum valde pro acutendo intellectu, alterum pro dilatazione animorum. Vim porraceam exerte in Epistola sua quæ omnium est Apostolicarum acerrima contra hæreticos; delinquit ignorantiam tanquam innotuit au-

malium; & impietatem, Spiritum non habentium; v. 10. & 19.

11. *Fundamentum* UNDECIMUM, HYACINTHUS.

S. Simon

In Hyacintho colorem agnovimus cælestem, simul & violaceo eleganter dilutum odore & fulgore diffuso: vim ejusdem contra serpentes & fulmina: in flore cognomini literas duas, AI, interjectionem suspirantis: Æthiopiam mittere gemmas hyacinthos.

S. Simon Apostolus, dictus Zelotes Luc. 6. v. 15. nomine prædico Apostolatus & conversationis cælestis: duorum co-apostolorum Jacobi & Thaddæi germanus sanguine & spiritu: usque in Ægyptum atque illinc in Persidem innumerebiles (in Ecclesiâ Romana recitat de Zelo illius) filios Jesu Christo peperit: prædicatione salutari ex illis vastissimis regionibus abulavit animarum venena: prohibuit fulmina æterna: instar fuit simul floris cærulei, simul gemmæ hyacinthinatæ omnium præstantissimæ, odore Christi & fulgore Evangelii diffusis per Ægyptum usque ad Æthiopas, non sine gemmis ad Deum sine intermissione pro illarum gentium salute.

12. *Fundamentum* DUODECIMUM, AMETHYSTUS.

S. Mar-
thias.

De Amethysto audivimus dictam esse simul gemmam Veneris sed quod maxime speciem ac decorem ostendat gemmæ: Symbolum sobrietatis & vigilantie: resistere ebrietati: colorem ei sub-violaceum: fulgorem sicut carbunculus: excellentem in purpura roscum morem. Præfert ceteris Plinius (locum illæ citato) amethystos Indicos.

S. Mar-

S. Matthias Apostolis aggregatus
 est interque ceteris temperabatur
 (Prov. 30. v. 31.) gemina perducens ni-
 tore totum Collegium 72. Discipulo-
 rum. & inter tot stellas instat Veneris
 pulchra; electa enim etiam præ illo cui
 nomen communi omnium fana Ju-
 llas. Sobrius ac vigil præ ceteris viris
 iudicatus, ut fieret testis resurrectionis
 (ut dicitur Act. 1. v. 21. & 22.) cui co-
 lor humilis, ut novissimo: fulgor co-
 apostolatus præ aliis: & rosus excellens
 rutilor in purpura martyrii. De illo

Græci in Menais, & auctarium Su-
 phroni apud S. Hieron. de scripturis
 Ecclesiasticis. quod fuerit Apostolus
 Æthiopie. Et Nicephorus lib. 2. hist.
 Eccl. cap. 1. 40. *Matthias, inquit, pri-
 mam Æthiopiam adiit, atque ibi a fe-
 ris infestis, immanibusque gentibus multa
 pertulit.* Porro Æthiopes æquæ dicti
 sunt Indi ab Aristotele (in Elenchis,) &
 à Virgilio, & à Geographis: Secun-
 dum hoc ergo S. Matthias amethy-
 stus Indicus.

TRACTATUS XXXVI.

IN RELIQUAM PARTEM CAPITIS XXI.

de reliqua descriptione Civitatis.

VERBA APOCALYPSEOS.

(Cap. 21. Vers. 21. & seqq.) *Et duodecim porte duodecim marga-
 ritæ sunt, per singulas: & singule porte erant ex singulis margaritis, &
 platea Civitatis aurum mundum, tanquam vitrum perlucidum. (v. 22.)
 Et templum non vidi in ea. Dominus enim Deus Omnipotens templum
 illius est, & Agnus. (v. 23.) Et Civitas non eget Sole, neque luna, ut lu-
 ceant in ea, nam claritas Dei illuminavit eam, & lucerna ejus est
 agnus. (v. 24.) Et ambulabunt Gentes in lumine ejus: & reges terræ
 afferent Gloriam suam & honorem in illam. (v. 25.) Et porte ejus non
 claudentur per diem: nox enim non erit illic. (v. 26.) Et afferent glo-
 riam & honorem gentium in illam. (v. 27.) Non intrabit in eam ali-
 quod conquinatum, aut abominationem faciens & mendacium, nisi
 qui scripti sunt in libro vitæ agni.*

J. 1.

De Margaritis portarum.

Portæ
sunt A-
postoli
12.

Similes
marga-
ritis:

Genitu-
râ:

1. **D**iximus in Tractatu 33. §. 2. Portas esse Apostolos: quod præferunt manifestè nomina inscripta v. 12. ipsi enim sunt Patriarchæ, duodecim id est omnium Tribuum, præfigurati per Patriarchas illos veteres cum suarum ab se tribuum ortu & nominatione. Atque ita de Portis æquè ac Fundamentis exposuerunt S. Augustinus unâ cum S. Hieronymo suprâ laudati. Restat, quod est huius loci, ut Apostolos conferamus cum MARGARITIS: genere autem, ut in Apocalypsi, sumptos.

Primò, de harum generatione in naturali historia Plinius lib. 9. cap. 35. nasci docet in mari, ex rore quem excipiant conchæ de Cælo. *Hæc*, inquit, (conchas) ubi genitalis anni stimulare ru hora, pendentes se quadam oscitatione impleri roseo conceptu tradunt: gravidæ postea eniti: paritumque concharum esse margaritas pro qualitate roris accepti: ex eo quippe constare: Cælique eis majorem societatem esse quam maris: addit: inde, à Cælo, trahi colorem, & paulò post: miror ipso tantum eos (concharum partus) Cælo gaudere.

Non potuî Auctor profanus comparationem asserere magis idoneam Apostolis, qui progenti, ut erant in mari huius sæculi, vaporatone fecundâ vocationis Dei, & rore de super gratiæ instillato (virtute ex alto, Luc. 24. v.

49.) velut in naturæ sunt divinæ confortium conversi, & evaserunt specie, luce, & efficaciâ cælestes homines: qui plus multò habuerunt de cælo quam de sæculo in quo vixerunt.

2. *Principium ergo*, inquit Plinius l. c. *culmenque omnium rerum pretii, Margarita tenent.* Certè: nam & in Evangelio, Matth. 13. v. 46. laus est pretiosæ margaritæ, quam prudens negotiator æstimat plus omnibus terrenis: nempe doctrinam & vitam Apostolicam quæ valet pretium Regni cælorum, & alio in loco (Matth. 7. v. 6.) vetatur mitti ante porcos.

3. Quid mirum autem de pretio? *per tot maria venientes*, ut Plinius de ipsis margaritis (quæ nos de Apostolis) tam longo terrarum tractu, & tantis Solis ardoribus, atque Indis quoque! Et in fine Capitis specimen pretii commemorat duos unjones: *Utrumque*, inquit, *possedit Cleopatra Egypti Regina* rum novissima, per manus Orientis Regum sibi traditos, narrat illam cum Antonio inter epulas pactam fuisse, unâ se cenâ centies H-S. absumpturam: quæ sunt decies centena milia monete argentæ apud Romanos dictæ, nummus Sestertius. pergit porro: (ponsonibus factis, postero die quotidianam apposuisse cenam Antonio ex postulantibus mox detractum auribus alterum de duobus unonibus aceto liquefactum

Precio:

Raritate:

Æstimatione.

Atum absorbuisset, victimque Antonium fuisse, addit Plinius: *Iniecit alteri manum L. Plancus, iudex sponsionis ejus, cum quoque paranti simili modo absorbere; ut sexcenties H-S. sola cœnaret!*

Paulo ante narraverat: *Lolliam Paulinam, quæ fuit Cui Principis matrona, vidi smaragdus margaritisque operam, quæ summa quadringentes H-S. colligebat.* De Apostolis quis commemoret ælimationem quæ eos prosequantur Reges orbis Christiani!

dotibus: 4. De ipsismet, in quo consistat earum laus, sic idem Plinius breviter l. c. *Dotes omnes in candore, magnitudine, orbe, laetitia, pondere.* Hæc conveniunt Apostolis: quorum candor sine labe: magnitudo præ cæteris Sanctis: qui volubiles, quolibet mitterentur (velut figurâ orbiculati:) quorum lævet & æquabilitas animi sine asperitate & scabritie: pondus sicut in verbo sic exemplo, quibus dotibus gratiæ in terrena civitate respondent dotes gloriæ in æternâ.

Robore: 5. Nullo ait l. c. Plinius, *lapsu franguntur.* Nullo casu adverto Apostoli.

Vi medicinali: 6. Medici testantur eas vim habere sistendi profluvium sanguinis: propulsandi venena: pesti ac putredini resistendi: roborandi spiritus vitales: cerebrium nervisque confortandi, exhilarandi animas. Omnia hæc Apostoli.

Immortalitate æternâ: 7. Denique quod de Margarita scripsit Plinius: *æternæ propæ possessionis est.* hoc de portis hujus Civitatis non propemodum tantum est asserere, sed

omnino æternæ possessionis, sicut ipsa tota Civitas.

2. Ecce quem in finem expolitæ sunt & elaboratæ ab Opifice, non sine ratione multa mallei, omnes Apostoli ut portæ Cœli esse possent! Singulæque portæ, inquit Apocalypsis, singulæ Margaritæ, decoto sunt ordine ac proportionem inter se locatæ: verique uniones (quod nomen Romani dederunt margaritis, apud Plinium) conjunctione & consensu ejusdem doctrinæ atque officii: multumque aptæ inter se vaticinate distribui: dum, sicut margaritæ variæ sunt pro qualitate rotis accepti, ut diximus ex Plinio, ita Apostolorum quique alias alio excellunt dono ac divitione gratiarum i. Cor. 12. v. 4. & seqq. at omnes tamen præulstres uno eodemque Spiritu quo lucent intrantibus in Civitatem: præfulgent ut margaritæ: aditu faciles ut portæ: numero duodecim, ut undique & verius omnem plagam mundi, nemo ut queri jure possit se non fuisse admittendi. de hac significatione duodenarii Apostolorum, S. Augustinus in præfulgentium 86. Ideo, in duodenarius numerus Apostolorum. Sacramentum magnum hujus duodenarii significatio est numeri. Et mox: Sacramentum est cuiusdam Universitatis: quia per totum orbem terrarum futura erat Ecclesia, unde vocatur hoc ædificium ad Christi compagem. & paulo post: quia undique intratur in illam Civitatem, duodecim portæ sunt.

3. Hæc duodecim portæ ait S. Hieronymus in Ezechielem cap. 48. singulis Tribubus, sub Apostolicis & Patriarcharum nominibus arbitrari delegatas: id est,

T 3 est,

poluitur:

Proportionem inter se:

Unionis significatione.

Duodenarius natio:

Pro usu & numero Tribuum.

est, assignate sunt pro duodecim Tribubus sub inscriptione & præsidio duodecim Apostolorum, qui iidem sunt tanquam Patriarchæ fidelium. *Ita sunt*, ait Hieronymus ibidem, *margaritæ Prophetarum & Apostolorum*: eodem loquendi modo & tensi de Portis quo de Fundamentis Apostolus Eph. 2. v. 20. superædificati super Fundamentum Apostolorum & Prophetarum.

Margaritarum etiam meminit sancta Ecclesia in suo Hymno, quem concinnavit ex Apocalypsi planè allegoricum: qui incipit *quod sit Civitas & quænam*: Cælestis Ubs Jerusalem,

Beata pacis Vilio: veneratur quæd
Sponsa: O hunc nuptia prospere! de
portis: Hic margaritis emicant Paten-
que cunctis ostia. d. *lapidibus* *construuntur*
quadratis: Scalpti salubris ictibus. Et
tensione platinæ Fabri polita malleo.
Hanc saxa molem construunt.

Et inter opera S. Augustini adscriptus (tomo 9.) liber medicationum in Hymno:

Ubi vivis margaritæ surgunt ædificia:
Auro celsa micant tecta radiant trutina:
Solis gēnis pretiosis hæc structura nitetur:
Auro munda, tanquam puro, urbs æva
sternitur. de quo in §. seq.

§. II.

De platea: templo: lumine.

1. PLATEA, inquit v. 21. CIVITAS AURUM MUNDUM, TANQUAM VITRUM PERLUCIDUM. *Platea*, græcè latitudo, est tota una cohabitantium consociatio & charitas, fundata in una eademque omnium essentiali Beatitudine. Hæc communio Sanctorum & socialis conversatio cum invicem, conspicua est ut aurum, perspicua ut vitrum mundissimum: ad imitationem lapidis pretiosi Chrysolithi, quem ex Plinio diximus esse aureo colore translucidum: de quo lapide Isidorus: *auro similis est cum marini coloris similitudine*. propter quam Hebræicè dicitur lapis Tharsis: & Ezechielis cap. 10. v. 9. ubi habetur in Hebræo, *visio lapidis*

Tharsis, Latina vulgata interpretatio transtulit, *visio lapidis Chrysolithi*, qui nimirum ita sit aureus, ut iustar maris (quod est Tharsis) aut vitri pellucidus. Talis est conviventium pariter omnium cælitum illius Civitatis re ac nomine vere Platea, sine angustia, dilatissimo spatio charitatis: non sicut in teritis ubi homines faciunt invicem angustias. quod si de his ipsi S. Augustinus (ser. 10. de verb. Dom.) dixit; si angust intus vasa carnis, dilatentur *spatia charitatis*: quæ communio inter se amicitia atque amoris laus diffusa & æquæ omnes complexæ cives, quæ illa cælestium incolarum flagrantior auro, dilucidior omni vitro mundo, ubi omnes qui toto morantur in Regno

pro amplissimo, conjunctissimi vicini
turi!

Quod autem de Platea idem v. 18.
dictum est de tota civitate: nam ut ad-
dicano tota sit aurum; non tantum
præstans, solidum, ac splendens, sed
etiam ejusmodi ut perspicuitate simile
sit vitro purissimo. quod signifi-
cetur jucunditas quæ se motuo beati-
tudinis clarissimæ, & gloriam gau-
diumque ejusque: tum etiam cogi-
tationes intellectus & actus voluntatis
omnium pareant omnibus: perinde
ac si specula sint vitrea, nitida, lucidi-
ssima: homines cum inuicem applausu &
gratulatione de universisque gaudiis
inquam de suo. De qua jucunditate
S. Augustinus in man. cap. 33. *Et 70*
quid erit (continuum gaudium) in illis
perfecta claritate innumerabilium bea-
torum Angelorum & hominum, ubi
nullus dolores alium minus quam seip-
sos non enim aliter gaudebit unus-
quisque pro singulis aliis, quam pro seipso.
Et ei qui cor hominis de tanto bono suo vix
gaudium suum capiat: quomodo capax
erit tot & tantorum gaudiorum! &c.
tantâ in latitudine societatis simul ha-
bitantium.

pro tem-
plo est
Daus
& Ag-
nus.

2. TEMPLUM, ubi adoratur, & id
quod est in Civitate Sanctam sancto-
rum dominum, non est aliud (v. 22.)
quàm DOMINUS DEUS OMNI-
POTENS: qui suam illis infinitam
sanctitatem Dominum Deum, Omni-
potentem manifestat facie ad faciem, &
contemplandam proponit. Neque a-
lios jam Temple alios vel sacerdotes vel
hostias præterquam AGNUS: qui est
omnis emittens ipse de Templo ex-

poris sui (Joan. 2. v. 21.) in quo inhabi-
tat omnis plenitudo Divinitatis corporali-
ter: Col. 2. v. 9.

Quod de Templo; hoc de SOLE
dicendum: quo NON EGET aliis
NEQUE LUNA (v. 23.) UT LU-
CEANT IN EA, & ut ad quod
condita sunt Gen. 1. v. 14. dividant
diem ac noctem & sint in signa &
tempora & dies & annos. quia nulla
vicissitudo erit illis diei & noctis aut
temporum: id quod S. Augustinus ele-
gantè exprimit in psal. 104. *deside-*
rat, inquit, omnes dies vite sue in domo
Domini habitare; in domo Domini om-
nes dies vite sue, non quasi finiendo, sed
aternos: sic enim dicuntur dies, quomodo
anni, de quibus dictum est, Et anni tui
non deficiant: nam dies vite aeternæ unius
dies est sine occasu. Sed (v. citato Apoc.)
CLARITAS seu gloria DEI IL-
LUMINAVIT EAM; Divinitas est Divi-
tas que se illis videndam præbet, ad quam
nulla claritas accedit Solis aut alia
creata. De hac Claritate, & de Lumi-
ne ejus auxilio ea videtur, facta est
mentio superius in versum 11. Tracta-
tu 33. §. 1. in fine.

Sed quid est quod sequitur? ET
LUCERNA EJUS EST AGNUS. Lucerna
quorū adhuc Lucerna in tanta Cla-
ritate? Nempe Divinitas oculos illu-
minat & implet animarum Beatorum:
Lucerna verò corporibus est; quæ et-
iam ipsa, quantum sunt capax, in ad-
mirabili luce versantur. Horum Lucer-
na est, ut loquitur S. Augustinus in
psal. 42. *Domus (seus Angulus) in*
ipsa carne: in qua hic recreat corpo-
reos oculos Beatorum, ut ad ejus et-
iam

Pro Sole
quid:

Claritas
DEI, id
DEI, id
DEI, id

Lucerna
corpo-
rea est
Agnus.

iam splendorem nihil admodum sit iste Solis aut Lunæ aut siderum fulgor.

3. ET IN LUMINE EJUS (Græcè *αὐτῆς*) Civitatis, v. 24. AMBULABUNT GENTES quotquot salvæ fiunt: ita enim in Græco: καὶ τὰ ἔθνη τῶν σωζομένων ἐν τῇ πόλει αὐτῆς περιπατήσουσι. Verba sunt Isaiæ cap. 60. v. 3. *ambulabunt*, ait Propheta, *gentes in lumine tuo*. Quod de gentibus, Ecclesiæ militantis oraculum, impletur in Civitate Beata ad quam ambulaverunt & salvæ factæ sunt.

ET REGES TERRÆ AFFERENT GLORIAM SUAM ET HONOREM IN ILLAM. Addit Isaias l. c. *& Reges in splendore ortus tui*: non solum illi Sancti Reges qui olim in terris: sed omnes Beati erunt consortes Regni & coronæ, ac totidem Reges juxta id quod dicitur Cap. sequente v. 5. REGNABUNT *in sæcula sæculorum*. Hi pariter omnem suam eò transcripserunt gloriam, & honorem meritorum quæ illuc accumulabunt.

Portæ nō claudentur: Jam illud quàm est Beatæ securitatis (v. 25.) nam quod dixerat Isaias de Ecclesiâ militante, cap. 60. v. 11. *Et ape-*

rientur porta tua jugiter, die ac nocte non claudentur, ut afferatur ad te fortitudo Gentium & Reges earum adducantur: hoc S. Joannes aliter de hac Civitate, adductis jam in hanc Gentibus & Regibus: PORTÆ EJUS, inquit, Per diem, NON CLAUDENTUR PER DIEM: & addit: NOX ENIM NON ERIT ILLIC: sed ut ait S. Augustinus in psal. 144. *sine fine unus dies*. Quam obrem nomen perpetuum Civitati Visio pacis: quippe, ubi & jugis sit *Visio* ut in die, & Visio *pacis*, perinde ac portis non clausis.

Concludit (v. 26. & 27.) ita afferendam illuc, quod dixerat, GLORIAM ET HONOREM GENTIUM: ut NON intret IN EAM ALIQUOD COINQUINATUM, AUT quod *abominationem* facere possit Beatis, ET subintrando illudere *mendacio* simulatæ sanctitatis: sed ut mera Civitati munditia, incolis jucunditas, verâque sanctitas cunctis: Isa. 60. v. 21. *populus autem tuus omnes iusti*: hi, ut S. Joannes, verbis ultimis hujus Capitis, QUI SCRIPTI SUNT IN LIBRO immutabili VI-TÆ æternæ, caractere gratiæ AGNI ac perseverantiæ in illa.

§. III.

De comparatione hujus Civitatis cum illa quæ est apud Ezechielem.

Relatio

ad Eze-
chielem:

1. PAtet ex dudum dictis, quòd respiciat Joannes Ezechielem, im-
mò ejus utatur verbis: ac proinde quòd sit relatio inter Civitatem hanc, & inter
adifi-

Similitu-
dinis:

adificium illud Civitatis quod vidit Ezechiel inde à Capite 40. (v. 2.) usque in quadragesimum octavum, qui est finis Visionis illius & totius prophetiæ, ubi (v. 16.) eundem, quem Apocalypsis, numerum recitat & situm portarum: Et porta, ait, Civitatis ex nominibus tribuum Israël portantes à septentrione, &c. tertia ex omni parte ad Orientem, Meridiem, & Occidentem. Quæ est relatio similitudinis inter utramque, sicut & quadrum Civitatis: & is de quo in Tractatu sequente fluvijs cum sua ripa fructifera: & illud Ezechielis versu ultimo; nomen Civitatis Dominus ibidem.

Diversi-
tatis:

2. Est autem & relatio disparitatis, seu discrimen præcipuum: quod illa, de qua Ezechiel, sit Civitas castrensis & mobilis: figurata per Castra quæ Num. 2. v. 2. & seqq. erant per gyrum Tabernaculi, quæ Civitas significat Ecclesiam adhuc militantem, manu armatâ, & innoventem castra per medios hostes: usque ad promissam terram quæ futura est viventium in æterno triumpho, sine mutatione & hoste, ubi erit possessio pacis versus omnes partes unde fuerat intratum. Hanc triumphantem intelligit Joannes in Apocalypsi.

Figura
utroq;

3. De hac relatione, & de figura veteri, meminit etiam S. Hieronymus in

Caput 48. Ezechielis: Breviter admonendum, easdem Tribus in circuitu Tabernaculi ucastrametatas, ut ad Orientem fuerit Judas &c. Nostra verò urbs quæ est Civitas magni Regis, cuius artifex & conditor est Deus aliam habet Tribuum in terra sancta (utriusque pugnante, & victoriosa) descriptionem. & mensuram civitatis, possessionis ordinem, & plagas tribuum singulorum.

Similis est mentio figuræ, ac distinctio apud S. Augustinum (in psal. 86.) inter Tabernacula Jacob (ea sunt Civitas castrensis) & inter hanc Civitatem manentem. Sed quia, inquit, erant quadam Tabernacula temporalia & imaginaria (imagines futuri) loquitur autem iste, id est Psalteres Propheta, de Civitate quadam quam spiritualiter intelligi, cuius umbra & figura erat illi terrena: ait, diligit Dominus portas Sion super omnia Tabernacula Jacob: diligit illam spiritalem Civitatem super omnia figurata, quibus intinabatur illa Civitas semper manens & Celestis in pace.

* * *

Part II.

V

TRACTA-

TRACTATUS XXXVII.

IN CAPUT XXII.

VERBA APOCALYPSEOS.

(Cap. 22. Versu 1. & seqq.) Et ostendit mihi fluvium aquæ vitæ,
 , splendidum tanquam crystallum, procedentem de sede Dei & Agni.
 , (v. 2.) In medio plateæ ejus, & ex utraque parte fluminis lignum vitæ,
 , afferens fructus duodecim, per menses singulos reddens fructum suum,
 , & folia ligni ad sanitatem Gentium. (v. 3.) Et omne maledictum non
 , erit amplius: sed sedes Dei & agni in illa erunt, & servi ejus servient
 , illi. (v. 4.) Et videbunt faciem ejus: & nomen ejus in frontibus eorum.
 , (v. 5.) Et nox ultra non erit: & non egebunt lumine lucernæ, neque lu-
 , mine solis, quoniam Dominus Deus illuminabit illos, & regnabunt in
 , sæcula sæculorum. (v. 6.) Et dixit mihi: Hæc verba fidelissima sunt, &
 , vera. Et Dominus Deus spirituum prophetarum misit Angelum suum
 , ostendere servis suis quæ oportet fieri cito. (v. 7.) Et ecce venio veloci-
 , ter. Beatus qui custodit verba Prophetiæ libri hujus. (v. 8.) Et ego Io-
 , annes, qui audi vi, & vidi hæc. Et postquam audivissem, & vidissem, ce-
 , cidi ut adorarem ante pedes Angeli, qui mihi hæc ostendebat: (v. 9.) Et
 , dixit mihi: Vide ne feceris: conseruus enim tuus sum, & fratrum tuo-
 , rum Prophetarum, & eorum qui servant verba prophetiæ libri hujus:
 , Deum adora. (v. 10.) Et dicit mihi: Ne signaveris verba Prophetiæ li-
 , bri hujus: tempus enim prope est. (v. 11.) Qui nocet, noceat ad-
 , huc: & qui in sordibus est sordescat adhuc: & qui iustus est,
 , justificetur adhuc: & sanctus, sanctificetur adhuc: (v. 12.)
 , Ecce venio cito, & merces mea mecum est, reddere unicuique secundum
 , opera sua. (v. 13.) Ego sum α, & ω, primus, & novissimus principium, &
 , finis. (v. 14.) Beati, qui lavant stolas suas in sanguine agni: ut sit pote-
 , stas eorum in ligno vitæ, & per portas intrent in Civitatem. (v. 15.) Fo-
 , ris canes, & venefici, & impudici, & homicidæ, & idolis servientes, &
 , omnis qui amat & facit mendacium. (v. 16.) Ego IESVS misi Angelum
 , meum, testificari vobis hæc in Ecclesiis. Ego sum radix & genus David,
 , stella splendida & matutina. (v. 17.) Et spiritus & sponsa dicunt: Ve-
 , ni.

ni. & qui audit, dicat: Veni. Et qui sitit, veniat: & qui vult, accipiat
 , aquam vitae, gratis. (v. 18.) Confessor enim omni audienti verba pro-
 , phetiae libri huius: Si quis apposuerit ad haec, apponet Deus super illum
 , plagas scriptas in libro isto. (v. 19.) Et si quis diminuerit de verbis libri
 , prophetiae huius, auferet Deus partem ejus de libro vitae, & de Civitate
 , sancta, & de his, quae scriptae sunt in libro isto. (v. 20.) Dicit qui testi-
 , monium perhibet istorum. Etiam venio cito, Amen. Veni Domine
 , IESU. (v. 21.) Gratia Domini nostri IESU Christi cum omnibus vo-
 , bis. Amen.

§. I.

De fluvio: & Ligno vitae.

Dictum est de Civitate: & in ea
 de Claritate Dei, quae est po-
 tissima Beatitudo civium; illa
 intellectualem Visionem per quam se de-
 clarat Deus facie ad faciem intuen-
 dum in Throno suae Divinitatis: nec
 non de Visione corporea qua videtur
 facies Agni prout in sua est natura hu-
 mana, omnium longe creaturarum di-
 gnissima visu & augustissima.

Fluvius
 volupta-
 tis:
 id est,
 Gaudium
 Beatifi-
 cum.

1. Hinc jam, de hoc Throno, necef-
 se est scaturire FLUVIUM AQUAE
 VITAE: qui est affluentia Gaudii Bea-
 tifici: quod intundat & exhilarat illam
 Civitatem, perfusus exultatione plenè
 animis & corporibus. Hoc est enim
 illud flumen, de quo expressè dicitur in
 psalmo 45. v. 5. quod ejus impetus LA-
 TIFICET Civitatem Dei: ille in psal-
 mo 35. v. 9. torrentis VOLUPTATIS;
 inebriabuntur, inquit, ab ubertate domus
 tua, & torrente voluptatis tuae potabis eos:
 & ille Isa. 66. v. 12. fluvius pacis, quo
 nomine in Scripturis significatur om-

nis leta felicitas. De illo Fluvio S. Ber-
 nardus ser. 1. de diversis: in remunera-
 tione Torrens est voluptatis & fluminis
 impetus: torrens inundans latitiam, flumen
 gloriae & flumen pacis. Rationem no-
 minis, cui in Scriptura & Torrens di-
 citur propter abundantiam, & Flu-
 vius propter perpetuitatem, insinuat
 S. Hieronymus in Ezech. 47. v. 5. Tor-
 rens, inquit, iste, qui pro aqua um abun-
 dantia fertur more torrentis, ipse à LXX.
 appellatur Fluvius, eo quod perpetuas a-
 quas habeat, nec de pluvius hinc inde
 collectas, sed de vivo & perpetuo fonte
 manantes.

Addit S. Joannes esse illum TAN-
 QUAM crystallinum: quod signifie-
 tur, hanc voluptatem esse puram, lim-
 pidam, & splendidam: non sicut aqua
 turbida quae bibitur in via Aegypti Jer.
 2. 18. sed esse fluvium caelestem qui sit
 illius & incontaminatus cetero car-
 nali. plus quam Poëta dixit: nitidis ar-
 genteus undis: & plus quam finxit an-
 tiqui-

triquitas fabulata recipi Heroum animas inter sidera, ubi affluant deliciis apud Circulum lacteum, qui sit fluvius serenus ut sidus, & lactis instar candidus ac dulcis potatu; de quo somniat Scipio apud Tullium.

Oritur ex Visione DEI: Dixit *procedere* hunc Fluvium DE SEDE DEI ET AGNI: quia Gaudium Beatorum profuit & consequitur ex Visione Beatifica: penes quam est perfrui eo de quo plallitur (in ps. 35. v. 10.) *Apud Te est Fons vite*. Hanc fecaturiginem Fluvietiam allegat Ezechiel. c. v. 12. eandemque dicit esse originem ceterorum quæ connumeraverat. Prout attentè observavit S. Hieronymus in locum illum Ezechielis: *Reddit, ait Hieronymus, causam ubertatis, & infert; QVIA* (verba sunt Ezechielis) *aqua exus de Sanctuario egredientur.*

Lignum Vitæ: 2. Videt deinde IN MEDIO PLATEÆ Civitatis LIGNUM VITÆ: id est, quod significat Immortalitatem, id est, immunitatem à morte animæ & corporis. nemque EX UTRAQUE PARTE FLUMINIS propaginem ejusdem arboris plantatam: quæ sunt gaudia quæ Theologi vocant Accidentalia, multa & varia, velut ad utramque ripam interna & externa, incorporea & corporea. Etenim ex illa Beata animæ voluptate omnes etiam sensus, & artus corporis, perfusi: dotes illæ membrorum, quod lucida, quod agilia, quod subtilia, quod nulli dolori obnoxia: & cetera hujusmodi, propago sunt Arboris vitæ, hoc est Immortalitatis in corpore Beato: cujus, ut ait S. Anselmus de Si-

militudinibus, *Oculi &c. ossa, medullæ mirabili delectationis & dulcedinis sensu replebuntur.*

Audit de utroque, & aqua Fluvii & Ligno, appellari aquam VITÆ ET LIGNUM VITÆ: ita, ut nunquam arescant: illa perpetuò fluat, istud perpetuò frondeat & floreat: sintque ambo vivifica; quæ vitam Beatorum & gaudia (hoc est enim verè vivere quod beatè vivere) nunquam finiant intermori.

In hac tota descriptione Gaudii Beati respicitur ad figuram illius Gen. 2. *Paradisum* qui v. 8. appellatur *Voluptatis*: Illuc, v. 9. hæc verba: *Lignum etiam vite in medio*; & v. 10. *Fluvius egrediebatur de loco Voluptatis ad irrigandum Paradisum*. De præfiguratione hujus Paradisi & Ligni dicitur in epistola ex septem Apocalypsis primâ Cap. 2. v. 7. *Vincenti dabo edere de Ligno Vita quod est in Paradiso DEI mei.*

3. Videt Lignum illud FRUCTUS ferre DUODECIM: id est, universum numerum fructuum: & per singulos MENSES; quæ est tota ætas anni: quod hieroglyphicon hic positum in Apoc. etiam inter sua olim hieroglyphica recensuit Horapollon lib. 1. cap. 3. ubi de Ægyptiis sic loquitur: *Annum indicantes palmam pingunt: quod arbor hæc sola ex omnibus ad singulos Luna ortus* (id est enim, in singulos menses) *singulos etiam ramos præteret. ita ut duodecim ramorum productione annus expleatur.*

Illo igitur duodenario fructuum significatur universalis exuberantia deliciarum & gustus: per singulos autem menses

Figura
Paradi-
sus.
Fructus
per sin-
gulos
menses;

Annorū
æternorum:

Gustu
semper
novo:

mensis alleveratur continuatio saporis
semper novi, sine ulla interruptione:
tote enim ut duret tota aternitate
quam psaltes appellat annos aternos
psal. 76. v. 6. atque ita duret, ut sit aequè
ac sine fastidio nova jugiter vita & im-
mortalitas; suavitas nova; finitas, vi-
gor, & vegetudo nova. quod postre-
mum etiam significatur per FOLIA
LIGNI; utpote quæ non tantum sint
ad decorem viridia, sed etiam salubria;
non ad medicinam, ut est apud Eze-
chielem (I c. v. 12.) de sua illa Civitate,

Et folia
ad sani-
tatem.

sed AD SANITATEM omnium, ex
quo intraveint, GENTIUM reti-
nendam omni ævo in novitate. De sa-
nitate S. Augustinus epist. 56. quæ est
ad Dioscorum: *Sanitas autem perfecta*
corporis, illa extrema totius hominis im-
mortalitas erit: tam potenti enim natura
Deus fecit animam, ut ex ejus plenissima
Beatitudine, quæ in fine temporum San-
ctis promittitur, redundet etiam in infe-
riorem naturam, quod est corpus, ple-
nitudo sanitatis, id est incorruptionis
vigor.

§. II.

Reliqua de Civitate.

Civitas
tota est
Regia:

1. **N**ihil (v. 3.) *maledictioni* obno-
xium in illa Civitate, quæ tota
quanta est, Regia est: SEDES enim
erit DEI ET AGNI: & qui SER-
VI EJUS, omnes priter *Reges* erunt
(v. 3. & 5.) Nam & in hoc mundo ser-
vite D^o est *omni prestantius libertate*,
ut loquitur S. Chrysostomus hom. 33.
in Matth.

Et divi-
nitus
Beata:

Summa verò Beatitudinis omnis
est quæ apertissime dicitur v. 4. VI-
DEBUNT FACIEM EJUS, quam
videndo possidebunt *omne bonum* Ex-
od. 33. v. 19. ET NOMEN EJUS IN
FRONTIBUS EORUM, velut erat
summi Sacerdotibus in fronte (Exod.
28. v. 36.) aurea lamina cui insculptæ
litteræ, *Sanctum Domino*. Itaque &
Reges erunt & Sacerdotes, Apoc. 1. v.

6. iidemque Beatissimi: etenim similes
ei hoc ipso quòd illum vident, juxta
epistolam 1. Joannis cap. 3. & illud ge-
necale de Intelligente, ex Aristotele
(libris de Anima) Intellectum intelli-
gendo fieri omnia, assimilatione vide-
licet cognoscentis ad cognitum. de
qua etiam S. Augustinus lib. 9. de TRI-
NIT. cap. 11. *in quantum, ait, Deum no-*
vimus, similes sumus, & lib. 14. cap. 17.
citat epistolam S. Joannis I c. v. 2. *simi-*
les ei erimus, quoniam videbimus eum
sicuti est, ex quo S. Doctor concludit:
Hinc apparet tunc fieri ejus plenam simi-
litudinem, quando ejus plenam percepe-
ri Visionem. Quantò autem alius alio
perfectius videt, quòd sit pro inæqua-
litate Luminis gloriæ, quòd respondet
inæqualitati Gratiæ & meritum in

V 3 terris,

terris, tantò & similiores ei & Beatiores inter se.

Repetit in v. 5. id quod in Capite præcedente dixerat v. 23. & 25. *noctem* ULTRA NON fore in hac Civitate; cui *Lux est* is in quo *tenebra non sunt ulla*, 1. Joan. 1. v. 5. præter Agnum nec *lucerna*, egere aliâ: neque Sole aut LUMINE finito, ubi lucet quod est illimitatum & infinitum ac mortalibus inaccessibile: quo illuminati undique omnes ejus Civitatis incolæ, verè Illustrissimi ac Serenissimi conregnabunt DEO IN SÆCULA SÆCULORUM.

Omnes
Illustris-
simi.

Huc spectat illud Isai. 60. v. 19. & 20. *non erit tibi amplius Sol ad lucendum per diem, nec splendor Luna illuminabit te: sed erit tibi Dominus in lucem sempiternam, & Deus tuus in gloriam tuam.* unde infert: *non occidet ultra Sol tuus, & Luna tua non minuetur: quia erit tibi Dominus in lucem sempiternam, & complebuntur dies luctus tui.*

Conne-
xio cum
Civitate
Ezechielis.

2. In his eousque commemoratis, ac præsertim in Capite præcedente, relatio denuò elucet ad Civitatem Ezechielis: de qua sic prophetatur, Ezech. 47. v. 12. *Super torrentem* (sive fluvium, ut habent 70. interpretes) *oriatur in ripis ejus ex utraque parte omne lignum pomiferum: non defluet folium ex eo & non deficiet fructus ejus: per singulos menses afferet primitiva: quia aqua ejus de Sanctuario egredientur* (de Templo; sacrosanctæ:) *& erunt fructus ejus in cibum: & folia ejus ad medicinam.* Ex quibus verbis manifestus est respectus Apocalypseos ad Ezechielem: & con-

nexio Civitatis Beatæ cum Civitate militante: ut proinde quæ dicuntur debeant utrumque applicari pro rata; & cum proportionem explicando attribui, etiam illi militanti. E. c. per torrentem quidem intelligo cum S. Hieronymo aquas sacras (ita nominat) vel Baptismi vel Doctrinæ Christianæ; quarum utraque de vivo & perpetuo fonte promanat: per duas ripas vetus & Novum Testamentum: per omne lignum pomiferum unicuique prout est intelligere omnis generis fructus virtutum: per singulos menses continuum in his profectum & renovationem: cibum gratiæ & medicinam noxarum: & sic de cæteris Ezechielis, inter quæ est illud ultimum (cap. 40. v. ultimo,) *nomen Civitatis ex illa die Adonai summa*, id est, *Dominus ibidem.*

Colligamus epitomen ex Apoc. 21. & 22. breviter descriptam. Locusest, Societas Angelorum & hominum Sanctorum, habitaculum DEI cum illis. Ubi murus ex lapidibus pretiosis; portæ ex margaritis; platea ex auro pellucida ut crystallus: varietas lapidum pretiosorum & margaritarum: forma ædificii perfecta, cum optima dimensione. Claritas DEI ipsa est quæ visa Beatificat animam, assimilât & unit ei quem videt Beato. Hinc Fluvius voluptatis, id est, gaudium quo perfundentur omnes vires animæ: & redundat in Beatitudinem corporis: cui immortalitas perpetuò nova, ligni vitæ fructus, & folia sanitas. Conregnatio in sæcula æterna, uno æterno die. Cernitur

hatur in Spiritu à mortalibus, in monte magno & alio: & respondebit Fidel, vilio; Charitati, Amor Beatificus; Timori sancto & tristitiæ sanctæ, quæ Spem comitantur, Fluvius voluptatis; corporali mortificationi, Immortalitas.

Conclu-
sio Visi-
onum
Apoca-
lypsæos.

3. Pergit Angelus (v. 6. & c.) & concludit non solam Visionem de Civitate, sed etiam Apocalypsin; HÆC, inquit VERBA, id est res verbis Apocalypseos prophetatæ, fidelissimè implenda SUNT, & apud homines credenda interim ut VERA. DEUS

liquidem, ille omnis prophetia auctor & inspirator MISIT ANGELUM qui hæc ostenderet SERVIS SUIIS certissimè & CITO eventura. Et hoc symbolum ejus: VENIO VELOCITER: BEATUS is cui prophetia HUIUS LIBRI fuerit cordi.

Hactenus quæ AUDIVI ET VIDI EGO JOANNES. qui ad audita verba, quibus dicebatur, *Ecce venio velociter*, cecidi adoraturus latrâ: sed prohibitus sum eadem iterum ratione quâ sup. cap. 19. v. 10.

§. III.

Epilogus Apocalypseos.

Prohi-
betur
signare:

Secus
quàm
Daniel.

1. Jamque Angelus, suo perfunctus officio dictandi dicendique, verat ab Joanne signari prophetiam LIBRI HUIUS (v. 10.) contrâ quàm Daniel jussus fuerat signare suam prophetiam; Dan. 8. 26. *Tu ergo, ait, Visionem signa, quia post multos dies erit.* & cap. 12. v. 4. *Signa Librum, usque ad tempus statutum: plurimi pertransibunt.* & interroganti ulterius Danieli dicitur; v. 9. *Uade Daniel, quia clausi sunt signati que sermones usque ad præfixum tempus.* Est aut in contrariâ hęc ratio: & ideò NE SIGNAVERIS, inquit Apocalypsis, TEM-PUS ENIM PROPE EST.

Et verò, dum hoc nos post secula

transacta legimus aut scribimus, plerisque jam impletis, prope est ut absolvatur, ac breve admodum ante Antichristum & finem mundi super est spatium temporis. Ergo in tam brevi tempore, cuique suum est, inquit Angelus v. 11. arbitrium liberum: ut vel NOCEAT ET SORDESCAT ADHUC in sceleribus: vel cum DEI gratia, quæ offertur, crescat in adepta iustitia & sanctitate. Eccli. 15. v. 17. *apposuit tibi aquam & ignem: ad quod volueris, porrige manum tuam. ante hominem vita & mors, bonum & malum; quod placuerit ei, dabitur illi.*

2. His dictis utitur per prosopopœiam verbis Christi admonentis: Equidem

quidem (v. 12.) VENIO CITO; adventus meus ad Judicium erit celer: ET MERCES UNICUIQUE SECUNDUM OPERA SUA. De celeritate Adventus ultimi S. Augustinus ep. 80. ad Hesychium: *Quanto magis nunc dicendum est propinquare Domini adventum, quando tantus est ad finem factus accessus!* Continuat Joannes profopopœiam cœptam: EGO

A & D.

SUM α à quo cœpit hæc Scriptura Apocalypseos, ET ejusdem omniumque Scripturarum α: PRINCIPIUM Beatitudinis per gratiam, ET FINIS per gloriam. BEATI QUI, dum tempus est, LAVANT STOLAS SUAS & emundant IN SANGUINE AGNI: Eodem recidit, quod habet græcum autographum: μακάριοι οἱ ποιοῦντες τὰς ἐντολάς αὐτοῦ, hoc est, *Beati qui faciunt mandata ejus: ut illis jus SIT ad Lignum VITÆ, & introitus Civitatis PER PORTAS;* Apostolos qui exhibent lavacrum Christi & exigunt observantiam mandatorum ejus. Nam venientibus in veste illota & non nuptiali, vel iis qui neglexerunt mandata ejus non competit hujuscemodi jus. CANES certè, hi qui vel infideles (Matth.

Beati ci-
yes.Foris ca-
res.

15. v. 26. vel qui è Christianis revertuntur *ad vomitum suum* (2. Pet. 2. v. 22. ex Prov. 26. v. 11.) & quicunque alii scelerati, ET OMNIS hypocrita, is est enim QUI AMAT ET FACIT MENDACIUM; arcebuntur Regno DEI & FORIS tingentur: illos nec honestissimus quisque mortalium adnumeret suis dome-

sticis, nedum Deus inter suos cooptet! EGO JESUS per ANGELUM à me missum testificor vobis HÆC Episcopis, & ECCLESIIS vestris: qui SUM RADIX simul ET GENUS DAVID; radix ut Dominus, progenies ut filius David Matth. 22. v. 45. & STELLA MATUTINA, omnium prima stellarum, id est Episcoporum, unde omnis splendor Ecclesis.

Et radix
est &
proge-
nies.

3. Cætera (v. 17. & seqq.) sunt Joannis exhortantis: qui tua præstat. Primum suggerit ac præit verba desiderii super adventu, & super sitienda hauriendaque gratuito aqua vitæ beatæ. SPIRITUS, inquit, sanctus cum gemitibus inenarrabilibus quibus postulat, Rom. 8. v. 26. ET SPONSA Christi Ecclesia illo prædita Spiritu, DICUNT VENI. ET QUI illum & hanc AUDIT, DICAT; VENI: similem se monstret hominibus expectantibus cum desiderio Dominum suum venturum, à quo satietur cum apparuerit gloria ejus & poterit torrens voluptatis æternæ. Hunc QUI SITIT (fontem aquæ vitæ; Joan. 4. v. 14. & Joan. 7. v. 34.) VENIAT etiam ipse in occursum advenientis: ET QUI VULT, hoc est enim scire quod ardentius velle, ACCIPIAT AQUAM VITÆ GRATIS.

Votum
adven-
tus Do-
mini.

Deinde contestatur, cum comminatione, ut ne quisquam addat aut demat huic Libro ab se scripto, delendus DE LIBRO VITÆ cujus hic facta est mentio, & de Civitate hac sanctâ,

Conte-
statio de
Libro.

sanctâ, illiusve consortio. Ita DICIT QUI TESTIMONIUM PERHIBET ISTORUM, Joannes qui ut dicebatur initio Apocalypseos v. 2. *testimonium perhibuit*, qui & *vidit* ista : & quia is accepit sibi ostensa per Angelum missum à Christo, idè simul est, ut ibidem addebatur, *testimoniam Jesu Christi*.

Vox casta est,
veni.

Denique ratificationem Christi adducit, id quod contestatus fuerat Joannes, approbantis per voculam, ETIAM : & asseverationi additæ, VENIO CITO, respondet; AMEN, VENI. Multum huic contraria est vox animæ adulteræ, ne veniat : castæ enim & fidelis animæ est ne taret venire. Juxta similitudinem quam affert S. Augustinus in psal. 127. *Pone, ait, aliquam fœm-*

luam pone adulteram : & ipsa timet virum. Casta timet, ne discedat vir : adulterâ, ne veniat. Quid si ambo absentes sunt ? Illa ne veniat : illa ne taret. Applicat adventui Christi : Absens est quodammodo cui desponsati sumus : absens est qui nobis arrham dedit Spiritum sanctum : absens est qui nos redemit sanguine suo : Sponsus est ille quomihil est pulchrius : Pulcher est ille & absens est. Interroget se sponsa si casta est : Interroga conscientiam tuam : vis ut veniat, an adhuc vis ut taret ? Quam multi si dicatur illis, Ecce iam Christus, cras dies Judicis, non dicunt, utinam veniat ! qui enim dicunt, multum amant ; timent ne taret : Castus ergo timor, fratres mei, hoc habet, quia venit & amare. Hæc Augustinus.

Vale pie Lector : in hoc amore & in hac voce (cui, quæso te, assuescamus) tota nostra posita est salus à Judice : Veniat Dominus JESUS & inveniat nos amantes ac dicentes sibi, VENI : etenim cum immarcescibili corona, quam reddet *iis qui diligunt adventum ejus* (2. Tim. 4. v. 8.)

Gratia.

Omnibus Joannes peractis, ut unde duxerat initium scribendi Apoc. i. v. 4. inde eodémque voto terminet (v. 22.) precatur iis quibus scripsit gratiam ejusdem. Precemur à DEO omnis gratiæ

Pars II.

X

(1. Pet.)

162 PROPHETIÆ APOCAL. CAPUT XXII.

(1. Pet. 5. v. 10.) etiam nos qui hæc legimus, & a-
nimo: & sit hoc votum nostrum in terris; ac fi-
nis legendi: GRATIA, quod est semen Beatitu-
dinis & gloriæ, DOMINI NOSTRI JE-
SU CHRISTI sit CUM OM-
NIBUS *nobis.*
AMEN.

FINIS APOCALYPSEOS.



C A T A-

CATALOGUS RERUM ECCLESIASTICARUM. Q U Æ

In Libro Revelationum ad Ecclesias
ac nominatim eas quæ sunt Asiæ,
maximè omnium memorabiles, id est, præ cæteris com-
memorandæ fuerunt:
Pars jam facta, dilucidè, usque in sæculum 17. Christia-
num: Pars facienda superest, ante finem mundi.
quarum proinde rerum
prædictio hieroglyphica Lectori Apocalypseos & ex-
plicatori fuit eruenda.

IN PRIMA PARTE APOCALYPSEOS. REFERUNTUR OMNIA AD AGNUM SPONSUM.

Primò PROPHEANTUR ea quæ jam facta sunt, (dum
hæc scribimus) maximè celebria: pertinentia ad
Ecclesias agni.

OPpugnatio prædicationis Christianæ
per { Judæos:
Hæreticos:
Gentiles.

MOrs pretiosa martyrum, statim ab initio persecutio-
num istarum. cui contraria est mors persecutorum
pestima & Judicium durissimum,

X 2

EX-

EXtraordinarius decennis conatus Imperatorum Occidentalis & Orientalis conspirantium ad evertendum Christianismum: qui turbo latissimè omnium concussit Ecclesiam à quatuor ventis:

PAlmæ martyrum & Confessorum, qui innumera-
biles.

QUies repentina & pax ab ethnicis: medioque hoc tem-
pore dilatatio Ecclesiæ & cultus Christiani.

PER hoc spatium quietis medium, insurgere ac terre-
re alia mala invicem succedentia. Ad quæ propul-
sanda signum dari per tubas Ecclesiæ: id est per Con-
cilia illius universalia: per & Doctores ejusdem;
per & fundationes Ordinum contrà docentium ver-
bo & exemplo.

MAla illa sunt hæc ordine:

Archihæreses capitales; quarum duæ præcipuè inva-
luerunt in Oriente, & ambæ tertiam partem U-
niversalis Ecclesiæ corruperunt: videlicet,

ARianismus in materia TRINITATIS:

NEstorii cum Eutychete conflictus in materia per-
sonæ & naturarum CHRISTI.

SChisma Orientale cœptum Constantinopoli: &
propagatum in cæteros patriarchatus Orien-
tis.

PRolapsus & defectio Ecclesiarum Orientis in erro-
res à Fide,

VA-

VAcillatio interea Imperii Christiani, quod est
Væ Orientalis Aquilæ trepidantis.

SUccelsio Turcarum in Sedem & Imperium Chri-
stianum: simul doctrinæ Mahometicæ domina-
tus: captivitas & jugum Christianorum, con-
junctum cum periculo animarum & jactura Ec-
clesiarum.

Secundò, Futura impendentia hæc prophetantur:

SOLutio & potestas novissima Daemonum, cœptu-
ra ab Euphrate: & introductura Imperium anti-
christianum:

De hoc Imperio deglutiantur, id est ruditer com-
memorantur in fine hujus partis Apocalypseos
(ac differuntur in secundam partem in qua iterum
de his prophetetur & latius:)

ANGustia Ecclesiæ illorum temporum per $\frac{7}{10}$ annos.

DUorum Testium ad Judæos prædicatio miraculo-
sa: Clades Antichristianorum.

JUDæorum conversio.

POst quæ imminet Tuba novissima Judicii extremi.

IN SECUNDA PARTE APOCALYPSEOS.

REFERUNTUR OMNIA AD MULIEREM SPONSAM.

PROPHETANTUR ITERUM, ET À CAPITE:

INimicitia inter antiquum Serpentem; ac mulie-
rem Ecclesiam Christi teneram, parturientem:

PARTuritio hæc est Gentium Christianorum : & par-
tus masculus.

OPpositio Draconis & prælium : in quo clades Dra-
conis & angelorum ejus sub præsidio S. Michaëlis;
& victoria martyrum in persecutionibus.

TREpidantis Ecclesiæ mira exaltatio; & Imperium u-
trumque cum Occidentis tum Orientis penes
Christianos : conversis utrobique Gentilibus
passim.

FLumen Hæresum, quarum vis præcipua emoritur &
consepelitur cum suis Hæresiarchis & fautoribus
potentioribus.

BEStia prior, Imperium Turcarum ; quod præparat
adventum posteriori Imperio Antichristi usurpaturi
& aucturi potestatem prioris, cum Imagine & pro-
digiis mendacibus : ipsum erit bestia poste-
rior.

NON defunt Ecclesiæ , qui præluceant in ea ceteris;
Status tres eximii : Virgines : Doctores : Martyres.
quorum Virginibus suus honos non se inquinasse
cum mulieribus, & prærogativa sequendi agnum &
canendi : Doctoribus præcellentia angelorum; etc-
nim horum fuit obisse munus angelicum , evan-
gelizando evangelium æternum; ruinam aabylonis;
& damnationem adoratorum bestię : MARTYRibus
sua eminentia Beatitudinis commorientium Do-
mino,

mino, & illicò ad Beatam requiem assumptorum.

INveteratio malorum, quæ suprà cœperant proclamari rubis. 1. Adhuc enim vulnus Arianismi recruduit in mediterraneis. 2. Et adhuc contaminatione Nestorio-Eutychianâ infecti sunt maritimi populi. 3. Schisma pertinax: signum justæ vindictæ profectæ ab Altari. 4. Solis, id est doctrinæ orthodoxæ, intemperies maligna: æstuatio Ecclesiarum Orientalium in erroribus de divinitate quæ blasphematur. 5. Regnum bestię in tenebris: & dolore quem infert. 6. Ab Euphrate viâ Antichristo cum suis: apparatus communis ad bellum & congregatio adversus Ecclesiam, ipsimet Antichristo fatalis.

CIneres Civitatis Imperatoriæ apostatricis: & combustio æterna secutura. Planctus super eam habitatorum terræ: at exultatio cœlestium.

EXpectatio nuptiarum agni, & adornatio Nuptæ.

CHristi & exercitus ei militantis victoria: plenaque reductio gentis Judæorum ad fidem Christi.


DAmnatio amborum Bestię & Antichristi ad stagnum ardens: Quò mittetur & Draco, is qui post mille

mille annos religionis fuerat solutus & supremus
auctor omnis seductionis.

Simul & consummatio mundi (quanto post Anti-
christum intervallo temporis, latet) ac Judicium
mortuorum: his qui ad mortem secundam, vel qui
in Libro Vitæ.

MUtatio Cœli & terræ in formam novam, antiquâ
pereunte.

DEscriptio Civitatis Beatæ, quæ eadem est Uxor A-
gni. Et in ea Civitate cohabitatio DEI cum ho-
minibus. Introitus gentium in illam honorabi-
lium, nec ullius inquinati. Sedes DEI & Agni.
& servi ejus una omnes Reges in sæcula sæcu-
lorum.



INI-

INITIUM S. EVANGELII
SECUNDUM JOANNEM.
CUM SUCCINCTO COMMENTARIOLO,
DIVISO IN TRES SECTIONS,
SIVE IN NOVEM PARAGRAPHOS.

PRÆFATIUNCULA.

O Portet ut hoc Initium Evangelii sit præcipue
Mysteriis refertum cum sancta Ecclesia illud
prælegat passim; nec desint Fideles qui pie appendant
illud collo, aut secum gestent. Aperiat nobis Deus
sensem: Domine, DA MIHI INTELLECTUM.

SECTIO I.

De Mysteriis Personarum Divinarum.

Patere te rapi omni procua terrena cogitatione in ady-
ta SS. TRINITATIS, quæ tibi referat fides hujus initii
Evangelii.

§. I.

Descriptio VERBI.

⁊ In Principio erat VERBUM: ⁊ VERBUM erat apud
⁊ DEUM: ⁊ DEUS erat VERBUM.

Inest vocibus singulis suum pondus.

ERAT productum ab æter-
no; ita ut de illo sit perpetuo
dicere, Erat, & immutabili-
ter, ante sæcula.
Pars II.

Actioe immanente IN suo PRIN-
CIPIO à quo producitur: non sicut
alia quæ ad extra efficiuntur.
Admirabili, Generatione: purissi-
mâ

ma enim tanquam VERBI quod sibi intus generat qui dicit; consimilimum cogitationi progenerantis seu proferentis.

2. ERAT APUD DEUM. Persona distincta à Generante: correlata ad eundem: inseparabilis ab illo: æqualis illi: subsistens juxta & æquè atque ille.

Nam in creatis quidem Verbum, quod formant in mente, est accidens vitale: sed in DEO, in quo nequit esse accidens ullum, est Substantia & consubsistens loquenti, ipsumque audiens. Quæ est præminencia VERBI divini editi perfectissimâ locutione vitali.

3. DEUS ERAT VERBUM. Naturâ seu Deitate eâdem. Hæc enim etiam est præminencia Generationis DEI solius, quod qui generatur Alter quidem sit à Patre, sed de cætero totus unum naturâ & attributis, qui acceperit ipsummet Esse & vivere quod habet is qui generavit.

Quæ ecce est Generatio exactissima: quoniam omnis generatio viventis tendit ad alterum se producendum, communicando ei naturam quantum generans potest eandem: quod si, ut in creatis, non possit eandem individuum, saltem specie dat e-

andem. Nulla proinde alia generatio univoca est ei qua gignitur hoc VERBUM: nulla æquè naturalis, neque tam propriè dicta generatio, Filii naturalissimi omnium; utpote quæ à principio vitæ conjuncto in similitudinem sit omnium summam.

Et quidem sicut generatum omnino est interno verbo commune, similitudinem esse intus expressum à dicente: Imagini quoque hoc commune, ut exhibeat ac repræsentet prototypum: Filio ut referat Patrem tanquam alter ipse: Ita oportet ut perfectissimi sit VERBI, esse similitudinem omnimodis expressam: Imaginis perfectissimæ, repræsentare usquequaque suum Prototypum: Filii perfectissimè generati, sic prorsus referre Patrem, ut, præterquam quod sit alter & genitus, sit ipse omnino unum & id quod est Generans. Adeoque necessario terminus divinæ Generationis est, quam excellentissimè, simul VERBUM Patris, Imago Patris, & Filius.

Summa hujus paragraphi.

Ecce quid erat VERBUM æternè:

Productum Generatione ut VERBUM immanens:

Distinctum Personalitate:

Idem Divinitate.

§. II.

Mentio TRINITATIS.

, Hoc erat in Principio apud DEUM.

1. **A**bsit ut repetitio sit otiosa, cum dicitur: APUD DEUM.

Sensus enim ille: Hæ duæ Personæ, HOC arcanum VERBUM IN

suo intimo PRINCIPIO, ERANT ab æterno simul cum alia & APUD aliam tertiam, quæ etiam ipsa DEUS consors amborum Patris & Filii.

Ita

Triæ tres Personæ unus Deus sint ab æternis & ad invicem referuntur libique correfpondeant & convivunt, inexplicabili diftinctione fimul & unitate.

Atque hoc erat confortium Trini & Unius ab æternitate: Patris, qui eft Origo & produciens perenniter; Filii, qui & productus & coævus; Utriusque horum Spiritus, qui & procedens ab ambobus & coæternus.

2. Quatum Personarum Trium (quod eft Omnium, ut habet Philofophus: & eft contubernium plenum, ut habent Canones) una eft connaturalis Beantudo, Majestas, æqualitas, amplexus Trium & circuminflectio feu inhabitatio fingularum in fingulis, ac fimilitas intima: incomprehenfibilis humane perfonis, digaa Dominus: tota ad intra, ineffabilis ad extra:

3. Et varietas mutua (citra omnem mutationem:) dum Alia producendo exultat, videns fe Patrem, id eft, qui habeat Filium: Alia produciatur & exultat æqualem fe Patri: Ambobus, Pater & Filius, confpirantes, ita ut

qui Spirant fint Deus, & qui Spiratur fit Deus.

Ineffabili unitate communionis, & differentia Proprietatum. Pater in-nafcibilis loquitur Filio, id eft, communicat intelligentiam rerum omnium Filio nafcenti & audienti. Filius fimul & locutione progignitur, & eft Persona quæ loquentem audit: Spiritus fanctus procedit internus velut motus amborum & impulfus fempiternus, ac confubftantialis ambobus. Unaquæque Persona diftincta ab Aliis; & Unaquæque in Alia, nufquam enim magis quàm ubi eft fua effentia, quæ eft eadem in tribus: & qualibet Persona postulat atque in fe certo modo continet Alias Personas tanquàm perfectiones & complementa fibi debita.

Ego inquit Filius, in Patre, ut Verbum in dicente: & Pater in me eft, ut loquens in confubfiftente VERBO: fimiliter & Spiritus fanctus ut amor in amante; & immanenter amans Pater ac Filius in confubfiftente amore.

Quæ funt ineffabilia, & foli Deo experta.

§. III.

Commemoratio actionis in divinis.

Hoc erat, inquit, in Principio apud Deum.

1. **A**ffertio eft, ut dicimus, de illo confortio Personarum. Simul & Refponfo ad Quæftionem: quid ab æternis agebat Deus.

Refpondetur eum: Divinæ Perfo-

næ agebant in & erga invicem. Pater per Intellectum, unde Filius: Ambobus Pater & Filius per Voluntatem, unde Spiritus fanctus. Pater ideo per Intellectum: quia quod produciatur

Y 2 est

est Verbum mentis paternæ; cuius pro-
generatio est actio Intellectus. Ambo
illi per Voluntatem: quia qui pro-
ducitur est Spiritus, id est, impulsus
vitalis; cuius productio est actio Vo-
luntatis.

Ergo Pater æternum generans &
loquens:

VERBUM nascens æternum & au-
diens & repræsentans:

Persona tertia duorum intimam
propensionem & conjunctionem
exprimens æternum.

Pater suâ locutione semel pronuntians
omnia:

Istud repræsentatione suâ enuntians
simul omnia:

Illa de utriusque Spiratione accipiens
& consentiens & condelectans
ob communia omnia.

2. Quærebās, quid ageret Deus.
Respondetur: actione actuosissimā,
immutabili, necessariā; quæ est eadem
ante sæcula & in sæcula: æternæ du-
rationis, æterni fructus, & æternæ
complacentiæ trium Personarum.

Generat, & Generatur:

Spirant, & Spiratur:

Locutio perpetua est, quæ propria
est Patris:

Auditio perpetua est, quæ propria
est Filii:

Utriusque inter se amoris est ex-
pressio perpetua, quæ propria est
Spiritus sancti.

Divinè omnia & singula: perfectè
omnia: & condignè, hoc est, adæqua-
rè ipsi Principio à quo proceditur,
nam & is qui producit, verè Deus;
& VERBUM quod pronuntiando
producit, verus Deus; & ambo-
rum pondus inclinationis, seu Spiritus,
Deus sicut aucto.

3. Hæc intra se TRINITAS opero-
sissima, & inter se jucundissimè con-
versans: sufficientissimā sibi consocia-
tione, ac super-beatā, & perfectissimā
utpote trium:

Pater erga Filium:

Filius erga Patrem:

Utriusque erga Spiritum sui am-
borum.

Pater dans Filio & imprimens:

Filius è sinu Patris excipiens & ex-
primens:

Spiritus sanctus possidens ab utro-
que, & utrumque connectens &
conglutinans indissolubili con-
junctione agentium & nexu in-
ter se ac secum ipso.

AFFECTUS PIUS.

U^m hæc ecceitas verbis S. Joan-
nis: adora mysterium: submite
intellectum, gaude super incompre-

hensibilitate Dei; & eā, quæ græcè
dicitur *ἀδωρῆα*, id est, quod sibi suf-
ficientissimus sit ab æterno.

SECTIO II.

De opere Creationis & Redemptionis.

§. I.

§. I.

Creatio & lapsus Naturæ.

Omnia per ipsum facta sunt: & sine Ipso factum est nihil, quod factum est.

1. OMNIA PER VERBUM, cuique bona valde & bene FACTA SUNT: atque imprimis rationalis creatura omnis, Angeli & Homines; qui etiam conditi in statu supernaturalis gratiæ.

2. DEUS VERBUM factor est omnium: excepto peccato; quod non est inter illa omnia. quia propriè est nihil: & redegit facientes creaturas in nihilum supernaturalis gratiæ acce-

ptæ; partem Angelicæ naturæ, & Humanam totam.

3. Caterùm cum sit NIHIL, illud tamen est ejusmodi QUOD etiam ipsum, quamvis nihilum, suo modo & verè (pro dolor) FACTUM EST: non per VERBUM, sed contra & SINE VERBO; puta, talis effectus qui sit defectus & culpa cujus non est auctor Deus sed vetitor & vindex.

§. II.

Reparatio futura.

In Ipso Vita erat: & Vita erat Lux hominum: & Lux in tenebris lucet: & tenebræ eam non comprehenderunt.

1. VERUM IN IPSO VERBO solo Vita erat æterna, & potestas suscitandi ab interitu sempiterno id quod ceciderat.

ET ea VITA solum Lux HOMINUM: ac, relictis Angelis peccatoribus in caligine perpetua, effulgens super genus humanum radius & decretum ac promissio instaurationis in VERBO!

Jamque IN TENEBRIS, quæ se expanderant super universam terram, cœperat per LUCERE illa LUX, inter figuras & umbram vetitis Legis, cum Naturæ lumine, rûm scripti.

3. At TENEBRÆ NON COMPREHENDERUNT Lucem, quia tantæ erant ut nollent eam capere: etenim dilexerunt homines magis tenebras quàm Lucem,

§. III.

Missio Præcursoris.

Fuit homo missus à DEO, cui nomen erat Joannes: hic venit

T 3

in

, in testimonium, ut testimonium perhiberet de lumine; ut omnes, crederent per illum. Non erat ille Lux, sed ut testimonium perhiberet de lumine.

1. **Q**UAE Lux ut ne diutius lateret sub umbris; ideo, praefinito tempore, palam MISSUS FUIT HOMO A DEO, CUI NOMEN ERAT JOANNES, id est, Gratia: ut ipso nomine testaretur advenisse tempus non jam Naturae tantum, neque Legis quae per Moysen data est, sed Gratiae Dei.

2. HIC VENIT IN eum figem, ut TESTIMONIUM ferret DE adventu Lucis manifesto, quae suo LU-

AFFECT

INter recitandum subde te Creatori: eidem qui & ex nihilo peccati eruit

MINE ab se diffuso disspulura esset tenebras mundi homini; UT OMNES CREDERENT PER ILLUM:

3. At non in illum tamen (hominem Joannem:) qui error significanter est coarguendus Judaeorum, quia NON ILLE LUX, prout elegerant errare, SED UT TESTIMONIUM PERHIBERET DE LUMINE alterius in quem intendebat jam exortum & praesentem.

US PIUS.

te: abjice opera tenebrarum, & ambula in lumine Gratiae ejus.

SECTIO III.

De Personae divinae Incarnatione.

§. I.

Adventus in Mundum.

, Erat Lux vera quae illuminat omnem hominem venientem, in hunc mundum. In mundo erat; & mundus per ipsum factus est: & mundus eum non cognovit. In propria venit: & sui eum non receperunt.

1. **E**RAT LUX VERA QUAE ILLUMINAT OMNEM HOMINEM VENIENTEM IN HUNC MUNDUM. Venit enim unusquisque cum sua propria caligine cui originaliter involvitur, ita ut omni homini opus sit illuminati.

2. Utique IN MUNDO ERAT ut Deus, ET MUNDUS PER IPSUM FACTUS EST: ut merito debuerit ex his quae facta sunt cognosci Creator, Deitate sua & Creatione. Sed enim MUNDUS EUM NON COGNOVIT.

3. Infa-

3. Insupet etiam VENIT ut Homo, arque IN sua PROPRIA, in terram & ad populum cui proprie & primò fuerat promissus & expecta-

tus Redemptor seu Instaurator. ET ecce illi quamvis SUI EUM, cum advenisset ac testimonium ei tale perhiberetur, NON RECEPERUNT.

§. II.

Receptio in Mundo.

Quotquot autem receperunt eum, dedit eis potestatem filios Dei fieri; his qui credunt in nomine ejus. qui non ex sanguinibus, neque ex voluntate carnis, neque ex voluntate viri, sed ex DEO nati sunt.

1. QUOTQUOT AUTEM, seu ex paucis reliquis Judeorum, seu ex Gentilibus longè latèque, RECEPERUNT EUM, DEDIT EIS POTESTATEM FILIOS DEI FIERI; HIS QUI vere CREDUNT IN NOMINE EJUS, eà fide quæ per charitatem operatur.

2. Porro hæc professio fidei, & adoptio filiorum, donum DEI est. NON enim hi filii procreati EX SANGUI-

NIBUS, peccato in quo nati sumus totinos & cul obnoxii. NEQUE EX VOLUNTATE CARNIS, quæ corrupta est in sua propagine ac propensa ad malum concupiscendum. NEQUE EX VOLUNTATE VIRI, quæ impos & liberum arbitrium insufficiens:

3. SED EX DEO NATI SUNT, novà per Christum & gratià prorsus regeneratione; vi cujus nominantur Filii DEI & sunt.

§. III.

Tota Oeconomia VERBI Incarnati.

Et VERBUM caro factum est: & habitavit in nobis. Et vidimus gloriam ejus, gloriam quasi Unigeniti à Patre, plenum gratiæ & veritatis.

1. ETC Ecce unde consequatur potestas, de qua dictum est, Filiorum DEI. ET enim ex quo Filius DEI DEUS factus est homo, consequens est ut homines fiant Filii DEI. debemus hoc acceptum ferre VERBO quod CARO FACTUM EST; per factam videlicet assumptionem, id est,

hypostaticam unionem, Naturæ humanæ ad Personalitatem VERBI. ET HABITAVIT IN NOBIS; homo propter nos, his nobiscum in terris visus & conversatus; docendo nos magna; patiando inter nos mira; patienti pro nobis atque; similis nobis mortalis.

2. ET

176 *Explicatio Evangelii, In Principio erat Verbum.*

2. ET nos sumus qui VIDIMUS GLORIAM EJUS: non soli tunc discipuli qui primi annuntiaverunt, sed & nos posterius quibus annuntiatum est, qui vidimus deinceps majora. gloriam quæ decebat UNIGENITUM naturalem A PATRE: clarificante eum per sua miracula olim & prædicationem; per exaltationem in Cruce & copiosam Redemptionem; per & Resurrectionem talem & Ascensio-

nem; quæ viderunt isti, per & sequentia Signa & conversionem orbis, quam nos videmus & applaudimus.

3. PLENUM, nam ab ejus plenitudine manat in mundum redemptum seu instauratum, *GRATIA ET VERITAS*: Gratia quidem, quæ omnibus ecce offertur: Veritatis, quæ omnibus annuntiatur in universo mundo.

AFFECTUS PIUS.

Qui hæc recitas, compatere ingrato Mundo: exardescere zelo filiorum Dei ac desiderio adoptionis quam plurimorum: profundissime te

inclina & immerge in abyssum contemplationis & amoris Incarnati VERBI, & exurgens exulta de gloria illius.


COROLLARIUM.

Quod est instar Indiculi.

Continentur in hoc Initio Evangelii.

- | | | | |
|-----|--|-------|---------------------|
| 1. | Mysterium Personarum divinarum. | _____ | In Principio &c. |
| 2. | Creatio, | _____ | Omnia per Ipsum &c. |
| | & lapsus naturæ creatæ. | _____ | Sine Ipso &c. |
| 3. | Placitum reparationis humanæ. | _____ | In Ipso Vita &c. |
| 4. | Tempus vetus umbrarum. | _____ | Lux in tenebris &c. |
| 5. | Tempus novum gratiæ, | _____ | Fuit homo &c. |
| | Et officium Præcursoris. | _____ | Hic venit &c. |
| 6. | Judæorum ad horam exultatio vana. | _____ | |
| | Et error in persona Præcursoris. | _____ | Non erat ille &c. |
| 7. | In promptu salus omnibus hominibus. | _____ | Erat Lux vera &c. |
| 8. | Quem Creatorem suum Mundus non agnoscit, | _____ | In Mandatis &c. |
| | Illum nec Redemptorem Judæi voluerunt. | _____ | In propria &c. |
| 9. | Recipientibus adoptio in filios DEI, | _____ | Quotquot autem &c. |
| | Per fidem in eum | _____ | Hi qui credunt &c. |
| | Et regenerationem ex DEO gratis. | _____ | Qui non ex &c. |
| 10. | Incarnatio VERBI. | _____ | |
| | Et Conversatio in terris. | _____ | Et VERBUM caro &c. |
| 11. | Gloria ejus manifesta oculis omnium. | _____ | Et vidimus &c. |
| 12. | Fructus ejus abundantia gratiæ, | _____ | |
| | Et propagatio veritatis. | _____ | Plenum &c. |

F I N I S.



005267012

